





元 脱 脱 等撰

中 華 書 局

卷 一 一

一五至卷一三五(傳) 册

金史卷一百十五

列傳第五十三

完顏奴申 崔立 聶天驥 赤盞尉忻

月,遷東部尙書,復往。八年春,還。朝廷以勞拜參知政事。四 **侍講學士,以御史大夫奉使大元,**[三] 至龍駒河,朝見太宗皇帝。 李麟之受敵帥饋遺,自詔奴申鞫問,得其姦狀,上曲赦其罪,皆斥去,朝論快之。 學士,充益政院說書官。五年,轉吏部侍郎。 完顏奴申字正甫,素蘭之弟也。登策論進士第,仕歷清要。正大三年八月,由翰林直 監察御史烏古論石魯刺劾近侍張文壽、仁壽、 十二月,三還。 九月,改 明年六

汴受圍數月,倉庫匱乏,召武仙等入援不至,哀宗懼,以曹王訛可出質,請罷攻。 天興元年春,大兵駐鄭州海灘寺,遣使招哀宗降。 復以奴申往乞和,不許,攻汴益急。

冬十月,哀宗議親出捍禦,以奴申參知政事、兼樞密副使,CED完顏習捏阿不樞密副使、

列傳第五十三 完顏奴申

以 术甲 之 兼 大 同 戶 夫近 知 判 卢 部 咬 大 開 部 侍 侍 住 睦 封 尙 启 府、 親 郎 南 書完顏珠顆兼裏城四 府事 刁壁 使行省左右司 面 元 1參知 兼 爲 帥 往 都 安撫副 政 點檢 立 事 , 西 使,總招 內族合周管宮掖事 郎中烏古孫 總諸軍留守京師。 面元帥 面 ,孛术魯買 都總領,御史大夫裴滿阿虎 撫 司 奴申兼 規 運 京 , 奴 知宮省 又以翰林學士承旨烏古孫卜吉提控諸王府, 左 外糧 北 副 面 點 斛。 事 元 · (帥。 檢 設 完顏 講議 乙 叉 以 酉 帶 別 所,受陳言文字,以 把撒合為 ,除拜定,以京城 兼鎭 撒 右 (無軍 副 外 點檢溫 民 城 都 東 彈 付之。 敦 壓 面 大理 洄 元 諫 里 帥 卿 議 副 叉

踰 言 納 家 姓 以 有 城 合 歸 第 無 能 糧 詔 城 順 + 德 宅 盡 而 撫 事 爲 之議 諭 走, 輝 र्गा 殍 兵 俄 月辛丑 者 奴 部 戶 樓 仍 ,而二相皆不知也。 聞 、部尙 相 申等遣 侍 以 肆館皆 軍 望,縉 鄎 鞭 , 敗 揖 Ė 書仲平、中 衞 將 出京 之。 撤 人追及 出 紳 孙 以 一、密喩 土 蒼黃 速不 爨。 服 女 之,斬 絳紗 京副 多行乞於市, 解聞 走歸德,民大 奴申 及歸德遣使 於省門。 袍,乘馬導從 留守愛失等總 等覊縶 上 已 出 迎兩 之。 ,復會兵圍汴。 至 恐 汴 有 以 民 宫, 如常儀。 上旣行, 自 其 爲 以上 食其妻子 不 事 人情益不安,於是民間有立荆王監國 救。 親 出 奴申等召辛, 留 時 師 初, [守官及京城父老從至城 者, 汴 日 京 至於諸 聽 內外 以 捷 東面 |辛懼, 報 不 皮器 通 元 且 帥 謀欲 物 米 以二 李辛跋 皆煑 升 出 銀 相 食之, 降 外 持 扈 奉辭, · ', 棄 兩 重 出 一,幸 貴 以 百 馬 怨

天興二年正月丙寅,[刊省令史許安國詣講議所言:「古者有大疑,謀及 卿士,謀 及庶

其詞。 忽聞召京城士庶計事,奴申拱立無語,獨阿不反覆申諭,「國家至此無可奈何,凡有可行當 城出降,是亦春秋紀季入齊之義,況北兵中已有曹王也。 京城官民,明日皆聚省中,諭以事勢危急當如之何。 欲一身飽五十紅衲軍,亦謂之死耶。」阿不款語曰:「今日惟吾二人,何言不可。」好問乃曰: 共議之」,且繼 日矣。」奴申曰:「歸德使未去,愼勿泄。」或曰是時外圍不解, 駕出京今二十日許,又遣使迎兩宮。 曰:「吾二人惟有一死耳。」好問曰:「死不難,誠能安社稷、救生靈,死而可也。 之言白奴申,奴申曰:「此論甚佳,可與副樞議之。」副樞亦以安國之言爲然。 「聞中外人言,欲立二王監國,以全兩宮與皇族耳。」阿不曰:「我知之矣,我知之矣。」卽 今事勢如此,可集百官及僧道士庶,問保社稷、 白之奴申,顧曰:「亦爲此事也。」且問副樞「此事謀議今幾日矣」?阿不屈指 以涕泣 民間洶洶,皆謂國家欲棄京城,相公何 活生靈之計。」左司都事元好問以 有父老七人陳詞云云,二相命好問受 · 衆憤二人無策,但曰「死守」而已。 如在陷穽, 議者欲推立荆王以 以處之。。阿不 好問曰:「自車 如其不然,徒 曰:「七 安

省中、拔劍指二相曰:「京城危困已極, 二公坐視百姓餓死, 恬不爲慮何也。」二相大駭, 曰: 明日戊辰,西面元帥崔立與其黨孛术魯長哥、韓鐸、藥安國等爲變,率甲卒二百橫刀入

「汝輩有事 當 好議 之, 何遽如是。」立麾其黨先殺阿不, 次殺奴申及左司郎中納合德輝

等[5],餘見崔立傳。

『俟 君子 因循 綱 之。 安在 再議 荷 毎 相體。 劉 北 那 且, Às. □ , 見用,雖用 兵壓境,則君臣相對泣下,或殿上發長吁而已。 曰:「金自南渡之後,爲宰執者往往無恢復之謀,臨事相習低言緩語互相推讓,以 七斤不能對,退謂郞官曰:『上問紀綱安在, 竟至亡國。 已而復然。 每有四方災異、民間疾苦,將奏必相謂曰:『恐聖主心困。』事至危處輒罷散,曰 【亦未久而遽退也。」

|亦未久而遽退也。」

|亦字京叔,[元]

渾源 或有言當改革者,輒以生事抑之,故所用必擇愞熟無鋒鋩易制者用 又多取渾厚少文者置之台鼎,宣宗嘗責丞相僕散七斤『近來朝廷紀 汝等自來何嘗使紀綱見我、』故正 兵退,則大張具, 人。 會飲黃閣中矣。

焉。 韋孝寬 哀宗 贊曰 必有以處此。 北 劉 .禦,以 京 叔 歸潛 孤 城 弱 }志 與元 卒託 之奴申、阿不二人,可謂難矣。 裕之壬辰雜編 二書雖微 有異同,而金末喪亂之事猶有足徵者 雖 然, 即墨有安平君

領太原知府。 崔 立 將陵人。 正大初, 少 **貧無行,嘗爲寺僧負鈸鼓,乘兵亂從上黨公開爲都統、提控,** 求入仕,爲選曹所駁,每以不至三品爲恨。 圍城中授安平都尉。 積階遙

興元年冬十二月,上親出師,授西 面 三元帥。 性淫姣、常思亂以快其欲

靈請 爲食。 遇點檢溫 卒二百, 「事當好議之。」立不 則 點檢完 挈 命。 以 藥安 顏 逃。 立 撞省門而 衆皆稱快。 屯 將 國 阿散、奉御忙哥、講議 者管州 阿 日 爲 里,見 變,潛結納之,安國 與都尉揚善入省中候 入。 人,年二十餘,有勇力。 其衷甲,殺之。 顧,麾其黨 是日, 二相聞變趨出, 御史大夫裴滿阿 蒲察琦 張信之、孛术魯長哥出省、[10]二相遂遇 健啖, 動靜,布置已定,召善以早食,殺之。 卽諭百姓 、戶部尚書完顏珠 立拔劍曰:「京城危困, 日 飽之以魚,遂與之謀。 嘗爲嵐 忽帶、 曰:「吾爲二相閉 州 諫議 招撫使, 顆皆死 大夫左右司 以罪繫開封獄 門無謀, _ 一公欲如 先以家置 郎 害。 中鳥古孫奴申、左 今殺之,為汝 何處之。 二年正月,遂帥 西城 馳往東華門,道 , 旣出,貧 上,事 二相 一城 無以 不 副 甲 勝 生

庸左 之, 术魯長 乃遣 帥、尙書令、鄭王,出 遂遣送二 一右司 其黨韓鐸以太后 立 哥 還省中,集百官議所立。 郎中 御 史中丞,韓鐸都元 一賈良 相 所 佩虎 兵部郎中兼右司都事,內府之事皆主之。 入 命往召從恪,須臾入,以太后誥命梁王 御乘輿,稱其妻爲王妃,弟倚 符詣 速不解納款。 帥兼 立曰:「衞紹王太子從恪 知 開 封 府事 凡除拜皆以監國 ,江三折希顏、 爲平章 了二其妹 政事,侃爲殿前 「爲辭。 監 藥安 初,立假安國之勇以濟事 國。 國 公主在北兵中,可 立自 百官 張軍奴二三並 稱 拜 都 太 舞 點 師 Щ 檢。 呼, 軍 元 從恪 其黨 馬 立之。」 帥 都 受

列

傳

第

是復忌之,聞安國納一都尉夫人,數其違約斬之。

燒京城樓櫓,火起,大帥大喜,始信其實降也。 宮,兩宮賜之不可勝計。 蹊妻子皆被掠死。 | 祐、京民||李民望之屬,皆死杖下。 室近族皆置宮中,以腹心守之,限其出入。以荆王府爲私第,取內府珍玩實之。二月乙酉, 自閱之,日亂數人猶若不足。又禁城中嫁娶,有以一女之故殺數人者。 以天子袞冕后服上進。又括在城金銀,搜索薰灌,訊掠慘酷,百苦備至,郕國夫人及內侍高 援劉齊故事以冀非分者,比肩接 日之中,諸門出葬者開封府計之凡百餘萬人,恨不早預其數而值此不幸也。」立時與其妻入 壬申,速不帰至靑城,立服御衣,儀衞往見之。 同惡相濟,視人如讎,期於必報而後已。人人竊相謂曰:「攻城之後七八 立因諷太后作書陳天時人事,遺皇乳母招歸德。 武 溫屯衞尉親屬八人,不任楚毒皆自盡。 立託以軍前索隨駕官吏家屬,聚之省中,人 大帥喜,飲之酒,立以父事之。 未幾,遷梁王及宗 白撒夫人、右丞李 當時冒進之徒爭 旣還,悉

兩 口 了,次取三教、醫流、工匠、繡女皆赴北**。** 宮至開陽門。 匹 月壬辰,立以兩宮、梁王、荆王及諸宗室皆赴青城,日四甲午北行,立妻王氏備仗衞送 是日,宫車三十七兩,太后先,中宫次之,妃嬪又次之,宗族男女凡五 四月,北兵入城。」立時在城外,兵先入其家,取其 百餘

妻妾寶玉以出,立歸大慟,無如之何。

之後,有言其美者,立欲强之。 頗 以軍 坻 自 顏 貌 人,本安平都尉 隨, 娶夾谷元之妻。 -功遙 敬 如 Ž 琦 是者 者山 領 京兆府判,壬辰冬, 數月之後, 再三, 西人、為都尉、在陳州與粘哥奴申同行省事 司千戶 立逐 妻年二十餘,有姿色,立 勢已 欲殺 , 美姿容 固, 琦。 琦 車駕東狩, 遂 了深沉 毎 琦 視賤奴 見立欲奪 又數爲折希顏 有謀,每憤 如部曲 以都尉 初 入妻, 拘隨 然。 權 立 所折辱, 駕官之家屬, 必差其夫遠出, 不 東 道 賤 面 奴 元 ,陳州變,入京,附崔立妹壻折 欲仗義殺之。 積 帥。 乃首建殺立之謀。 家 能 立初反,以 妻 平,數 興病 日 差琦 而 李賤 出 往 賤奴 怨言 奴者 出京, 得 李 一至是 舊 伯 尧。 , 琦 與 燕 敵 與 者 以 琦 體, 琦 嘗 寶 妻 娶

耶 送立 兵 門 所 顏 矿 ? 起 以警 數),元帥 伯淵 還 騎 被創走 往 年 動 王 一,諭 曰:「殺 六月甲午,傳近境有宋 立 黄摑 府,立辭 京城民 梁門外 是夜, 三合殺 汝 何傷。」即 十五 數 立 追 苑 四 殊 斬之。 · ; |伯 秀。 以上、七十 不 安,一 淵 出 折 必 匕首横 希顏後 伯淵係立屍馬尾, 軍,伯淵等陽 夕 欲 以下 百臥 親送,立 刺刺 至不 之, 男子 起。 洞 知,見立 不 省 與立謀備禦之策。 此 疑,倉卒 而 明 中共 太廟 至內前號于衆曰:「立殺害劫奪, 伯 墜 手之抱立 淵等身來 馬, 中 街 就馬 點 謂 集。 與 上抱立。 處, 約立 人 旣 翌日 鬭 還 再 一行及 視 刺之, 晚, 欲 火 立. 前 , 伯淵等燒外封 顧 立從 梳行 解 <u>寸</u>. 日 之,隨 [二汝 墜 成秀. 街 馬 , |伯 烝 欲 爲 死。 淫暴 折 殺 淵 軍 伏 我 丘

列

俥

哀宗。 亦厭其爲所汙。 虐,大逆不道,古今無有,當殺之不。」萬口齊應曰:「寸斬之未稱也。」乃梟立首,望承天門祭 伯淵以下軍民皆慟,或剖其心生噉之。以三尸挂闕前槐樹上,樹忽拔, 已而,有告立匿宮中珍玩,遂籍其家,以其妻王花兒賜丞相鎭海帳 人謂 下士。 樹有靈

世達 與世達等。 石魯宿衞 魯亦宜任 把撒合挈其家亦自拔歸蔡。 尉,其子爲本軍都統。 左司 亦與脅從,尋問道之汴,至是徒往行在, 郎中,同簽樞密院事,充益政院官,皆稱上意。 初,立之變也,前護衞庸鮮石魯負祖宗御容五,走廢。前御史中丞庸察世達、西 九重,崔立之變曾不聞發一矢,束手於人。今雖來歸,待以不死足以示恩,又安得 用,上曰:「世達曲從非出得已,然股猶少降資級以示薄罰。 撒合老矣,量用其子可也。 石魯復充護衞。 七月己巳,以世達爲尚書吏部侍郎,權行六部尚書。 世達字正夫、泰和三年進士。 石魯但當酬其負御容之勞。」未幾,以撒合爲北門都 上念其舊,錄用之。 及上幸歸德, 遺世達督陳 左右司官因奏把撒合、石 彼撒合掌軍一面、江西 糧 運。 世達嘗爲 面 陳變, 元 帥

城 事,我大朝豈肯效尤金人者乎。」金俘人之主,帝人之臣,百年之後適啓崔立之狂謀,以成靑 暴横,輒以 論曰:崔立納款,使其封府庫、籍人民以俟大朝之命可也。 供備大軍爲辭,逞欲由己,歛怨歸國,其爲罪不容誅矣。 曾子曰:「戒之、戒之、出乎爾者反乎爾者也。」豈不信哉。 乘時僭竊,大肆淫虐,徵索 而其志方且要求劉豫之

省驛召,特旨遙領金安軍節度副使,兼行尚書省都事。 官近利,失朝廷體,且取輕外方。」遂忤太后旨。 爲尙書省令史。 主事,權監察御史。夏使賀正旦,互市於會同館,外戚有身貿易于其間者,天驥上章曰:「大 聶天驥字元吉,五臺人。 時胥吏擅威,士人往往附之,獨天驥不少假借,彼亦不能害也。 至寧元年進士、調汝陰簿,歷睢州司候、封丘令。 出爲同 知汝州防禦使事,未赴,陝西行 未幾,入爲右司員外郎, 興定初,辟 轉京兆治 尋授吏部 尚書

州而東,天驥力勸止之,不從,帥坐是被繫逮,天驥降京兆治中。 慶陽圍急,朝廷遣宿州總帥牙古塔救之,以天驥充經歷官。 圍解,從別帥守別,帥欲棄 尋有訟其寃者,即召爲開

中,尋爲衞州行尚書六部事。

封簽事,旬月復右司員外郎。丁母憂,未卒哭,奪哀復 職

天驥嘆曰:「吾幸得死,兒女曹乃爲謁醫,尙欲我活耶。」竟鬱鬱以死。 哀宗遷歸德,天驥留汴中。 崔立變,天驥被創甚,臥一十餘日,口豆其女舜英謁醫救療, 舜英葬其父,明日亦

自縊,有傳。

天驥沉靜寡言,不妄交。起於田畝,能以雅道自將,踐歷臺省若素宦然,諸人多自以爲

不及也。

諭近臣曰:「<u>尉</u>忻資禀純質,事可倚任,且其性孝,朕今相之,國家必有望,汝輩當效之也。」 息。 州防禦使,權許州統軍使。 遷鎮南軍節度副使、息州刺史。耕鞠場種禾,兩禾合穗,進於朝,特詔褒諭。改丹州,遷鄭 尚書省令史、吏部主事、監察御史,言「諸王駙馬至京師和買諸物,失朝廷體」。 未幾,權參知政事。二月,爲戶部尚書,權職如故。三月,拜參知政事,兼修國史。 赤盞尉忻字大用,上京人。當襲其父謀克,不願就,中明昌五年策論進士第。後選爲 丞相高汝礪嘗薦其才可任宰相。 元光二年正月,召爲戶部侍 有韶禁止。

之。 終不能去。尉忻諫曰:「撒合輦姦諛之最,日在天子左右,非社稷福。」上悔悟,出爲中京留 復倚信日深,臺諫每以爲言。太后嘗戒勅曰:「上之騎鞠舉樂皆汝敎之,再犯必杖汝。」良宗 同判睦親府內族撒合輦交結中外,久在禁近。哀宗爲太子,有定策功,由是頗惑其言, 正大元年五月,拜尙書右丞。哀宗欲修宮室,尉忻極諫,至以臥薪嘗膽爲言,上悚然從

時年六十三。一子名董七,沒於兵間。弟秉甫字正之。 五年,致仕、居汴中。崔立之變明日,召家人付以後事,望睢陽慟哭,以弓弦自縊而死,

守,朝論快之。

得死爲願欲,哀哉。

校勘記

監察御史烏古論石魯剌劾近侍張文壽仁壽李麟之受敵帥饋遺 按本書卷一七哀宗紀,

五年三月「乙酉、監察御史烏古論不魯刺劾近侍張文壽、張仁壽、李麟之受饋遺」。「石」作「不」、

「仁壽」上有「張」字。

九月改侍講學士以御史大夫奉使大元 按本書卷一七哀宗紀作「正大五年十二月壬子」完顏訥

申改侍講學士,充國信使」。月份不同。「奴申」作「訥申」蓋同音異譯。

CMJ 十二月 按「十二月」上疑脫「六年」二字。

朝廷以勞拜參知政事 按本書卷一七哀宗紀,天興元年七月「癸未,吏部尚書完顏奴申爲參知

政事」。 則此句當在下文「請罷攻」之後,其「勞」蓋指天興元年春乞和事

クガリ 冬十月哀宗議親出捍禦以奴申參知政事兼樞密副使 按本書卷一八哀宗紀、天興元年十二月

「甲申,詔議親出。乙酉,再議於大慶殿。是日,除拜扈從及留守京城官,以參知政事兼樞密院

副使完顏奴申等留守」。是「十月」當作「十二月」。

第五十三 赤盞尉忻 校勘記

列

傅

- ベリ 諫議大夫近侍局使行省左右司郎中烏古孫奴申兼知宮省事 :烏古孫奴申傳,「哀宗東遷,爲諫議大夫、近侍局使、行省左右司郎中,兼知宮省事,留汴京居 原脫「局使」二字。按本書卷一二
- 守」。今據補。
- -6 事,「二十有一 日 天興二年正月丙寅 戊辰, 西面元帥崔立等爲變」,與本書卷一八哀宗紀合,知「戊辰」誤。 日,忽聞執政召在京父老士庶計事詣都堂」。是月丙午朔,夏遠宗紀。 「丙寅」原作「戊辰」。按下文有「卽命召京城官民明日皆聚省中」,又有「明 歸潛志卷一一錄大梁 二十一日爲丙
- 次殺奴申及左司郎中納合德輝等 輝」 原作「暉」。 按上文作「輝」。 今統一。

寅。今據改。

- [元] 祁字京叔 「祁」原作「祚」、據殿本改。
- [10] 孛术魯長哥出省 「术」原作「水」、據殿本改。
- 汴京破死焉」。皆作「從恪」。 傳令召衞王子從恪爲梁王監國」。 衛紹王太子從恪 「從」原作「承」。 卷五九宗室表亦作「從恪」。 又卷九三衞紹王子從恪傳,「天興元年,崔立以從恪爲梁王, 按本書卷一八哀宗紀、記崔立等舉兵爲亂、「勒兵入見太后、 今據改。下同
- 韓鐸都元帥兼 八哀宗紀記此事作「韓鐸副元帥兼知開封府」。 知開封府事 按上文崔立自稱「軍馬都元帥」, 疑原是「左」或「右副元帥」、脫「左」或「右」字。 韓鐸不得同 爲「都元帥」。 本書卷

[12] 三月壬辰立以兩宮梁王荆王及諸宗室皆赴青城 哀宗紀,天興二年四月「癸巳,崔立以梁王從恪、荆王守純及諸宗室男女五百餘人至靑城,皆 按是年三月乙巳朔,無壬辰。本書卷一八

及於難」。癸巳後壬辰一日,或傳聞之誤,其繫月則不誤,作「四月」是。

[1] 彼撒合掌軍一面 「撒」原作「散」,據殿本改。

[六] 臥一十餘日 「一」疑是「二」字之誤。

金史卷一百十六

列傳第五十四

徒單兀典 石盞女魯歡 蒲察官奴

内族承立 一名慶山奴

細事,令親暱日報之,務爲不可欺。正大間,以兵部尚書權參知政事,行省事於徐州。 時時報復,邊民爲之搔動。一匹典資性深刻,而以大自居,好設耳目, 事 、駐洛陽。 徒單兀典,自己不知其所始,累官爲武勝軍節度使,駐鄧州。 鄧及洛陽兀典皆城之,且招亡命千人,號「熊虎軍」,以剽掠南鄙爲事, 尋遷中京留守, 凡諸將官屬下及民 知金昌府 宋人亦 自恃

天興元年正月,朝廷聞大兵入饒風,得君,論議之際不少假貸,同列皆畏之。

列

傳第

五十四四

徒單兀典

天興元年正月,朝廷聞大兵入饒風,移兀典行省閺鄉,以備潼關。 徒單百家為關陝總

船 壯 尉 關 入 帥 措 同 張翼 大城,糧斛輜重聚之陝州,近山者入山寨避 便宜 悉空下。 華、関郷 總帥納合合閨、秦藍總帥都點檢完顏 士三百餘、保老幼、立水栅。 轉運副使抹燃速也以船八十往運潼關、関鄉糧, 及虎威、鷹揚、葭州劉趙二帥、軍十有一萬、騎五 復盡起州民,運靈寶、硤石倉栗,游騎至,殺掠 帶軍糧數十萬斛,備關船二百餘艘,皆順 百家馳入陝, 榜州民云:「淮南透漏軍馬、慮其道由潼關 北將忽魯罕只乘淺攻之不能克,遇速也船至卽降, 重喜、安平都尉 兵。」 行 會阿 及靈 流 千,盡撒秦藍諸隘之備, 苗秀、三邁窓都尉术甲某、 里合傳旨召兀典 東下。 不勝計。 寶 北 河 俄聞大兵近,糧皆不 夾灘 又遣 陝州 、入援, 義軍 勢不 觀察副 能守, 張信、 工典 從號 大兵得此 逐 振 侯三集 使 縣鎭遷 ·及載, 入陝。 兼 武 與 潼 規

船 知 撫使,力諫 識不 遂破侯、張,殺戮殆盡 是 日 時陝州 無一人,乃以兀典命招之,得壯士八百。 二日得軍八百餘,號「破敵軍」。兀典忌偉得衆,欲挾詐坑之,完顏素蘭 乃 此。 同知內族探春願從行省征進,兀典授以帥職,聽招 尋以偉權興寶軍節 度使,行 兼行元帥府事,領軍三百,屯金 宣差趙三三名偉,亦依 在城民 充軍。 探春 招募 鷄堡。 探春 時為 偉 厚擬官 同 華安 人所

遂下令不復令一人出,大兵亦去。 八兵旣 知潼關 焚棄, 長驅至陝, 賀都喜不待命出城迎戰, 自此潼關諸渡船筏俱盡,偉亦無船可渡矣。 馬蹶幾為 所獲,兀典易以

相公可 爲矣。」兀典大怒,以爲泄軍機,斬之於市,遂行。 資 期 軍,素蘭 日 進發,已而 初,兀 先取衛州, 典發閱鄉,拜天,賞軍,人白金三兩,將校有差。 諫之而 不行, 此。 出其不意。 二月戊午,乃行。 日造銀器及兵幕牌印, 彼知我軍在北, 有李先生者諫曰:「方今大兵俱在河南,河北空虚, 陝州 必分兵北渡,京師卽得 軍士各以老幼自 及鹽司 牌亦奪取之。 州之庫藏,軍資器械,爲之一 隨。 少寬,相公入援亦易 州中亦有關中、河 叉欲 规州民財物以 中

〈奪者。

路 數十騎走山間,追騎禽得,皆殺之。 卽 大軍斬於馬前。 必死,皆有鬭志,然已數日不食,行二百里許,困憊不支,頗亦散走。 軍從西三縣過盧氏,所至燒官民廬舍積聚,慮爲金軍所據,又反守鐵嶺,以斷歸路。 遷避商賈老幼,亦倚兵力從行,婦女皆嫁士卒,軍中亦有强娶 積雪,畫日凍釋,泥淖及脛,隨軍婦 日叛去,大兵以數百騎遙躡其後。 是日,軍出 兩 鄭倜刼苗英降,英不從,殺之,携其首以降,於是士卒大潰。 東門及南門,不遵洛陽路,乃由州 明日,張翼軍叛往朱陽, 女棄擲幼稚,哀號盈路。 西南徑入大山冰雪中。 入鹿盧關,大兵追及降 軍至鐵嶺, 於是, 大兵潛召洛陽 完顏重喜先降, 度州劉、趙兩 兀典、合閨提 金兵知 之。 Щ 大 帥

入鄧。 先是,兀典嘗爲鄧州節度使,世襲謀克黃摑三合時爲宣差都 是役也,安平、盪寇、鷹揚、振威諸都尉,及西安、金雞等軍,脫走者百才一二。 總領,與兀典 親厚,故決計

典乃素蘭也。」父老乃聽百家出城。 百家又募收所棄甲仗。若獲二副,卽以一與之,其一官出直買之。 來,吾州碎矣,願無出迎。」百家曉之曰:「前日兀典欲叔此州,爲素蘭力勸而 月,素蘭竄歸,有報徒單百家言「行省至」,百家欲出迎,父老遮馬前哀訴云:「行省復 陝州自軍出,日 有逃還者,百家皆撫納之,所得及萬人。 由是軍稍振 止,此行省非兀

旨召忽斜虎赴南陽留山寺,以阿不罕奴十剌權參知政事,行省。 李獻能充左右司員外郎。獻能字欽叔,貞祐三年進士。復立山寨,安撫軍民。 九月,鞏昌知府元帥完顏忽斜虎入陝州,詔拜參知政事,行尚書省事。 召百家入援,以權西安軍節度使、行元帥府事阿不罕奴十剌爲金安軍節度使、 五月,總帥副點檢顏盞領軍復立商州總帥。 華州人王某立號州,權刺史。 以河中總帥府經歷 七月, 十月朔 關陝總帥。 制旨 制

往獻糧,或導其發藏。 劉令偉計置兵食,權罷月給。十月,偉軍食又盡,屢白陝省,云無糧可給,偉私謂其軍言: 我與李員外郎有隙,坐視我軍飢餓,不爲存恤。」於是,自往永寧勸喻,偉頗爲 時趙偉爲河解元帥,屯金雞堡,軍務隸陝省,行省月給糧以贍其軍,明年五月,麥熟,省 南縣把隘軍提控以偉橫恣言於行省,四行省遣趙提控者權元帥,守 小民 所信,往

十一月冬至,大兵已攻破元村寨,偉攻解州不能下,於是密遣總領王茂軍士三十人入

永寧元村寨,偉還金雞

冤而 陝州 奴 十 剌 莫敢詰,就授偉元帥左監軍,兼西安軍節度使,行總帥府事。 ,匿菜圃中凡三四日,乘夜,王茂殺北城 李獻能 、提控蒲鮮某、總領來道安, 因誣奏:「奴十刺等欲 邏卒,舉號召偉軍 八百渡河, 反, 食盡。 臣誅之矣。」朝 括 入城级殺 栗,栗又盡 阿不 廷 知 以 其

明年三月降

大兵。

門扇 爲所恨,故被害尤酷 爲箭 乃乘奴 或謂 鏃 偉 聲。 十刺宴飲 軍 餉 州 不繼,以叔掠自資,一日詣李獻能,獻能斬之,曰:「從宜破 人疑叛軍多,不敢動,遂開門納軍。 不設備,選死士二十八人,夜 由 後 殺行省以下官屬二十一人, 河灘踰 城 而 上, 取 餅 敵 爐 不易。」 碎石 獻能 擲 由 是 屋 爈 瓦

知 識 [者曰:「我本小人,受國家官祿,今日 偉之變,絳州錄事 張升字進之,大同人,戶工部令史出身,曾爲漁陽簿,遷絳州 國家遭不幸,我不能從反賊。」言訖赴水死,岸上 錄事 謂謂

合閏、兀典家貲、暴兀典爲罪首,膀通衢云。 及 徒單百家鄭 西 之敗,單騎間 道數百里入京,爲上言兀典等鐵嶺敗狀。 於是籍 重喜

百人皆嗟惜之。

石盞女魯歡,本名十六。 興定三年,以河南路統軍使爲元帥右都監,行 平涼元帥府事

列

務,且以入栗補官,遂得升用,握重兵,當方面,豈能服衆。 防秋在邇,宜選才謀、有宿望、善 先是,陝西行省胥鼎言:「平涼控制西垂,實爲要地。都監女奚烈古里間材識凡庸,不閑軍

將兵者代之。」故以命女魯歡。

業之人,其家屬仰給縣官,每患不足。與成土壤肥沃,又且平衍,臣裨將所統幾八千人,每 以遷徙不常爲病。若授以荒田,使耕且戰,則可以禦備一方,縣官省費而食亦足矣。其餘 彼自救之不暇,安能及我,如此則鎭戎可城,而彼亦不敢來犯。又所在官軍多河北、山西失 護,且令鄜、鞏各屯兵境上示進伐之勢,以掣其肘。 臣領平涼之衆由鎭戎而入,攻其心腹。 突,。金兵常不得利。明年春,當城與戎,彼必出兵來撓。乞於二三月間,徵傍郡兵聲言防 邊郡亦宜一體措置。」上嘉納焉。遷昌武軍節度使。 十一月,女魯歡上言:「鎭戎亦溝川,東西四十里,地無險阻,當夏人往來之衝,比屢侵

盡屯保安、石門、大荆、洛南以爲應援,中間相距遠至百里,倉猝豈能徵集。宜近隘築營,徙 兵艱於餽運,亦合依上屯田,以免轉輸之費。」又言:「每年防秋,諸隘守者不過數十人,餘衆 私,專事漁獵,及當代去,又復保留,此最害之甚者。宜令樞府選舉,以革其弊。又州之戍 禦使、攝帥職以鎭之。又舊來諸隘守禦之官,並從帥府辟置,其所辟者多其親暱,殖產營 元光二年九月,又言:「商洛重地,西控秦陝,東接河南,軍務繁密,宜選才幹之士爲防

見兵居之,以待緩急。 又南邊所設巡檢十員,兵率千人,此乃平時以詰姦細者, 已有大軍,

宜悉罷去。」朝廷略施行之。

守禦,城得不拔。 相傳是安祿山將尹子奇於此攻巡、遠、得睢陽。 爲之,議者恐爲敵所輕,不復用。父老有言北門之西一菜圃中時得古砲,云是唐張巡所埋, 兵,女魯歡令自募一軍,使爲提控,小試而勝,上下遂恃以爲可用。 奴潰軍亦至,城中得之,頗有關志。己巳,提控張定夜出斫營,發數砲而還。 益都諸軍來攻。是日,無雲而雷,有以神武秘略占之者,曰「其城無害」,人心稍安。 掘之得五千有奇,上有刻字或「大吉」字者。大兵晝夜攻城,駐營于南城外,其地勢稍 正大九年二月,以行樞密院事守歸德。 乙丑,大元將忒木縣率眞定、信安、大名、東平、 時經歷冀禹錫及官屬王璧、李琦、傅瑜極力 初患砲少,欲以泥或塼 定平日好談 適慶山

爲游 旣決,水從西北而下,至城西南,入故雕水道,城反以水爲固。 求獻策者欲殺之,而不知所 其 地 ·騎所鈔,無一返者。 三月壬午朔,攻城不能下,大軍中有獻決河之策者,主將從之。 與城中龍興塔平,果決此口則無城矣。及大兵至,不得已遣招撫陳貴往決之,纔出門 四月,以女魯歡爲總帥,佩金虎符。 方大兵圍城,議決鳳池大橋水以護城,都水官言,去歲河決敖游堌時,曾以水平量之, 罷司農司,以其官蕭察世達爲集慶軍節度使、行六 河

列

部侍郎。 溫特罕道僧歸德府同知,李無黨府判。 五月、圍城稍緩、頗遷民出城就食。

歡遣侍郎世達,治中王元慶權郎中,儀封從宜<u>完顏胡土權元帥,護送載糧千五百石</u>。 晦二更發船。 十二月,哀宗次黃陵岡,遣奉職术甲搭失不、奉職權奉御粘合斜烈來歸德徵糧。 二年正月,達瀟城東二十里。 六軍給糧盡,因留船不聽歸,且命張布爲幄,上 是月

遂用此舟以濟。

夜、用撤備、官奴以兵乘之爲亂。明日、攻用軍、用敗走被殺、衆下城投水奪船而去者斯須 官奴有異心。 四百五十人。 辛同鄉里,嘗爲字軍彈壓,在歸德權果毅都尉,車駕至,授以帥職。 及上來歸德,隨駕軍往往出城就糧,時城中止有馬用一軍近七百人。用,山西人,與李 河北潰軍至者皆縱遣之,故城中惟此兩軍。上時召用計事,而不及官奴,故 朝廷知兩人不協,恐生變。三月戊辰,至制旨令宰相錫宴省中,和解之。是 此軍外復有官奴忠孝軍

提兵入見,言「石盞女魯歡等反,臣殺之矣」。上不得已,就赦其罪,且暴女魯歡之惡。後其 姪大安入蔡,上言求湔雪,上復其官,語在烏古論鎬傳。 遂以一馬載之,令軍士擁至其家,檢其家雜醬凡二十甕,且出所有金具,GSJ然後殺之。 卽 官奴在雙門,驅知府女魯歡至,言汝自車駕到府,上供不給,好醬亦不與,汝罪何辭。

禾速嘉兀底代女魯歡爲總帥 ",軍變, ,官奴無意害兀底,使二卒召之,道官奴有善意, 兀

底喜 各以金十星與之,同 見官奴。 二卒 復恐 受金 事 泄 亦 ·殺之。

往宿 洶。 從 其 願 州 二月庚子夜,劫府民武邦傑及蒲察齩住等凡 初 就食, 河 ,以劵給之,軍心稍定。 北 軍 潰 軍至 士 有 歸德, 不願者,醉 糧餉不給。 旣 語 道 而 中 令求醉語者,阿海得 ,朝廷聞之, 朝廷命孛术 九家,一 使問 魯阿海 其故。 四 行總 軍遂散。 人, 帥府事,以親 或言 斬之國 數 顧 日 子 入京或陳州 ,遂有官奴之變。 監前 軍武衛皆隸 由 是諸 [311] 海 請 洶

鞍馬 不 · 逞博 資 蒲察官奴,少嘗爲北兵所虜,往來 為 貨 有司 卽 自 所 拔 劾 歸 事 朝 ·聞,以其新 廷 以 其 種 人, 自 河朔。 河朔 特恩收 來,未 後以姦事緊燕城 充忠孝 知 法禁? 軍萬戶 詔 勿 0 問 獄,劫走 此 軍 月給 夏津,殺 甚 優, 回総 官 奴 使者得 日 與

宋 粘 入 自 合 鄧 制 欲 說 使 移 以 就甕城 刺 鄧 蒲 取 帥 鄧州 四 粘合 疑。 中擒 攻 平陽 自效 官奴 稱欲 之。 官奴 ,制使信 掩宋軍 官奴 劫南 清行 軍為: 知 得馬三百、至鄧州城下, 之,至 事 論 泄 北 歸 與 功 卽 第 同 馳還, 燕飲。 遷 留 哥 見 本 制 以 已 軍提控,佩金符。 情告粘合 使 而 得騎 , 知 移書粘合辨理 汴 兵五 城罷攻,復謀 官奴 百 掠鄧 繼 三峯 屈 以騎卒十 之邊 直, 北 Щ 之敗,走襄陽, 歸。 留馬 面 餘 小 遣移刺 於 城 入 鄧 城 獲 而 議 半半 留 哥 說

二五四

Ŧ.

奴

列

入北 北軍、行數千里而不懾,其智略有可取者,宰相以爲然,乃使權副都尉。 乃縛忠孝軍提控姬旺,詐爲唐州太守,械送北行,隨營帳取供給,因得入汴。 有言其出入南 以軍至黃陵,幾獲鎭州大將,於是中外皆以爲可用,遂拜爲元帥,統馬軍。 軍獵騎中,生挾一回紇而還。遂巡黃陵、八谷等處,劫牛羊糧資甚衆,尋轉正都尉。 未幾,提軍數百馳 叉

渡河朔,惟官奴一軍號令明肅,秋毫無犯。 不得已從之。乃召諭官奴曰:「女魯歡盡散衞兵,卿當小心。」 食寡,懼不能給,請於上,令河北潰軍至者就糧於除、宿、陳三州,親衞軍亦遣出城就食,上 天興元年十二月,從哀宗北渡。上次黃陵岡,平章白撒率諸將戰,官奴之功居多。 明年正月,上至歸德。 知府石盞女魯歡以軍衆 及

德。[t] 官奴旣總兵柄,私與國用安謀,欲邀上幸海州。 升爲元帥,又嘗召之謀事,而不及官奴,故官奴始有圖用之志。是時,大元將忒木解攻歸 是,左丞李蹊、左右司郎中張天綱、近侍局副使李大節俱爲上言官奴有反狀。上竊憂之,以 廻,附奏帖,謂海州可就山東豪傑以圖恢復,且已具舟楫,可通遼東。 馬軍總領統石烈阿里合、內族習顯陰察其動靜,與朝臣言及,則曰:「我從官奴微賤中起爲 上北渡,再圖恢復,女魯歡沮之,自是有異心矣。且一軍倚外兵肆爲剽掠,官奴不之禁。 是時,惟官奴忠孝軍四百五十人,馬用軍七百人,留府中。 及近侍局直長阿勒根兀惹使用安 用本果毅都尉,上至歸德始 上覽奏不從。 又嘗請

官奴 刺、都事冀禹錫赴水 馬 逡巡而退。 大帥,何負而反耶。 前,上初握 石盞女魯歡 用 亂 相 殺 圖 軍 劍,見實,擲劍於地曰:「爲我言於元帥,我 因以 凡殺朝官左丞李蹊已下三百餘人,軍將、禁衞、民庶死者三千。 民,以卒五 至其家,悉出 爲 亂 死 卿等勿過慮。」阿里合、習顯知官奴漸不能制,反泄上意。 一十人守行 命宰執置 所有 金 酒和 具,然後殺之。 宫, 劫朝官皆聚於都水毛花輦宅, 解之。 用撤 乃遣都尉馬實被甲持刃劫直長把奴申於 備。 左右止有此 俄官奴乘隙率其軍攻用, 人,且留侍我。」實不敢迫, 以兵監焉。 鄓 上亦懼官奴、 中完顏胡 驅 用 參 軍 知 敗 政 走。 上 專

經畫守禦 禹 錫 八一府倚 字京甫 重。 龍山人。 聞變,或勸以微服免,不從,見害。 至寧元年進士,仕歷州郡有能聲。 歸德受兵,禹錫爲行院都事,

是 日 薄暮 ,官奴提兵入見,言:「石盞女魯歡等反,〔5〕臣殺之矣。」上不得已,赦其罪,以

爲樞密副使、權參知政事。

往 與忒木艘議和事,令阿里合往言,欲劫上以降。 與之,勿令還營。 來講議、或乘舟 初 了官奴 之母,自河北軍潰,北兵得之。 中流 因 知王家寺大將所在,故官奴畫斫營之策。 會飲。 其遣來使者二十餘輩,皆女直、 至是, 忒木解信 上乃命官奴因其母 之,還其 契丹人,上密令官奴以金銀牌 母,因定 以計 和 請 計。 和, 故官 官 奴 奴密 乃 日

傳第五十四 蒲察官奴

列

退。官奴即聚軍北草場,自言無反情,今勿復相疑也。遂畫斫營之策。 言,今後勿復言講和,北使至卽當殺之。」官奴曰:「殺亦可,不殺亦可,奏而殺之亦可。」張乃 母自北中來,疑我與北有謀,卽殺之,我不恨。」脹意稍解,卽以好語與之約曰:「果如參政所 曰:「汝欲獻主上,我輩皆大朝不赦者,使安歸乎。」官奴懼,乃以其母出質,云:「汝等若以吾 先是,忠孝軍都統脹姓者,謂官奴決欲劫上北降,遂率本軍百五十人圍官奴之第,數之

潰,溺水死者凡三千五百餘人,盡焚其栅而還。 遂眞拜官奴參知政事、兼左副元帥,仍以御 初小却。再進,官奴以小船分軍五七十出栅外,腹背攻之。持火槍突入,北軍不能支,即大 馬賜之。 夜殺外堤邏卒,遂至王家寺。上御北門,繫舟待之,慮不勝則入徐州而遁。 五月五日,祭天。軍中陰備火槍戰具,率忠孝軍四百五十人,自南門登舟, 四更接戰,忠孝 由東而北,

繩繫槍端。 槍制,以勅黃紙十六重爲筒,長二尺許,實以柳炭、「亞」鐵滓、磁末、硫黃、砒霜之屬,以 軍士各懸小鐵鑵藏火,臨陣燒之,焰出槍前丈餘,藥盡而筒不損。蓋汴京被攻

已嘗得用,今復用之。

無不亡之國、不死之君,但恨我不知用人,故爲此奴所囚耳。」於是,內局令宋乞奴與奉御吾 兵旣退,官奴入亳州,留習顯總其軍。上御照碧堂,無一人敢奏對者,日悲泣云:「自古

古孫愛實、 納蘭忔荅、女奚烈完出密謀誅官奴。 或言,官奴密令兀惹計構國用安, 脅上傳

位,恢復山東。事不成則獻上於宋,自贖反復之罪。

拔劒斫 奴 召 憤 宰 . 相 憤 官 之。 奴以己未往亳州。 議 而 事 出,至於 て、完出 官奴 中創投階下以走,日日完出叱忆苔、愛實追殺之。 伏照碧堂門間。 扼腕頓足, 意趣叵測。 辛酉,召之還,不至。 官奴進見,上呼參政,官奴即應。 上決意欲誅之,遂與 再召,乃以六月己卯還。 內侍宋乞奴 完出 從後刺其肋,上亦 處置,令裴滿 上諭以幸蔡事 抄 合

軍 僧 而 完 死。 忠孝軍 帥 山兒、 乞奴、愛實、忔荅皆授節度使、世襲千戶 於是,上御 白進 聞難皆擐甲,完出請上親撫慰之。 阿里合。 雙門,赦忠孝軍以安反側。 進先至,殺之堂下。 た、完出 名呼李泰 阿里 除崔立不赦外,其餘常所 「兼殿 合中路 和,授以虎符,使往勞軍,因召范 前 右 覺其事,悔發之晚,爲 衛將軍,范陳僧、王山 不原 者咸赦之。 亂箭 見忠孝 所 射 陳

言其 惟官 南 遷者 奴 城 初 斬 以嘗從點檢內 ,官奴解睢陽 池 兵 衆 糧 以官奴 果不足恃,上已在道,無可奈何。 之圍 族 爲 無君 斜 ,侍從官 烈 諷 過蒸,知其備 上早爲 屬 **外苦飢窘**, 計, 禦不 會其變,遂以計 皮 及蔡受兵,始悔不用官奴之言,特詔尚書省 聞 雕 蔡州 陽 城池 力爭 誅之。 堅 以爲 固、 不可, 後 兵衆糧 遣鳥古論 故號 廣, 於 浦鮮 咸 次衆日 勸 如 上南幸。 :「敢言 蔡,還

列傳第五十四 蒲祭官奴

月

給

其

母

妻

糧

俾無失

所

遂奔亳。 把奴申鞫問、顯伏罪下獄。官奴變、顯脫走、殺總領完顏長樂於宮門、殺道僧、奴申於其家、 習顯旣黨官奴,一日率忠孝軍劫官庫金四千兩。 及官奴伏誅,詔點檢阿勒根阿失荅卽亳州斬顯及忠孝軍首領數人。兀惹使用安 上命歸德治中溫特罕道僧、帥府經歷

未還,伺於中路,數其罪殺之。

愈見寵幸,以爲殿前右副都點檢。 衞軍副都指揮使,兼提點近侍局。 變。 所募兵往援。 內惟怯無所有。日日至寧初,宣宗自彰德赴闕,慶山奴迎見于臺城。宣宗喜,遣先還中都觀 「汝雖授此職,姑留侍朕,遇闕赴之,仍給汝副留守祿。此朕特恩,宜知悉也。」貞祐初,遷武 宣宗旣卽位,以承立爲西京副留守,權近侍局直長,進官五階,賜錢五千貫,且詔曰: 內族慶山奴名承立、字獻甫、統軍使柺山之子、平章白撒之從弟也。 俄為元帥右都監,行帥府事,兼前 胡沙虎專權僭竊,嘗爲宣宗言之,後胡沙虎伏誅,慶山奴 三年,大元兵圍中都,詔以慶山奴爲宣差便宜都提控,率 職。 爲人儀觀甚偉,而

以與之可也。 四年,知慶陽府事,兼慶原路兵馬都總管,以所獲馬駝進,詔諭曰:「此皆軍士所得, 朕安用哉,後勿復進。」因令偏識諸道帥府焉。

興定元年正月,大元兵及夏人廻經寧州,慶山奴以兵邀擊敗之,以功進元帥左都監,兼

奴金帶 去,凡 保 秦寨,慶山 面 攻之,士卒方登陴,援兵 大軍節度使,行帥府事於鄜州。 二年五月, 斬首1 馬吉峯,殺百餘人,斬酋首二級,生擒數十人,獲馬三十餘 将 八 奴遣提控納合買住討之。 百級。 立 一賞変 有差。 俄 而 ,復攻寨據之,慶山奴率兵與戰,斬首五 大至,復擊走之。 四年 四月,破夏 夏 人以步騎二萬逆戰, 兵于宥州 夏人率步騎三千由葭州入寇,慶山奴 ,斬首千餘級,遂圍 買住 千級,復其 擊敗之, 疋。 三年四月,夏 神堆 夏 寒。 人由 慶 葭 詔 Ш 賜 蘆 以兵逆 人 據 慶 奴]]] 通 Щ 匹 遁

爲 出 不繼,民 定 或 正 已而 軍 大 疲奔 四年, 節 度 全軍 命,愁嘆盈路。 使,又以受賂 李全據楚州 盱眙界,二帥 奪 詔 諸 一官。 相 迎 以 慶 敵 不 肯 山 大 敗 奴 E 言,樞 為元 死 者萬 帥,同總帥完顏訛 密 餘 判官白 人, 委棄資仗 華拜章乞斬之以謝 可將兵 甚 衆。 、守盱眙,且令城守勿 時 軍 天下 無 見 糧 轉輸 降

朝 有 廷 病 卒 不 八 許。 年 白 正 「瘦 月,鳳 十月 馬 慶 翔 二百,承立懼 破, 山 奴 兩 棄京 行省 光還朝,江三留 不 **!徙京:** 能守,屢 兆 居民於 上 奏請還。 同 河南, 知 乾 州 令慶山 軍 毎 奏 州 事 奴以行省守之。 帖,附 保 義軍 其 提控 兄 白 一一 撒 琪守 時京 書 一,令爲 之。 兆行 省止 地,

典 省事 慶 山 於 奴 徐 行 州 至 関郷 九 年 京宗遣 Ė 月,自徐 近 侍 裴滿 引兵 入援,選精銳一萬五千,與徐帥完 七斤 授 以 黄陵 岡 從宜, 不 聽 入見。 顏 未幾, 兀 論 統之,將趨 代 徒 單

列

歸德 慶山奴馬躓被擒、惟元帥郭恩、都尉烏林荅阿督率三百餘人走歸德。 聞大兵且 義勝 至,懼此州不可守,退保歸德。 軍總領侯進、杜政、張興等率所部三千人降大兵。 二月,行次楊驛店,遇小乃解軍,遂潰。 慶山奴留睢州三日不敢進, 兀論戰死,

眞定 議者以承立累敗不能解其軍職,死有餘責,而能以死報國,亦足稱云。 及見大帥。忒木解,誘之使招京城,不從,又偃蹇不屈,左右以刀斫其足折,亦不降,即殺之。 [五路<u>史</u>萬戶也。]承立曰:「是天澤乎。] 曰:「然。」曰:「吾國已殘破,公其以生靈爲念。」 大兵以一馬載慶山奴, 擁迫而行, 道中見眞定史帥,承立問曰:「君爲誰?」史帥言:「我

以 |奴以爲行部郎中,死||楊驛。 俄大兵圍||睢州,以無主將,故殘破之甚也。 自便。 初 ,惟州刺史張文壽聞大兵將至,遷旁縣居民入城,大聚芻粟,然無固守意,日夜謀走 旣而,聞承立入援,卽以州事付其僚佐,託以應援徐兵,夜啓關挈家走歸德,慶山

用 疏 屬,故白撒、承立、兀論輩皆腹心倚之。 兀論,丞相賽不之姪,元光間例以諸帥爲總領,兀論以丞相故獨不罷。 金朝防近族而

何 異幽囚,其事與梁武、侯景大同而小異。 贊 目 官奴素行反側,條南條北,若龍斷然。 徒單兀典、慶山奴爲將皆貪、宜數取敗。 哀宗一旦倚爲腹心,終爲所制,照碧之處 女魯歡

校勘記

- 徒單兀典 按本書卷一四宣宗紀作「徒單吾典」,蓋同音異譯。
- 安平都尉苗秀 「安」原作「高」。按金末都尉有「安平」之號。 本書卷四四兵志載「天興初元有

十五都尉」,其中有「申裕安平完顏斜列」。又卷一一三白撒傳、卷一一五崔立傳、卷一二三完顏

陳和尚傳、卷一二四蒲察琦傳皆有「安平都尉」,本傳下文亦云「是役也,安平、盪寇、鷹揚、振威 諸都尉及西安、 金雞等軍脫走者百才一二」。今據改。又「苗秀」下文作「苗英」,卷一七哀宗紀

同。疑此處誤。

- 尋以偉權興賓軍節度使 按「興寶軍」或是「寶昌軍」之誤、參見本書卷一八哀宗紀校記〇一」。
- 南縣把隘軍提控以偉橫恣言於行省、按金無「南縣」,疑有脫誤。本書卷二六號班表,陝州有洛
- /" 五 三月戊辰 南縣、「南」上或脫「洛」字。 原作「二月戊辰朔」。按本書卷一八哀宗紀,天興二年「二月丙子朔」,無戊辰。又

明記三月「戊辰、官奴以忠孝軍爲亂」。 戊辰是三月二十四日,今改「二月」爲「三月」,並删

「朔」字。

列傳第五十四 校勘

記

ベベン 且出所有金具 「具」原作「貝」,據殿本改。 下同。

トナノ 大元將忒木解攻歸德 「攻」原作「守」。按本卷石盞女魯歡傳,「正大九年二月, 以行樞密院事

守歸德。 乙丑、大元將、武木解率眞定、信安、大名、東平、益都諸軍來攻」。本書卷一一七點哥荆

山傳,天興「二年夏四月,北省忒木斛攻歸德」。作「攻」是。 今據改。

「石盞」原作「赤盞」。

同音異譯。

今與本卷傳文統一。

石盞女魯歡等反

八 九 凵 實以柳炭 「炭」原作「灰」、據殿本改。

官奴中創投階下以走

「階」原作「城」,據文義改。

而內恇怯無所有 「惟」原作「惟」,據殿本改。

十月慶山奴棄京兆還朝 按本書卷一七哀宗紀記此事在九月。

金史卷一百十七

列傳第五十五

徒單益都 粘哥荊山 劉均附 王賓 王進等附

國用安 時青

兵。長壽軍無紀律,大兵掩之,一軍皆覆,徐危甚。益都籍州人及運糧埽兵得萬人。 辛丑,大兵守徐張盈渡。。益都到官才三日,懼兵少不能守,卽令移刺長壽率甲士千人迎大 大兵傅城,燒南關而去。侯進旣降北,卽以爲京東行省,進遂請千人來襲。 奴撤東方之備入援,未至睢州,徐、邳義勝軍總領侯進、杜政、張興率本軍降大兵於永州。 徒單益都,不詳其履歷,嘗累官爲延安總管。正大九年正月,行省事於徐州。 二月庚申未明, 時慶山 乙巳,

直兵三百,由黃樓而南,力戰禦敵。亂定,遷賞有差。

而,侯進亡命駐靈璧,杜政、張興亦慮爲北所害,窮窘自歸。 由 是, 軍勢稍振,復奪張盆渡,取蕭縣,破白塔,戰於土山, 益都撫而納之,興留徐,杜政還 救被俘老幼五千還徐。 旣

邳州。

十餘人,斬之于市,遂以封仙爲元帥,兼節度使,主徐州。 戌,國用安以行山東路尚書省事率兵至徐, 張興率甲士迎之。 興 統封仙、遙授永州刺史成進忠輩,乘軍政廢弛,城中空虛,以六月丁巳夜燒草場作亂。時張 千七百人,盆都常倚之,雖有過亦不責。以故滿亦橫恣,與河間張祚、下邑令李閨、義勝都 面 總領劉安國軍。張興推滿爲都元帥,復懼滿圖已,遂誅滿,幷張祚殺之,因大掠城中。 臥病,補恐事不成,起興與同行。盆都疑左右皆叛,挈妻子縋城而出,就從宜衆僧奴及東 益都資禀仁厚,持大體,二子兩姪爲軍將,頗侵漁軍民。 青州人王祐爲埽兵總領,將兵 用安輕騎而入,執興與其黨

南。 安,謀就徐州將士內外相應以取宿,因歸楊妙眞。 弟高元哥軍。 時宿 益都窘無所歸,乃奔宿州,節度使紇石烈阿虎以益都爲人所逐不納,乃與諸將駐于城 之鎭防軍有逃還者, 劉安國尋亦入城,縛阿虎父子殺之。 阿虎以爲叛歸亦不納。 州中請益都主帥府事,益都不從曰:「吾 甲戌夜半,開門納徐州總領王德全 城中鎭防千戶高臘哥, 結小吏郭仲 | 及妻

改易髻髮、奪人城池、以降外方乎。」卽日,率官吏而行,至穀熟東,遇大兵,不屈而 國家舊人,爲將帥亦久,以資性疏迁不能周防,遂失重鎭。今大事已去,方逃罪不暇, 死。

國亦送款 徐州 海州。 旣歸海州,邳帥兀林荅某亦讓印於杜政,遂送款於用安。 惟益都不改髻髮,口以至於死云。 已而,宿州王德全、劉安

約同 籍 州 鹿邑,營於衞眞西北五 城下。 城 行。 中丁壯為 粘哥荆 五 月,縱遷民收麥,老幼得出,丁壯悉留之。 州) 新 知 勢 不 支 , 卽 山,不知其所始,正大中,累官亳州節度使。九年正月已丑,游騎自鄧至亳,鈔 止有單州 軍,修守具,而大兵亦不暇攻。 兵四百人,號「鎭安軍」,提控楊春、邢某、都統戴興屯已六年。 十里。 明諭 縣人以避遷之意,遂同走亳。丁未,二邑皆降。 鹿邑令高昂霄知太康已降,卽夜趨亳,道出衞眞,呼縣令楚珩 四 月,擁降民而北,城門閉,不之知也。 民往往不肯留而遁,數日,城爲之空。荆 是日,軍至亳 荆 Щ 悉

總 終 以 領 統 盜 之。 賊待之。 旣至,「鎭 荆山 以遷民為軍 (安」疑其謀己, ,蓋防之也。 乃乘將士新到不設備,至夜, 及召外 兵不至,乃請於歸德,得甲騎百餘,兩 掩殺 始盡。 荆 Щ 出走衛

Ш

遣

將領各詣所屬招

之,幷將領亦不返。

「鎭安」者皆紅襖

餘黨,力盡來歸,變詐反覆,朝廷

第五十五 粘哥荆山

列

傳

真,楚珩與之馬而去,州中豪貴悉被剽略。

劉堅 城 遣 之。 乙巳,大兵石總管 が那尋病卒。 人异致之,邢指屠大罵,屠慚恧無言。 一坐樓 屬縣皆下,惟城父令李用宜不降,其妻子在亳,春以爲質,竟不 劉 堅者,初爲 上,召副提控邢某。 大兵守城父,亳州復,擒之,囚之於獄。楊春謀欲北降,乃出之,使爲宣差。 入州,改州爲順天府,春爲總管,戴興爲同知,劉順 邢剛直循理,將士嚴憚之,時臥病,聞春亂,流涕不自禁。 春欲殺荆山家,邢力勸止之,且令給道路費送之出 治中,留党項軍千人戍 屈而死。 春旣據州,與 春

大兵 月, 濱遂反正 仗入蔡。 (三)宋人來攻,春出降,劉堅北走。 (來攻)不能拔,殺屬縣民 二年夏四月,三 一、春渡河北 八月,劉順攻亳州, 遁。 北省忒木斛攻歸德,春以戴興提精卒以往,獨與疲弱者守城,州人王 旣而,崔七斤爲亂,殺王賓,朝廷不得已,以七斤爲節度使,就其兵 破之, 而 去。 旣 七斤爲城父令所殺。 渡 河,知亳人不疑,復來攻, 未幾,單州 州竟爲春所破。 軍以州 人殺其家屬,召 是年六

其家 取朝服服之,顧謂妻子曰:「我起身刀筆,仰荷上知, 劉 均者林慮 人,時爲亳州觀察判官。 春旣逐荆 山,納款大兵,脅均同降。 始列朝著,又佐大藩,死亦足矣。 均佯 應之,歸

賓字德卿 ,亳州人。 貞祐 二年進士。 外若曠達,而深有謀畫。 初調蘭陵主 一簿,辟 虹

縣令,尋入爲尚書省令史,坐事罷歸鄉里。

守之。 攻, 聞。 月餘不 哀宗嘉之, 天 興 賓 與 元 能拔,即渡 前 年正 譙 授進節度使, 縣 月,圖亳州 尉 王 河 進、 而 北 魏節亨、 軍 賓 · 變, 同 知 節 呂鈞 節 度使 度 使, 約 粘哥荆 城 節亭節 中軍 山出走,楊春以州出降。 民 度副 復其 使, 州 鈞觀察判官。 楊 春 逐遁, 遣節亨詣 旣 楊 而 春 ,自以羸 復 以 歸 兵 德 來 兵 以

跪 |綱 行。 **萱之,就遷有功將** 克。 問 涕 會天 上初 日 六月,哀宗遷蔡,賓 淚 俱 綱 卽 至亳,實等適徵 下 欲 與賓等於 見 濱岸: 殺 士。 然 容 不懼, 時毫之糧儲不 我 樓上銓次立 奉迎 民 望闕拜辭 T 於州北之高安,上 大叫曰:「不過殺 負鐵甲入蔡, 功等第, 廣 賊 ,賓等常吝惜,軍 日二 及 鎭 無預 我。 會計忠孝 一與語大悅,恨用之晚,擢爲行 防軍崔復哥 相 但 公。 殺, 軍 士以 卽 但殺。」乃並 家屬 拽 此 王六十之徒 賓 口 歸 及 .糧, 怨。 呂 害之。 鈞 故留 及 往 擐 運甲之役 |参知 र्ग 甲譁 部尚書、世 節 中。 度 政 課 副 鈞 事 復 登樓,天 使 且 張 一襲謀 魏 不 行 天 節 欲 且. 綱

亨、節度判官孫良、觀察副使孫九住皆被害。 又數日,殺節度使王進。

汴,以勞遷本州節度判官,

(E) 賜以白金,亦不受,一時甚稱之。 進嘗應荆山之募,由間道入汴京納奏,賞以物不受,又散家所有濟貧民,以死自勵。 至

獨與三人間道入城,王進方議遷左軍林,喜住不可,進即以兵付喜住。大兵攻八日不能下, 五月壬子,兵退。 正,制旨以喜住爲振武都尉,將兵三千應援。是時,太赤圍亳步騎十萬,喜住以衆寡不敵, 有李喜住者,本宿州衆僧奴下宣差。天興二年四月,進糧入歸德,將還,聞亳州王進反

選軍扈從入聖朶就武仙軍,遂入關中。關中地利可恃,又有郭鰕蠏等軍在西可恃。 子,召官奴還歸德,不赴,再召,留其軍半於亳乃赴。 己未,官奴與阿里合提忠孝軍百人至亳,與諸將議遷可否。以爲不可,當留輜重於綦, 五月甲

守矣。乞留治此州。」詔以喜住爲集慶軍節度使,便宜從事,進領帥職。 先往城父督糧餫,聞亂遂不敢入亳,後投宋。 六月壬辰,車駕舟行至亳,王進奏:「臣本軍伍,不知治體,如李喜住扈從入廢,則亳不 七月,進死。

論 日 :金季之亂,軍士欲代其偏裨,偏裨欲代其主將,卽羣起而饋之,無復忌憚。 益都、

荆 山皆忠亮之士,賓、進才略尤足取焉,而並不免於難,惜哉。

或 用安先名安用,本名咬兒,淄州人。 紅襖賊楊安兒、 李全餘黨也。 嘗歸順大元,爲都

元帥、行山東路尚書省事。

歸 宿 帥 州 徒 海 單益 鎭 州 天興元年六月,徐州 防軍 都。 邳 州 于 戶高 從 安 宜 用 率兵 兀 臘 林荅某亦 哥 與 入徐,執 婦兵總領王祜、義勝軍都統封仙、總領張興等夜燒草場作亂,逐元 東 面 讓州 總 張 帥 興與其黨十餘 劉 於 杜政 安國 構徐州總帥王德全,殺宿 送数 海州 人斬之,以封仙 旣 而 皆 歸 爲元帥兼節度使,主徐州 安用 帥紇石烈阿虎,以其州

北 大將阿 术魯 聞 安用 據徐 宿 邳 大怒 曰:「此三州我當 攻 取,安用 何人,輒 受降。」遣

信安 盟 等數 諸將皆 百 、張進等率兵入 與楊妙 散 去, 安用 眞 八徐,欲回 絕 無 乃還 所 圖 歸, 安 邳 用, 州 遂 同 奪其 會山 德全 軍。 東 安國 諸 安用 將及 託 懼,謀於德全, 徐 從宜衆僧 宿、邳主 奴自 帥 刑 劫 通於 殺 馬 張進及海州 朝 結盟 廷。 誓 衆 僧 歸 奴遣人上 金朝。 元 帥 田

列傳第五十五 國用安

圖,悉屠安用家走益都。安用遂選兵分將,期必得妙眞,自此淮海之上無寧歲矣。 歸國,安用亦自知反復失計,事已無可奈何,於是復金朝衣冠。 奏:「安用以數州反正,功甚大。 足以堅其許國之心。」未報。 安用率兵萬人攻海州,未至,衆稍散去。 且其兵力强盛,材略可稱。 國家果欲倚用,非極 妙眞怒其叛己,又懼爲所 、安國因勸安用當赤心 品重權不

完顏,附屬籍,改名用安,賜金鍍銀印、馳紐金印、金虎符、世襲千戶宣命、勅樣、牌樣、御畫 章政事、兼都元帥、京東山東等路行尚書省事,特封克王,賜號「英烈戡難保節忠臣」,錫姓 儀,以主事常謹等隨使者奉表入謝。 廷賜物遍觀之,喜見顏色。復與使者私議,欲不以朝禮受之,世英等不可,卽設宴拜授如 從吾計出軍,中興久矣。朝廷乃無一人敢決者,今日悔將何及。」言竟而起。 大兵攻汴,嘗於開陽門下與侯擊議內外夾擊。此時大兵病死者衆,十七頭項皆在京城,若 輩皆不欲宣言,欲殺使者。明日,用安乃出見使者,跪揖如等夷,坐定,語世英曰:「予向隨 未決,以總領楊懋迎使者入,監于州廨,問所以來。世英對以封建事,意頗順。諸帥王、杜 體宣、空頭河朔山東赦文,便宜從事,且以彭王妃誥委用安招妙眞。用安始聞使者至,猶豫 未幾,朝廷遣近侍局直長因世英、都事高天祐持手詔至邳,以安用爲開府儀同三司、平 旣而選人取朝

上復遣世英、天祐賜以鐵券一、虎符六、龍文衣一、玉魚帶一、弓矢二、封贈其父母妻誥

皆水,卒難攻擊,蒸無此險,一也。歸德雖乏糧儲,而魚芡可以取足,蒸若受圍,廩食有限, 禮,始有入援意。 命,及郡王宣、世襲宣、大信牌、玉冤鶻帶各十,聽同盟可賜者賜之。 使者至邳,用安迎受 二也。大兵所以去歸德者,非畏我也,縱之出而躡其後,舍其難而就其易者攻焉,三也。 蔡 及聞上將遷蔡州,乃遣人以蠟書言遷蔡有六不可,大率以謂:「歸德環城 如

接徐、邳,南扼盱、楚,北控淄、齊。 若鑾輿少停,臣仰賴威靈,河朔之地可傳檄而定。 惟陛 也。雖然,陛下必欲去歸德,莫如權幸山東。 去宋境不百里,萬一資敵兵糧,禍不可解,四也。歸德不保,水道東行猶可以去,蔡若不守, 去將安之,五也。時方暑雨,千里泥淖,聖體豐澤,不便鞍馬,倉卒遇敵,非臣子所敢言,六 下審察。」上以其言示宰臣。宰臣奏用安反復,本無匡輔志,此必參議張介等議之,業已遷 山東富庶甲天下,臣略有其地,東連沂、海,西

蔡,議遂寢。

國也。 不聽其節制。十郡王者,李明德、封仙、張瑀、張友、卓翼、康琮、杜政、吳歪頭、王德全、劉安 得者,乞就留之。」世英乃留郡王宣、世襲宣、玉帶各二。由是與用安有隙,又懼爲所圖,皆 三千,以取糧爲名,襲徐、宿。旣入城,德全覺之,就留杜政、封仙不遣。用安愈怒,謂德全、 初,世英等過徐,王德全、劉安國說之曰:「朝廷恩命豈宜出自用安,郡王宣吾二人最當 用安必欲取 山東、累徵徐、宿兵、止以勤王爲辭、二帥不應。 用安怒,令杜政等率兵

列

安國 受國家大封爵。 徐州白用安, 必有謀,乃執桃園帥吳某等八九人下獄鞫問。 不聽,驅吳帥、張哥輩九人倂斬之。 何負於汝, 而從杜政等變亂, 又殺無罪之人。今雖死,當與汝辨於地下 張哥將死大呼曰:「國咬兒,汝無尺寸功, 二帥遣溫特罕張哥以杜政、封仙欲襲取

攻徐州,踰三月不能下,退歸漣水。於是,因世英以用安終不赴援,乃還朝,至宿州西遇大 州 兵,不屈而死,事聞,贈汝州防禦使。 千駐徐州城下招德全。 ,用安復召安國還,安國不從,獨與衆僧奴赴援。行及臨渙龍山寺,用安使人劫殺之,遂 會上遣臧國昌以密詔徵兵東方,故用安假朝命聲言入援,檄劉安國爲前鋒,親率兵三 德全終疑見圖,不出,係封仙於獄,殺之,遣杜政出城。 安國旣至宿

淮闖。 降焉。 乏食,軍民多亡去,乃命蕭均以嚴刑禁亡者,血流滿道。大元東平萬戶查剌將兵至漣水,遂 旣而,用安軍食不給,乞糧於宋,宋陽許之,卽改從宋衣冠,云而私與朝使相親。 面繫馬尾,爲怨家田福一軍臠食而盡 甲午正月,聞大兵園沛,用安往救之,敗走徐州。 查刺旣渡河,趨蔡州,用安以詭計還漣水,復叛歸於宋,受浙東總管、忠州團練使,隸 會移兵攻除,用安投水死,求得其 尋益

用安形狀短小無須,喜與輕薄子游,日擊鞠衢市間,顧眄自矜,無將帥大體。

介字介甫,平州人,正大元年經義進士第一,時爲用安參議

宣諭,如何。」天祐書生守規矩,不敢從,但以宰相旨集州民慰撫之,州民復大哭。 音問已數月,今見使者,百姓皆感動。若不以聖旨撫慰之,恐失東民之心。我欲矯稱制旨 月矣,官民見使者至,且拜且哭。 宿州節度使、兼元帥左都監之命,具彩輿儀衞出城五里奉迎。〔4〕時東方不知朝廷音問已八 百里矣。 二百人。至泰和縣,縣令王義立縣已五月矣。八月,至宿州,衆僧奴得報,且知朝廷授以權 初,天祐等出汴,微服間行,經北軍營幕,至通許崔橋始有義軍招撫司官府,去京師二 至陳州,防禦使粘萬奴申始立州事。 有張顯者任俠尚氣知義理,卽謂天祐曰:「東方不知朝廷 留二日,至項城,縣令朱珍立縣事,有士卒千 明日,往

定初 青來見,因告全將叛入宋,全秘之。 頃之,青率其衆入于宋。宋人置之淮南,屯<u>龜山</u>,有衆 青爲濟州義軍 時靑,滕陽人。 一萬戶。 初與叔父全俱爲紅襖賊、及楊安兒、劉二祖敗、承赦來降、隸軍中。 是時,叔父全爲行樞密院經歷官。 興定二年冬,全馳驛過東平,

多 IF

爵,亦行間之術也。」<u></u>青旣不得邳州,復爲宋守 可諭 域 亦 罪 遭 兵馬總領元 子見幾而作,不俟終日 去 ", 乞假 、無罪 鄉 , 目以兵虜,孰愈哉。」 牙吾塔奏其事。 時 邑, 牙吾塔,若靑誠實 亂離 興定 ,誠能 邳州 <u></u> 四 扶老携幼避地草莽。 帥 人情之所樂哉。 爲 以屯老幼。 、兼宣撫使。 國 泗州 建功、全軍來歸、即吾人也。 行元帥府紇石烈牙吾塔遣人招之,靑以書來。 。』公其亟圖之。 來歸,即當授之。 當襲取盱眙,盡定淮南,以贖往昔之過。」牙吾塔復 青潛表院 僕雖偸生寄食他國, 官吏不明此心,目以叛 陳謝,復以 生還父母之邦, 十月,詔 如審其詐,可使人入床境宣布往來之言,及所授官 邳州 邳州吾城,以吾人居之亦何 加青銀 首丘之念未嘗一 爲 請。 逆, 富貴終身, 以青榮祿 樞密院奏:「恐」青意止欲得邳州 無所逃 大夫, 死, 傳芳後 日忘之。 書曰:「靑本滕陽良民, 封滕陽公, 不 世, |淮海。 書日 如朝 可。 與其羈縻異 {易 日 :「公等初 仍爲本處 廷赦靑之 離 親舊 <u>.</u>

|襖 賊 密院 夜 出兵來襲,擊却之。 力戰 事 興定五 人,詰問之,乃 募死 朝廷不 年正 士 一以梯 知靑襲破西城, 月二十五 越二日,復出又却之。 衝逼 知青爲宋京 城, 日夜,公 青縋 止稱|宋 東鈴轄,襲破西城。 兵出 青襲破泗州 [拒不 人而 攻城益急,青以舟兵二千合城中兵來犯牙吾塔 得 已。 前 西城,提控 詔全往督 牙吾塔遣提控王應孫穴城 全頗 (喜)乃殺其人以滅口。 泗州 王祿 兵取 遇害。 西城。 是時, 全至 時全爲同 東北 泗州 牙吾 隅,青夜 獲 1塔書 簽樞 紅

營,提控斡魯朶先知,設伏掩擊,青兵大敗,溺淮水死者千人,自是不復出矣。 將及城 中,青隧地然薪逼出之。青乘城指麾,流矢中其目,餘衆往往被創,樓堞相繼摧壞, 王應孫穴城

《中恟懼,遂無固志。二月二十六日夜,青拔衆走,遂復西城。云

罪在全。」全與訛可由潁、壽進渡潍,敗宋人于高塘市,攻固始縣,破宋廬州將焦思忠兵。無 何,獲生口言,時靑受宋詔與全兵相拒,全匿其事。 和以貽喪敗。其資糧可取、規取失宜不能得之、罪在訛可。旣已得之、不能運致以爲我用、 元光元年二月,全與元帥左監軍訛可,節制三路軍馬伐宋。詔曰:「卿等重任,毋致不

韶曰:「陣亡把軍品官子孫,十五以上者依品官子孫例隨局承應,十五以下、十歲以上者依 軍渡淮,每立功效。諸將謬誤,部曲散亡,流離憂苦,朕甚閔焉。各歸舊營,勉圖自效。」又 軍遂敗績。橋壞,全以輕舟先濟,士卒皆覆沒。宣宗乃下詔誅之,遣官招集潰軍,詔曰:「大 也,於汝無不可者。」衆乃不敢言。是夜,大雨。明日,淮水暴漲,乃爲橋渡軍。宋兵襲之, |斜烈、李辛稍稍不平,全怒曰:「訛可一帥耳,汝曹黨之。汝曹致身至此,皆吾之力。 吾院官 以速濟。時方暑雨,若值暴漲,宋乘其後,將不得完歸矣。」全力拒之。從宜達阿、移失不、 三石以給軍。衆惑之,訛可及諸將佐勸之不聽,軍留三日。訛可謂全曰:「今淮水淺狹,可 五月,兵還,距准二十里,諸軍將渡,全矯稱密詔「諸軍且留收淮南麥」,遂下令人穫麥

列傳第五

者,並如舊制。 品從隨局給俸, 至成人本局差使。 無子孫官,依例給俸。 應贈官、賻錢、軍人家口當養贍

國,亦以兵失國,可不愼哉,可不愼哉。 仁人君子讀之猶蹙頗終日。當時烝黎,如魚在釜,其何以自存乎。兵,凶器也。」金以兵得 宣宗不思靖難,復爲伐宋之舉,迄金之亡,其禍尤甚。簡書所載國用安、時靑等遺事,至今 海之郊民心一搖,歲遇饑饉,盜賊蠭起,相爲長雄,又自屠滅,害及無辜,十餘年麋沸未息。 贊曰:金自章宗季年,宋韓侂胄搆難,招誘隣境亡命以撓中原,事竟無成。 而青、徐、淮

校勘記

- 〔一〕惟益都不改髻髮 「盆都」原作「安國」,據殿本改。
- 〔三〕二年夏四月 「二年」上當脫「天興」二字。
- 亳州,總領七人出降。城雖土築尙堅,單州出戍軍六百餘人在內,皆出降。戍兵暴横,亳人怨 是年六月 按周密齊東野語卷五端平入洛:「端平元年甲午,六月十二日離合肥,二十四日入

- 四 天興元年正月 按「亳州軍變」已見上文點哥荆山傳,事在五月。 此作「正月」疑誤
- 35. 至汴以勞遷本州節度判官 甚明`則「以勞遷本州節度判官」者必非王進。 按此處文有脫誤。上文有「前譙縣尉王進」及「授進節度使」,始末 上文節度判官爲孫良,疑此或敍孫良事,緣上文
- 誤作「王進」。 或本敍王進事,而有訛誤。

原脫「冠」字。按上文有「復金朝衣冠」,今亦補「冠」字。

уч Ш

卽改從朱衣冠

- += 具彩 輿儀衞出城五里奉迎 「具」原作「且」,據殿本改。
- 興定五年正月二十五日夜 西城、提控王禄死之」。戊戌是正月十三日,與此二十五日異。 按本書卷一六宣宗紀,興定五年正月丙戌朔。「戊戌,宋人襲泗州
- 牙再塔破宋兵復泗州,進逼濠州,至渦口乏糧而還西城」。 二月二十六日夜青拔衆走遂復西城 按本書卷一六宣宗紀,興定五年二月丙子,「元帥紀石烈 是月丙辰朔,丙子爲二十一日, 與此

「二十六日」異。

金史卷一百十八

列傳第五十六

苗道潤 王福 移刺衆家奴 武 仙 張甫

靖安民 郭文振 胡天作 張開 悪寧

力乎? 道潤 宣宗召河南轉運使王擴問曰:「卿有智慮,爲朕決道潤事。 是,除道潤宣武將軍、同知順天軍節度使事。 策之上也。 有勇略、敢戰鬭、能得衆心。比戰有功、略定城邑、遣人詣南京求官封。宰相難其事、 苗道潤,貞祐初,爲河北義軍隊長。 |擴對曰:「兼制天下者以天下爲度。 今不許,彼負其衆,何所不可爲。」宣宗顧謂宰執曰:「王擴之言,實契朕心。」於 宣宗遷汴,河北土人往往團結爲兵,或爲羣 道潤得衆,有功因而封之,使自爲守,覊縻使之, 貞祐四年,復以功遷懷遠大將軍、同知中山府 今即以其衆使爲將, 肯終爲我盡 盜

列傳

第五

再閱月,復戰有功,遷驃騎上將軍、中都路經略使、兼知中山府事。 頃之,加中都留守、

兼經路使。道潤前後撫定五十餘城。

鐵哥,直令受臣節制,庶可集事。」宣宗以問宰相,奏曰:「道潤、鐵哥不協,不可相統屬。」詔 招降蠡州獨吉七斤。近日,河北東路兵馬都總管移刺鐵哥移軍蠡州,襲破子明軍, 以完顏属行元帥府事,督道潤復中都,和輯鐵哥軍。 人,子明亦被創。臣將提兵問罪,重以鐵哥自拔來歸,但備之而已。今欲復取都城,乞無罪 興定元年,詔道潤恢復中都,以山東兵益之。道潤奏:「去年十一月,臣遣總領張子明 殺數百

河北 軍拒 約束,依時樹藝,無致生事。」有韶道潤與移刺鐵哥合兵撫定河北,令諸道兵互相應援。 省數諭 結,且耕 一安農 至于此,令山東行省樞密院諭琛:「行省在彼,自當俱聽節制,何待帥府。 |戰,殺琛兄際及弟明等。琛奏:「潞州提控烏林荅吾典承道潤風指,日謀侵害。 州 初,道潤與順天軍節度使李琛不相能,兩軍士兵因之相攻,琛遣兵攻滿城、完州, 道潤 畝矣。」道潤奏李琛以衆叛,陷滿城,攻完州。 府官不相統攝,並聽帥府節制。仍遣官增減諸路兵力,使權均勢敵無相併吞,則百 且 戰。今乃聚之城寨,遂相倂吞。百姓不安,皆由官長無所忌憚使之然也。 與臣通和,竟不見從,且殺臣兄燦、弟明等,恣橫如此,將爲後患。」又奏:「乞令 踩亦奏道潤叛。 廷議以為兩人失和, 士兵本以義團 山東行 嚴爲 道潤

刺 制 殺 道 之,彰德衞 旣 潤 而 道 朝廷不能問, 潤 輝 與賈仝、「三賈瑀互相攻擊,詔道潤、賈仝、王福 招 撫 司 隸 樞密院。 軍彷徨無所依,提控靖安民乞權隸潞州行元帥府,聽其節制。 賈瑀旣 與道潤 相攻,已而詐爲約和,道潤信之,遂伏兵 、武仙、賈瑀分畫各路元 帥 府

時興定二年也。

其衆,是後乃封建矣。 殺 因 刺 而 交爭。 史馬信及其裨校、奪所佩金符而去。」頃之、張柔攻賈瑀殺之。 右丞侯摯乞以保、蠡、完三州隸眞定,而蠡州舊受移刺衆家奴節制,一 靖安民等願隸潞州,乃令河北行省審處之。 經略 副 使張柔奏:「賈瑀攻易州寨, 道潤旣死,靖安民代領 旦改隸眞定,

有守 推其 有襟喉之要,盡徙其民,是撤其籓 河 有六人以謂「制兵有三,一曰戰,二曰和,三曰守。 原 不守,日 長, 或晉安、河中及諸險隘,量給之食,授以曠土,盡力耕稼。 耳。 初,貞祐 保聚險阻。」刑部侍郎奧屯胡撒合三人曰:「河北於 河朔州郡旣殘毀,不可一槪守之,宜取願就遷徙者屯于河南 河北州縣不能自立, 四年,右司諫术甲直敦乞封建河朔,詔尚書省議, 韶百官議所以爲 **三籬也。** 宜令諸郡,選才幹衆所 長 今欲戰則兵力不足,欲和則彼不肯從,唯 人之利者。 河南有輔車之勢,蒲 置僑治之官, 事寢不行。 推服、能糾衆 翰林學士承旨徒單鎬等十 、陝西、其不 興定三年, 以撫循之。 遷徙者, 解 願者許 於陝 以太 願之 西 自

列

傅

臣欲置公府,宣宗意未決,御史中丞完顏伯嘉曰:「宋人以虛名致李全,遂有山東實地。 授之。必能各保一方,使百姓復業。」提點尚食局石抹穆請以高爵募民,大概 土人威望服衆者,假以方面重權。 走險,無事則耕種。」宣徽使移刺光祖等三人曰:「度太原之勢,雖暫失之,頃亦可復。 書烏林荅與等二十一人曰:「河朔諸州,親民掌兵之職,擇土人嘗居官、有材略者授之,急則 其壯者,敎之戰陣。 能 三公就節鎭何不可者。」宣宗意乃決。 |統衆守土,雖三公亦何惜焉。」宣宗曰:「他日事定,公府無乃多乎。」伯嘉曰 勅晉安、河中守臣檄石、嵐、汾、霍之兵,以謀恢復,莫大之便。」兵部尚 能克復一道,即以本道總管授之。能捍州郡,即以長佐 同光祖議。 .::「若事定,以 當 募 茍 宰

畫定所管州縣外,如能收復鄰近州縣者,亦聽管屬。」 寧,卿等自總戎昭,備殫忠力,若能自効, 股復何憂。 路兵馬,署置官吏,徵歛賦稅,賞罰號令得以便宜行之。 略 東安撫 例 從宜郭文振爲晉陽公,平陽招撫使胡天作爲平陽公,昭義軍節度使完顏開爲上黨公,山 使武仙為恒山公,中都東路經略使張甫爲高陽公,中都西路經略使靖安民爲易水公, 四 ·年二月,封滄州經略使王福爲滄海公,河間路招撫使移刺衆家奴爲河間公,眞定經 副使燕寧爲東莒公。九公皆兼宣撫使,階銀青榮祿大夫,賜號「宣力忠臣」, 宜膺茅土之封,復賜忠臣之號。 仍賜詔曰:「乃者邊防不守,河朔失 總帥本 除已 遼

,本河北義軍,積戰功累遷同知橫海軍節度使事、滄州經略 副 使。

興定元年,福遣提控張聚、王進復濱、棣二州,以聚攝棣州防禦使,進攝濱州刺史。 久

之,福與聚有隙,聚以棣州附於益都張林。

以大 甲完 海公,以淸、滄、觀州,鹽山、無棣、樂陵、東光、寧津、吳橋、將陵、阜城、蓨縣隸焉。 意 經 本 略 會福 軍 欲 具 使,得便宜從事,以鎭撫軍民。」朝廷以福初率義兵復滄州,招集殘民,今有衆萬餘, 興定三年九月,福上言:「滄州東濱滄海,西連眞定,北備大兵,可謂要地。 ·迫脅,或以官爵招之,將貽後悔。

宣宗以爲然,乃以屆爲本州經略使,仍令自擇副 自爲使,但託詞耳。 自雄 有 戰 一方。 一功、遷遙授同知東平府事、權元帥右都監、經略節度如故。 與益都張林、棣州張聚皆爲鄰境。今利津已不守,遼東道路艱阻,且其 因而授之,使招集濱、棣之人,通遼東音問。今若不許,宋人或 興定四年,封爲滄 乞選 重 臣

款 入河 副 於張林。 使 北 張 四月,紅襖 文 與戰,李二大敗,擒其統制二人,斬首二千級,獲馬三十匹。 嬰城固守。 東平元帥 賊李二太尉寇樂慶, [三] 棣州張聚來攻, 福皆擊却之。 府請討福,乞益河南步卒七千、騎兵五百,滑、濬、衞州資助芻糧,先定 益都張林、棣州 張聚日來攻掠,滄州危蹙,福將南奔,爲衆所止,遂納 李二復寇鹽山, 七月,宋人與紅襖賊 經略

列

僔

第

Ŧi.

十六

王福

賞格 以待 有 功。 朝廷以防秋在近,河南兵不可往,東平兵少不能獨成功,待至來年春,使東

平帥府與高陽公併力討之, 乃止。

氏。 興定四年,與張甫俱封。 移刺衆家奴, **積戰功,累官河間路招撫使,遙授開州刺史,權元帥右都監,賜姓完顏** 衆家 奴封河間公,以獻、蠡、安、深州、河間、肅寧、安平、武强、

饒陽、六家莊、郎山寨隸焉。

遣總領提控 及安、蠡、獻三州、與張甫皆遷金紫光祿大夫。 臣 北境,地當衝要,乞權改爲府以重之。」詔改信安爲鎭安府。 興定末,所部州縣皆不可守。 [图]孫汝楫、楊壽、提控袁德、李成分保外垣,遂全鎭安。 元光元年,移屯信安,本張甫境內。 二年,衆家奴及張甫同保鎭安,各當一面,別 是歲,與甫合兵,復取 張甫因奏:「信安本 河間府

鎭安 校尉 再遷兩官、升職二等。」韶從之。 一個北 ,授八 未幾,衆家奴奏:「鎭安距迎樂堌 ,可募人直抵遼東,以通 品 職,仍賞寶泉五千貫。 中外之意。 如官職已至忠顯八品以上者,遷兩官、升職一等,回日 海 口二百餘里,實遼東往來之衝。 若賞不 重不足以使人,今擬應募者特遷忠顯 高陽公甫有海船在

史,兼真定府治中,權知真定府事。 興定四年,遷知眞定府事,兼經略使,遙領中京留守,權元帥右都監。 日 認 武 定府、沃、冀、威、鎭寧、平定州,抱犢寨,欒城、南宮縣隸焉。 仙,威州人。或曰嘗爲道士,時人以此呼之。 仙 權 威州刺史。 興定元年,破石海于眞定,宣差招撫使惟宏請加官賞,眞授威 遷洺州防禦使、無同知真定府事 貞祐二年,仙率鄉兵保威州西 同時九府,財富兵强恒山 、遙授河 無何,封恒山 平軍節 公,以中 山、附者 渡使。 州刺

山

· :、 眞

于大元。 最盛。 密院牒招 是歲,歸順于大元,副史天倪治眞定。仙兄貴爲安國軍節度使,史天祥擊之,貴亦歸順 艺, 仙與史天倪俱治眞定且六年,積不相能,懼天倪圖己,嘗欲南走。 仙得牒大喜,正大二年,仙賊殺史天倪,復以眞定來降。大元大將笑乃解討 宣宗聞之,韶 樞

黨,已而 仙 ||仙走。 五年,召見 大 兵至 閱 月,乘夜復入眞定,笑乃解復擊之,仙乃奔汴京。 一,仙遁 ,哀宗使樞密判官白華導其禮儀,復封爲恒山公,置府衞州。 歸。 未幾,衞州被圍,內外不通。 韶平章政事合達、樞密副使蒲阿教

七年,仙圍

之,徙仙兵屯胡嶺關,扼金州路。 丁酉,合達、蒲 八年十一月,大元兵涉襄漢,合達、蒲 阿 敗績 於三峯山, 仙從四 十餘騎走密縣,趨御寨,都尉烏林荅胡土不納,幾爲 阿駐鄧州,仙由荆子口會鄧州軍。 天興元年正月

列 傅 第 Ŧi. + 六 移 刺 衆 家 奴 短 仙

府,聚糧食,修器仗,兵勢稍

振

追騎 所得。 一旦有急,縛我獻大國矣。」遂走南陽留山,收潰軍得十萬人,屯留山及威遠寨。 乃舍騎,步登嵩山絕頂淸涼寺,謂登封蘭若寨招撫使霍琢僧秀曰:「我豈敢入汴 立官

將,遣兵夾擊,敗仙于柳河,仙跳走聖朶寨。 速不解署三合守裕州。 及仙還留山、惡三合權盛、改爲征行元帥、屯比陽。 月,遣刑部主事鳥古論忽魯召仙,至仙不欲行,乃上疏陳利害,請緩三月,生死入援。 軍散走,期會留山。 待仙至俱進,不然敗矣。」思烈急欲至汴,不聽,行至京水,大兵乘之, 知兵,向使從卿阻澗之策,豈有敗哉。 入救。八月,至密縣東,遇大元大將速不解兵過之,仙卽按軍 初,思烈至鄧州,承制授宣差總領黃摑三合五朶山一 三月,汴京被圍,哀宗以仙爲參知政事、樞密副使、河南行省,詔與鄧州行省思烈合兵 仙至留山,潰軍至者益衆。 三合乃詐以書約仙取裕州,可以得志,仙信之。 軍務一以付卿,日夕以待,勠力一心 哀宗罷思烈爲中京留守,詔仙曰:「思烈不 三合怨仙奪其權, 帶行元帥府事、 眉山店,報思烈曰:「阻澗 ,不戰 乃歸順于大元,大將 而潰。 兼行六部 以圖後舉。」十一 三合乃報大元大 |仙亦 尙 令其 結營

|政曰:「何故擅誅吾將?」|政曰:「天祥違詔逗遛不行,|政用便宜斬之。」|仙怒曰:「今日宣差來 初,沈丘尉曹政承制召兵西山,裕州防禦使李天祥不用命,政斬 之以徇。 仙至聖朶,謂

天祥 軍,明日宣差來起軍,因此軍卒戰亡殆盡矣。 又曰:「天祥果有罪,待我來處置,汝何人輒敢殺之。」政曰:「參政柳河失利,不知存亡, 遠詔,何爲不殺。」個大怒,叱左右奪政所佩銀牌,令總領楊全械繫之。 自今選甚人來亦不聽,且教兒郎輩山中休 會赦, **猶囚之**,

及|仙

敗始得釋,與楊全俱降宋。

不宜 潰 元帥 軍 府 久留於 以待仙,仙 是時,哀宗走歸德,遣翰林修撰魏璠間道召仙。 經 歷官。 此。」仙怒,幾殺蹯。 疑璠圖己。 璠字邦彦, 渾源 二年正月,仙閱兵,選鋒尙十萬,璠曰:「主上旦夕西首望公,公 人,貞祐二年進士云。 **璠及忽魯刺還歸德,仙乃奏請誅璠,哀宗不聽,以璠爲歸德** 行至裕州,會仙敗于柳河,璠矯詔招集

竟殺之。 豫未 計誅之。 「已殺呆合,復殺武仙,他日使者來,人誰肯信。」不從。 · 敢發。 仙 部 祐使謂 將董 近侍局使完顏四和 祐 四 有戰功、詔賜虎符、仙畏其偪己、久不與佩。 和 曰:「仙終不肯入援,祐等位卑,力不能誅,惟君爲國家圖之。」四和曰: 有謀敢斷,嘗徵兵鄧州,圉牧使移刺呆合有異志,公四和以 仙知祐嘗有此謀,使祐使河北,其後 祐憾之, 乃結官奴欲殺仙, 猶

新野、順陽 三月,仙以聖朶軍食不足,徙軍鄧州,仰給于鄧州總帥移剌瑗。 、淅川 就 食民家。 遣講議官朱槩、劉琢往襄陽,借糧于宋制置使史嵩之。 鄧州倉廪亦乏,乃分軍

小 諾耳。」嵩之以爲實然,遣田俊持書報仙。 兩端,畏留,廼以情告史嵩之曰:「仙兵勢不復振矣。」且曰:「名爲借糧,實欲 以待之。 嵩之聞張伯直至大喜,謂仙送款矣,發書乃謝狀也,大怒,留伯直不遣。 四月,仙遣大理少卿張伯直 取糧于襄陽,屯軍 納款,待將軍

有五六百人,大敗珙兵。」珙與數百人脫走,生擒其統制、統領數十人,獲馬千餘。 士卒刈麥供軍,未至二里許始覺,仙率帳下百餘人迎擊之,孟珙不敢前。 仙。 琢妄謂將納款于嵩之之語泄矣,仙皆誅之。 仙 五月,瑗舉城降宋。 自順陽入鄧州,移刺瑗畏逼,以女女仙,仙不疑納之,乃還順陽。 嵩之益知仙軍虛實,使孟珙率兵五千襲仙軍于順陽。 鄧州糧盡,暖終疑 俄頃,軍士稍集, 是時,仙令

稱 歸 正 刺瑗本名粘合,字廷玉。世襲契丹猛安,累功鄧州便宜總帥。 人劉介,具將校禮謁制置使。 暖大悔恨,明年三月,疽發背死。 既至襄陽,使更姓名,

責仙 相 視 赴 哽咽,皆願赴難與國同生死。 孟 難 珙 , 詔曰:「朕平日未嘗負卿, 國家危難至此, 忍擁兵自恃, 坐待滅亡邪。」將士聞之, 雖敗而去,仙懼宋兵復來,七月,徙淅川之石穴。是時,哀宗在蔡州,遣近侍兀顏 仙懼衆心有變,乃殺馬牛,與將士三千人歃血盟誓,不負

無何,仙復謂衆曰:「蘇州道梗,吾兵食少,恐不能到。

近

或

一衆乃

行 不 遣 李。 勞 人覘 而 取淅 視宋金州,百姓據山爲栅極險固,廣袤百里,積糧約三百萬石。 下,留老弱守此寨以爲根本,然後選勁勇趨於,迎上西幸未晚也。」衆未 川泝流而上, 山路險阻,霖雨旬日水湍悍,老幼溺死者不可勝數,糧 今與汝曹共圖之,可 皮 應,即 食絕,軍 令戒

芝、侍郎石玠不從。 頟 楊全已降宋、留秋林十日乃遷大和。 仙 計無所出,八月,乃由荆子口東還,自內鄉將入聖朶寨,至峽石左右八疊秋林, 九月,至黑谷泊,進退 失據,遂謀北走, 行 部 尙 書 聞 盧 總

者八九。

可ァ事至今日, 進士,以汝州防禦使行侍郎。 追玠殺之。 芝字庭瑞,河東 芝走 正欠蔡州一死耳。 至南陽,爲土 人,任子補官,以西安軍節度使行尚書。 二人 一賊所 相 假若不 與謀 害。 得 曰:「吾等知仙 到 蔡州 死於 不 道 卹 中猶勝 玠字子堅, 國 家 久 死於仙 矣。 河中人, 諫之不從,去 也。」旣 崇慶 去, 仙始

五 月,趨澤州 甲午,蔡州 為澤之戍 破。 糧 且 兵所 盡,將士 大怨,皆散去。 仙無所歸,乃從十八人北渡河,又亡五人。

張甫 賜姓完顏氏。 初 歸順 涿州刺史李瘸驢招之, 興定元年正月, 甫與張進俱

道潤 侯摯 承 是時, 制 以 平 行省蒙古綱承制除甫中都路經略使,進經略副使。 李瘸驢權道潤中都路經略使,甫與張柔爲副。 張柔、安民實分掌道潤部衆,朝廷乃以瘸驢爲中都東路經略使,自雄、霸以東 頃之,苗道潤之衆請以靖安民代 二年, 苗道潤 死, 河北行省

驢招 賈仝。 議官 徵 驢受之。 則皆· 那 降,情意厚善, 浦、 綱遣 自疑,恐生他變,故不避專擅之罪。」韶從綱奏。 **蹕**,甫率兵攻之,賈仝敗走,遂自縊死。 進與永定軍節度使賈仝不協,以兵相攻,奪據仝地,取仝馬以遺經略使李瘸驢, 朝廷怪瘸驢 同 知安武 今遣郁先與瘸驢議所以平之者然後可。 軍王郁、博野令高常住往平之,輒留瘸驢不遣,因奏曰:「張甫本受瘸 不能和輯州府,乃有向背,召瘸驢別與官職。 浦請符印以安輯部衆, 詔與之。 未幾,賈全復以兵捕浦部民,殺浦參 況甫等不識禮義之人, 詔東平蒙古綱講睦甫與 瘸驢就 瘸

報。 三年, 無何, 及眞定 張進爲 李 不守,甫復奏:「權元帥右都監柴茂保冀州水寨,孤立無援,若不益兵,非臣之所 瘸驢 中都 歸順 南路 大元。 經略使。 甫爲 甫奏:「真定兵衝, 乞遣 中都東路經略使、遙授同知彰德府事、權元帥右都監。 重豆 .與恒山公武仙倂力守之。」不

四 年,甫封高陽公,以雄、莫、霸州,高陽、信安、文安、大城、「引保定、靜海、寶坻、武清、 知也。 」

安 次 縣 賜 隸焉。 姓完顏 元光元年,移刺衆家奴不能守河間, 二年二月,張進亦遷元 ()帥左 監 軍 丁,賜 甫居之信安。 姓完顏。 以功進金紫光祿大

潤 麾 下。 靖 安民 以 功 德 遙 興府永興縣人。 授定安縣令, 遷涿州刺 貞祐初、充義軍、歷謀克、千戶、總領、萬戶 ·史,遙授順天軍節度使,充提控。 興定 厂、都統 元 年,遙 隸 授 苗 道

武軍節度使。

承 自 易州 制 興定 以 以 涿 西安民為 州 年 刺 遷 史李 知德興府事、中都路總領招撫使。 中都 瘸 驢權 西路 中都路 經 略 經略 使,西 使。 山 義 軍 年, 屯 | 壘諸! 詔 腐驢自 是歲,苗道 招 撫 皆隸 雄 焉。 潤 霸 死, 以 東 安民代領其衆, 爲 中都 東 路經 略 行

|元、|杜 協 餘 道 潤 飛 口 轉 狐 撫 , 四 貴 錮之山 相 年,遙 定 攻伐, 欲 州 縣 充 冒秦 授知 偏 五. 竟以 濫 十餘 裨。 岩鐸 封 德興府 陰謀 (拜) 誘 彦暉 城, 常 居此, 事 殺 其 等 惑 道 模權 功甚 拒 人 潤 之, 完 ۱Ľ. 恐 大。 强 帥 致 軱 鐸 左 殺貴而 敗 抑 令所部 西京路 監 事 總 ا ا ا 軍 領 ·, 行 劉鐸 杖智元 劉智元等掠 馮 經 中都 通 略 亦 等 使 遣 輸 西 劉 竟驅 副 路 銀 鐸嫉 使 鎭 栗。 元 彦暉 劉 撫 帥 其 璋詣 索飛 府 孫 功, 而 資 事 南京 去。」 反 o 狐 孫 總 、招無楊 間 自 又言:「經略 賈瑀 月,安民 領 訴 王 彦 |李 且 德 暉 言 勝 琛 上 家 與道 書 彈 職 **車** 安民 壓 劉 潤 智 侵

寨、水谷、懽谷、東安寨隸焉。十月,安民出兵至礬山,復取檐車寨。 致從宜李栢山等日謀見害,乞許罷去。」廷議,劉鐸本行招誘逋亡,今乃與安民互相論列以 之,封易水公,[5]以涿、易、安肅、保州,君氏川、季鹿、三保河、北江、礬山寨、青白口、朝天 苗道潤死,安民實代領其衆,彥暉等軍本隸道潤,當聽安民節制。 乃召鐸還。 頃

亂 ,衆議欲降以保妻子,安民及經歷官<mark>郝端不肯從,遂遇害。</mark> 詔贈金紫光祿大夫。 大元兵圍安民所居山寨,守寨提控馬豹等以安民妻子及老弱出降,安民軍中聞之駭

從宜都提控。 阿魯帶請 郭 文振字拯之,太原人。承安二年進士。累官遼州刺史。貞祐四年,昭義節度使必蘭 升遼州爲節鎮,廷議遼州城郭人戶不稱節鎮,而文振有功當遷,乃以本官充宣差 興定元年,詔文振接應苗道潤,恢復中都,會道潤與賈仝相攻而止。

都監 營棚 張寨爲晉州,從文振之請也。 帥 府 、行元 防防 文振治遼州,深得衆心。興定三年,遷遙授中都副留守,權元帥左都監,行河東北路元 事,刺史、從 護秋 帥 穫。 府事 宜如故。 ,[t] 興張開合堅、臺州兵復取太原。四年,詔升樂平縣爲阜州,壽陽縣西 文振奏:「若秋高無兵,直取太原,河東可復。」優詔許之。十月,權元帥右 文振招降太原東山二百餘村,遷老幼于山寨,得壯士七千,分駐

公廉 敵。 路已詔 乞選重臣復置行省,皆聽節制,上下相維可臂指使之,則國勢日重,姦惡不萌矣。」是時,澤、 廷。 信臣 聞知。 傳授,至與各路帥府力侔勢均,不相統屬。陝西行省總爲節制,相去遼遠,道路梗塞, 哉 ? 爲得志,僭越名位,瓜分角競以相侵攘,雖有內除之官亦不得領其職,所爲不法,可 不復往來布揚聲敎,但令曳刺行報而已。所司勞以酒食,悅以貨財,借其聲譽共欺朝 乞行帥府擅請便宜,妄自誇張以尊大其權,包藏之心蓋可知也。 有天下者審所御而已。 之官編詣訪察,庶知所在利害之實。伏見澤、潞等處芻糧猶廣,人民猶衆,地多險阻, 姦倖旣行,遂至驕恣,變故之生何所不有,此臣所以夙夜痛心而爲之憂懼也。 文振上疏曰:「揚子雲有言,『御得其道則天下狙詐咸作使,御失其道則天下狙詐咸作 張開 故飛揚跋扈無所畏憚,鄰道相望莫敢誰何。自平陽城破以來,河北不置行省, 規劃,不能盡用文振之言,但令南京兵馬使术甲賽也行帥府於懷、孟而已。是 河朔自用兵之後,郡邑蕭然,並無官長,武夫悍卒因緣而 朝廷因而撫之, 乞分遣 勝言 假權 朝廷 卒難 起以

罪 攝 朝 刺 史,提控伯德安殺之,奪其職。河東行省以陳景璠代安,安內不能平,因誣告景璠死 文振奏、「孟州 廷未及按問,安輒逐之。恥受臣節制,宣言于衆,待道路稍通當隸恒山公節制。今眞 每以豪猾不逞之人攝行州事,朝廷重於更代,就令主之。去年,伯德和 歲,封晉陽公,河東北路皆隸焉

列

之耳。 定已 便 也。 不守,安猶向慕 自結 聞 安有 親 女, 以來,安頗 臣 不已。 輒 達律令爲 循 臣徵兵諸郡,安輒詭辭不遣。 率 以從王事,法不當娶而輒娶之,敢以此罪爲請。」宣宗嘉其意, 姪孫述娶之,安遂見許。 臣非願與安爲姻、爲公家計、層就 臣若興師,是自生一 敵,非國家之

職任,同與 文振 復奏:「武仙所統境土甚大,雖與林州元帥府共招撫之,乞更選本土州縣官,重其 安集,可使還定。」宣宗用其策。

遣近

臣

慰諭

之。

路 軍 兵馬 國 一大計。 五年, 都總管,與臣分治。」詔文振就擇可者處之便地,仍受文振節制 文振奏:「臣所統嵐、管、隩、石、寧化、保德諸州、境土闊遠,不能周知利害,恐誤 伏見葭州刺史古里甲蒲察智勇過人,深悉河東事勢,乞令行元帥府事,或爲本

文振 制 可, 奏其 仍令防 一黨公 事 張開以厚賞誘文振將士,頗有亡歸者。 ,詔遣使慰諭 秋後 再度其宜。 之。 文振 文振請分上黨粟以贍太原, 復 印前 請,以葭州 韶 刺史古 分遼、潞粟賑太原饑民,張開 韶文振與張開計 里甲蒲察 分治嵐、管以西諸州, 度。 頃之, 不與。 詔 以

石州隸晉陽公府。

良在林州五歲,政尙寬厚,大得民心,今茲被召,軍民遮路泣留。 元 光 元 年,林州行元 帥 府惟良得罪召還, 文振奏:「近聞惟良召還, 臣竊以爲不 其去未幾、義尖之衆作亂, 可

逐招撫使康瑭。乞遣惟良還林州爲便。」不許。

河北,朝廷不能用。 忘遺黎之意,然後以河南、陝西精銳併力恢復。」不報。 廷不卽遣兵復河北,人心將以爲舉河朔而棄之,甚非計也。」文振大抵欲起胥鼎爲行省,定 再四請於樞府,但以會合府兵爲言。公府雖號分封,力實單弱,且不相統攝,所在被兵。 文振 上書:「乞遣前平章政事胥鼎行省河北、諸公府、帥府並聽節制、詔諭百姓使知不 文振復奏:「河朔百姓引領南望, 朝 臣

納蘭謀古魯不相能,復徙衞州,然亦不可以爲軍,迄正大間,寓于衞而已。 振 副,護沿山諸寨。文振辭公府,詔不許。頃之,文振部將汾州招撫使王遇與孟州防禦使 一年,詔文振應援史詠復河東。是歲,遼州不能守,徙其軍于孟州,以部將郝安等爲文

授同 知太原府事,刺史如故。 胡 天作字景山,管州人。 是歲,平陽失守,改同知平陽府事。 初以鄉兵守禦本州,累功少中大夫、管州刺史。興定二年,遙

作充便宜招撫使、權元帥左都監。 戶,復業者 三年,復取平陽,天作言:「汾、潞皆置帥府,平陽大鎭,今稍完復,所管州縣不下十萬 相繼 不絕,其過份、潞遠甚,日日立一體置之。」是時,晉安、嵐州皆有帥府,乃以天 四年,封平陽公,以平陽、晉安府,隰、吉州隸焉。

列

以晉安府之翼城縣爲翼州,以垣曲、絳縣隸焉。 置平水縣于汾河之西,朝廷皆從之。

奉職。 浦州 增繕器甲,招納亡命,頗有他志。 隰州 初,軒成本隸程琢麾下,琢死,成率衆保隰州,以爲同知隰州軍州事、兼提控軍馬。 以大寧縣隸之,仵城鎭爲仵城縣。 之境蕭縣最居其衝,可改爲州, 是時,隰州方用兵,未可制,天作請增置要害州縣,以分其 隰川之件城鎮可改為縣, 天作守平陽凡四年,屢 有功,詔錄 選官守備。 其子定哥爲 韶升蒲縣為 成

爵,佩虎符,招撫懷、孟之民,定哥聞之乃自經死, 郭文振招天作,天作至濟源欲脫走,先遣人奏表南京,大元大將惡其反覆,遂誅之。 天作出。 里,不得進。知府事术虎忽失來、總領提控王和各以兵歸順,臨城索其妻子,兵民皆潰,執 元 光元年十月,青龍堡危急,詔遣古里甲石倫會張開、郭文振兵救之,次彈平寨東三十 天作已歸順,詔誅忽失來子之南京者,命天作子定哥承應如故。 贈信武將軍、同知惟州軍州事。 天作已受大元官 詔張開、

祚 贈 祚 、母蕭氏 榮祿大夫、京兆郡公,諡成忠。 天作死後,宣宗以同知平陽府事史詠權行平陽公府事,後封平陽公。 未幾、詠乞內徙、徙其軍于解州河中府。 藏於窟室,索出之,使肺招詠, 腓乃自縊死,蕭氏 蕭氏封京兆郡太夫人,賜號歸義。 逃歸。 詠妻梗氏亦自死。 梗氏贈京兆郡 平陽初破,詠父 宣宗

諡義烈。

張 開 賜姓完顏氏,景州人。 至寧末,河北兵起,開團結鄉兵爲固守,累功遙授同知淸州

防 禦事 兼 同 知 觀 州 事

輸 百道,奏乞從權署置,就任所復州縣舊官,闕者補之。 鹽易糧 貞 祐 記 四年,開率所部復取河間府及滄、獻二州十有三縣。 與之糧。 遷觀州刺史、權本州經略使。 至是,始賜 詔 遷同 知 開有宣撫 觀州 姓完顏氏。 軍 州事。 司留付空名宣勅二 開奏乞許便宜, 開復清州、乞

自宸 史臺奏:「開 東,與之麥種,若無牛 觀 州 糧 一盡,是歲秋,徙軍 自 觀州 轉戰來 此 可 與,給以 輝州,乞麥種三千石、驢 **八著勞績,欲令其軍** 寶 《券。」制 可 一耕種 以自給, 有司 計小費拒 不 部不與。 與。 乞斷

及

論

淇門

、安陽

、黎陽皆作堰

塞水,河運不通,乞開發水道,不

報

御

帥府、或與林 年 元 兼 帥 總領提控。 詔 左都 是歲,潼關不守,被召入衞南京。 復以涉 監、行 州並置 縣 三年,充潞 為崇州 完 帥 元 府 事,與 帥 從開請 府, 州 招撫 (郭文振 各自爲 也。 使。 共復 治。 林州元帥 興定元年, 太原。 十月, 府徙路 四年, 開 遙授澤州刺史。 以權 人實林州、既復 封上黨公,以澤、 昭 義軍節 度使、遙授 二年,遙授同知彰德府、 造還。 潞、 孟州 沁州隸焉。 開乞隸晉安元 防 禦使、權 五

節鎭 倫 爲 府 招 遷葛伯寨,各自保守,民安所仰哉?臣領 以 固屏 撫 ,以重守 元 使,開 光 翰 元 一个胡天 年, 禦。」詔以澤爲忠昌軍,沁爲義勝軍。 請 復 以盧芝瑞爲副,代領其衆。 取 作 高平縣及澤州。 出平陽,郭文振南徙河東,公府獨臣與史詠 二年,大戰壺關,有功。 孤軍,內無儲峙,外無應援,臣不敢避失守之罪, 又奏:「比聞郭文振就食懷、孟,史詠徙解州 林州義尖寨衆亂,逐招撫使康瑭,推杜 旣而潞州危急,開奏三一封建公 而已。乞升澤、沁二州爲 仙

盆 益 謀收潰兵從衞,不果,遂與承裔 爲 西 匪 面 大 間 元 潞州 帥,領安平都尉紀綱軍 不守,開居南京,部曲離散,名爲舊公,與匹夫無異。 西走、皆爲民家所 五千攻衞 州,敗績于白公廟。是時,哀宗走歸德,開 殺。 天興初, 起復, 與劉 與劉

恐益

重

朝廷之憂

止 醉。」諸 給二千石。 郭 初置 文振 將問 公府,開 處開西北,當兵之衝,民貧地瘠,開又不奉命以糧 故, 公府將佐得報皆不 與恒 曰:「頃以糧竭爲請,祈二萬 山 公武仙最强。 敢白、開聞, 後駐 兵馬武 置酒召諸將曰:「朝廷待某特厚,今日 而 得二千, Щ · 造人間道請糧二萬石,用事者難之, 是吾君相不以武仙輩 賑文振軍 文振 第竄 一待我 也。」是 開 與諸君 勢愈

,以至於敗。

在 田 逐傳。 燕寧,初爲莒州提控,守天勝寨,與益都田琢、東平蒙古綱相依爲輔車之勢,山東雖殘 倚三人爲重。 寧旣屢破 紅襖賊王公喜據注子堌、江江率衆襲據沂州。 紅襖賊,招降胡七、胡八,引爲腹心,賊中聞之多有欲降者。 寧擊走之,遂復沂州, 累官遙授

同 知安化 五. 年, 軍節度使事 與蒙古綱、王庭玉保全東平,以功遷金紫光祿大夫。 、山東安撫副使。 興定四年,封東莒公,益都府路皆隸焉。 還天勝,戰死。 蒙古綱奏:

許氏、妻霍氏皆爲范陽郡夫人,族屬五十二人皆廪給之。 士。 寧克 詔 盡忠孝,雖位居上公,祖考未有封爵, 贈故祖皐銀青榮祿大夫,祖 母張氏范陽郡夫人,父希遷金紫光祿 身沒之後老稚無所衣食,乞降異恩以勵節義之 大夫,母彭氏、繼 母

自 1益都張: 林逐田琢,繼 而寧死,蒙古綱勢孤,徙軍邳州,山東不復能守矣。

矣。 進、晉陽 大凡 贊日 公郭棟,此必正大問繼封,如史詠繼胡天作者,然不可考矣。 ...苗道潤死,中分其地,靖安民有其西之半,中分以東者其後張甫有之, 九公封建,宣宗實錄所載 如 此。 他書載 滄 海公張 進、 河 間 公 移 刺 中哥、 易水公張 然無北 境

校勘記

- 道潤與賈仝「仝」原作「全」、據殿本改。下同。
- 興定三年以太原不守 月「壬辰,以大元兵已定太原,河北事勢非復向日,集百官議備禦長久之計」。今據補「以」字。 原脫「以」字。按本書卷一五宣宗紀,太原不守在興定二年九月,至三年
- $\overline{}$ Ξ 四月紅襖賊李二太尉寇樂陵 按本書卷一六宣宗紀記此事在興定四年五月。

正

- $\overline{}$ 띧띸 別遣總領提控 置長校, 各立等差,……外設一總領提控,制可」。卷一〇二蒙古綱傳同。 「控」原作「領」。按本書卷一一一古里甲石倫傳,貞祐三年,「奏請招集義軍,設 卷四四兵志,「元光
- 遣刑部主事烏古論忽魯召仙 間,時招義軍……然又外設一總領提控」。 按下文云「忽魯刺還歸德」、或此脫或彼衍一「刺」字、今不可定。

今 據 改。

つまし

七品」。

今據改、

- $\overline{}$ 圍牧使移刺呆合有異志 「圉」原作「禦」。按本書卷五六百官志,「圉牧司,興定二年置,使,正
- $r \gamma$ -1= 文安大城 「城」原作「成」。 按本書卷二四地理志,中都路霸州有大城縣,今據改。
- 人山 頃之封易水 公 按本卷苗道潤傳,四年二月封靖安民爲易水公。此在三月以後,似誤。
- 十月權 元帥右監軍一員,正三品。 元帥 右 都監行 元帥府事 左都監一員,從三品。 按本書卷五五百官志、都元帥府、「元帥左監軍一員、正三品。 右都監一員,從三品」。 本傳上文已云「權元

帥左都監」,不合此反權右都監,疑是「右監軍」之誤。

[10] 其過汾潞遠甚 「遠」原作「達」,據殿本改。

紅襖賊王公喜據注子堌 「王」原作「五」。按本書卷一〇二田琢傳,興定「三年,沂州注子堌王

公喜構宋兵據沂州」,又「旣而,莒州提控燕寧復沂州,王公喜復保注子堌」。今據改。

į,

金史卷一百十九

列傳第五十七

粘葛奴申 劉天起附 完顏 烏古論鎬 張天綱

完顏仲德

數十萬 民皆避遷 爲 陳 州防禦使。 粘葛奴申,由任子入官,或曰策論進士。 口,米一斛直白金四兩,市肆喧鬨 他郡,奴申爲之擇官吏,明號令,完城郭,立廬舍,實倉廪, 時兵戈搶攘,道路不通,奴申受命,毅然策孤騎由間 如汴之慢闠,京城危困之民望而歸者不絕,遂指以 天興初,倅開封府, 以嚴 備器械。 道 以往。 、幹稱。 其年五 未幾,聚流亡 陳 自 兵興、軍 一月,擢

明年,哀宗走歸德,改 列 傅 第 五 + 七 粘 陳州 葛 奴 爲 申 金興軍, 馳使褒論,以奴申爲節度使。 二五九五 俄拜參 知 政事,行

東南生路。

尚書省于陳。 於是,奴申立五都尉以將其兵,建威來猪糞、虎威蒲察合達、振武李順兒、振

威王義、果毅完顏某,凡招撫司至者皆使隸都尉司。

故李順兒、崔都尉因而有異志、劉提控及完顏不如哥提控者預焉。 奈何。」乃減軍所給,月一斛五斗者作一斛,又作八斗,又作六斗。 是時,交戰無虛日,州所屯軍十萬有餘。 奴申與官屬謀曰:「大兵日至,而吾州糧有盡, 將領則不給。 人心稍怨。

如故。 起。 省、說軍士曰:「行省剋減軍糧,汝輩欲飽食則從我,不欲則從行省。」於是,省中軍士皆坐不 甲,孫欲觀其刀,順兒拔示之,孫色動,卽出門奔去。 坐 王 以 都 李 中。 順兒、副都尉崔某將之,襲項城寨。 奴申聞變走後堂,追殺之。 奴申知其謀,常以兵自防。 明 順兒令五都尉軍皆甲,守街曲。 日,遂遣剋石烈正之送款于汴。 提控劉某加害,解其虎符以與順兒,幷殺其子姪壻及鄉人 及聞大元兵往朱仙鎭市易, 令孫鎭撫者召順兒議兵事,孫至其家,順兒已擐 自稱行省,署元帥,都尉。 崔立乃遣其弟倚就加順兒淮陽軍節度使,行省 順兒追殺之,乃上馬,引兵二百人入 奴申遣五都尉軍各二百人, 以劉提控語不順,斬之

未 幾,虎威都尉蕭察合達與高元帥者盡殺順兒之徒,舉城走蔡州。 大兵覺,追及孫家

林,老幼數十萬少有脫者。

遣者同往同還。 初,奴申聞崔立之變,遣人探其事情,而順兒、崔都尉亦密令人結構崔立,適與奴申所 順兒懼其謀泄,故發之益速。 奴申亦知其謀,故遣襲項城,欲因其行襲殺

之,然已爲所先。

符。 有功,陳人甚倚重之。順兒之變,天起偃蹇不從,爲所殺。 言戰國兵法,平章白撒等信之,令景德寺監造革車三千兩。天興元年,授都招撫使,佩金 召見,乞往陳州運糧,上從之,一時皆竊笑其僥倖。 劉天起者起於匹夫,初甚庸鄙。汴京戒嚴,嘗上書以干君相,願暫假一職以自効。 及至陳,行軍殊有方略,每出戰數 同時一唐括招撫者亦不屈而死。 毎

盡,以絛繋掉金牌,力戰而死。 完顏婁室三人,皆內族也,時以其名同,故各以長幼別之。 正大八年,慶山奴棄京兆,適鷹揚都尉大婁室運軍器至白鹿原,遇大兵與戰,兵刃旣

十騎 入襄城,驅驛馬而出,又入東營,殺一千夫長,金人始覺之。 九年正月,大兵至襄城,元帥中婁室、小婁室以馬軍三千遇之於汝墳。時大兵以三四 兩婁室以正旦飲將校、皆

傳第五十七 完顏婁室

列

婁室 醉 不 能 爲 北 軍 ,遂敗,退走許州。 面 總帥,小婁室左翼元帥,收潰卒及將軍夾谷九十奔蔡州。 會中使召入京師。 天興二年正月, 河朔軍潰,哀宗走歸德,中 蔡帥烏古論栲栳知其

跋扈

不納

。遂走息州

九十 以 使 招 日 人 往。 大 負 者 爲帥 我 呼云「勿學我欲開 ·妬之,各以招集勤王軍士爲名,得五六百人,州以甲仗給之。 販 時 何 白華以上命送虎符於九住爲息州行帥府事。 牙儈數百人爲「虎子 三帥令甲士守街 兼權 緣反。」三帥怒,欲殺者久之,小婁室意稍解,頗爲救護得不殺,使人鎖之。 息州。 ,息帥石抹九住納之。 西門反」,卽斬之。 曲, 軍」,夜則擐甲爲備。 九住 從者過, 處處執之。 乃召九住,九住欲不往,懼州人及禍,乃從三百卒 一日,九住使一萬戶巡城,三帥執而驅之, 九住出近侍,好自標致,騶從盈路。 九住獨入,三帥問汝何爲欲反,九住 久之,漸生猜貳,九住亦 以夾谷

息州 使 上 之終訟,乃罷九住帥職,授戶部郎中,以烏古論忽魯爲息州刺史。〔〕〕 將 且不 括馬, 蔡帥 幸蔡,密召中婁室 直三帥。 栲栳聞 即召 九住。 九住 六月,赦至蔡,栲栳懼九住 為三帥所誣,上奏辨之,三帥亦捃摭九住之過上聞。 引兵來迓,婁室遲疑久之,乃率所招卒 九住 至, 與中 ·婁室辨於上前。 | 爲三 帥 所誅、遣二卒馳送詔書於息、乃得免。及 時 中婁室 奉迎。 已授同簽樞密院事,上不欲 七月,上遣近侍局使入 朝 廷主 栲栳之

政事 城 中 抹燃 軍 時 ·無幾,日有叛去者,且覘知宋人有窺息之意,息帥懼,上奏請益兵爲備。 `有土豪劉禿兒、馬安撫者自蔡朝還,以軍儲不給叛入宋,州之北關爲所焚毁。 兀典行省事于息州, 中婁室以同簽樞密院事爲總帥, 小婁室以副點檢爲元帥,王 朝廷以參知 是時,

進爲 之曰:「北兵所以常取全勝者,[三] 恃北方之馬力,就中國之技巧耳。 彈 .壓帥,夾谷九十爲都尉,以忠孝馬軍二百、步軍五百屬之,行省、院於息。 我實難與之敵,至於宋 將行,上諭

人,何足道哉。 朕得甲士三千,縱橫江、淮間有餘力矣。 卿等勉之。」

室腹 不遵約束,失亡軍士,乞正典刑。 襲宋營於 心,九住之獄皆閏發之,兀典廉得其事,因其失律而誅之也。 八月壬辰,行省遣 中渡。 我軍皆北語,又散漫似之,宋人望之駭愕奔潰,斬獲甚衆。 人奏中渡店之捷。〔三〕初,兀典等赴息,既至之夜,潛遣忠孝軍百餘騎 婁室表閏 無罪,上遣人赦之, 比至,已死獄 九月,以忽魯退縮,圖 中。 復奏元 蓋開 帥 爲婁 張 閏

能撫御,民多叛去,奪其職,以夾谷九十權息州事 ,。(至)

外,至息者才十餘 衣物,城中皆無聊 十一月,宋人以軍二萬來攻。 矣。 人。 至是,蔡問不通。 前 兩月, 蔡州 城中食盡,乃和 以軍護老幼萬口 行省及諸帥日以歌酒爲事, 聲樂不絕。 糴,旣而 來就食, 括之, 北兵覺之,追及於二十里之 每石止留一斗,并括 下及軍士 金帛

列傳第五十七 完顏婁室

强娶寡婦幼女,絕滅人理,無所不至。

二六〇〇

爲 軍悉爲所殺。 行,入羅山,委曲之信陽。 軍,行省已下有罪已處置,汝等就迷魂寨安屯,遂以軍防之。 親 遞 人令官屬入城,託以犒賞,從萬戶以上六七百人皆殺之,軍 府 領省,丞相、總帥、左平章皆娶婦。十三日,舉城南遷,宋人焚州樓櫓。 相 同 猜忌,無敢先發者。 三年甲午正月,蔡凶問至,諸帥殺之以滅口,然民間亦頗有知者。 . 僉桓端國信使下經歷官,乃使送款于宋。 數日,蔡信鬨然,諸帥屛人聚議,皆言送款南 北兵見火起,追及之,無有觅者,且誅索行省已下官屬于宋。 遂發喪設祭,諡哀宗曰昭宗。 中亦有奪命死敵者。 旣而與北軍接,南軍歛避, 中爲 初, 諸帥欲北降, 而 州人老幼渡淮 便。 時李裕爲 州民奉行省 宋人諭諸 南 睦

烏古論鎬本名栲栳,東北路招討司 人。 由護衞起身,累官慶陽總管。

|蔡,告||蔡人以臨幸之意。 六月,徵蔡、息軍馬來迓,以蔡重鎭,且慮有不測,詔鎬勿遠迎。 海 州 ,未決。 天興初,遷蔡、息、陳、潁等州便宜總帥。 會鎬輝米四百餘斛至歸德,且請幸廃,上意遂決。 二年,哀宗在歸德, 先遣直學士烏古論 蒲察官奴、 國用安欲 浦 鮮 上幸 如

辛卯,車駕發歸德,時久雨,朝士扈從者徒行泥水中,掇青棗爲糧,數日足脛盡尰,參政

慟。 今股 天綱 馬五 H 亦然。 是日 無德 一十餘 進亳 匹而 之南六十里,避雨雙溝寺中,蒿艾滿目,無一人迹,上太息曰:「生靈盡矣。」爲之一 小 令爾塗炭。 壬辰,至亳,上黃衣皂笠金兔鶻帶,以靑黃旗二導前,黃傘擁後,從者二三百人, 婁室自息來迓,□問馬二百。 已。 行次 **朕亦無足言者**, 、城中,僧道父老拜伏道左,上遣近侍諭以「國家涵養汝輩百有餘年, 汝輩 己亥,入蔡。 無忘 祖宗之德可也」。 | 蔡之父老千人羅拜於道, 見上儀 皆呼萬歲, 泣下。

集,小民鼓舞 有以錢出 七 月,以鎬 者,十 以 爲復見太平,公私宿 取 爲 御史大夫,總帥 一分有半 以贍軍。 如 故。 釀 上至蔡,或言其非便,即弛其禁。 日俱 初,鎬守蔡, 盡。 門禁甚嚴,男女樵采必以墨識其面,人 時大兵 、去遠,商販 頗

衛蕭

條,莫不

感泣,上亦歔欷者久之。

内侍 蹕 見 左 右 以 進麥三百石及獐 無 殿 來 郾城 頭 不 人,故令採擇。 聞恢 宋珪 土豪盧進殺其長吏,自稱招 與鎬妻選室女備後宮, 復遠略,而先求處女以示久 鹿脯、茶、蜜等物,遂賜 今承 規 誨 、敢不 撫使,以前 已得數 敬從。 居。 進金牌, 人, 止留解文義者一 民 關、陝帥府經歷范天保爲副。 愚而 右丞 加 一忽斜虎 神不可 天保官, 不畏。」上 諫 人,餘皆放 自 曰:「小 是進 民 物 曰:「朕 造。」 者踵至。 無知,將謂陛下駐 以六宮失散, 至是,天保來 旣 而,遣

是時,從官近侍率皆窮乏,悉取給於鰝,鎬亦不能人滿其欲, 列 傳 第 五 + 七 鳥 古 論 鎬 日 夕交譖於上, 二六〇1 甚以尙食

常稱疾在告。 闕供爲言。 省求改正,尚書省以聞。上曰:「朕嘗謂女魯歡反邪,而無迹可尋。 九住辨曲直。 怒少解。 意之在鎬也,數爲右丞仲德言之。仲德每見上必稱鎬功業,宜令預參機務,又薦以自代,上 上之心,非反而何。然朕方駕馭人材以濟艱難,錄功忘過此其時也,其釐正之。」羣臣知上 人君,不當語此細事,但四海郡縣孰非國家所有?坐保一城,臣子之分,彼乃自負而有驕君 人徵援兵,彼留精銳自防,發其羸弱者以來。旣到睢陽,彼厚自奉養,使脍醢醬有闕。 九 月,大兵圍蘇,鎬守南面,忠孝軍元帥蔡八兒副之。未幾,城破被執,以招息州不下, 及參政抹撚兀典行省息州,鎬遂以御史大夫權參知政事。 上怒,雖擢拜大夫,而召見特疏。小婁室之在息州也,與石抹九住有隙,怨鎬爲 會前參知政事石盞女魯歡姪大安來,以女魯歡無反狀,爲官奴所殺,白尚書 及上幸蔡,婁室見於雙溝,因厚誣鎬罪,上頗信之。 謂不反邪,朕方暴露,遣 鎬自知被讒,憂憤鬱抑, 股為

古論先生者,本貴人家奴,爲全眞師。佯爲狂態,裸顚露足,綴麻爲衣,人亦謂之「麻

殺之。

帔先 已逃去。 生。 正大末,從鎬來官汝南, 宣宗嘗召入宮,問以秘 一術。因出入大長主家、殊有穢迹、上微聞之、勅有司掩捕、 人皆知與其妻通,而鰝不知。 生不自安,求出, 編爲營道

宇,親率僧道送使居之。 不拜,且多大言,欲出說大帥噴盞爲脫身計。 之,或可以有成功。」參政 仲德知其妄,乃奏:「欲如 天綱 田單假 車駕將至於,生欲遁無所往, 以爲不可,遂止。 神師退敵之意,授一眞 時郎中移刺克忠、員外郎王鶚具以向者「 復求入見,言有詭計可 因自言能使軍士服 人之號,旋出奇 計,北兵信巫必 以退敵。 氣不費糧。 及見,長揖 駭 右 麻 異 丞

帔」爲言,上怒殺之。

室皆金內族,唯大婁室死得其所,其兩婁室讒賊 政刑一至於是。 贊曰 …晉劉越石長於撫納,短於駕馭,以故取敗。 鳥古論鎬幸蔡之請,雖非至謀,區區効忠以讒見忌,哀宗之明蓋可知矣。 人也,襄城事急,醉不能軍,乃逭一死,金失 粘葛 奴申陳州之事,殆類之矣。 三樓

少變。 司員外郞。 張天綱字正卿,霸州益津人也。 累官咸寧、臨潼令,入補尚書省令史,拜監察御史, 哀宗東幸,遷左右司郎中,扈從至歸德,改吏部侍郎。 至寧元年詞賦進士。 以鯁直聞。 性寬厚端直, 論 知元帥官奴有反狀,屢爲 陞戶 議醇正, 部 郎 中,權 造 左右

上言之,上不從,官奴果變,遂擢天綱權參知政事。 及從上遷蘇,留亳州,適軍變,天綱以便

宜授作亂者官,州賴之以安。及一蔡,轉御史中丞,仍權參政。

江、淮,西入巴、蜀。」頗合上意。 上命天綱面詰其蘊藉,召與語無可取者,然重違上命,且恐 **扶溝縣招撫司知事劉昌祖上封事,請大舉伐宋,其略云:「官軍在前,飢民在後,** 南踐

閉塞言路,奏以爲尚書省委差官。

不給出怨言,乞往陳州就食。 護衞女奚烈完出、近侍局直長粘合斜烈、奉御陳謙、權近侍局直長內族泰和四人,以食 天綱奏令監之出門任所往。 才出及汝南岸,遇北兵皆見殺,

時人快之。

來追。 麻 其後,此田單所以破燕也。」 天綱曰:「不可。 此賊所誑。」軍吏石抹虎兒者求見仲德,自謂有奇計退敵,出馬面具如獅子狀而 駭敵,語在烏古論鎬傳。[f]上頗然之,天綱力辨以爲不可,遂止,且曰:「向非張天綱,幾爲 (布爲足、尾,因言::「北兵所恃者馬而已,欲制其人,先制其馬。 妖人烏古論先生者自言能使軍士服氣,可不費糧。 我以馴騎百餘皆此狀,仍繫大鈴于頸,壯士乘之,以突彼騎,騎必驚逸,我軍鼓 彼衆我寡,此不足恃,縱使驚去,安保其不復來 右丞仲德援田單故事,欲假其術以 如我軍進戰,尋少却,彼必 惡,別制青 課繼

恐徒費工物,秪取敵人笑耳。」乃罷之。

狀爲。」有司不能屈,聽其所供,天綱但書故主而 何畏之有。」因 有 「曳去。」明日,遂奏其語,宋主召問曰:「天綱眞不畏死耶。」對曰:「大丈夫患死之不 何面目 蔡城破,爲宋將孟珙得之,[5] 檻車械至臨安,備禮告廟。 到 此 **新死不已**。 |天綱對曰:「國之興亡,何代無之。 宋主不聽。 初,有司令供狀必欲書虜 已。 我金之亡,比汝二帝何 聞者憐之。 旣而 主,天綱 後不知所終。 ,命臨安知府薛瓊問 曰:「殺 如 (三)瓊大 卽 殺,焉 $\dot{\mathbb{H}}$ 節 叱 爾, 日 曰 用

賴以 州 築城壁,匯水環之,州由是可守。 軍,雖備宿 兵所俘,不 徐州 完顏仲德本名忽斜虎,合懶路人。 城東西北三面皆黃河而南獨平陸,仲德疊石爲基,增城之半,復浚隍引水爲固,民 ·踰年盡解其語,尋率諸降 衞 而學業不輟。 中泰和三年進士第,歷仕 哀宗卽位,遙授同 人萬餘來歸。 少穎悟不羣, 宣宗召見、奇之、授邳州刺史、兼從宜。增 知歸德府事,同簽樞密院事,行院於除 州縣。 讀書習策論, 貞祐用兵,辟充軍職,嘗爲大元 有文武才。 初試補 親衞

奥屯 泗 正 大五 里 不酌酒 年,韶關陝以南行 更代,而 兵猝至,遂驅而 元 師府 事 ,以備小關 東。 阿里不素無守禦之策,爲有司所劾, 及扇 車回。 時北 兵叩關, 仲德 適 罪當死。 前 帥

列

仲德 上書引咎,以謂「北兵越關之際,符印已交,安得歸罪前帥,臣請受戮」。上義之,止杖

阿里不而貰其死。

鞏昌行省及虎符、銀印。 爲 栅,屯田積穀,人多歸焉。 六年,移知鞏昌府,兼行總帥府事。時陝西諸郡已殘,仲德招集散亡,得軍數萬,依山 一方獨得小康,號令明肅,至路不拾遺。八年四月,詔授仲德

後 拜 嘗屢遣 道 仲德復立 上 一東遷。 進取 遇 、尚書省右丞、兼樞密副使,軍次黃陵岡。 [元] 兵而 北 天 、興元年九月,拜工部尙書、參知政事,行尙書省事於陝州。 興元 兵在河南,而上遠徇河北,萬一無功,得完歸乎。 人奏、秦、鞏之間山巖深固、糧餉豐贍。 潰,惟仲德提孤軍千人,歷秦、藍、商、鄧,擷果菜爲食,間關百死至汴。至之日,適 山寨,安撫軍民。會上以蠟丸書徵諸道兵入援,行省院帥府往往觀望不進,或中 妻子在京師五年矣,仲德不入其家,趨見上於宋門,問東幸之意。 ,經略巴蜀,此萬全策也。」上已與白撒議定,不從,然素重仲德,且嘉其赴難,進 不若西幸,依險固以居,命帥臣分道出戰,然 國之存亡,在此一舉,願 時兀典新敗,陝州殘破, 知欲北渡,力諫 加加 審察。臣

翼、孫璧沖者初投用安,用安封翼為東平郡王,璧沖博平公,升沛縣為源州。 年正月,車駕至歸德,以仲德行尚書省于徐州。 旣至, 遺人與國用安通問。 已而,翼、壁沖 沛縣卓

徐,德全 來歸、 仲德界之舊職,令統河北諸砦,行源州帥府事。 大恐,求赴歸德。仲德留之,遣人納奏帖云:「徐州重地,德全不宜離鎭。」仲德虛州 用安累檄王德全入援, 不赴, 仲德至

派不居?

亦無兵衞自防,日以觀書爲事,而德全自疑益甚。

十許 随者,盜御馬東行,制旨諭行省討之,仲德旣殺賊,德全欲功出己,殺曹黨四十八人。 人,親勸民兵得三百人,徑往魚山,而從宜嚴祿已誅瓛反正,仲德撫慰軍民而還。 二月,魚山 總領張瓛作亂,殺元帥完顏胡土降北。 仲德累議討之,德全不從,即領麾下 有曹

蕭 救 蕭 逐破。 縣,遣張元哥、苗秀昌率騎八百以往。未及交戰,元哥退走,北兵掩之,皆爲所擒殺之, 三月,阿术魯攻蕭縣,游騎至徐,德全馬悉爲所邀。 四月,仲德陽以關糧往邳州,州官出迎,就執德全幷其子殺之,餘黨之外一無所 仲德時往宿州,德全以失馬故始議

問、闔郡稱快。

與皆 數年 諸義 敏 修 ·, 叉 ,忽土下經歷官,乃 初, 軍 禄 赴保安鎮誅作亂者。 得 完顏 所 土 殺 心。 胡土以遙授徐州節度,往帥嚴祿軍於永州北保安鎮。 徐州 忽土到,軍士不悅,二月辛卯夜,遂爲總領張瓛、崔振所害。 去保安百里,行省聞之來討,會祿已反正,乃以便宜授祿行元帥左都 以軍變脅嚴祿降北。祿佯應之,陰召永州守陳立、副招撫郭昇, 軍 夜 至,祿遣敏修召職、振計事,二人不疑,介冑而 時祿已爲從宜,在碭山 吏部郎中張 至,及其黨

列

安,祿夜遁。 就佩忽土虎符。 後藤 聞官奴變,一軍頓徐、宿間幾一月,遂投漣水,敏修入徐。 朝廷復授禄遙領歸德知府、兼行帥府事。 未幾, 大元將阿术魯兵至保

幾,大兵梗路,竟不果行。 志。 西幸,因贊成之。 真偽耶,死亦當行。」尋使者至,果<u>官奴之</u>詐。 近侍左右久困睢陽,幸卽汝陽之安,皆娶妻營業不願遷徙, Ŧi. 月,詔仲德赴行在。 及一蔡,領省院,事無鉅細率親爲之,選士括馬,繕治甲兵,未嘗一 仲德每深居燕坐,瞑目太息,以不得西遷爲恨。 時官奴已變,官屬懼爲所給,勸勿往。 六月,官奴誅,詔仲德議遷察,仲德雅欲 日夕爲上言西行 仲德曰:「君父之命、豈辨 不便。 日無 奉上 西 未

解固 越于外,必痛自刻苦貶損,然後可以克復舊物。 以 求安逸、恐人心解弛、不足以濟大事。」上遽 不及宮闕萬一,方之野處露宿則有 是月,上至櫒,命有司修見山亭及同知衙,爲遊息之所。 加矣。 命止之。 且上初行幸已嘗勞民葺治,今又興土木之役 況今諸郡殘破,保完者獨 仲德諫曰:「自古人君遭難,播 蔡耳。 蔡之公

汝作等各以馬進,凡得千餘匹,以抹撚 叉以 器甲不完,命工 七月,定進馬遷賞格,日日日年馬 部侍郎术甲咬住監督修繕,不踰月告成。 一匹或二匹以上,遷賞有差。 阿典領之。 又遣使分詣諸道徵兵赴 軍威稍振, 扈從諸人苟一時 自是、西山帥臣 蔡,得精 范眞、姬 鋭萬

之安,遂以縣爲可守矣。

至蔡幾喪其半。 魯山元帥元志領軍千餘來援。 上表異之,賜以大信牌,升爲總 時諸帥往往擁兵自固, 帥 息州忠孝軍帥蔡八兒、王 志獨冒險數百里,且戰且行,比 山見 亦 來援

容忍, 責。」軍士聞之,至于國亡不敢有犯。 豈獨官奴之罪,亦有司縱之太過耳。 |忠白之仲德,仲德大怒,縛|德堂下,杖之六十。 則決,大犯則誅,强兵悍卒不可使一日不在紀律。 壬午,忠孝軍提控李德率十餘人乘馬入省大呼,以月糧不優, **責罰乃爾。」仲德曰:「時方多故,錄功隱過自陛下之德。** 今欲更易前轍,不宜愛克厥威,賞必由 上諭仲德曰:「此軍得力, 蓋小人之情縱則驕,驕 至于將帥 幾於罵詈。 方欲倚用 之職 則難 中,罰 制 則 郎中 惟陽 不 則 ·然,小 移刺克 、臣任其 卿 之 何 犯 禍

六斗。 毋資敵,制可。 不知,仲德之謀也。 人復怨不均。乃立射格,而上中軍輒多受賞,連中者或面賜酒,人益爲勸,且陰有所增而人 九月,蔡城戒嚴。行六部尚書蒲察世達以大兵將至,請諭民倂收晚田,不 初,有司定減糧,人頗怨望。 丙辰, 詔裁冗員, 汰冗軍, 及定官吏軍兵月俸, 自宰執 甲子,分軍防守四面 上聞之,欲分軍爲三,上軍 月給 以下至于皂隸,人月支 八斗,中七斗,下六斗, 及者踐毁之,

退。 十一月辛丑,大兵以攻具傅城,有司盡籍民丁防守,不足則括婦女壯健者,假男子衣冠 十月壬申朔,大兵壕壘成,耀兵城下,旗幟蔽天。 城中 - 駭懼) 及暮, 焚四 關, 夷其牆 而

列

亡者,親爲賻祭,哭之盡哀。己丑,西城破,城中前期築栅浚濠爲備,雖克之不能入也。 於城上立栅,南北相去百餘步而已。仲德摘三面精銳日夕戰禦,終不能拔。 使運木石。 察既受圍,仲德營畫禦備,未嘗一至其家,拊存軍士,無不得其歡心,將校有戰 但

供役。戊申,大兵鑿西城爲五門,整軍以入,督軍鏖戰及暮乃退,聲言來日復集。 四帥、三都尉,其餘總帥以下,不可勝紀。至是,盡出禁近,至於舍人、牌印、省部掾屬,亦皆 三年正月庚子朔,大兵以正旦會飲,鼓吹相接,城中飢窘愁嘆而已。 圍城以來,戰歿者

計。」言訖,赴水死。將士皆曰:「相公能死,吾輩獨不能耶。」於是參政孛术魯婁室、兀林荅 胡土,總帥元志,元帥王山兒、紇石烈栢壽、烏古論桓端及軍士五百餘人,皆從死焉。 曰:「吾君已崩,吾何以戰爲。 己酉,大兵果復來,仲德率精兵一千巷戰,自卯及巳,俄見子城火起,聞上自縊,謂將士 吾不能死於亂兵之手,吾赴汝水,從吾君矣。諸君 其善爲

有異志者。南渡以後,將相文武,忠亮始終無瑕,仲德一人而已。 長,極口稱道。其掌軍務,賞罰明信,號令嚴整,故所至軍民爲用,至危急死生之際,無一士 生故吏每以名分敎之。家素貧,敝衣糲食,終其身晏如也。雅好賓客,及薦舉人材,人有寸 仲德狀貌不踰常人,平生喜怒未嘗妄發,聞人過,常護諱之。雖在軍旅,手不釋卷,門

又無後,其臣豫讓不忘國士之報, 贊曰:金之亡,不可謂無人才也。 君子謂其無所爲而爲之,眞義士也。 若完顏仲德、張天綱,豈非將相之器乎。昔者智伯死 金亡矣,仲德、天綱

諸臣不變所守,豈愧古義士哉。

校勘記

以烏古論忽魯爲息州刺史 按本書卷一八哀宗紀,天興二年七月「戊申,左右司郎中島古論蕭

鮮無息州刺史」。 汝南遺事卷一作「七月己酉」,官職 略同,此作「鳥古論忽魯」似誤

「全」原作「金」。按汝南遺事卷二記此言作「全」。

今 據 改。

行省遣人奏中渡店之捷 「捷」原作「楚」,據殿本改。

北兵所以常取全勝者

五 「十」原作「住」、據殿本改。 九月以忽魯退縮

「忽魯」疑當作「蒲鮮」,參見本卷校記〇〇

以夾谷九十權息州事

ハベン 小婁室自息來迓 按本卷完顏婁室傳、「及上幸蔡、密召中婁室引兵來迓」。此作「小婁室」似誤。

[47 語在烏古論鎬傳 原脫「鎬」字,據本卷烏古論鎬傳補

爲宋將孟珙得之 「珙」原作「拱」,據殿本改。

校

勘

記

列

傳 第 五 + 七

軍次黃陵岡、原脫「岡」字。按本書卷一八哀宗紀,天興元年十二月辛丑,「鞏昌元帥完顏忽斜

虎至自金昌,以爲尚書右丞從行,甲辰,次黃陵岡」。今據補。

七月定進馬遷賞格 「七」原作「八」。按本書卷一八哀宗紀,天興二年七月「丁卯,定進馬遷賞

格」。汝南遺事卷二同。今據改。

金史卷一百二十

列傳第五十八

世戚

石家奴 裴滿達 忽覩 徒單恭 烏古論蒲魯虎

蒲察鼎壽 唐括德溫 徒單思· 烏古論粘沒曷日 忠 徒單釋 蒲察阿虎迭 烏林荅復 徒單四喜 烏古論元忠 烏林苔暉 子誼

唐括貢

烏林荅琳

徒單公弼

徒單銘

春 然 則 曰:「女直 四十七部之中亦 金昭祖娶徒單氏,后妃之族自此始見。 與胡里改豈可爲昏。」 有不通昏因者矣,其故則莫能詰也。 世宗時,三賜夾谷清臣 世祖時,烏春爲難,世祖欲 族 有國家者, 同 國 人。 昏因有 求昏以結其驩心,鳥 清臣, 恒族,能使風 胡里 改 人也。

列 傅 第 五 + 八 丗 戚

氣淳固、親義不渝、而貴賤等威有別焉,蓋良法也歟。 作世戚傳。

石家奴,蒲察部人,世居案出虎水。 祖斛魯短,世祖外孫。 桓被、散達 [三之亂昭肅皇

后父母兄弟皆在敵境,斛魯短以計迎還之。

軍,攻臨潢府皆有功,襲謀克。其後,自山西護齊國王謀良虎之喪歸上京,道由興中。是時, 石家奴自幼時撫養于太祖家,及長,太祖以女妻之。年十五,從攻寧江州,敗遼主親

方攻興中未下,石家奴置柩于驛,率其所領猛安兵助王師,遂破其城。

兵數萬,敗之,遂見宗望。 從宗望討張覺。再從宗翰伐宋。宗翰聞宗望軍已圍汴,遣石家奴計事,抵平定軍遇敵 已還報,宗翰聞其平定之戰,甚嘉之。

明年,復伐宋,石家奴隸婁室軍。婁室討陝西未下,石家奴領所部兵援之。 旣而,以本

部 屯戍西京,會契丹大石出奔,以余睹爲元帥,石家奴爲副,襲諸部族以還。 未幾,有疾,退

居鄉里。

東京留守,以病致仕。卒,年六十三,加贈鄖王。 天眷間,授侍中、駙馬都尉。 再以都統定邊部,熙宗賜御書嘉獎之。 正隆奪王爵,封魯國公。 封蘭陵郡王。 除

JII 力戰有 裴滿 達本名忽撻, 功。 熙宗娶忽撻女,是爲悼平皇后。 婆盧木部人。 爲人淳直孝 天眷元年,授世襲猛安。 友。 天輔六年, 從蒲家奴追叛寇於鐵呂 明年,以皇后父拜

太尉,封徐 國 公。 皇統 元 年,除會寧牧。 居數歲,以太尉奉朝請。

爲王。 九年? 天德三年,薨。 悼后死。 無何,海陵 子忽覩,爲 弑熙宗, 燕京留守,以罪免,居中都,海陵命馳驛赴之。 、欲邀衆譽, 揚熙宗過惡, 以悼后死非罪, 於是封忽撻 及葬,使秘

書監納

合椿

年致祭,賻銀

五

百

兩。

陵 施 汙 改 時號「閑郞君」。 安 以 不 忽覩 國 法。 忽覩,天眷三年權猛安,皇統元年爲行軍猛安。 及留 軍 節 其在 所 度 至 守中京, 使。 横 縱 家 朝 海, 廷以 卒 奴 益驕恣, 苟可 拜富 擾 年三十九。 忽覩 民, 人 、爲父, 乃定禁外官任所閑雜 與徒單恭等汙濫 以得財 及死, 無不爲者。 爲之行服 至 甚,命秉德黜陟天下官吏,忽覩 人條約。 而 選諸猛安富 歷横海、崇義軍節度使,以后戚怙勢贓 分其資。 天德三年,復起爲 在崇義,諷寺僧設齋而受其 人子弟爲扎野,規 鄭 以贓罷。 州防禦使, 取 財

海

列

傳

第

五

+

八

世

戚

戶 部 侍郎,出爲濟南尹,遷會寧牧, 徒單恭本名斜也。 天眷二年,爲奉國上將軍。 封譚國公。 復出爲太原 以告吳十反事,超授龍虎衞上將軍。 尹。 斜也貪鄙,使工繪一佛像,

官」。秉德廉訪官吏,斜也以贓免。

自

稱

嘗見佛,其像如此,當以金鑄之。

遂賦屬縣金,而未嘗鑄佛,盡入其家,百姓號爲「金總

累朝 思忠舉數 保魯鞫不以實,海陵杖保魯,而以撒合出 陵杖之二十。 非私之。 陵 獵於胡 宰相 海陵篡立,海陵后徒單氏,斜也女,由是復用爲會寧牧,封王。 未嘗 事對曰:「某事本當 今聞軍 刺渾水, 有 斜也猛安部 中國大事 如斜也專恣者。」海陵默然。 斜也編列圍場, 凡斜也所言, 人撒合出者, 如如 此,斜也輒以爲如彼,皆妄生異議,不達事宜。 凡平日不相能者輒杖之。 卿等 言斜也强率取部 爲符寶祗候,改隸 無取,豈千慮無一得乎?」他宰相 斜也於都堂脊杖令史馮仲尹,御史臺劾之,海 人財物, 合扎猛 海陵謂宰相曰:「斜也爲相,朕 海陵 安。 未幾,拜平章政事。 命侍御史保魯鞫之。 無以對,溫都 臣逮事 康宗,

財,强納兀魯爲室而不相能,兀魯嘗怨詈斜也。 斜 也 兄定哥尚太祖長女兀魯, 定哥死無子, 斜也妾忽撻與兀魯不叶,乃譖兀魯於海陵 以季弟之子 查剌 爲後。 斜也謀取其兄家

語,斜 驗皆不敢言,遂殺兀魯, 母,兀魯以言慰亨母,忽撻亦以怨望指斥誣兀魯。 后徒單氏曰:「兀魯怨上殺其兄宗敏,有怨望語。」會韓王亨改廣寧尹,諸公主宗婦往賀 也不奏,遂杖斜也,免所居官。 斜也因而盡奪查刺家財。 俄,復爲司徒,進拜太保,領三省事,兼勸農使。 海陵使蕭裕鞫之,忽撻得幸于徒單后,左 大定間皆追正之。 海陵以兀魯有怨望 再進 其

地,遣使營治。 國公。 其妻先科也卒,海陵嘗至其葬所致祭,起復其子率府率吾里補為諫議大夫。 貞元二年九月,斜也從海陵獵于順州。 及葬,賜輼輬車,上及后率百官祭之,賜諡曰忠。 方獵,聞斜也薨,即日罷 正隆間,改封趙國公,再進 臘,臨其喪,親爲擇葬 大定間,

太師,封梁

晉國

玉。

海陵降爲庶人,徒單氏爲庶人妻,斜也降特進鞏國公。

古。 防禦使。 熙宗初,爲護衛, 鳥古論 海陵 魯虎。 賜食內殿,謂之曰:「衞州風土甚佳,勿以防禦爲降也。」對曰:「頗聞衞州 父當海,國初有功。 改牌印, 常侍左右。 蒲魯虎通契丹大小字,娶宋王宗望女昭寧公主什 轉通進, 襲父謀克, 再遷臨海軍節度使,改 官署 衞 州

列

大夫。

海陵 不 利守者。」即日,改汾陽軍節度使,賜衣服、佩玉、帶劍。 親 臨哭之, 后妃皆弔祭,赙贈甚厚。 有司給喪事,贈特進駙馬都尉。 入爲太子詹事,卒,年四十一。 正隆例贈光祿

虎衞上將軍,歷興平、臨海等軍節度使。 萬收平州,至城東十里許遇敵兵甚衆,戰敗之,太祖賞賚甚厚,授行軍猛安。 魯,領其父謀克,從太祖伐遼,攻寧江、泰州戰有功。父撻懶,尙康宗女,從宋王宗望以軍二 唐括德溫本名阿里,上京率河人也。曾祖石古,從太祖平臘醅麻產,領謀克。 皇統初,遷龍 祖脱孛

父祖功授按出虎猛安所管世襲謀克。三年九月九日,世宗以故事 安尹兼鄜延路兵馬都總管。世宗卽位,封道國公,爲殿前都點檢、駙馬都尉。大定二年,以 初,改殿前左副都點檢,遷兵部尚書。 宗弼南征,以善突戰遷廣威將軍。 士二千,飲食芻秣能無擾百姓乎。」嚴爲約束,仍以錢一萬貫分給之。 德溫善射,尚睿宗皇帝女楚國長公主。 六年, 遷定遠大將軍。 七年, 授殿前右副都點檢。 出爲大名尹兼本路兵馬都總管,改橫海軍節度使,延 天眷三年,授宣武將軍。 出 獵,謂德溫曰:「扈從軍 四年,爲勸農使,出爲 皇統元年,從都元帥 天德

西京留守,賜犀弓玉帶,召入爲皇太子太傅,卒。 上輟朝,親臨喪奠祭,賻贈甚厚。

十八年, 追錄其父撻懶幷德溫前後功,授其長子駙馬都尉鼎世襲西北路沒里山猛安,

徙隸泰州。

烏古論粘沒曷,上京胡剌溫屯人也,移屯河間。 祖喚端,太祖伐遼常侍左右,追遼主延

禧、却夏人援兵皆有功,授世襲謀克。 父歡覩,官至廣威將軍

粘沒曷尚睿宗女冀國長公主,初爲護衞,天德二年襲謀克。 海陵伐宋,爲押軍猛安。

鐍 ,杖四十。 遷右宣徽使、勸農使,出爲興平軍節度使。 改廣寧尹,賜錢三千貫。 世宗卽位,軍還,授侍衞親軍步軍都指揮使,加駙馬都尉。

歷左副點檢,禁直被酒不親視局

粘沒曷至廣寧,嗜酒不視事,上以兵部員外郎宗安爲少尹,詔宗安戒諭之,上謂宗安

驛奔喪,賜錢三千貫,沿路祭物並從官給。 曰:「汝能繼修前政,朕不忘汝,勉之。」大定中,粘沒曷卒。 上聞之,遣其子駙馬都尉公說馳

列傳第五十八 世戚

二六二〇

尙 國 書 長 浦 公主崔 廣寧、咸平、臨黃尹 察 团 虎迭, 哥。 皇統三年,爲右副點檢。 初授信武將軍,尚海陵姊遼國長公主迪鉢,爲駙馬都尉。 、,武定軍節度使,封葛王。 五年,使宋爲賀正旦使,改左副點檢, 薨年二十八。 海陵親臨葬,贈譚王。 遼國薨,繼尚鄧 禮部、 工部

隆例

贈特進楚國公。

尉, 遷明威將 林苔暉本 軍。 名謀良虎,明德皇后兄也。 從宗弼北征,四遷廣威將軍,賞以金幣、尚廐擊毬馬。 久之,除殿中侍御 天眷初,充護衞,以捕宗磐、宗雋功授忠勇校

宗曰:「暉嘗私用官錢五百 髮無所假借。 史,再除蒲速碗羣牧使,謹畜牧,不事遊宴,孳產蕃息,進秩,改特滿羣牧使。 世 即位,召見行在,除中都 果公廉辦治, 貫。」 雖素所不喜必加升擢,若抵冒公法,雖至親 廼數其罪而 兵馬都指揮使。 罷之,遣高忠建往。 世宗至中都,將遣使於宋,以暉爲使。 因謂宰臣曰:「朕於賞罰、豪 不少恕。」遷都點

兼侍

衞

親

軍

副都指揮使,卒。

遣官致祭,皇太子

諸

王

百官會喪,

賻銀千兩、重綵四十端、絹

四十匹。

詔以暉第三子天錫世襲納鄰河猛安親管謀克。

有惠政. 長於吏事。 局使,累官器物局使。 蒲察鼎壽本名和尚,上京曷速河人,欽懷皇后父也。賦性沉厚有明鑒,通契丹、漢字, 兩兩 州百姓刻石紀之。 尚熙宗女鄭國公主。 大定二年,加駙馬都尉,職如故。 遷泰寧軍節度使,歷東平府、横海軍,入爲右宣徽使,改左宣 。貞元三年,以海陵女弟慶宜公主子加定遠大將軍,爲尙衣 歷符實郎、蠡州刺史、濬州防禦使,

徽,授中都路昏得渾山猛安曷速木單世襲謀克。

內大治。在卒官。 三年,以皇后父贈太尉 改河間 尹 、,號令必行,豪右屛跡。 上聞之深加悼惜。 、越國 公。 喪至香山,皇太子往奠,百官致祭,賻銀綵絹。云明昌 有宗室居河間,侵削居民,鼎壽奏徙其族于平州、郡

未嘗以富貴驕人,當時以爲外戚之冠云。 鼎壽旣世連姻戚,女爲皇后,長子辭不失凡三尙定國、景國、道國公主。 其寵遇如此,

徒 單思忠字良酮,本名寧慶。 曾祖賽補,尚景祖女。從太祖伐遼,戰歿于臨潢之渾河。

父賽一 ,尙熙宗妹。 正隆末,爲乣椀羣牧使, 契丹賊窩斡擾北邊, 賽一 與戰死之。 大定初,

列傳

第

贈金吾衞上將軍。

而還之。 昧,又何足責。」遂釋之。 日, 思忠 與 、姻戚 上聞之,嘉有識量,由是常使侍側。 通敏 公子出遊近郊, 有才,頗通經史。 其人行數十步,忽執弓矢,思忠恐欲傷人,速馳至其傍,奪其弓,弛 有醉人腰弓矢策馬突過, 諸公子怒欲鞭之, 世宗在潛邸,撫養之。 尚皇弟二女唐國公主。 賦性寬厚。 十有二歲從上在濟南, 思忠曰:「醉人昏

左 乃與俱至東京。 一衞將軍,二年,加駙馬都尉,卒。 大定初,世宗使思忠迎南征萬戶高忠建、完顏福壽于遼口,察其去就,思忠知其誠意, 九年,上追念思忠輔立功,贈驃騎衞上將軍,仍授其子鐸武功將軍、世襲中都路鳥獨 世宗卽位,如中都,思忠從行,軍國庶事補益弘多。 上爲輟朝,卽喪所臨奠,命有 司備禮葬之,營費從官給。 大定元年十月,拜殿前

輝謀克。

徒單釋本名术輩,其先上京按出虎達阿人。 祖撒合懑, 國初有功,授隆安府路 合扎謀

克、「t」奪古阿隣猛安。

釋美姿儀,通諸國語。 尚熙宗第七女瀋國公主。 充符寶祗候,遷御院通進,授符寶郎。

憂制中襲父封。服闋,授同知濟南府事。 歷宣德、泰安、淄州刺史,有廉名。 改同知廣寧府事,以母鄂國公主憂,不赴。 二十六年,遷棣州防禦使,以政迹聞,升臨海軍節 世宗特許以

釋家世貴寵,自曾祖照至釋尚公主者凡四世云。

度使,卒。

事,久之,爲曷懶路兵馬都總管。承安四年,拜絳陽軍節度使,卒。 馬都尉。 烏林苔復本名阿里剌,東平人也。奉御出身,大定七年尚世宗第七女宛國公主,授駙 改引進使、兼符寶郎、出爲蠡州刺史、三遷歸德軍節度使。 明昌三年,轉知興中府

異,世宗在潛邸以長女妻之,後封魯國大長公主。 初卽位,親密無 太保昂為海陵左領軍大都督,遣元忠朝于行在,遂授定遠大將軍,擢符寶郎。 烏古論元忠本名訛里也,其先上京獨拔古人。父訛論,尚太祖女畢國公主。 如 汝者,侍從宿衞宜戒不虞。」大定二年,加駙馬都尉,除近侍局使,遷殿前 正隆末,從海陵南伐。世宗即位遼陽,時 諭之曰:「朕 元忠幼秀

列

獻,命元忠往受之,及還,詔諭曰:「朕每遇卿直宿,其寢必安。今夏幸景明宮,卿去久,朕甚 左 左 副都 衞 將 點檢。 軍 從世宗獵,上欲射虎,元忠諫止之。 坐家奴結攬民稅,觅官。十一年,復舊職。 進殿前右副都點檢,爲賀宋正旦使,還, 明年,升都點檢。十五 年,北邊進

滿,授東部尙書。以其子誼尙顯宗長女薛國公主。云 釋之,元忠不聽,主奏其事,世宗召謂曰:「卿不徇情,甚可嘉也,治京如此,朕復何憂。」秩 會大興府守臣闕,遂以元忠知府事。 有僧犯法,吏捕得置獄,皇姑梁國大長公主屬使

將幸會寧,元忠進諫不聽,出知眞定府,尋復詔爲右丞 以元忠對,乃拜平章政事,封任國公,進尙書右丞相。 十八年,擢御史大夫,授撒巴山世襲謀克。 世宗問左丞相紀石烈良弼孰可相者,良弼 相。 策論進士之科設,元忠贊成之。

忠奏曰:「鸞輿駐此已閱歲,倉儲日少,市買漸貴,禁衞暨諸局署多逃者,有司捕置諸法恐傷 復。 陛下仁愛。」世宗 况土性疏惡,甓之恐難經久,風雨摧壞,歲歲繕完,民將益困矣。」駕東幸久之未還,元 世宗欲甓上京城,元忠曰:「此邦遭正隆軍興,百姓凋弊,陛下休養二十餘年,尙未完 嘉納之。

尋出爲北京留守,責諭之曰:「汝强悍自用, 顯權而結近密。 汝心叵測,其速之官。」後

勝 左 任 丞張汝弼奏事,世宗惡其阿順,謂左右曰:「卿等每事依違苟避,不肯盡言,高鹤厚祿 如烏古論元忠爲相,剛直敢言,義不顧身,誠可尚也。」於是,改知眞定府事 何以

河間

內深忌,世宗嘗責之。又所至不能戢奴僕,世以此爲訾云。子誼。 守南京,尋改知彰德府,卒。 特加開府儀同三司、北京留守。徙知濟南府,過闕令預宴,班平章政事之上。承安二年,移 明昌二年,知廣寧府。 以河間修築毬場擾民,會赦下,除順義軍節度使。 計聞,上遣宣徽使白琬燒飯,賻物甚厚。 元忠素貴,性麁豪而 乞致仕不許,

位、廣平郡主進封鄴國長公主、誼改順天軍節度副使、加駙馬都尉。 雄名又不及乃父,朕嘗宥待,殊不知恩,汝宜知其爲人。」謂平章政事襄曰:「雄名可令補外。 兼吏部侍郎,改刑部

遷工部尚書。

泰和元年,遇父元忠憂。

二年,以本官起復。

三年,知 自今宮掖官已有旨補外者,比及廷授,卽毋令入宮。」於是,誼除同知澄州軍州事。章宗卽 太祖之曾孫,猶朕之女,乃父廢亡,非其女之罪也。」海陵女卒,大定二十一年,尚顯宗女廣 **誼本名雄名。**大定八年,尙海陵女。宴宗室及六品以上官,命婦預焉,上曰:「此女亦 承安元年,累遷秘書監

東平府事,改知眞定府事。 大安中,知大名府。 至寧初,以謀逆伏誅。 六年,伐宋,遷元帥左都監。 七年,轉左監軍。 八年,拜御史大

唐括貢本名達哥,太傅阿里之子也。 尚世宗第四女吳國公主,授駙馬都尉,充 御

特授拱衞直副都指揮使,五遷刑部侍郎,坐擅離職削官一階,出爲德州防禦使。 節度使,移鎭橫海。 召爲左宣徽使,遷兵部尚書,改吏部,轉禮部尚書、兼大理卿 升順天軍

割斡特刺舉貢可任以閑簡部分而兼領是職,遂以貢爲之。 上曰:「子益雖明法,而用心不正,豈可任之以分別天下是非也? 大理須用公正人。」右丞點 先是,大理卿闕,世宗命宰臣選可授者,左丞張汝弼舉西京副留守楊子益法律詳明。

徒單德勝劾其事,下刑部逮膏等問狀。上以襄、璋大臣釋之,而貢等各解職。 吏部郎中膏、中都兵馬都指揮使和喜爲貢壽,遂犯夜禁,和喜遣軍人送襄至第。 二十八年,拜樞密副使。章宗立,爲御史大夫。會貢生日,右丞相襄、參知政事劉璋、 監察御史

退,上曰:「向已嘗告,續知意欲外除,今之告將復若何。」遂優詔許之。尋起知眞定府事。 尋知大興府事,復爲樞密副使。 乞致仕不許,進樞密使,封<u>莘國公,改封</u>蕭。 復上表乞

邠州 福孫,屬以懇禱朝廷,冀早太平得還鄉之意。 烏林荅琳,本名留住。 ,琳降。會延安府遣通事張福孫至夏國,夏人使福孫見琳,時已中風,公主令人以狀付 **尚郜國公主**,加駙馬都尉。 福孫具以聞、詔賜以藥物。 貞祐元年爲靜難軍節度使,夏人犯

部侍郎,累除知大名府事。 定軍節度使。 怒突而前,侍衞皆避去,公弼不動,虎亦隨斃。 尉,改器物局直長。 徒單公弼本名習烈,河北東路算主海猛安人。父府君奴,尚熙宗女,加駙馬都尉,終武 公朔初充奉御,大定二十七年,尚世宗女息國公主,加定遠大將軍、駙馬都 轉副使、兼近侍局直長。丁父憂,起復本局副使。 韶責侍衛而慰諭公弱。 章宗秋山射中虎,虎 除濱州刺史,再遷兵

新民。」朝廷從之。 是時,伐宋軍興,有司督逋租及牛頭稅甚急,公酮奏:「軍士從戎,民亦疲弊,可緩徵以 大安初,知大興府事,讞武淸盜,疑其有冤,已而果獲真盜。歲餘拜參知

列傳第五十八 世戚

事,進右丞,轉左丞。至寧初,拜平章政事,封定國公。

被兵,不如河中善。」乃改知河中府。 貞祐初,進拜右丞相,罷知中山 府事。 歷定國軍節度使事、太孫太師、同判大睦親府事 是時,中都圍急不可行,圍解,宣宗曰:「中山新 興

定五年薨

宜宗輟朝,賻贈,諡恪愿。

崇慶 俄拜尚書右丞,出爲北京留守,以路阻不能赴。 **醞署直長,累遷侍儀司令、宿直將軍、尙衣局使、兵部郎中,與大理評事孫** 經史,事母盡孝。 三年,改知大名府,就陞河 按提刑司事。 初,移知真定府,復充河北東西、大名路宣撫使。 徒單銘字國本,顯宗賜名重泰。 改右衞將軍,轉左衞,出爲永定軍節度使,移河東北路按察使、轉運使。 大定末,充奉御。 北東西、大名路安撫使。 章宗卽位,特勅襲中都路渾特 祖貞、別有傳。父特進、涇國公。日、性重默寡言、粗 貞祐二年,卒。 大名荐饑 至寧元年九月,奉迎宣宗于彰德府, 重困,銘乞大出交鈔以 Щ 猛 安。 人鑑 明昌 爲 採訪 五. 年,授尚 後使,覆 賑之。 通

裴滿 不得 禮 則無呂氏、王氏、武氏之難,公主下 戚 之最得宜者、盛於漢 驕 一參焉。 盈,何 、約石烈、僕散皆貴族 曰:天子娶后,王姬下嫁,豈不重哉。 彼穠矣不作,王姬 女爲王后、己尚王姬、而自貴其貴、富厚不加焉、寵榮不與焉。 、唐矣。 也,天子娶后必于是,公主下嫁必于是,與周之齊、紀無異,此昏 肅雝之義幾希矣。 嫁各安其分、各得其所矣。 秦、漢以來,無世世甥舅之家。 蓋古者異姓世爵公侯與天子爲 金之徒單、拏懶、唐括 使漢、唐行此 關雎之道缺,外 香因, 蒲察 他 道, 姓

氏 時 以 物,馬蹄 宮,有敢言不行者當以 奉迎之意。 河朔 兩 及令人張秀蘗、都轄 宮隨 徒 單四喜, 已 金四)失利 行 物 是日,召二 百枚、大珠如栗黃者七千枚、生金山一、龍腦板二及信瑞御璽, 京城 之半 哀宗皇后之弟也。 猶 相 、承御、湯藥、 別 未 勃從 知,二人被旨迎 入議,二相及烏古孫奴申 事矣。」二相 天興二年正月辛酉夜,[10]四喜、內侍馬福惠 皇乳 兩宮、遂託 母 不復敢言, 鞏 國夫人等十餘 諫 以報捷, 行議 不 可行。 逐決。 執小黃旗以 人 外, 四喜作色日:「 制旨 皆放遣之。 所取 **入**, 兩宮、 我奉 至 仍許賜忠孝軍 叉 則 至自 取 柔妃 制旨 奏兩宮以 宮 歸德, 裴 中 迎 兩

見 家、江三少頃,還宮。 城 外二三處火起,疑有兵,遲回間,奴申初不欲行, 壬寅,太后御仁安殿,三三出錠金及七寶金洗分賜忠孝軍。 復議以是夜再往,太后憊於鞍馬不能 即承太后旨馳還。 動,遂止。 是夜,兩宮騎而出,至陳留, 癸卯, 入京頓四喜

問,但答數十而已。 卒言:「此官人我識之,前築裏城時與我同 是放忠孝軍出門者耶。」合住 騎 日 〕遁去, 奪曹門 ,立以數十騎召合住,合住 明 日 經歷官完顏合住 而 ,崔立變。 出,將往歸德,不得出,轉陳州門,亦爲門卒所止。 此家能殺 四喜、术甲塔失不及塔失不之父咬住、四喜妻完顏氏,以忠孝卒九十七 日:「然。 自分必死,易衣冠而往。 人,能救人。」因好謂合住曰:「業已放出,吾不汝罪 天子使命,某實放之,罪在某。」立忽若有所省, 事。 我所部十餘卒盜官木罪當死,此官人不之 立左右扼腕欲加刃。 門帥裕州防禦使阿不 立遙見,問:「汝 也。」 罕斜合 顧羣

四喜等至歸德,上驚問兩宮何如,二人奏京城軍變不及入宮。 上曰:「汝父汝妻獨得出

耶。」下之獄,皆斬於市。

圖 [之。萬一不然,以一死徇之耳,他無策也。 贊曰:四喜奉迎兩宮,而值崔立之變,智者居此, 四喜奉其私親以歸,而望人主貸其死,豈非愚 與兩宮周旋兵間,以俟事變之定而徐

校勘記

- 烏古論粘沒曷 「曷」原作「合」,同音異譯。今據本卷傳文統一。
- 世宗時 按本書卷九四夾谷清臣傳,明昌「二年,拜尚書左丞,頃之,進平章政事,封芮國公, 賜

同本朝人」。是「世宗」當作「章宗」。

- 桓皷散達 「達」原作「荅」,同音異譯。今據本書卷六七短被、散達傳統
- 諷寺僧設齋而受其施 原脫「齋」字。 殿本有「齋」字脱「而」字。 今據補「齋」字。
- フガン 從宗弼 北征 按天眷以後宗弼專力伐宋、無北征事。「北」疑爲「南」字之誤。
- 「六」百官致祭賻銀綵絹 「賻」原作「脟」,據殿本改。
- トキノ 授隆安府路合扎謀克 大定二十九年更今名,貞祐初升爲隆安府。是「隆安府」之名甚晚,金初當稱「上京路」或「濟州 按本書卷二四地理志, 上京路隆州,遼名黃龍府,天眷三年改爲濟州
- 以其子誼尙顯宗長女薛國公主 廣平郡主進封鄴國長公主」。 當世宗時不得有「顯宗」「公主」等稱,此蓋修史者追記。又「薛」 按本卷誼傳,「大定二十一年尚顯宗女廣平郡主。 章宗即位,

列

傳第

五

十

八

校

勘

記

路」。

字當是「鄴」字之誤。」

八九山 父特進涇國公 按此處顯有脫文,旣闕其父名,下文接敍徒單銘事,亦闕一「銘」字。

天興二年正月辛酉夜 原作「正大九年正月丁酉夜」。按本書卷一八哀宗紀,哀宗於天興元年

宮」。又本書卷六四后號標記此事亦在天興二年正月。 十二月離汴京,二年正月辛酉至歸德, 卽 「遣奉御术甲塔失不,后弟徒單四喜往汴京奉迎兩 而是年正月丙午朔,亦無丁酉。 今據

改。

壬寅太后御仁安殿 按是月丙午朔,無壬寅。 其事在崔立之變前二日。據本書卷一八哀宗紀,

崔立之變在戊辰,則「壬寅」當是「丙寅」之誤。

癸卯入京頓四喜家 按下文「明日崔立變」、崔立變在戊辰、則「癸卯」當作「丁卯」。

金史卷一百二十

慰養一 思義一 九十九

胡沙補 特虎日 僕忽得 粘割韓奴 曹珪 溫迪罕蒲睹

訛里也 納蘭綽赤 魏 全 鄯陽 夾谷守中 石抹元毅

移剌古與湼 宋晟 烏古論榮祖 烏古論仲溫 九住 伯德梅

和

尙

烏古孫兀屯

高守約

和速嘉安禮

王維翰

李演 劉德基 王毅 王晦 齊鷹揚 术甲法心 高錫

有難,在朝者死其官,守郡邑者死城郭,治軍旅者死行陣,市井草野之臣發憤而死,皆其所 |欒共子曰::「民生於三,事之如一,唯其所在則致死焉。」公卿大夫居其位,食其祿,國家

列

襄子之言曰:「人主不掩人之美,而忠臣有成名之義。」 至哉斯言,聖元之爲政足爲萬世訓 前代之忠於所事者請書之無諱,朝廷從之,烏虖,仁哉聖元之爲政也。司馬遷記豫讓對趙 也。 作忠義傳。 故死得其所,則所欲有甚於生者焉。金代褒死節之臣,旣贈官爵,仍錄用其子孫。貞

集。」及見統軍,使其孫被甲立於傍,統軍曰:「人謂汝輩且反,故爲備耳。」及行道中,遇渤海 及破寧江州,戰于達魯古城,皆有功,賜以旗鼓幷御器械。 事不可後時,若俟河凍,則遼兵盛集來攻矣。乘其未集而早伐之,可以得志。」太祖深然之。 軍,渤海軍向胡沙補且笑且言曰:「聞女直欲爲亂,汝輩是邪。」具以告太祖,又曰:「今舉大 形勢。僕刮刺還言遼兵不知其數,太祖疑之,使胡沙補往。還報曰:「遼方調兵,尚未大 胡沙補,完顏部人。年三十五從軍,頗見任用。 太祖使僕刮刺往遼國請阿踈,實觀其

往報。 會高楨降、言永昌非眞降者、斡魯乃進兵。永昌怒、遂殺胡沙補、撒八、皆支解之。胡 永昌請和,胡沙補往招之,取胡突古以歸。高永昌詐降于斡魯,斡魯使胡沙補、撒八

沙 年五十九。 補就執,神色自若,罵永昌曰:「汝叛君逆天, 天會中,與撒八俱贈遙鎭節度使。 今日殺我, 明日及汝矣。」罵不絕口,

將軍。 散城,遼兵三千來拒,特虎先登,敗之。 與數騎來救,特虎止之曰:「我以一死捍敵,公勿來,俱斃無益。」遂沒于陣。 賞賚逾渥。 特虎,雅撻瀾水人。 自臨潢班師,至遼河,余睹來襲,婁室已引去,特虎獨殿,馬憊乃步闕,婁室 **軀幹雄偉,敢戰鬭。** 攻盧萬營,麻吉墮馬,特虎獨殺遼兵數輩,掖 達魯古城之役,活女陷敵,特虎救出之。 皇統間,贈明威 攻照 而 出

忽得追復之。 謀克,僕忽得領行軍千戶。 酬斡、僕忽得,投其尸水中,俱年四十三。 僕忽得,宗室子。 天輔五年九 初事國相撒改,伐蕭海里有功。 月, 從破黃龍府,戰于達魯古城,皆有功。 酬斡、僕忽得往鼈古河籍軍馬,燭偎水部實里古達等七人殺 太祖悼惜,遣使弔賻加等。 與酬斡俱,招降燭偎水部族,酬斡爲 寧江州渤海乙塞補叛,僕 六年正月, 斡魯伐實

列

里古達于石里罕河,追及於合撻剌山,殺四人,撫定餘衆。 詔斡魯求酬斡、僕忽得尸以葬

天眷中,贈酬斡奉國上將軍、僕忽得昭義大將軍。

水鱉古城邑、皆降之。敗室韋五百于阿良葛城、三獲其民衆。 酬斡,亦宗室子也。 年十五隸軍,從太祖伐遼,率濤溫路兵招撫三坦、石里很、跋苦三 至是死焉。

度使訛里刺、孛菫赤狗兒、招討迪六、詳穩六斤、同知海里及諸官民,並釋其罪。」復詔斡魯 宗望襲遼主輜重于青塚,以大石爲鄕導,詔曰:「遼趙王習泥烈、林牙大石、北王喝里質、節 自古北口亡去,以其衆來襲奉聖州,壁于龍門東二十五里,婁室往取之,獲大石幷降其衆。 曰:「林牙大石雖非降附,其爲鄕導有勞,可明諭之。」時天輔六年也。 [三] 旣而 亡去,不 知 粘割韓奴,以護衞從宗弼征伐,賜鎧甲弓矢戰馬。 初,太祖入居庸關,遼林牙耶律大石

產甚衆。 天會二年,遼詳穩撻不野來降,言大石稱王於北方,署置南北面官僚,有戰馬萬匹,畜 詔曰:「追襲遼主,必酌事宜而行。 攻討大石,須俟報下。」三年,都統完顏希尹言,

部二營,恐後難制,且近羣牧,宜列屯戍。」詔答曰:「以二營之故發兵,諸部必擾,當謹斥候 而還。全睹報元帥府曰:「聞耶律大石在和州之域,恐與夏人合,當遣使索之。」夏國報曰: 而已。」八年,遣耶律余睹、石家奴、拔离速追討大石,徵兵諸部,諸部不從,石家奴至兀納水 「夏人或與大石合謀爲釁,不可不察,其嚴備之。」七年,泰州路都統婆盧火奏:「大石已得北 聞夏人與耶律大石約曰:「大金旣獲遼主,諸軍皆將歸矣,宜合兵以取山西諸部。」詔答曰:

其國風俗,加武義將軍,奉使大石。 皇統四年,回紇遣使入貢,言大石與其國相鄰,大石已死。 韓奴去後不復聞問。 詔遣韓奴與其使俱往,因觀

「小國與和州壤地不相接,且不知大石所往也。」

府舊有回紇人中安置,毋令失所。」 葉不輦等部族,不克而還,至今相攻未已。」詔曰:「此人非隸朝廷番部,不須發遣,可於咸平 之。契丹所居屯營,乘馬行自旦至日中始周匝。近歲契丹使其女壻阿本斯領兵五萬北攻 斯訛魯朶,俗無兵器,以田爲業,所獲十分之一輸官。耆老相傳,先時契丹至不能拒,因臣 大定中,回紇移習覽三人至西南招討司貿易,自言:「本國回紇鄒括番部,所居城名骨

降牌印,受朝廷牌印。 是歲,粘拔恩君長撒里雅寅特斯率康里部長孛古及戶三萬餘求內附,乞納前大石所 韶西南招討司遣人慰問,且觀其意。 禿里余睹、通事阿魯帶至其國

石呼之。」 奴跪,韓奴罵曰:『反賊,天子不忍於爾加兵,遣招汝。 奉天子之命來招汝降,汝當下馬聽詔。』大石曰:『汝單使來,欲事口舌耶。』使人捽下,使韓 見撒 子之使,乃敢反加辱乎。』大石怒乃殺之。此時大石林牙已死,子孫相繼,西方諸部仍以大 使大石,旣入其境,大石方適野,與韓奴相遇,問韓奴何人敢不下馬,韓奴曰:『我上國使也, 里雅,具言願歸朝廷,乞降牌印,無他意也。 因曰:「往年大國嘗遣粘割韓奴自和州往 爾縱不能面縛請罪闕下,亦當盡敬天

爲尙輦局直長,遷武義將軍,婁室爲武器署直長。 都監詳古、汝州巡檢婁室諭之曰:「汝父奉使萬里,不辱君命,能盡死節,朕甚閔之。」以詳古 余睹,阿魯帶還奏,幷奏韓奴事。世宗嘉韓奴忠節,贈昭毅大將軍,召其子永和縣商酒

書省議,當補二官雜班敍。詔曰:「珪赤心爲國,大義滅親,自古罕聞也。 法雖如是,然未足 曹珪,徐州人。大定四年,州人江志作亂,珪子酮在賊黨中,珪謀誅志,幷酮殺之。尚

以當其功,更進一官,正班用之。」

應閱。」諸奴以爲實然,遂借與之。 家奴材勇者數十人,給以兵仗,陰爲之備。 反未。]清睹曰:「吾家世受國厚恩,子姪皆仕宦,不能從汝反而累吾族也。」 賊怒,臠而殺之, 溫 迪罕蒲賭,爲兀者羣牧使。 明旦,賊至,蒲睹無以禦之。 西北路契丹撒八等反,諸羣牧皆應之。 賊不得發,乃給諸奴曰:「官閱兵器,願借兵仗以 賊執蒲賭而問之曰:「今欲 蒲賭聞亂 作, 選

术里骨、四副使完顏辭不失,卜迪不部副使赤盞胡失賴,速木典虬詳穩加古買住, 詳穩完顏速沒萬,轄木虬詳穩高彭祖等皆遇害。 是時,迪斡羣牧使徒單賽里、副使赤盞胡失荅,耶魯瓦羣牧使鶴壽,歐里不羣牧使完顏 胡睹虬

子與孫皆與害。

宗室子,受國厚恩,寧殺我,不能與賊俱反。」遂與二子皆被殺。 鶴壽,鄆王昂子,本名吾都不。至五院部人老和尚率衆來招鶴壽與俱反, 鶴壽日:

訛里 也,契丹人。 爲尙廐局直長。 大定初、招諭契丹、窩斡叱令訛里也跪見、訛里也不

頗荅皆被害。 斡怒曰:「汝本契丹 從,謂曰:「我朝廷使也,豈可屈節於汝。 三年,贈訛里也宣武將軍,錄其子阿不沙爲外帳小底。 人,而不我從,敢出是言。」遂害之。 汝等早降可全性命,若大軍至,汝輩悔將何及。」窩 從行驍騎軍士閏孫、史大、習馬 閏孫、史大皆贈修武 小底

校尉。

頗荅贈忠翊校尉。

日,会 逐 團 結旁近村寨爲兵, 納蘭 由是賊衆月餘不得進。 韶贈官兩階,二子皆得用廕 掉赤,咸平路伊改河猛安人。 出家馬百餘匹給 旣而括里兵四萬人大至,綽赤拒戰,賊兵十倍,遂見執,臠而 契丹括里使人招之,綽赤不從。 之, 教以 戰 陣 擊 刺之法,相 與拒括里于伊 括里兵且至, 綽赤 改渡

干餘 勵不衰,募人往斫爽營,全在選中,爲爽兵所執。 人,隨機拒 魏全,壽州人。 守堅甚。 泰和六年,宋李爽圍壽州, 義善撫御、得衆情、雖婦人皆樂爲用。 刺史徒單羲盡籍城中兵民及部曲 爽謂全曰:「若爲我罵金主,免若死。」全至 同 知蒲 烈古中流矢卒 厮役 · /羲 得三 益

城下,反罵宋主,爽乃殺之,至死罵不絕口。

住 爽 住 兵大潰, 分兩翼夾擊爽 同 知 僕散揆遣河 昌 武軍節度使事、買哥河南路統軍 赴淮 死者甚衆。 兵,大破之,斬首萬餘級,追奔至城下,拔其三栅,焚其浮梁。 南統軍判官乞住及買哥等以騎二千人救壽州,去壽州十餘里與爽兵遇,乞 爽 與其副田林僅脫身去,餘兵脫者十之四。 一判官。 韶遷養防禦使、乞 羲 出 兵應之,

贈蕭烈古昭勇大將軍,官其子圖刺。

歲 收充八貫石 贈全宣 武 正班局 將 軍 、蒙城縣令,封其妻爲鄕君,賜在州官舍三間、錢百萬,俟其子年至十五 分承 應,用所贈官蔭,仍以全死節送史館,鏤版頒諭

作亂 衆,大漢 一赴難 鄯陽,宗室 入自通 軍 與 少 執 玄門。 一二人不 中 子。 戰 於 是日 爲符寶祗 東華 勝 而 門外。 死。 變 起 候。 (倉猝) 須 臾,執中 執中揚言曰 完顏石古乃爲護衞十人長。 中外不知 兵殺五百 :「大漢軍反矣, 所爲,鄯陽 人殆盡 石 殺 古乃往天王寺召 至寧元年八月,紇石烈執 一人者賞銀 定。 大漢 執中兵 軍 五. 中 百

執中死, 韶削官 舒。 詔 日 「宣武將軍 、護衞十人長完顏石古乃,修武校尉、符寶祗候鄯

列

傳

副使。 付其家。 陽,忠孝勇果,沒于王事。石古乃贈鎭國上將軍、順州刺史,鄯陽贈宣武將軍、順天軍節度 嘗從拒戰猛安賞錢五百貫、謀克三百貫、蒲輦散軍二百貫,各遷兩階。 石古乃子尚幼,以八貫石俸給之,俟年十五以聞。」 戰沒者,贈賞

府事。 按察副使。 史、除刑部主事、監察御史、修起居注。轉禮部員外郎、大名治中、歷嵩琢、「も」北京、臨洮路 夾谷守中,咸平人,本名阿土古。大定二十二年進士,歷淸池、聞喜主簿,補尚書省令 大安二年,爲秦州防禦使,遷通遠軍節度使。 以憂去官,起復同知曷懶路兵馬都總管府事,坐事謫韓州刺史,尋復同知平涼

盡 降,守中獨不屈。夏人壯之,且誘且脅,守中益堅,遂載而西。至平涼,要以招降府人, 至 |寧末,移彰化軍, 53 未行,夏兵數萬入鞏州。 守中乘城備守,兵少不能支,城陷,官

守中佯許,至城下卽大呼曰:「外兵矢盡且遁矣,愼勿降。」夏人交刃殺之。

兀母爲筆硯承奉。 興定元 年,監察御史郭著按行秦中,得其事以聞。 韶贈資善大夫、東京留守,仍收其子

景州寧津令,有劇盜白晝恣劫爲民害,元毅以術防捍,賊散去。 石抹元毅本名神思,咸平府路酌赤烈猛安莎果歌仙謀克人也。以廕補吏部令史。 入為 大理知法,除同 知亳州 再調

防禦使事,被省檄,錄陝右五路刑獄,無寃人。

復委受宋歲幣,故事有私遺物,元毅

事,別郡有殺人者,屢鞫不伏,元毅訊不數語卽具服。 行剽掠,朝廷命元毅捕之,賊畏而遁,元毅追襲,盡殪之,二境以安。 明昌初,驛召爲大名等路提刑判官,以最遷汾陽軍節度副使。時石、嵐間賊黨嘯聚, 河東北路田多山坂磽瘠,大比時定爲 遷同 知武 勝軍節度使

上賦了民力久困,朝廷命相地更賦,元毅以三壤法平之,民賴其利

事聞,上深驚悼,贈信武將軍,召用其子世勣侍儀司承應。 元毅力戰,射無不中,敵去而復合,元毅氣愈厲,鏖戰久之,衆寡不敵遂遇害,時年四十七。 奔其如百姓何,縱得自安,復何面目見朝廷乎。」 [5] 遂執弓矢令衆,衆感其忠,爭爲效死。 三十餘人出州經畫軍餉,卒與敵遇。州倅暨從吏堅請還,元毅曰:「我輩責任邊守,遇敵而 改彰德府治中,尋以邊警授撫州刺史。會邊將失守,芻糧馬牛焚剽殆盡,元毅率吏卒

世勣後登進士第,奏名之日,上謂宰臣曰:「此神思子耶。」歎賞者久之。 元毅性沈厚,

武勇過 人,每 讀書見古人忠義事未嘗不嗟歎賞慕,喜動顏色,故臨難能死所事

度使。 年,積勞特遷官二階,除復州 未幾,復召爲護衞 伯德 六年,移鎭崇義軍。 梅 和尚,泰州人也。 十人長,改尙 時 有 刺 性鯁直,尙氣節。 一廐局 事 史。 北邊,左丞相夾谷清臣行省于臨潢,檄爲 明昌 副使, 遷本局使, 初 ,爲西北路副招 正隆五年,收充護衞,授曷魯椀羣牧副使。 轉右 討,改秦州 衛將軍拱衛使。 防禦使、升武 副 典尚 統 廐者十餘 勝 軍節

傷 甚 衆。 會敵入臨潢,梅和尚暨護 敵 知孤軍無繼,聚兵圍之。 衞 關合土等領軍逆擊之。 度不能免,乃下馬相背射,復殺百餘人,矢盡猶以弓提 敵積陣以待, 梅 和尚 直擣其陣, 殺

擊,爲流矢所中死,關合土等皆沒。

其 子都. 上聞之震悼,詔贈龍虎衞上將軍,躐遷十階,特賜錢二十萬,命以禮葬之,物皆官給,以 奴 爲 軍前猛安, 中奴護喪, 就差權同 知臨潢府事李達可爲勅祭使,同 知德昌軍節度

使事石抹和尚爲勅葬使。

承安 五年,上諭尚書省曰:「梅和尚死王事,其子都奴從軍久有功,其議所以酬之。」乃

命爲典署丞。

列 傳 第 五 + 九 義

德軍 節度副使,改盤安軍,察廉,遷同知速頻路節度使事。 鳥 古孫兀屯,上京路人。 大定末,襲猛安。 明昌七年,以本兵充萬戶,備邊有功, 。以憂去官,起復歸德府治中,遷 除歸

刺

賞銀三百五十兩、重綵十端,爲右副元帥完顏匡右翼都統 手殺宋將,取其金帶印章以獻。詔遷兀屯同知河南府事,軍勝遷梁縣令,各進兩階。 奔至湖陽,斬首萬餘級,獲馬三百匹。宋別將以兵三千來襲,遇之竹林寺,殪之。納合軍勝 之。乃分騎兵爲三,一出一入以致宋兵。宋兵陷于淖,伏兵發,中衝宋兵爲二,遂大潰。 數萬來攻,行省遣泌陽副巡檢納合軍勝救唐州。 出,繞出東北宋兵營後掩擊之,殺數十百人,宋兵大亂,迨夜乃遁去。五月,皇甫斌復以兵 以五十人乘城拒守。兀屯見宋兵在城東北者可破,令軍事判官撒虎帶以精兵百人自西門 泰和六年四月,宋皇甫斌步騎萬人侵唐州,兀屯兵甚少,遣泌陽尉白撒不、巡檢蕭閑各 T电出兵與軍勝合兵城東北,設伏兵以待 |兀||屯 追

至午連拔十三栅,遂取神馬坡。從攻襄,至漢江,兀屯亂流徑度。 匡 取棗陽,遣兀屯襲神馬坡,宋兵五萬人夾水陣,以强弩拒岸,兀屯分兵奪其三橋,自 復進一階,號平南虎威

將軍。 使。 守如故。 都、遷元帥右都監、轉左都監、兼北京留守。有功、賜金吐鶻、重綵十端。 兀屯御下嚴酷, 軍士多亡, 杖六十。 宋人請 和,遷河南副統軍。 大安初,遷昌武軍節度使, 除同知上京留守事。 副統軍如故。 大安三年,將兵二萬入衞中 遷元帥左監軍,留 遷西南路招討

貞祐元年閏月,以兵入衞中都,詔以兵萬六千人守定興,軍敗,兀屯戰沒。

汝識 獻 已歸順,從至城下,呼守約曰:「從簡當計全家室。」守約弗顧,至再三,守約厲聲曰:「吾不 也。」"城破被執,使之跪,守約不屈,遂死。 高守約字從簡,遼陽人。大定二十八年進士,累官觀州刺史。 詔贈崇義軍節度使,諡忠敬。 大元兵徇地河朔, 郭邦

城誰與守, 至寧末,爲泰安州刺史。 和 速嘉安禮字子敬, 且避難負國家之恩乎。」乃團練繕完,爲禦守計。 貞祐. 本名酌,大名路人。 初,山東被兵,郡 縣望風而 穎悟博學,淹貫經史。 遁 ,或勸安禮去之,安禮曰:「我去, 已而,大元兵至,戰旬日不能 大定二十八年進士。

識 下 其 謂之曰:「此 爲 誰 ,或妄以酒 孤 城耳, 監對,安禮 內無糧儲,外無兵援,不降無遺類矣。」安禮不聽。 日 我刺 史 也, 何 以 諱爲。」使之跪, 安禮 不屈,遂以戈撞 城破被執, 初 不 其

胸

丽

殺

之。

詔贈泰定軍節度使、諡

堅貞。

維 中大定二十八年進 翰 窮 王 維翰字之翰 竟之,遂伏其詐,杖殺之,健訟衰 |**; |利 士。 州龍山人。 調 貴 德州 軍事判官 父庭,遼季率縣 息。 歷 察廉 弘 政 遷 人保縣東山,後以衆降。 獲嘉 永霸 令。 令,佐胥持國 縣豪 欲 嘗 治河決, 試 維 維翰 翰 有勞, 設 好學不 事 陳訴, 倦,

階。改北京轉運戶籍判官,補尙書省令史。

刑 事 殿 部 疑 中,章宗曰:「佳御史。」就除侍御史。 除 之。 同 知 維翰 保 靜 審讞,乃微行 軍 節 度使 事,檢括戶籍,一 物 色之,得 其狀, 改左司 郡 稱 奴遂 平。 員 八外郎, 引 屬縣 服。 有奴殺其主人者,誣 轉右司 改中 都 郎 轉運 中。 副使, 僕散 一揆伐 攝 主 侍 人弟 宋, 御 史, 殺之, 維 奏

秋 種 過 泰 時, 和 七 使 车 多 河 種 南 蔬菜猶 早 ·蝗,詔: 愈於荒萊也。 維 翰體 究 田 蝗蝻遺子, 禾 分數以 聞。 如 何可 七 **月**, 絕? 雨, 舊 有 復詔 蝗 處來 維翰 歲宜菽 日:「 雨 麥, 雖 霑 諭 足,

行

省左

右司

郎

中。

姓使知之。」

宋主怠于政事,南兵佻弱,兩淮兵後千里蕭條,其臣懲韓侂胄、蘇師旦,無復敢執其咎者, 八年,宋人受盟,還爲右司郎中,進官一階。 上問:「宋人請和復能背盟否。」維翰對曰:

不足憂也。唯北方當勞聖慮耳。」

三司欲 知政事。 金紫。維翰奏:「伶優賤工,衣縉紳之服,非所以尊朝廷也。」從之。大安初,權右諫議大夫, 久之,遷大理卿、兼<u>潞王</u>傅,同知審官院事。 說問架,維翰諫不聽。轉御史中丞,無何,遷工部尚書、兼大理卿,改刑部尚書,拜參 新格,教坊樂工階至四品,換文武正資,服

謂吏民曰:「孤城不可守。 民,因亂至此,財物不惜,勿恐吾家。」盜處其言而去。至鎮,無兵備,鄰郡皆望風奔潰,維翰 詔 率吏民 贈中奉大夫,姚氏芮國夫人,諡貞潔。 貞祐初,罷爲定海軍節度使。是時,道路不通,維翰舟行遇盜,呼謂之曰:「爾輩本良 **"願從者奔東北山,結營堡自守,力窮被執不肯降。** 此州阻山浮海、當有生地、無俱爲魚肉也。」乃縱百姓避難。 妻姚氏亦不肯屈,與維翰俱死。

移刺古與涅, 安化軍節度使。 貞祐初, 大元兵取密州, 古與涅率兵力戰, 流矢連中其

頸,旣拔 去復 中其頰,死焉。 貞祐 三年、詔贈安遠大將軍、知益都府事。

官。 民舍不稱職,降沂州防禦使,移濬州,遷山 事,遷北京、 昭 西 與部民裴原爭買鄰田、展用昭屬,抑原使毋爭。 西路轉運都勾判官。 改遼東路鹽使。 宋扆,中都宛平人也。 臨黃等路按察使。 丁父憂,起復吏部員外郎,歷薊、曹、景州刺史,[10]同知 補尚書省令史、除武定軍節度副使、中都右警巡使。 正隆五年進士。 改安國軍節度使、河東南路轉運使。 東西路轉運使,改定海軍節 歷辰州、寧化州軍事判官,曹王府記室參軍,陝 御史臺劾奏,奪一官,解職,降廣寧府推 度使。 御史劾其前任按察侵 中都路 時固安縣丞劉 轉運使

以是蹭蹬於世云。 貞祐 二年,改沁南軍、三三正月,大元兵至懷州,城破死焉。 展天資刻酷, 所至不容物,

烏古論榮祖本名福興,河間人。 列 傳 第 五 + 九 忠 義 明昌二年進士,歷官補尚書省令史,除都轉運司都勾 二六四九

外郎、寧海州刺史。 判官,轉弘文校理,升中都總管府判官,察廉除震武軍節度副使、彰德府司馬,累遷戶部員 貞祐二年城破,榮祖猶力戰,死之。 贈安武軍節度使,賜諡毅勇。

禦使。 史。 林文字、河東路提刑判官,改河北東路轉運副使。 度使事,簽上京、東京等路按察司事,改提舉肇州漕運、兼同知武 坐前在上京不稱 烏古論仲溫本名胡剌,蓋州按春猛安人。 職,降鎭寧軍節度副使。 大定二十五年進士,累官太學助教、應奉翰 改滑州刺史、河東南路按察副使、壽州防 御史薦前任提刑稱職,遷同 興軍節度使事 知順 東勝州 天 軍節 刺

之,仲溫 破,不屈而死。 救中都。 貞祐初,遷鎭西軍節度使。是時,中都被圍,遂至太原,移書安撫使賈益謙, 曰:「平陽巨鎭,易爲守禦,於私計得矣,如嵐州何。」 因馳驛如平陽,將與盆謙會于絳,不能進,抵平陽 贈資德大夫、婆速路兵馬都總管,諡忠毅,歲時致祭。 而還。 遂還鎭。 仲溫嘗治平陽, 已而,大元兵大至,城 約以鄉 吏民爭留 兵

節度使,加驃騎衞上將軍。 子姪抵城下,謂之曰:「山東、河北今皆降我,汝之家屬我亦得已, 苟不速降且殺之也。」九住 曰:「當以死報國,遑恤家爲。」無何,城破,力戰而死,孛果速亦不屈死焉。 九住,宗室子,爲武州刺史,唐括孛果速爲軍事判官。貞祐二年十一月,大元兵取九住 **孛果速建州刺史,加鎭國上將軍。** 仍令樹碑,歲時致祭。 詔贈九住臨海

是也。」使之跪不肯,以好語撫之亦不聽,許之官祿,演曰:「我書生也,本朝何負於我,而利 能戰,逃散。演被執,大將見其冠服非常,且知其名,問之曰:「汝非李應奉乎。」演答曰:「我 貞祐初,任城被兵,演墨衰爲濟州刺史,畫守禦策。召集州人爲兵,搏戰三日,衆皆市人不 人之官祿哉。」大將怒,擊折其脛,遂曳出殺之,時年三十餘。贈濟州刺史,詔有司爲立 李演字巨川,任城人。 泰和六年進士第一,除應奉翰林文字。 再丁父母 憂,居鄉里。

劉德基,大興人。 貞祐元年,特賜同進士出身。 守官邊邑,夏兵攻城,德基坐廳事,積

屈。 遂害之。 夏人壯其義,乃繫諸獄,冀其改圖。 薪其傍,謂家 同僚故人給夏人曰:「此人素病狂,故敢如 贈朝列大夫、同知通遠軍節度使事。 人曰:「城破卽焚我。」及城破,其家人不忍縱火,遂被執。 已而召問,德基大罵,終不能從,曰:「吾豈苟生者哉。」 此。 德基曰:「爲臣子當如此爾,吾豈狂耶。」 脅使跪降, 德基不

死。 前 **担守。城破,毅猶率衆抗戰,力窮被執,與縣** 跪 將降,毅以足踣之,厲聲曰:「忠臣不佐二主,汝乃降乎。」驅毅者以刃斫其脛,毅不屈而 贈曹州刺史。 王毅,大興人。 經義進士,累官東明令。 人王八等四 貞祐二年,東明圍急,毅率民兵願戰者數百人 人同驅之郭外。 先殺二人,王八即

之。 能,轉北京轉運戶籍判官。遷安陽令,累除簽陝西西路按察司事,改平涼治中。 王晦 中明昌 字子明, 二年進士,調長葛主簿, 澤州高平人。少負氣自憙,常慕張詠 有能聲。 察廉除遼東路轉 之爲人,友妻 運 司 都 勾 與 判官,提刑 人有私, 晦 召爲少府 司 手 舉其 刃殺

少監,遷戶部郎中。貞祐初,中都戒嚴,或舉晦有將帥才,俾募人自將,得死士萬餘統之。

率 一所統 衞送通州粟入中都,有功,遷霍王傅。 以部兵守順州

部 順 從汝耶。」將射 汝 郭? 州 曲 也,免冑出見,且拜曰:「事急矣,自苦何爲,苟能相從,可不失富貴。」晦曰:「朝廷何負 受兵,晦有 通 |臻曰:「臻雖負國,不忍負公。」因泣下。 州 **置急,晦攻牛欄山以解通州之圍。** 之,臻掩泣而 別部在滄、景,遣 去。 無何,將士縋城出降,晦被執,不肯降,遂就死。 人突圍召之,衆皆踊躍思奮,而主者不肯發。王臻,晦之故 賜賚優渥,遷翰林侍讀學士,加勸農使。 晦叱曰:「吾年六十、致位三品、死則吾分、詎 九月,

贈榮祿大夫、樞密副使,仍命有司立碑,歲時致祭。 初 ,晦就 執 謂其愛將牛斗曰:「若能死乎。」曰:「斗蒙公見知,安忍獨生。」併見殺。 錄其子汝霖爲筆硯承奉。

韶

州 淄 卽 起 州 以時致祭。 奪槊殺數 ,鷹揚等募兵備禦,城破,率衆 齊鷹揚,淄州軍 人,與敏中、乞驢皆不屈 敏中 事判官。 贈昭 勇大將軍、 楊敏中,屯留縣尉致仕。 巷 戦。 同知横海軍節度使事。 以 鷹揚等三人創甚被執,欲降之,鷹揚伺守者稍怠, 死。〔三詔贈鷹揚 張乞驢,淄州民。 嘉議 乞驢特贈宣武 大夫、淄州刺 貞祐初,大元兵取 將軍、同 史, 仍立廟于 知淄 孙

軍州事。

迪罕咬查刺俱守密雲縣。 术甲法心,薊州猛安人。 法心家屬在薊州,大元兵得之,以示法心曰:「若速降當以付汝, 官至北京副留守。 貞祐二年, 為提控, 與同知順州軍州事溫

破,死于陣。 否則殺之。」法心曰:「吾事本朝受厚恩,戰則速戰,終不能降也,豈以家人死生爲計耶。」城 咬查刺被執,亦不屈而 死。

盤安軍節度判官蒲察处舍與雞澤縣令溫迪罕十方奴同守薊州, 衆潰而出,处舍、十方

奴死之。

紫光祿大夫、蘇州刺史,十方奴鎭國上將軍 詔贈法心開府儀同三司、樞密副使,封宿國公,咬查刺鎭國上將軍、順州刺史, 、薊州刺史。 仍命樹碑,以時致祭。 **虬舍金**

路轉運支度判官、「日日」太倉使、法物庫使、兼尙林署直長、提舉都城所、歷北京、遼東轉運副 高 錫字永之,德基子。 以廕補官。 積勞調 淄州酒使,課最。 遷平鄉令。日司察廉遷遼東

校勘記

特虎 原作「特虎雅」。按本卷特虎傳云、「特虎、雅撻瀾水人」。 此「雅」字顯係涉下文而行。 道

光四年殿本已删,今從之。

敗室韋五百于阿良葛城 按本書卷七一斡魯傳記此事作「以兵五百敗室章、獲其民衆」。

時天輔六年也 按本書卷二、太祖紀,天輔七年「四月,生獲大石,悉降其衆」。 又五月己已,次落

29 歐里不羣牧使完顏术里骨 原脫「使」字。據本書卷五七百官志諸羣牧所條補

<u>.</u> 鶴壽鄆王昂子本名吾都不 按卷六五昂傳了軍王昂,本名吾都補」。「不」「補」同音異譯,疑此

處「子」字當在「吾都不」之下。

正隆末年契丹反了移室懣率數千人殺賊萬餘于伊改河」。今據補 相與拒括里于伊改渡口 原脫「伊」字。按上文已見伊改河之名。 本書卷九一溫迪罕移室懣傳,

歷嵩琢 「琢」殿本作「涿」。 按金地名無「琢」。本書常見「嵩汝」連書,此「琢」或「汝」字之誤。

至寧末移彰化軍 「化」原作「德」。按本書卷二六地理志了涇州,彰化軍節度使」。卷六二交聘

列傳第五十九 校勘記

表,「貞祐元年十二月癸亥,夏人陷鞏州,涇州節度使夾谷守中死之」。 今 據 改。

一 元 二 復何面目見朝廷乎 原脫「見」字,據文義補。

歷薊曹景州刺史 「薊」原作「蘇」。按本書卷二四地理志,中都路有「薊州、刺史」。今據改。

改沁南軍 「沁」原作「泌」,據殿本改。

與敏中乞驢皆不屈以死

遷平鄉令 原脫「與」字、據文義補。

察廉遷遼東路轉運支度判官 「平」原作「萍」。按本書卷二五地理志,河北西路邢州有平鄉縣。 「支度」原作「度支」、據本書卷五七百官志都轉運司條改。

今據改c

金史卷一百二十二

列傳第六十

忠義二

吳僧哥 從坦 孛术魯福 烏古論德升 壽 吳邦 張 傑 順 馬 納合蒲剌都 驤 伯德窊哥 女奚烈斡 奧屯醜和尚 出

時茂先 溫迪罕老兒 梁持勝 賈邦獻日 移 刺 ध्य 里合

完顏六斤 叔 王佐 統石烈鶴壽 黄摑 九住 烏林苔乞住 陀滿斜烈

蒲察婁室

女奚烈資祿

趙益

侯小

尼厖古蒲魯虎 兀顏畏可 兀顏訛出虎 粘割 貞

吳僧哥, 西南路 唐古乙剌乣上沙鷹部落人。 拳勇善騎射。 大安間, 選籍山西人為兵

列

傳

第

六

+

僧哥充馬軍千戶,有功。貞祐初,遷萬戶,權順義軍節度使。 同知節度使事。弟權同 知節度使事迪劇眞授節度副使。 權節度 朔州失守,僧哥復取之,眞授 副 使燕曹兒眞授節度判

提控馬壽兒以下,遷授有差。

加遙授同知太原府事、無同知節度使事,迪剌石州刺史,曹兒同知岢嵐州防禦使事 之軍民九萬餘口分屯於嵐、石、隰、吉、絳、解之間。未行,大元兵至朔州,戰七晝夜,有功, 衆苦乏食,僧哥乞賜糧十五萬斛,朝廷以爲應州已破,朔爲孤城,其勢不可守, 詔贈鎭國上 乃遷朔

四年,始遷其民南行,且戰且行者數十里,僧哥力憊馬躓死焉,時年三十。

將軍、順義軍節度使。

除吏部主事、絳陽軍節度副使。丁父憂,起復太常博士、東平治中。 改侍御史,論西京留守紇石烈執中姦惡,衞紹王不聽,遷肇州防禦使。 烏古論德升本名六斤, 益都路猛安人。明昌二年進士。累官補尙書省令史, 大安初, 知弘文 知管差

復甚難。乞升肇州爲節度使,以招討使兼之。置招討副使二員, 進翰林侍讀學士、無戶部侍郎。俄以翰林侍讀權參知政事,與平章政事抹撚盡忠論近 宣宗遷汴,召赴闕,上言:「泰州殘破,東北路招討司猛安謀克人皆寓于肇州,凡徵調往 分治泰州及宜春。」韶從

侍局 預政,宣宗怒,語在盡忠傳。 無何, 出爲集慶軍節度使,改汾陽軍節度使、河東北路宣

撫副使,復改知太原府事、權元帥左監軍。

言:「皇太子聰明仁孝,保訓之官已備,更宜選德望素著之士朝夕左右之。 行,此社稷之洪休、生民之大慶也。」宣宗嘉納之。 興定元年,大元兵急攻太原,糧道絕。 德升屢出兵戰,糧道復通,詔遷官一 日閒正言、見正 背。 德升上

拒,出 死。 守陴者不 其姑及其妻皆自殺。 其家 一年,真授左監軍,行元 能立。 銀幣及馬賞戰士。 城破、德升至府署、謂其姑及其妻曰:「吾守此數年,不幸力窮。」 詔贈翰林學士承旨。 帥府事。 北軍壞城西北隅以入,德升聯車塞之,三却三登,矢石如雨, 大元兵復圍太原,環之數匝,已破濠垣,德升植栅為 子兀里偉尚幼、詔以奉御俸養之。 乃自縊而

降。」 敗績 宣武 人 往 將軍 覘兵勢, 兵刃交下,順曰:「得爲忠孝 張順 ,庭玉亦死,宜速降。 一、同知 淄 州士伍。 且 ||棣州 一欲令 防禦使事 城中知援兵 淄州被圍,行省侯擊遣總領提控王庭玉將兵救之。 順 陽許諾,旣乃呼謂城 o 鬼,足矣。」遂死。 詔 八之至。 有司給養其親,且訪其子孫,優加 乘夜 潛至城 中曰:「外兵無多, 淄人 下, 知救 順 兵至,以 爲所得。 王節 任 死 執之 用 守,城賴以完。 度軍且 使宣 庭玉募順等三十 言 至,堅守毋 行 省 後贈 軍

驤被執。 貞祐四年七月,韶以其男惟賢于八貫石局分收補。 殺,得死爲大金鬼,足矣。」遂死。贈朝列大夫、泰定軍節度副使,仍樹碑于州,歲時致祭。〔日 、釀,禹城人也。 軍卒搒掠求金,驤曰:「吾書生,何從得是。」又使跪,驤曰:「吾膝不能屈,欲殺卽 登進士、歷官有聲。貞祐三年,爲曹州濟陰令。四月,大元克曹州,

行元 貞祐 武州刺史、權節度使,姚里鴉胡權同知節度使事,姚里鴉兒權節度副使,各遷官兩階。 武義將軍 帥府承制除窊哥武義將軍、寧遠軍節度副使,姚里鴉胡武義將軍、節度判官,姚里鴉兒 五年、東勝州已破、窊哥與姚里鴉胡、姚里鴉兒招集義軍、披荆棘復立州事。 伯德窊哥, 、觀察判官。 西南路咩乣奚人。壯健沉勇。大元兵克西南路,鄰郡皆降,窊哥獨不屈 窊哥等以恩不出朝廷,頗懷觖望,縱兵剽掠。 興定元年,詔窊哥遙授 河東北路

糧盡,援兵絕,窊哥率衆潰圍,走保長寧寨,詔各進一官,戰沒者贈三官。 興定三年,窊哥特遷三官,遙授同知晉安府事,尋眞授東勝軍節度使。 九月,復被圍,窊

東勝被圍,城中

哥 死 之。

醜 和尚, 爲代州經略使。 貞祐四年八月, 大元兵攻代州, 和尚禦戰敗績,身被數

創,被執。欲降之,不屈,遂死。

韶從提 從坦 舉奉先、范陽三都統兵。 宗室子。 大安中, 充尚書省祗候郎君。 除同 知涿州事,遷刺史,佩金牌,經略 貞祐二年,自募義兵數千,充宣差都提 海州

四縣 宜規 芮城 萬 之 民 落之民皆嘗被兵, 久 願 騎 吏 傭 龍 抑 畫 其 力爲食,可 頃之, 虞 軍勢自 此萬全之策 叉曰 、禁,官稅十三,則公私皆濟矣。」又曰:「絳、解、河中必爭之地,惟令寶昌軍節度使從 鹽池之利,「三以實二州, 止 鄉 誅 ,河東之形勢,陝、洛之襟喉也。 充宣差都提控,安撫山西軍民,應援中都。 求 [振矣。] 河北 鄭莫 以 息盜。」又曰:「河北貧民渡河逐食, 也。」又曰:「平陸產銀鐵,若以鹽易米,募工錬冶,可以廣 重以連歲不登,人多艱食,皆恃鹽布易米。今大陽等渡乃不許 職 大焉。」又曰:「 又曰:「諸路 任 雖 除授不次,而人皆不願者,蓋以物價十倍河南 即 則民受其利,兵可以强矣。」又曰:「中條之南,垣曲 河南 造 寶 券,久而 、陝西調 可 分陝州步騎萬二千人為一提控、四都統,分成 度未 益多 一,必將積滯。 急,擇騎 已而復還濟其饑者, 艱苦殊甚。 上書曰:「絳、解二 軍牝 馬羣牧,不二三年可 止 一於南 禄 一州僅 京印造給降,庶 財 廩 用 能 不給 、備 栗麥過河 城守,而村 戏器,小 ,飢寒且 、平陸、 增數 苛暴 可

陽等渡、宣撫司量民力給

答其勞。 至。 若實給俸 聞河南官吏以貶逐目之,彼若以爲信然,誰不解體。」書奏,下尚書省議,惟許放大 栗之半,少足養廉,則可責其効力。」又曰:「河北之官,朝廷減資遷秩躐等以

河北官俸、目河北為貶所者有禁而已。

伍、況於皇族與國 同此心,願 四 年 ,行樞密院于河南府,上書曰:「用兵累年,出輒無功者,兵不素勵也。 練臣 麾下。」宣宗嘉其忠,許之。 同休戚哉。 皆當從軍,親冒矢石爲士卒先,少寬聖主之憂。 族人道哥實 士庶且充行

皆不 兆駐 被詔 是朝 僚將士無敢誰何, 永,晉八王相魚 曰:「竊聞周祚 兵不 報。 經略陝西,宣宗曰:「敵兵强則謹守潼關,毋使得東。」永錫旣行,留澠池數 廷之過也。 興定元年,改輝州刺史,權河平軍節度使、孟州經略使。 動。 久之,永錫杖一百,除名。 ·八百,漢享國四百餘載,皆以封建親戚,犬牙相制故也。 頃之,潼關破,大元兵次近郊。 肉,猶歷過秦、 國之枝葉已無幾矣, 鄯陽、石古乃奮身拒戰, 魏,自古同姓之親未有 伏惟陛下審圖之。」於是,宗室四百餘人上書論永錫, 盡節而 由是永錫下獄,久不決。 死。 不與國存亡者。 御史大夫永錫才不勝任,而 初,御史大夫權尚書右丞永錫 本朝胡沙虎之難,百 從坦乃上疏救之,略 孤秦、曹魏亡國不 日,圖至凉 必用之,

當是時諸路兵皆入城自守,百姓耕稼失所,從坦上書曰:「養兵所以衞民。 方今河朔惟

真定、河間之衆可留扞城,其餘府州皆當散屯于外,以爲民防,俟稼穑畢功然後移于屯守之 地,是爲長策。」從之。 加遙授同知東平府事,權元帥左監軍、行元帥府事,與參知政事李革

俱守平陽。

贈昌武軍節度使。 是月壬子,大元兵至平陽,提控郭用戰于城北濠垣,被執不屈而死。癸丑,城破,從坦自殺。 實潞州,調澤州、沁水、端氏、高平諸兵並山爲營,爲平陽聲援。惟祈聖斷,以救倒懸之急。」 不至故耳。行省兵不滿六千。平陽,河東之根本,河南之蕃籬也。乞併懷、孟、衞州之兵以 興定二年十月,從坦上奏:「太原已破,行及平陽。河東郡縣皆不守,大抵屯兵少、援兵

字术魯福壽,

爲唐邑主簿。 大元兵攻唐邑,福壽與戰,死之。贈官三階,賻錢五百貫。

荷 !吾國恩,詎忍攻吾君之城。」與之酒食不顧,乃殺之。 吳邦傑,登州軍事判官。 邦傑寓居日照之村墅,爲大元兵所得,驅令攻城,邦傑曰:「吾 詔贈朝列大夫、定海軍節度副使。

納合蒲剌都,大名路猛安人。 承安二年進士,調大名教授。 累除比陽令,補尚書省令

|府 史,除彰德軍 事 丁,河州; 防禦使。 節 度副 使,以憂去官。 三年,夏人圍定羌,蒲剌都擊走之,以功加遙授彰化軍節度使。 貞祐二年,調同 知西安軍節度使事、歷同知臨洮、平涼

夫兵貴精,不在衆寡。 萬之師,不得操事者七十萬家。 補官贖罪以足用,及請許人射佃陝西荒田 四年,升 河州為 平西軍,就以蒲剌都爲節度使。 擇勇敢謀略者爲兵,脆懦之徒使歸農畝,是亦紓民之一端也。」又請 今籍諸道民爲兵者十之七八,奉之者纔二三,民安得不困 、開採礦冶,不報 上言:「古者一人從軍,七家奉之,興十

乘此遣 刺都 樞密院議,竟不施行。 北,黃河南岸,及金鉤、 延安屯兵甚衆,分徙萬人駐平涼。 又言:「諸軍當汰去老弱, 改 知平涼府事,入爲戶部尚書。 人諭說,以尋舊盟。 吊橋、 若宋人不從,然後伐之,疾讎怒頑,易以成功。」朝廷不 虎牢關、號州崿嶺,凡斜徑僻路俱當置兵防守。」詔下尚書省 妙選精銳,庶可取勝。 是時,伐宋大捷,蒲剌都奏:「宋人屢敗,其氣必 關中元帥猥多,除京兆重鎭,其餘皆可罷。 陝西弓箭手不習騎射,可選善騎者代 能 鞏縣以 用。 沮, 浦 ij

未幾, 改元帥右監軍、無昭義軍節度使、行元帥府事。 興定二年,潞州破,力戰而死。

贈

御史大夫。

提控引數人持兵仗以入,脅斡出使出降,斡出曰:「聽汝所爲,吾終不屈也。」遂殺之,執其妻 矢,病創臥。 女奚烈斡出,仕至槙州刺史,被行省牒徙州人于金勝堡。 汝不聞趙坊州乎,以金帛子女與敵人,終亦不免。 花帽軍張提控言:「兵勢不可當,宜速降。」斡出曰:「吾曹坐食官祿,可忘國家 我輩但當力戰而死耳。」至夜,張 已而大兵至,斡出拒戰,中流

完樓堞、置戰守之具,兵至,謹拒戰十餘日,內潰,被執不屈而死。 初,植州人遷金勝堡多不能至,軍事判官王謹收遺散之衆,別屯周安堡。 韶斡出、謹各贈官六階、 周安堡不繕

罵`,賊不勝忿`,復剔其目`,亂刃剉之`,至死駡不絕。 詔贈武節將軍、同知<u>沂州</u>防禦使事。 賊以元帥自稱,茂先怒謂衆曰:「此賊首耳,何元帥之有。」方郭三聞而執之,斷其腕,茂先大 時茂先,日照縣沙溝酒監,寓居諸城。 紅襖賊方郭三據密州、過其村、居民相率迎之。

不從,鐵哥怒,亂斫而死。贈龍虎衞上將軍、婆速兵馬都總管,以其姪黑厮爲後,特授 溫迪罕老兒,爲同知上京留守事。蒲鮮萬奴攻上京,其子鐵哥生獲老兒,脅之使招餘

列

四官

六年進士,復中宏詞。累官太常博士,遷咸平路宣撫司經歷官。 梁持勝字經甫,本名詢誼,避宣宗嫌名改焉。 保大軍節度使襄之子。多力善射。

持勝走上京,告行省太平。是時,太平已與萬奴通謀,口稱持勝忠,而心實不然,署持 興定初,宣撫使蒲鮮萬奴有異志,至欲棄咸平徙曷懶路,持勝力止之,萬奴怒,杖之八

勝左右司員外郎。

賽不、萬戶韓公恕約,殺太平,復推承充行省事,共伐萬奴。事泄,俱被害。 大夫、韓州刺史,賽不鎭國上將軍、顯德軍節度使,公恕明威將軍、信州刺史。 旣而,太平受萬奴命,焚毁上京宗廟,執元帥承充,奪其軍。 持勝與提控咸平治中裴滿 詔贈持勝中順

珍在寨,與之共守,竟能成功。 珍每欲辟之,邦獻輒以衰老爲辭。 守禦計。旣而,兵大至,居民悉降。邦獻棄其家,獨與子懿保於松平寨。是時,權知州事劉 賈邦獻,霍州霍邑縣陳村人也。舉進士第。質直有勇略。 大元攻河東,邦獻集居民爲

興定四年十月,兵復大至,病不能避,與懿俱被執。欲以爲鎭西元帥,且持刃脅之,邦

獻不屈,密遣懿歸松平,遂自剄。 贈奉直大夫、本縣令。

兵至,阿里合力戰不能敵,兵敗被執。 移剌阿里合,遼人。興定間,累遷霍州刺史。 誘使降,阿里合曰:「吾有死無貳。」叱使跪,但向 興定四年正月,移霍州治好義堡。

立,於是叢矢射殺之。

寶昌軍節度副使孔祖湯同時被獲。 旣又令祖湯跪,祖湯不從,亦死。

詔 贈阿里合龍虎衞上將軍、泰定軍節度使,祖湯資善大夫、同知平陽府事。 祖湯,泰和

三年進士。

焉。 家脫歸,除同知臨洮府 城令,改通州軍事判官,以功遷本州刺史。頃之,元帥右都監蒲察七斤執之以去。 贈特進、知延安府事。 完顏六斤,中都路胡土愛割蠻猛安人。 事,徙慶陽,遷保大軍節度使。興定五年,鄜州破,六斤自投崖下死 韶陝西行省訪其子孫以聞 大安中,以蔭補官,選充親軍。 調阜平尉,遷方 未幾,挈

紇石烈鶴壽, 河北西路山春猛安人。 性淳質, 軀幹雄偉。 初充親軍。 中泰和三年武

列

傳第六十

忠

輚

軍譟于城上,斬三百餘級,宋兵自相蹂踐,死者千餘人。遲明,宋人解圍去。鶴壽追之,使 舉,調褒信縣副巡檢。六年,宋人圍蔡州,鶴壽請于防禦使,與勇士五十人夜斫宋營,使諸 餘匹,攻下眞、滁二州及盱眙軍。軍還,進九官,遷同知息州軍州事。改萬寧宮同提舉。 信三縣,鶴壽皆復取之,得馬三百匹。充行軍萬戶,從大軍出壽春,敗宋人于渦口,奪馬千 殿曳柴,宋人顧塵起,以爲大兵且至,遂奔,追至陳寨而還。已而,宋兵復據新蔡、新息、褒

統,充馬軍副提控。轉鈴轄,充都城東面宣差副提控。 兩階,賜銀百兩、重綵十端。遷尚方署令,充行軍副統,升充行省左翼都統。轉武衞軍都 大安三年,充西南路馬軍萬戶。夏人五萬圍東勝,鶴壽救之,突圍入城,夏兵解去。遷

遙授 口。 同知武寧軍節度使事,兼節度副使。坐出獵縱火延燒官草,杖一百,改同知河平軍節 監察御史陳規奏:「乞勅有司,凡鶴壽所獲俱從放免。」詔徐州、歸德行院拘括放之。尋 貞祐二年,丁父憂,起復武寧軍節度副使。破紅襖賊于蘭陵石城堌,一切掠良人爲生

鄧州路軍馬從宜,遙授汝州防禦使。四年,宋扈太尉步騎十萬圍鄧州,鶴壽分兵拒守,出府 二年,攻棗陽,三敗宋兵,改遙授同知歸德府事。三年,奪宋石渠寨,決去棗陽濠水,加宣差 興定元年,充馬軍都提控,入宋襄陽界,遙授同知武勝軍節度使事,改遙授睢州刺史。

庫 副 使术虎移刺答追及之、殺數十人、奪其俘而還。 金帛賞士,許以遷官加爵。 自將餘衆日出搏戰,宋兵焚營去,鶴壽被創不能騎馬,遣招 韶所散金帛勿問,將士優遷官爵,鶴壽遷 撫

破, [K] 鶴壽與數騎突出城,追及之,鶴壽據土山力戰而死。諡果勇。 俄 1 母憂,以本官起復,權元帥左都監,行元帥府于鄜州。 興定五年閏十二月,鄜州

金

紫光祿

大夫,遙授武勝軍節度使。

服闕, 遷 中都右警巡副使。 蒲察婁室,東北路按出虎割里罕猛安人。 充行 :省經歷官,改京兆治中,遙授定西州刺史,充元帥參議官。 補尚書省令史,知管差除。貞祐初,除吏部主事、監察御史。 泰和三年進士。 調慶都、 牟平主簿,以廉能 丁母憂,

高 立 懒,策馬旋走,揚塵爲疑兵,別遣精騎掩出其後,宋兵大潰,乘勝遂拔興元。 進一階,除 興定二年,與元帥承裔攻下西和州。 白撒由秦州進兵抵棧道,宋人悉銳來拒, 婁室 乘

丹州刺史。

階,賜 死之。 再 銀二百 贈資 遷 同 德大 知河中府事,權元帥右都監、河東路安撫使。 兩 、重幣二十端,遙授孟州防禦使,權都監 夫、定國軍節度使、諡襄勇。 勅行省求其尸以葬。 如 故。 復取平陽、晉安,優韶褒寵,進一 將兵救鄜州,轉戰而至,城破

傳第六十 忠義二

列

史,賜今姓。 遙 梢子嶺。 初,遙授同知德州防禦事,改秦州。 授通遠軍節度使,刺史如故。 女奚烈資祿本姓張氏,咸平府人。 三年,攻破武休關,資祿功最。 久之, 遙授同知臨洮府事, 兼定西州刺史。 三年,遙授同知通遠軍節度事。 泰和伐宋,從軍有功,調易縣尉,遷潞縣主簿。 韶比將士遷五官、職二等外,資祿更加官、職一等, 從元帥右都監完顏阿鄰破宋兵于 興定元年,改西寧州刺 貞祐

鄜州破 下有 薄,詔錄其二子烈山、林泉,升職一等,陝西行省軍中用之。 法、舊隸士卒多在京兆。 五. 被被 年,遙授隴安軍節度使,俄改金安軍,詔曰:「陝西行省奏軍官闕員。 執不肯降,遂死。 贈銀青榮祿大夫、中京留守。 今正防秋、關、河要衝、悉心備禦。」將兵救鄜州。 元光元年,言事者謂資祿褒贈尚 卿久在行陣,御 閏十二月,

公郭 不 可計,護老幼二萬餘 文振署爲壽陽 趙益,太原人。 令,駐兵楡次 讀書肄業。 П 以出。 大元兵入境,盆鳩合土豪, 重原寨。 升太原治中,復擢同知府事、兼招撫使。 遂率衆收復太原,夜登其城,斬馘甚衆,所獲馬**仗** 保聚山硤,印屋戰有功。 晉陽

元光元年八月,大元兵大至,攻城益急,知不可支,廼自焚其府庫,殺妻子,沉其符印于

井 ,遂自殺。 宣宗聞之嘉歎、贈銀靑榮祿大夫、河東北路宣撫使、仍諭有司求其子孫錄用。

撫 府 監,公 如故。 判官 侯 ,權河東南路安撫副使。 小叔,河東縣人。爲河津水手。 樞密院奏:「小叔才能 可用,權位輕不足以威衆,乞假符節。」十二月, 詔權元帥右 小叔盡護農民入城,以家財賞戰士。 貞祐初,籍充鎭威軍,以勞補官。 河中圍解,遷治中,安 元光元年,遷河 中

都

便宜從

事

浮 軍 怒謂先日 知 ,遙授孟州防禦使、同知府事,監軍、安撫如故。 所 橋 爲, 通陝西。 頃 提控吳德說小叔出降,叱出斬之。 之,樞密院遣都監訛論與小叔議兵事,小叔出城與訛論會,石天應乘之取河中府,作 盡棄輜重、牌印、馬牛雜畜,死于雙市門。 ...「我舟人子,致身至此,何謂出降。」縛|先於柱而殺之,飯僧祭葬,以盡戚黨之禮 小叔 駐樂李山寨,衆兵畢會,夜半坎城以登,焚樓櫓,火照城中, 表兄張先從容言大兵勢重,可出降以保妻子,小叔 小叔燒絕浮橋,撫定其衆。 天應大驚不 遷昭毅大將

智不 遣 李仁智率兵三千,俱救河中。 敢動。 二年正 月, 小 叔 大元 歛 衆 軍騎十萬圍 入城, 圍益急, 衆議出保山寨, 小叔曰: 「去何之。」 小叔期以 河中,總帥訛可遣提控孫昌率兵五 夜 中鳴鉦,內外相 應。 及 期, 一千,樞密副使完顏賽不 小 密遣經歷官張思祖 叔 出 兵戰,昌、仁

列

僡

漫圍出,奔告于汴京。

中條 密院奏:「小叔功卓異,或疑尚在,遽令阿外代之, 諸 明 寨 日 無所統領,乃詔阿外權領。 城 一破, 小叔死,不得其尸。 宣宗思小叔功,下詔褒贈,切責訛可不救河中之罪。 總帥訛可以河中府推官籍阿外代小叔權右都監。 絕歸向之路。」至是,小叔已亡四十餘日,

使、蒲州經略使。 權領霍州 王佐字輔之、霍州農家子。 事。 平陽胡天作承制加忠勇校尉、趙城丞,遷霍邑令、同知蒲州軍事,權招撫副 詔遷宣武將軍,遙授寶昌軍節度副 豁略不事產業,輕財好施,善騎射。 使。 興定中,聚兵數千人,

隙, 佐與天祐謀殺環,天祐曰:「君妻子爲質奈何?」 佐 大元兵取青龍堡,佐被獲,署霍州守將,隸元帥崔環,質其 因環 與平陽公史詠素不協,請徙沁州玉女寨, 出 .獵殺之,率軍民數萬請命,加龍虎衞上將軍 韶從之, 佐日:「佐豈 仍令聽上黨公完顏開 、元帥右監軍 八妻子。 顧 家 招撫使成天祐與環有 者邪。」元光二年 一、兼知 平陽府 節 事 是歲

七月,

救襄垣

一,中流矢卒。

贈

金吾衞上將

軍,以其子爲符寶典書。

黄摑九住,臨潢人。 大定間,以廕補部令史,轉樞密院令史,調安肅州軍事判官。 明昌

德府事。 四年,爲 大理執法,同 戰歿。 贈榮祿大夫、南京留守,仍錄用其子孫。 知薊州軍事,再遷潞王府司馬,累官河東北路按察使、轉運使,改知彰

都戰歿。 事 使。 刺史、北京、臨潢按察副使、遷蒲與路節度使。未幾,以罪奪三官,解職,降德昌軍節度副 官、英王府司馬。 `,遷歸德軍節度使。改興平軍, 就充東面經略使。 崇慶初,成邊有功,遷一官,賞銀百兩、重幣十端,轉利州刺史。 烏林荅乞住,大名路猛安人。大定二十八年進士。 贈榮祿大夫、參知政事,以參政半俸給其家。 御史臺舉前在山東稱職,改太原府治中。 尋罷經略司, 累官補尚書省令史,除山東提刑判 簽陝西按察司事,歷汝州 改元帥右都監。 貞祐初,改同知咸平府 赴援中 沁州

討 大元兵復取彰德、斜烈死焉。 契丹有功,除陳州防禦使。 陀滿 斜烈,咸平路猛安人。 遷知平涼府事,改保大軍節度使,徙知彰德府事。 襲父猛安。明昌中,以所部兵充押軍萬戶,戍邊。 貞祐四年, 承安中,

尼厖古蒲魯虎,中都路猛安人。 明昌五年進士。累官補尚書省令史,從平章政事僕散

列

傳

州宣撫副使、兼西安軍節度使。是歲,大元兵取潼關,戍卒皆潰,蕭魯虎禦戰,兵敗死焉。 制,開封府治中,大理卿。 揆伐宋。 兵罷 1,除同知崇義軍節度使事。 尋擢知河南府事,兼河南路副統軍。 察廉,改東平府治中。 貞祐四年,急備京西,爲陝 歷環州、裕州刺史、翰林待

不問。 土賊據九仙山爲巢穴,畏可擁衆不擊,賊愈熾。 使,累官會州刺史。貞祐初,爲左衞將軍、拱衞直都指揮使、山東副統軍、安化軍節度使。 工顏畏可, 隆安路猛安人。補親軍, 充護衞, 除益都總管府判官、中都兵馬副都指揮 改鎭西軍,權經略副使,歷金安、武勝軍。[10]興定四年,改泰定軍。 東平行省蒙古綱劾奏畏可不任將帥、朝廷 是歲五月,兗州

事、秦州防禦使。丁母憂,起復泗州防禦使,遷武寧軍節度使,徙河平軍、兼都水監。 副使,召爲治書侍御史、刑部員外郎、單州刺史、戶部郎中、河東北路按察副使、同知大興府 在武寧奏軍功不實,降沂州防禦使,遷汾陽軍節度使、兼經略使。興定二年九月,城破死焉。 <u>兀顏訛出虎,隆安府猛安人。</u>大定二十八年進士。累官補尚書省令史,除順天軍節度

沁南、河平、鎭南、集慶、汾陽軍節度使。 使伯德張奴出議和事。〔二〕二年,和議成,賞銀二百兩、重幣十端、玉吐 指揮使粘割合達、河間府判官攝同知順天軍節度使事梅只乞奴、保州錄事 中、宣德州刺史。 北 大名提刑知事。察廉遷都轉運戶籍判官,累官泰定軍節度副使。 粘 割貞本名抄合,西南路招討司人。大定二十八年進士。 貞祐元年十二月,貞以禮部郎中攝國子祭酒,與恩州 貞祐四年,改昭義軍,充潞州經略使。 歷教授、主簿,用薦舉除河 丁父憂,服闋,除德興治 體。 刺史攝武衞 攝永定軍節 改戶 部侍郎 軍副 度 歷 副 都

定三年十一月,城破,貞與府官十餘人皆死之。 興定二年,入爲工部尚書。 由壽州伐宋,攻正陽有功。 權元帥左都監, 守晉安府。

校勘記

「路」;「粘割貞」,「貞」原作「真」。 賈邦獻 「奥屯醜和 嘉慶重修一統志卷一五三霍州,誌其 「獻」原作「憲」。 尚」,「屯」原作「敦」; 按本卷賈邦獻傳,其名凡五 下目「陀滿斜 皆同音異譯,今亦據傳文統 州 烈」,「陀」 歷 朝 入物, 見,三作「獻」,二作 原 有「賈· 作 「駞」;「尼厖古蒲魯虎」,「魯」原作 <u>~</u> 邦 獻」。今皆改作 :「憲」, 獻 殿 本 則 叉 上 律作 目

列 歲時致祭 傅 第 六 原 脫「歲」字,據文義補

- \subseteq 惟令寶昌軍節度使從宜規畫鹽池之利 「池」原作「地」。按本書卷二六地理志, 河東南路解州
- 「貞祐三年復 升爲節鎭,軍名寶昌」。 所轄解縣、安邑皆有「鹽池」。 今據改。
- 79 留澠池 數 日 「澠」原作「沔」,今改。 參考本書卷二五地理志校記口心。
- Ŧī. 興定初宣撫使蒲鮮萬奴有異志 按本書卷一四宣宗紀,貞祐三年十月壬子,「遼東賊蒲鮮萬 奴

奴在咸平、忌鐵哥兵强、牒取所部騎兵二千,又召泰州軍三千及戶口遷咸平, 鐵哥察其 有異志

僭號,改元天泰」。卷一〇三完顏鐵哥傳,「貞祐二年,遷東北路招討使兼德昌

軍節

度使。蒲鮮萬

不遣」。則「興定初」當爲「貞祐初」。

ハベレ 興定五年閏十二月鄜州破 「閩十二月」原作「十月」。按本書卷一六宣宗紀, 興定 五年「閏

月辛

已朔, 死之」。 大元兵徇鄜州 本卷女奚烈資祿傳、「興定五年,遙授隴安軍節度使,俄改金安軍,將兵救鄜州。 :, 權元帥 左都監紇石烈鶴壽 、…… 遙授金安軍節度使女奚烈資祿 閏十二 皆

月,鄜州破,被執不肯降,遂死」。今據改。

- 十 亦僅 保聚山 記其「率衆收復太原」,而不及陝事 硤 「硤」原作「陜」。 按上文云,「益鳩合土豪」,且云「保聚」,則規模必不甚大。又下文 ·,則「陝」字必譌。 施云「陝」當作「硤」是。 今據
- 詔權 中侯小叔權元帥右都監, 元 帥 右 都監 「右」原作「左」。按本書卷一六宣宗紀,元光元年「十二月乙亥朔,以 便宜行事」。又本傳下文「總帥訛可以河中府推官籍阿外代小叔權右 泂 中治

都監」。皆作「右都監」。今據改。

[元] 元光二年七月 勅,遷賞將士之有功者」。 王佐反正當在此時。本卷下文記佐死於七月亦可證。 按本書卷一六宣宗紀, 元光二年「夏四月癸酉朔,復霍州汾西縣, 詔給空名宣 知此作「七

月」誤

歷金安武勝軍 「金」原作「全」。按金無「全安軍」。本書卷二六地理志、京兆府路、「華州、貞祐

三年八月升爲節鎭,軍曰金安」。今據改。

保州錄事攝永定軍節度副使伯德張奴出議和事 原脫「軍」字。按本書卷二四地理志,中都路,

雄州,天會七年置永定軍節度使」。今據補。

金史卷一百二十三

列傳第六十一

忠義三

徒單航 完顏陳和尚 楊沃衍二 烏古論黑漢

陀滿胡土門 姬汝作 愛申馬肩龍附 禹顯

權平章,殊不允人望。 出了其民曰:「太守不屈,我輩亦何忍降,願以死守。」航乃盡出家財以犒軍民,軍民皆盡力 虎弑逆,降航爲安州刺史。 「城守雖嚴,萬一攻破,汝輩無孑遺矣。 徒單航一名張僧,駙馬樞密使某之子也。 張僧時為東部侍郎,力勸其父請辭帥職,遂拜平章。 會北兵大至城下,聲言都城已失守,汝可速降。 我家兩世駙馬,受國厚恩,決不可降。 父號九駙馬,衞王有事北邊,改授都元帥,仍 至寧元年,胡沙 |航謂其民曰: 汝輩計將安

列傅

第六十

忠

義

Ξ

備禦。 其家 人曰:「我死卽撤屋焚之。」遂自縊死。 叉五 日,城危,航度不可支,謂其妻孥曰:「今事急矣,惟有死爾。」乃先縊其妻孥,謂 城破,人猶力戰,曰:「太守旣死,我輩不可獨

降。」死者甚衆。

完顏陳和尙名彝,字良佐,世以小字行,豐州人。 系出蕭王諸孫。 父乞哥, 泰和南征,

以 功授同 知階州軍事,及朱復階州,乞哥戰歿於嘉陵江。

斜烈 載 兄安平都尉斜烈事之甚謹。 以 鹿角車,兄弟共輓,南渡河。 劫殺 貞 站 ·監卒,奪馬奉其母南奔,大兵覺,合騎追之,由他路得兇。 旣而失馬,母老不能行, 中,陳和尚年二十餘,爲北兵所掠,大帥甚愛之,置帳下。時陳和尚母留豐州,從 陳和尚在北歲餘,託以省母,乞還,大帥以卒監之至豐。 宣宗奇之。 乃與

李獻能 是,渥授以孝經、小學、論語、春秋左氏傳,略通其義。 尚 自 隨,詔以充宣差提控,佩金符。 斜烈以世官授都統,陳和尙試補護衞,未幾轉奉御。 相 上下,故得師友之。 陳和尚天資高明,雅好 斜烈辟太原王渥爲經歷。 文史,自居禁衞日,人以秀才目之。 軍中無事,則窗下作牛毛細字,如寒 及斜烈行壽、泗元帥府事,奏陳和 渥字仲澤,文章論議 與雷淵、

汝,天下必 聞,始馳 尚聚書獄 獄。 故殺其夫, 訴於臺省, 烈時在病,軍中李太和者與方城鎭防軍葛宜翁相 且 寧以方 宜翁素凶悍,恥 拜、悲動 議 正大二年,斜烈落帥職,例爲總領,屯方城。 城 者疑陳和尚, 赦 中讀之,凡十有八月。 獄 左 陳 有議我者。 未決故耶? 和尚, 右 以理屈 ,不能出一 曰:「有司 狃於禁近倚兵閫之重必橫恣違法,當以大辟。 他日,汝奮發立 於近侍,積薪龍津橋南, 受杖,竟鬱鬱以死,留語其妻必報陳和尚。 卿但行,吾今赦之矣。」以臺諫復有言, 言爲 奏汝以私 謝。 明年,斜烈病愈,詔提兵而西, 乃以白衣領紫微軍都統,踰年轉忠孝軍提控。 念殺人。 功名、國家得汝力、始以我爲不妄赦矣。」陳和 汝兄死,失吾一 約不得報則自焚以謝其夫。 殿,訴於陳和尙,宜翁 陳和尚隨以往,凡兄軍中事皆預知之。 入朝、哀宗怪其痩甚,問:「卿 名將。 不敢赦。 妻訟陳和尚以私忿侵官, 奏上,久不能決。 今以汝 事 未幾,斜烈卒。 不直,即量答之。 以故陳和 兄故, 尙 曲 且泣 尙繫 法 陳和 赦 上 斜

年始有 就 木 然者,環 五 年、北 此 捷。 甲上馬不 兵入大昌原,平章合達問誰 奏功第 一,手詔褒諭,授定遠大將軍、平涼府判官, 反 顧。 是日,以四百騎破 可 爲 前鋒者,陳 八千衆,三軍之士 和尚 出 應 踴躍 命,先已沐浴易衣, 世襲謀克。 思戰、蓋 自軍興二十 日名 若將 動

列

傳

天下。

陷 有 陣,疾若 方,坐作 風 進退皆中程式,所過州邑常料所給外秋毫無犯,街曲間不復喧雜, 軍皆回紇、乃滿、羌、渾及中原被俘避罪來歸者、鷙狠凌突號難制。 雨,諸軍倚以爲重。六年,有衞州之勝。四八年,有倒回谷之勝。 自刑徒不四 每戰則先登 陳和尚御之

五.

一遷爲

禦侮

中郎將。

復 列 「有。」蒲阿見其無懼容,漫爲好語云:「有過當面論,無後言也。」 陳 和 日副 尙, 副 國家 樞 蒲 移刺 樞 阿曰:「汝曾短長我,又謂 數 以大將軍爲剽略之事,今日得生口三百,明日得牛羊一二千,士卒喘死者則不 蒲阿無持重之略,嘗一日夜馳二百里趨小利,軍中莫敢諫止。 年所積,一旦必爲是人破除盡矣。」或以告蕭阿,一日,置酒會諸將飲,酒行至 國家兵力當由我盡壞,誠有否。」陳和尚飲畢,徐曰: 陳和尚私謂同

得之。」時年四十一。是年六月、詔贈與南軍節度使、塐像褒忠廟、勒石紀其忠烈。 稍定乃出, 豁 死 我忠 亂 口 軍 吻 九年正月,三峯山之敗,走鈞州。 孝軍 中, 至 耳 總領 人 自言曰:「我金國大將,欲見白事。」兵士以數騎夾之,詣行帳前。 噀 將 謂 M 陳 和 我負國家,今日明白死,天下必有知我者。」時欲其降,斫足脛折不爲屈, 而 尙 呼,至死不絕。 也。 大昌原之勝者我也,衛州之勝亦我也,倒回谷之勝 大將義之,酹以馬湩,祝曰:「好男子 城破,大兵入,卽縱軍巷戰。 陳和尚趨避隱處, 殺掠 ',他 日再生,當令我 問 亦我也。 其姓名, 日: 我

尉, 子孫,問而知之,併其族屬鄕里三千餘人皆縱遣之。 鎭商州,威望甚重,敬賢下士,有古賢將之風。 斜 烈名鼎, 字國器,畢里海世襲猛安。 年二十, 初至商州,一 以善戰知名。 日搜伏,於大竹林中得歐陽 自壽、泗元帥轉安平都

刺 以 **杞溝,有衆數千,推沃衍爲招撫使,號其溝曰府。** 大兵戰, 田 為病。 史。 小 吏,會大元兵入境,朝命徙唐括族內地,沃衍留不徙,率本部族願從者入保朔州南 楊沃衍一名斡烈,賜姓兀林荅,朔州靜邊官莊人,本屬唐括迪剌部族。 連獲小捷,及乏食遂行剽劫,官軍捕之,拒戰不下,轉走寧、隩、武、朔、寧邊諸州,民 朝廷遣人招之,沃衍即以衆來歸。 時宣宗適南遷,次淇門,聞之甚喜,遂以爲武州 故殘破鎭縣徒黨日集,官軍 少嘗爲北邊屯 不能制, 叉 Щ 與

使。 月 也。 俄 武 升岢 州 旣 屢經殘毀,沃衍入州未幾而大兵來攻,死戰二十七晝夜不能拔,乃退,時貞祐 嵐 而 爲 朝廷 節鎭, 以 以 武 沃 州 行為節度使,仍詔諭 終不可守, 令沃衍遷其軍民駐尚嵐州, 曰:「卿於國盡忠, 累 以武州 有勞績。 功擢 今特 爲 本 升三品, 州 防禦 二年

列

傳

恩亦厚矣,其益勵忠勤,與宣撫司輯睦以安軍民。」沃衍自奉詔卽以身許國,曰:「爲人不死

王事而死於家,非大丈夫也。」

首幾二千,生擒數十人,獲馬八百餘疋,器械稱是,餘悉遁去。詔陝西行省視功官賞之。 冬,西夏四萬餘騎圍定西州,三元帥右都監完顏賽不以沃衍提控軍事,率兵與夏人戰,斬 奉旨屯涇、邠、隴三州,沃衍分其軍九千人爲十翼五都統,親統者十之四。 是

通遠軍 使。 喜,詔遷沃衍官 里、斬首四百級、生獲十人、馬二百疋、甲仗不勝計。 城逢夏兵三百,擊走之。又入西和州至岐山堡,遇兵六千凡三隊,遣軍分擊,逐北三十餘 是冬,詔陝西行省伐宋,沃衍與元帥左都監內族白撒、通遠軍節度使溫迪罕婁室、同 興定元年春,上以沃衍累有戰功,賜今姓。未幾,遙授通遠軍節度使、兼鞏州管內觀察 節度使事烏古論長壽、平西軍節度副使和速嘉兀迪將兵五千出鞏州鹽川,回 一階,遙授知臨洮府事。 三年,武休關之捷,沃衍功居多,詔特遷 尋復得散關。 二年正月,捷報至,上大 二官 至故 知

二年春,北兵游騎數百掠延安而 駐德安寨,復擊走之。 元 光元年正月,遙授中京留守。六月,進拜元帥右監軍,仍世襲納古胡里 未幾,大兵攻鳳翔還,道出保安,沃衍遣提控完顏查刺破于石樓 南,沃衍率兵追之,戰于野猪嶺,獲四 人而還。 愛 俄 必 而, 刺謀克。 兵大

臺,前後獲馬二百、符印數十。

詔有司論賞。

清野,不從,曰:「我若清野,明年民何所得食。」**遂隔大澗持勢使民**畢麥事。 期。 沃衍戰還,會諸將欲斬胡土門, 初,聞野猪嶺有兵,沃衍約陀滿胡土門以步軍會戰。 諸將哀請乃釋之。 時大兵聲勢益 胡土門宿將,常輕沃衍,至 振, 陝西行省檄 沃衍 一是失

柄,失事機,不能戰禦,乃縱兵深入,尙何言耶。」 何,合達曰:「我軍雖勝,而大兵已散漫趨京師矣。」 沃衍憤云:「平章、參政蒙國厚恩,握兵 八年冬,平章合達、參政蒲阿由鄧州而西,沃衍自豐陽川遇於五朶山下,問禹山之戰如

元帥左監軍,遙領中京留守。

目見朝廷,惟有一死耳。」卽自縊。 曰:「我起身細微,蒙國大恩,汝欲以此汚我耶。」遂遺語部曲後事,望汴京拜且哭曰:「無面 帥質留奴,令勝入鈞見沃衍,道大帥意,降則當授大官。沃衍善言慰撫之,使前,拔劍斫之, 三峯山之敗,沃衍走鈞州。 其部曲白留奴、呆劉勝旣降,請于大帥,願 部曲舉火幷所寓屋焚之,從死者十餘人。 入鈞招沃衍。 沃衍死時年五

劉興哥者率兵往來邠、隴間,屢戰屢勝,故大軍猝不能東下。 初,大兵破西夏,長驅而至,關輔千里皆洶洶不安,雖智者亦無如之何。 沃行與其部將

老

語之至爲泣下。

鳳翔號縣人,起於羣盜,人呼曰「熱劉」。後於淸化戰死,大兵至酹酒以弔,西州耆

病卒 蒲察都尉。 食。 六月 烏古論黑漢,初以親軍入仕,嘗爲唐、鄧元帥府把軍官。 遣萬戶夾谷定住 時朝廷道梗,帥府承制以黑漢權刺 以蒲察都 尉權 入歸德,奏請軍糧,不報。 唐州事。 米軍 兩 史行帥 來圍唐,又唐之糧多爲鄧州 府事 七月、鎭防軍馮總領、甄改住爲變、殺 天興二年,唐州刺史內族斜 所 取, 以故乏 魯

宋,至 軍爲 敵, 旣 遺書招黑漢、黑漢殺其使者不 而 鎭防不能勝 ,鎭防軍有歸宋之謀,時裕州大成 ٦, 棄老幼奔棗陽, 報 宋人以故知唐之虚 山聶都統 軍五百 實。 人在州,獨不欲歸宋,與鎮防 會鄧 帥 移 刺暖 以 城 叛 歸于

政 兀 林荅胡 主 安撫率兵攻唐,鄂司 土 將兵以往。 宋人設伏,縱其半 王太尉繼至,攻益急。 入城,邀擊之,胡土大敗,僅存三十騎 黑漢聞哀宗遷蔡,遣人求救,上命權 以還

執議 益堅,馮總領乃私出城與王安撫會飲,約明日宋軍入城。 城 中 糧盡, 人相食、黑漢殺其愛妾啖士、士爭殺其妻子。 官屬聚議 馮歸、宋軍不得入、聶都統請 欲降,黑漢 與聶都統

黑漢率大成山軍巷戰,自辰至午,宋軍大敗而出,殺傷無數。宋人城下大呼趙醜兒,約倂力 馮議事,卽坐中斬之,及其黨皆死。 領移刺望軍、女奚烈軍、醜兒走蔡州,皆得遷賞,後俱死於甲午之難。 殺大成 山軍。 大成軍敗,宋人獲黑漢,脅使降,黑漢不屈,爲所殺。 總領趙醜兒者初與馮同謀,內不自安,開西門納宋軍 其得脫走者十餘人,總

千而粟且不支,衆皆危之。胡土門日爲開諭逆順禍福,皆自奮,因捕其黨欲爲內應者二十 者惟絳而已。 爲絳陽軍節度使、兼絳州管內觀察使。十月,遷元帥左監軍、行元帥府事、兼知晉安府、河 知臨洮府、兼本路兵馬都總管。叛賊蘭州程陳僧等誘夏人入寇,圍臨洮凡半月,城中兵數 以書曰:「元帥始鎭河中、惠愛在民、移旆晉安、遠近忻仰。去歲兵入,平陽不守,河東保完 東南路 人,斬之,擲首城外。賊四面來攻,乃夜出襲賊壘,夏兵大亂,俭軍乘之,遂大捷,夏人遁去。 陀滿胡土門字子秀,策論進士也。累官翰林待制。貞祐二年,遷知中山府。三年,改 四年,知河中府事,權河東南路宣撫副使。十月,進元帥右監軍、兼前職。興定二年, 兵馬都總管。於是,修城池,繕甲兵,積芻糧,以備戰守。民不悅,行省胥鼎聞之,遺 蓋公坐籌制勝,威德素著,故不動聲氣以至無虞也。邇來傳聞,治政太剛,科

徵 鄰境已虛,小人易動,誠不可不慮也。 太重,鼎切憂之。 古人有言,御下不寬則人多懼禍,用人有疑則士不盡心。 願公以謙虚待下,忠孝結人,明賞罰,平賦稅,上以分 況大兵在邇,

聖主宵旰之憂,下以爲河東長城之託。」

遣 |革隱忍不言,以至于敗。 臣實拙繆,無以服人,敢以||鼎書上聞,惟朝廷圖之。」朝廷以||鼎言, 守,而反助河南,將棄我也。人心如此,恐一旦逐生他變。向者李革在下陽, 故鼎言及之。未幾,晉安失守,死者幾百萬人,遂失河東。 爲捍禦之計,而小民難與慮始,以臣政令頗急,皆有怨言,遂貽行省之憂。 自聞訓諭 無所,內自悛悔,外加寬撫,庶幾少慰衆心。 更部尚書完顏閭山代之。或曰,胡土門欲以計去晉安,乃大興役,恣爲殺戮,務失民心, 胡土門得書,懼民不從且或生變,乃上言:「臣本瑣材,猥膺重寄,方將治隍陴、積芻糧 而近以朝命分軍過河,則又讙言帥臣不益兵保 人不安之,而 措身

刀亂 一<u></u>
斫其膝脛,終不爲屈,遂殺之。 五年,詔贈中京留守,立像褒忠廟,錄用其子孫。 正大三年七月,復爲臨洮府總管。 三年八月,改太常卿、權簽樞密院事、知歸德府事。一元光二年二月,坐上書不實,削一 四年五月,城破被執,誘之降不應,使之跪不從,以 其妻

鳥古論氏亦死節,有傳。

家 撫使,佩銀符,遂遷入汝州 衆以 汝作 姬 汝 Ę 作 讀 事之。 字欽之, 書 知義理 後徙居交牙山砦, 汝陽 , 性豪宕不 人, 全州節度副使端 拘細 會近侍局使鳥古論 行, 平日 脩之姓 以才 量 稱。 孫 四 也。 和 正 撫諭 大末,避兵崧山, 父 懋以蔭試部掾,轉 西山 , 以 便宜 授 保 尙 汝 鄕 作 鄰 書省令 北 數 百 Ш

去, 節 元 百 兵至,城破,殺數千人,乃許降,以張宣差者管州 度使, 餘人入靑陽垛。 柳遂據之。 初 汝州 閒居 汝之西· 殘破之後,天興元年正月,同知宣徽院事張楷授防禦使, 未幾,城復破 時呼 Щ 延實 楷自揣 者領 不能服衆, 青陽砦事 • 乃 實,趙城 以 州 事。 事 入, 託實、尋往鄧 三月,鈞州潰 本楊 沃 行部 州從 軍 自汴 曲 柳 恒 千戶 以戰 山 率襄、 公 者 功至 武 入州元 仙 郟 寶 縣 後 土 張 昌 兵 逃 大 軍

無 有 險 勝 負。 固 及汝作至, 可 待,汝 已而 北兵雖 乃 北 能 兵 復 爲 來攻, 去,但空城爾。 或 用 命 汝作 一个授 親 以同 督 士卒,以死拒 汝作招集散亡,復立 知 汝州 防 禦使,便 之。 兵退 市井, 宜 從 間 事 道 北兵屢招 納 奏, 哀宗宣諭 之不 從, 數戰 此 州 互

在 青 陽爲 是 時 總 , 此 帥 州 忌忌 南 汝作 通 鄧 城 州 守 西接 之功 浴陽工 不不 能 東則 相 下 汴京, 州 事 使傳所 動 爲 所 出 制 供 實欲 億 \equiv 遷 面 州 傳 入山 通 音耗。 謂 他 日 然 必 呼 爲 延

列

傳

第

六

|郟,得馬百餘,士氣頗振,遂以||汝作爲總帥,不復與||實相關矣。 念」,語甚諄切。

實乃還山,鵬因勸汝作納奏,乞死守此州,以堅軍民之心。 兵所破。 州,總帥 乃欲棄之,何心哉。 汝作 以爲 倉中糧尚多,四面潰軍日至,此輩經百死,激之皆可用,朝廷倚我守此 讒問旣行,有相圖之隙,詳議官楊鵬釋之曰「外難未解而 其冬,戰于襄、 顧私

盡。 汝作怒曰:「吾家父祖食祿百年,今朝廷又以州事帥職委我,吾生爲金民,死爲金鬼。 欲避於山,非欲降乎?有再言遷者吾必斬之。」 是月,中京破,部曲私議有唇亡之懼,謀以城降,懼汝作,不敢言,乃以遷州入山白之。 天興二年六月,哀宗在蘇州,遣使徵兵入援。州人爲邏騎所擾,農事盡廢,城中糧

汝作不爲備,遂爲所殺。 梁皐旣殺汝作,走告珪曰:「汝作私積糧斛,不卹軍民,衆怒殺之矣。 皐不圖汝作官職,惟宣 使裁之。」」珪懼,乃以阜權汝州防禦使、行帥府事。 脫走入察,以阜殺汝作事聞 八月,塔察將大兵攻蔡,經汝州。州人梁皐作亂,與故吏溫澤、王和七八人徑入州廨, 時宣使石珪體究洛陽所以破及强伸死節事,以路阻,留汝州驛。

登封帥范眞併力計學。天錫避峴山遠,先約范眞,眞以麾下李某者往,以撫諭軍民爲 事率軍士迎於東門,知朝廷圖己,陰爲之備,李猶豫不敢發。 ^皇館天錫于望崧樓,隱毒 哀宗甚嗟惜之,遣近侍張天錫贈汝作昌武軍節度使,子孫世襲謀克,仍詔 峴山帥呼延

於食,天錫遂中毒而死。 皐後為大元兵所殺。

楊鵬字飛卿,能詩。

宣宗詔 奏此 人 愛申逸其族與名,或曰一 將 鳳 翔 帥材,忠實可倚。 軍討之,軍圍秦州城。 宣宗命馳赦之,以爲德順節度使、行元帥府 名忙哥。 時愛申在軍中,有罪當死。 本號縣鎭防軍, 累功遷軍中總領。 宣宗問之樞 事 帥, 李文秀據秦州 有知其名者

龍舜卿 中募 總管府判官 旣至,不數日受圍 可守,往 可恃,德順 生 正 者可 致 大 則 四 肩龍 必死、然以知己故、不得不爲之死耳。」 決不可守,勸勿往。 守 與謀事,乃遺書招之。 年春,大兵西來,擬以德順爲坐夏之所,德順無軍,人甚危之。愛申識鳳翔 而 禦 不知所終。 與共 城中惟有 之。 義兵鄉軍八九千人,大兵舉天下之勢攻之。 臺諫有言當贈德順死事者官, 凡攻百二十晝夜,力盡乃破,愛申以 肩龍 肩龍得書欲行, 曰:「愛申平生未嘗識我,一見許爲知己。 乃舉行橐付族父, 鳳翔總管禾速嘉國鑑以大兵方進, 以勸中外。 劍自剄,時年五十三。 明爲死別, 詔各贈官, 愛申假 我知德順 冒險而去。 舜 卿 配食褒 吾城 馬 鳳 翔 軍

忠

廟

科,節度全、錦雨州。父成誼,明昌五年登科,仕爲京兆府路統軍司判官。 肩龍字舜卿,宛平人。先世遼大族,有知興中府者,故人號興中馬氏。 祖大中、金初登 肩龍在太學有

賦聲。

之。」宣宗感悟,赦從坦,授肩龍東平錄事,委行省試驗。 與從坦交分厚歟。」肩龍對曰:「臣知有從坦,從坦未嘗識臣。 帥 材,少出其右者,臣一介書生,無用於世,願代從坦死,留爲天子將兵。」書奏,詔問:「汝 宣宗初,有誣宗室從坦殺人,將置之死。人不敢言其冤,肩龍上書,大略謂:「從坦有將 從坦寃人不敢言,臣以死保

害數事,疑其爲姦人偵伺者,繫歸德獄根勘,適從坦至,立救出之。正大三年,客鳳翔,元帥 愛申深器重之,至是,同死於難。 宰相侯擊與語不契,留數月罷歸,將渡河,與排岸官紛競,搜篋中得軍馬糧料名數及利

元光二年四月,大帥達兒解、按察兒攻河東,張開遣顯扼龍猪谷,夾攻敗之,擒元帥韓光國, 禹 顯,雁門人。貞祐初,隸上黨公張開,累以戰功授義勝軍節度使、兼沁州招撫副使。

獲輜重甲仗甚衆,追至祁縣而還,所歷州縣悉復之。

顯將軍三百人,守襄垣, 八年不遷。 大帥嘗集河朔步騎數萬攻之, 至於數四不能

旣而,戰於玉女寨,大獲。開言於朝,權元帥右都監。

與舊 乞飯山寺中,僧走報焉,被執不屈死,時年四十一。 部曲二十人遁去,聞上黨公軍復振,將往從之。 正大六年冬十二月,軍內變,城破被擒。 帥義之,不欲加害。初以鐵繩鈐之,旣而,密 大兵四向來追,顯適與負釜一兵相失,

至城,邦憲被執,將驅之北,邦憲駡曰:「我進士也,誤蒙朝廷用爲邑長,可從汝曹反耶。」遂 秦州人張邦憲字正叔,登正大中進士第,爲永固令。 天興二年,避兵徐州。 卓翼率兵

遇害。

信校尉,遙領彭城縣尉。後遇國用安,怒其不附已,見殺。 在其中,北兵質之以招全,全縛其人送徐州,因竊其父以歸。 劉全者,彭城民也。 率鄉隣數百避兵沫溝,推爲砦主。 北兵至徐,盡俘其老幼,全父亦 徐帥益都嘉其忠,承制以爲昭

校勘記

- (一) 楊沃衍 「沃」原作「兀」。同音異譯。今據傳文校改。 又下目「陀滿胡土門」、「陀」原作「颳」、
- 亦與傳文統一。
- 衛州圍 六年有衞州之勝 [解」,是其事。 「六年」當作「七年」。 按本書卷一七哀宗紀,正大七年「冬十月,平章合達、副樞蒲阿引兵救衞州,
- 十一月,提控石盞合喜、楊斡烈解定西之圍」。則「是冬」當是貞祐四年冬。上文「三年奉旨屯 十一月,夏人四萬餘騎圍定西,合喜及楊斡烈等率兵鏖戰走之」。卷一三四西夏傳,「貞祐 賽不來獻其提控石盞合喜、楊斡烈等大敗夏人于定西之捷」。卷一一三赤盞合喜傳、「貞祐 是冬西夏四萬餘騎圍定西州 按本書卷一四宣宗紀,貞祐四年十一月「乙酉,元帥右都監完顏 四年 四年
- 涇、邠、隴三州」究是三年或四年,今無可考。
- 將兵五千出鞏州鹽川 今據改。 「川」原作「井」。按本書卷二六地理志, 臨洮路鞏州定西縣「鎭一,鹽
- 五. 會鄧帥移刺瑗以城叛歸于宋 節度使移刺瑗以其城叛」。卷一一八武仙傳,「仰給于鄧州總帥移刺瑗」。今據補。 原脫「剌」字。按本書卷一八哀宗紀,天興二年五月「甲辰,鄧州

金史卷一百二十四

列傳第六十二

忠義四

馬慶祥 商衡 术甲脫魯灰 楊達夫 馮延登 烏古孫仲端

畢資倫 郭蝦嘛

烏古孫奴申

蒲察琦

蔡八兒

溫敦昌孫

完顏絳山

六國語,往必無辱也。」使還,授開封府判官。 **川** 兵出陝右,朝廷命完顏仲元爲鳳翔元帥,舉慶祥爲副,上曰:「此朕志也,且築城有勞。」卽拜 泰和中,試補尚書省譯史。 馬慶祥字瑞寧,本名習禮吉思。 大安初,衛王始通問大元,選使副,上曰:「習禮吉思智辯通 先世自西域入居臨洮狄道,以馬爲氏,後徙家淨州天 內城之役充應辦使,不擾而事集。 未幾,大元

列傳第六十二 忠義四

鳳翔 府路 兵馬 `都總管判官。

行,命畫工肖其貌,付其家人。 匝,欲降之,軍擁以行,語言往復,竟不屈而死,年四十有六。 元帥郭仲元與其尸以歸,葬鳳 曰:「吾屬荷國厚恩,竭力効死乃其職也。」諸騎皆曰:「諾。」人殊死戰,良久矢盡。 大兵圍數 日 遂行。 元 光元年冬十一月,聞大將萌古不花將攻鳳翔,行省檄慶祥與治中胥謙分道淸野。 遇先鋒于澮水,戰不利。 或曰:「君方壯,何乃爲此不祥。」慶祥曰:「非汝所知也。」明 且行且戰,將及城,會大兵邀其歸路,度不能脫,令其騎 將

翔普門寺之東。 **胥謙及其子嗣亨亦不屈死,謙贈輔國上將軍、彰化軍節度使,嗣亨贈威遠將軍、鳳翔府** 事聞、詔贈輔國上將軍、恒州刺史、諡忠愍。

植州金勝堡提控僕散胡沙亦死,贈銀靑榮祿大夫。

高行中、 正大二年,哀宗詔褒死節士,若馬習禮吉思、王清 程濟、姬迅、張山等十有三人,爲立褒忠廟,仍錄其孤。 、田榮、李貴、王斌、馮萬奴、 二人者逸其名,餘亦無 張德威

所考。

商衡字平叔,曹州人。 至寧元年,特恩第一人,授鄜州洛郊主簿。 以廉能換郿縣,尋辟

威戎令。 夏人 乘釁入侵,衡率蕃部土豪守禦應敵,保以無虞。 興定三年,歲飢,民無所於糴,衡白行省,得開倉賑貸, 秩滿, 全活者甚衆。 縣人爲立生祠。 後 因 再辟原武 地震城

未幾,入爲尙書省令史,轉戶部主事,兩月拜監察御史。

部,改 敢進 之理。」哀宗爲之動容,乃出溫爲汝州防禦使。 正典 掖庭,親 刑, 見。 哀宗姨郕國夫人不時出入宮闈,干預政事,聲跡甚惡。 太后 舊 不爾則無以謝天下。」詔降慶山奴爲定國軍節度使。 內族慶 府衞尉。 干預權利,其家人塡委諸司,貪墨彰露。 山 . 奴將兵守盱眙,與李全戰敗,朝廷置而不問。 再上章言:「溫果可罪當貶逐,無罪則臣爲妄言,豈有是非不別而 臺臣無敢言者,衡歷數其罪。 衡上章極言, 自是郕國被召乃 戶部侍郎權尚書曹溫之女在 衡上言:「自古敗軍之將必 詔罷溫戶 兩可

於得 度使 事。 人, 未 幾,爲右司都事,改同知河平軍節度使,未赴,改樞密院經歷官,遙領昌武軍同知節 可從丞 丞相完顏賽不領陝西行省,奏衡爲左右司員外郎,密院表留,有旨「行省地重,急 相奏」。 明年,召還,行省再奏留之。

爲屈 省徒 單兀典等敗於鐵嶺,衡未 正 監至 大 八年,以母喪還京師。 長 水 縣 東 岳 祠前 誘 知 諸 之使招洛陽,衡曰:「我洛陽識何人爲汝招之耶。」兵知不可 十月, 帥存 一歿,招集潰軍以須其至。 遂爲兵士所得,欲降之,不 起復爲素藍總帥府經歷官。 天興元年二月,關陝行

列

傳

誘,欲捽其巾。 臣之罪責亦無所逃,但以一死報國耳。」遂引佩刀自剄,年四十有六。 衡瞋目大呼曰:「汝欲脅從我耶?」終不肯降,望闕瞻拜曰:「主將無狀,亡兵

則 無以致中興。」章奏,詔古赴都堂,問孰爲可相者,古以衡對,則衡之材可知矣。 正 大初,河間許古詣闕拜章,言:「八座率非其材,省寺小臣有可任宰相者,不大升黜之

邏卒擒之,法當械送朝廷,脫魯灰曰:「國家自遷都以來,境土日蹙,民力彫耗,幸邊無事人 遙授昌武軍節度使、[1]元帥右都監、行際、息等路元帥府事。 灰自幼襲爵。 宋 术甲脫魯灰,上京人,世爲北京路部長。 人略南鄙,命同簽樞密院事時全將大軍南伐,脫魯灰率本部屢摧宋兵破城寨,以功 若戮此曹則邊釁復生,兵連禍結矣。 貞祐二年,宣宗遷汴,率本部兵赴中都扈從,上喜,特授御前馬步軍都總領。 其先有開國功,授北京路宋阿荅阿猛安,脫魯 不如釋之,以絕兵端。」 旣而,宋人有因畜牧越境者,

上章曰:「宋人與我爲讎敵,頃以力屈自保,非其本心。 哀宗卽位,授鎭南軍節度使、蔡州管內觀察使、行戶、工部尚書。時大元兵入陝西,乃 今陝西被兵,河南出師,轉戰連年不

稍得息。

諜知,與全乘虛而入,腹背受敵,非計之得者也。 絕,兵死于陣,民疲于役,國力竭矣。 壽、泗一 帶南接肝、煙、紅襖賊李全巢穴也。 臣已令所部沿邊警斥,以備非常。 萬一 |宋人 宜刺

、泗帥臣謹斥候,嚴烽燧,常若敵至,此兵法所謂『無恃其不來,恃吾有以待之』之道也。」

上是而行之。

脱魯灰曰:「汪太尉恇怯人耳,寧敢爲此。必姦人聲言來寇,欲使吾民廢務也,不可信。」已 育及供億國家者,秋成而已。今使秋無所獲,國何以仰,民何以給。」遂遣軍巡邏,聽民待熟 而果然。 而 刈、朱人卒不入寇。 正大二年秋, [三] 傳言宋人將入侵,農司令民先期刈禾,脫魯灰曰:「夫民所恃以仰事俯 。諜者又報光州汪太尉將以八月發兵來取眞陽,議者請籍丁男以備,

風子謀率其衆入宋,脫魯灰策之,以兵數千伏鄱陽道,賊果夜出此途,伏發殪之。 叛人焦風子者,沿河南北屢爲反覆,朝廷授以提控之職,令將三千人戍遂平。 四年春,

之勢,唇亡齒寒,彼必見從。據其險要以備,不然必敗。」是秋,改授小關子元帥,屯商州大 若由散關入興元,下金、房,繞出襄、漢,北入鄧鄙,則大事去矣。 兵精足用。然商、洛以南瀕於宋境,大山重複,宋人不知守,國家亦不能逾宋境屯戍。 七年,大元兵攻藍關,至八渡倉退。舉朝皆賀,以爲無事。 脫魯灰獨言曰:「潼關險隘, 宜與宋人釋怨,諭 以輔車 大兵

九年春,從行省參政徒單吾典將潼關兵入援,至商山遇雪,大兵邀擊之,士卒饑凍不能

列傳

戰而潰。脫魯灰被執不屈,拔佩刀自殺。

坐字誤,降平涼府判官。 楊達夫字晉卿、耀州三原人。泰和三年進士。 嘗主鄠縣簿,事一從簡,吏民樂之。達夫亦愛其山水之勝,因家 有才幹,所至可紀。 召補省掾,草奏章,

焉。日以詩酒自娛,了無宦情。

祠之,當作我橫嶺之神。」 死,忍裸袒以黷天日耶。」遂見殺。 達夫挺然直立馬首,略無所懼,稍侵辱之,卽大言曰:「我金國臣子,旣爲汝所執,不過 會有詔徙民東入關,達夫與衆行,及韶,避兵于州北之橫嶺,〔三爲游騎所執,將褫衣害 兩山潛伏之民竊觀之者,皆相告曰:「若此好官,異日

林修撰,奉使夏國,就充接送伴使。 左右司員外郎。興定五年,入爲國史院編修官,改太常博士。元光二年,知登聞鼓院,乘翰 于食,延登發粟賑貸,全活甚衆。 馮延登字子俊, 吉州吉鄉人。世業毉。延登幼頴悟, 旣長事舉業, 承安二年登詞賦進 調臨眞簿、德順州軍事判官。 貞祐二年,補尚書省令史,尋授河中府判官、銀行尚書省 泰和元年,轉寧邊令。 大安元年秋七月、霜害稼、民艱

截去之,延登岸然不動,乃監之豐州。 還朝亦死,不若今日卽死爲愈也。」明日,復問:「汝曾思之不。」對如前,問至再三,執義不 部侍郎、權刑部尚書。 回。 問:「汝能招之使降卽貰汝死,不則殺汝矣。」曰:「臣奉書請和,招降豈使職乎。 虩 縣御營。 又明日,乃喻旨云:「汝罪應死,但古無殺使者理,汝愛汝須髯猶汝命也。」 叱左右以刀 正大七年十二月,遷國子祭酒。假翰林學士承旨,充國信使。以八年春奉國書朝見於 有旨問:「汝識鳳翔帥否。」對曰:「識之。」又問:「何如人。」曰:「敏於事者也。」又 二年後放還,哀宗撫慰久之,復以爲祭酒,歷禮、吏二 招降亦死,

遂 屋城旁井中,年五十八。 明年,大元兵圍汴京,倉猝逃難,爲騎兵所得,欲擁而北行。 延登辭情慷慨,義不受辱,

史中丞,奉詔安撫陝西。 夏,涉流沙,踰葱嶺,至西域,進見太祖皇帝,致其使事乃還。 待 二月還至。 制安延珍奉使乞和于大元,回謁見太師國王木華黎,於是安延珍留止,仲端獨往。 鳥古孫仲端本名卜吉,字子正。承安二年策論進士。宣宗時,累官禮部侍郎。 朝廷嘉其有奉使勞,進官兩階,延珍進一階。 及歸,權參知政事。 歷裕州刺史。 自興定四年 正大元年、召爲御 七月啓行,明年十 與翰林 並大

斤出等発死除名。 有旨釋之備再使。 正 大五年十二月,知開封府事完顏麻斤出、吏部郎中楊居仁以奉使不職,尚書省具獄 仲端言曰:「麻斤出等辱君命,失臣節,大不敬,宜償禮幣誅之。」奏上,麻 會議降大軍事,及諍太后奉佛,涉亡家敗國之語,上怒,貶同州節度使。

矣。」思忠去,仲端即自縊,其妻亦從死。 詩示之,其詩大概謂人生大似巢燕,或在華屋杏梁,或在村居茅茨,及秋社甫臨,皆當逝去 太學同舍事以爲笑樂,因數言「人死亦易事耳」。思忠曰:「吾兄何故頻出此語。」仲端因寫一 **外食盡,諸將不相統一,仲端自度汴中事變不測。** 人生雖有富貴貧賤不同,要之終有一死耳。 哀宗將遷歸德,召爲翰林學士承旨,兼同簽大睦親府事,留守汴京。及大元兵圍汴,日 明日,崔立變。 書畢,連飲數杯,送思忠出門,曰:「此別終天 一日與同年汝州防禦裴滿思忠小飲,談

|仲端爲人樂易寬厚知大體,奉公好善,獨得士譽。 一子名愛實,嘗爲護衞、奉御,至以

誅官奴功授節度、世襲千戶。

思忠名正之,本名蒲刺篤,亦承安二年進士。

百家以酷烈聞,奴申以事糾罷,朝士聳然。 鳥古孫奴申,字道遠。 由譯史入官。 性优特敢爲有直氣, 嘗爲監察御史, 後爲左司郎中、近侍局使,皆有名。 時中丞完顏 哀宗東遷

爲 史大夫裴滿阿虎帶自縊死於臺中。 《諫議大夫、近侍局使、行省左右司郎中、 兼知宮省事,留汴京居守。 是日,戶部尚書完顏珠顆亦自縊 崔立變之明日,同御

阿虎帶字仲寧、珠顆字仲平、皆女直進士。

時 不辱而死者,奉御完顏忙哥、大睦親府事烏古孫仲端。「於」大理裴滿德輝、右副點檢

完顏阿撒、參政完顏奴申之子麻因,可知者數人,餘各有傳。

遷歸德,汴京立講議所,受陳言文字,其官則御史大夫納合寧以下十七人,皆朝臣之選,而 琦 琦常在合典左右,合典令避矢石,琦不去,曰:「業已從公,死生當共之,尚安所避耶。」哀宗 大六年,秦、藍總帥府辟琦爲安平都尉粘葛合典下都統兼知事。其冬,小關破,事勢已迫, 以有 蒲 察琦本名阿憐,字仁卿,棣州陽信人。武補刑部掾。兄世襲謀克,兄死,琦承襲。 論議預焉。時左司都事元好問領講議,兼看讀陳言文字,與琦甚相得。

别。 寤。」仁卿 琦 襲先兄世爵,安忍作此。今以一死付公,然死則卽死,付公一言亦剩矣。」因泣涕 旣 立變後,令改易巾髻,琦謂好問曰:「今日易巾髻,在京人皆可,獨琦不可。 跪 至 其 曰:「梁上 家,母氏方畫寢,驚而寤。琦問阿母何爲,母曰:「適夢三人潛伏梁間,故驚 人,鬼也。 兒意在懸梁,阿母夢先見耳。」家人輩泣勸曰:「君不念老母 琦一刑部 而

列

歟。」母止之曰:「勿勸,兒所處是矣。」卽自縊,時年四十餘。 琦性沉靜好讀書,知古今事。 其母完顏氏,以孝謹稱。

是,上登城,遣八兒率挽强兵百餘潛出暗門,渡汝水,左右交射之。自是兵不復薄城,築長 **壘爲久困計。上令分軍防守四城,以殿前都點檢兀林荅胡土守西面,八兒副之。** 入援,會大將奔盞遣數百騎駐城東,令人大呼曰:「城中速降,當免殺戮,不然無噍類矣。」於 蔡八兒,不知其所始。 **趫捷有勇,性純質可任。** 時爲忠孝軍元帥。天興二年,自息州

有死而已,安能更事一君乎。」遂戰死。 已而,哀宗度蘇城不守,傳位承麟。 羣臣入賀,班定,八兒不拜,謂所親曰:「事至於此,

爲都尉。 毛佺者,恩州人。貞祐中爲盜,宣宗南渡,率衆歸國,署爲義軍招撫。 圍城之戰, 怪力居多, 城破自縊。其子先怪戰歿。 哀宗遷蔡,以佺

時死事者則有閻忠、郝乙、王阿驢、樊喬焉。

乙,磁州人,同日戰死,哀宗贈官。 忠,滑州人。 衞王時,開州刺史賽哥叛,忠單騎入城,縛賽哥以出,由是漸被擢用。

曰:「砲利於短,不利於長。」信之,使截其木數尺、綆十餘握,由是機雖起伏,所擊無力。 阿驢 、樊喬皆河中人,初爲砲軍萬戶。 鳳翔 破,北降,從軍攻汴, 司砲 如故, 即給主者

日,二人皆捐家走城。

人爭强,有事則他人盡力,焉得不怨。」上默然。餘各有傳。 是時,女直人無死事者,長公主言於哀宗曰:「近來立功効命多諸色人,無事時則自家

胡失打聞之,「引慟哭,投水而死。 千餘斤,分賜將士。後知其出,左右設伏,伺而邀之,力戰而死。 浮尸,惡之。城西有積水曰練江,魚大且多,往捕必軍衞乃可。昌孫常自領兵以往,所得動 上幸盛,授殿前左副點檢。 溫敦昌孫,皇太后之姪,衞尉七十五之子。爲人短小精悍,性復愷弟。 圍城中,數引軍潛出巡邏。 時尚食須魚,汝河魚甚美,上以水多 察城破,前監察御史納坦 累遷諸局分官。

聽其出。 司 求出,有司難之、民大呼於道。上聞之、遺近侍官分監四門,門日出千人、必老稚羸疾者 完顏絳山,哀宗之奉御也,系出始祖。天興二年十月,蔡城被圍,城中飢民萬餘訴於有 絳山時在北門,憫人之飢,出過其數,命杖之四十。 然出者多泄城 中虚 **監實**,尋

御石盞氏、近侍局大使焦春和、內侍局殿頭宋珪赴上前,曉以名分大義,及侍從官巴良丽、 三年正月己酉,蔡城破,哀宗傳位承麟,卽自縊于幽蘭軒。 斜烈將死,遺言絳山,使焚幽蘭軒。 權點檢內族斜烈矯制召承

阿勒根文卿皆從死。

許之。 免,後不知所終。 灰寒,收瘞其骨耳。」兵笑曰:「若狂者耶,汝命且不能保,能瘞而君耶。」絳山曰:「人各事其 誰?」絳山曰:「吾奉御絳山也。」兵曰:「衆皆散走,而獨後何也。」曰:「吾君終于是,吾候火滅 不遺吾,吾是以留,果瘞吾君之後,雖寸斬吾不恨矣。」兵以告其帥,齊盞曰:「此奇男子也。」 吾君有天下十餘年,功業弗終,身死社稷,忍使暴露遺骸與士卒等耶?吾逆知君輩必 火方熾,子城破,大兵突入,近侍左右皆走避,獨絳山留不去,為兵所執,問曰:「汝為 絳山乃掇其餘燼,裹以弊衾,瘞于汝水之旁,再拜號哭,將赴汝水死。軍士救之得

爲 兵至鎭州,高琪棄城遁。 鎭州,术虎高琪爲防禦使、行元帥府事于是州,選資倫爲防城軍千戶。 畢資倫,縉山人也。 資倫行及昌平,收避遷民兵,轉戰有功,擢授都統軍。 泰和南征,以傭雇從軍,軍還,例授進義副尉。崇慶元年,改縉山 至寧元年秋,大元 軍數千,與

軍 中 將領沈思忠、賓子都輩同隸一府,屯鄭州及衞州,時號「沈、畢軍」。 積功至都總領,思

忠爲副都尉。

我言。 求 戌, 林 取 歸 士 衰 死 途 梅 幾 死 提控 弱 林 何 尙 阿 爲 僕 旣 爲 散 海 關 7日:「止用資倫 敵 不 叫 我 宋 王 爾肯降我,宋 據 阿海 破 能 出 祿 軍 樞 蘄 ",計無所出,復問「 身 阿海 報 湯 所 密院 至貧 南征,軍次梅林關不得過,阿海問諸將誰能取此關者,資倫首出應命,問 ,肯從汝反 執 餅 黄、按軍 軍得南行,留提控王祿軍萬人守關。 以以 會軍中宴飲, 以資 賤 亦 見 所統 結 倫、 時青。 亦 而 賊 柳 還,論 負 思忠 求 器 足矣,不煩餘軍。」 爾。 誰能 爲 生 青說 宋 耶 功 生 不 一,自 若 龜 清 資 相 取梅林者,以帥職賞之」,資倫 之 不 川 能,恐敗事,以資倫統 倫第一,授遙領 從, 征 日:二 統 知 南 制 無降意,下 見劉 始 畢宣差,我知爾好男子,亦宜 時青乘 明日遲明,出宋軍不意,引兵薄之,萬衆崩,遂 得 大 官, 帥 隙襲破 盱 卽 同 不數日, 今職居三品。 知昌 死 胎 矣。」資倫 獄 泗州 本軍 武軍節度使、宣差總領 西城。 宋兵奪關守之, 屯 復出應命,以本軍 極 泗 不幸失國 州 口罵 資倫 相 興定 時達 曰:「時青逆 知 次失計, 家城 阿海 變。 五 年正 池,甘分 都提控。 **喧**南 再 以 金 一月戊 奪梅 梅 須 賊 或 城 聽 林 軍 勢

|青 必被 時 殺 臨 准 卽 令李某者亦被 以 死 不屈 節 聞于 執 朝。 後 得 時資倫子牛兒年十二,居宿州,收 歸 爲 泗州 從宜 移 刺羊哥言其 事。 充皇后 羊哥以資 位奉閤 倫 惡語爲時 **『舍人。**

列

傳

第

買住,國家未嘗負汝,何所求死不可,乃作如此觜鼻耶。」買住俯首不敢仰視。 宋使總帥納合買住已下北望哭拜,謂之辭故主,驅資倫在旁觀之。資倫見買住罵曰:「納合 餓,脅誘百方,時一引出問云:「汝降否。」資倫或罵或不語,如是十四年。 宋人亦賞資倫忠憤不撓,欲全活之,鈐以鐵繩,囚于鎭江府土獄,略給衣食使不至寒 及盱眙將士降宋,

耳。」宋人信之,爲屠牛羊設祭鎭江南岸。資倫祭畢,伏地大哭,乘其不防投江水而死。宋 人義之,宣示四方,仍議爲立祠。 及蔡州破,哀宗自縊,宋人以告資倫。 資倫歎曰:·「吾無所望矣。 容我一祭吾君乃降

身,面赤色,顴頰微高,髯疏而黃。資禀質直,重然諾,故其堅忍守節卓卓如此。」宣宗實錄 載資倫爲亂兵所殺,當時傳聞不得其實云。 鎭江之囚有方士者親嘗見之,以告元好問,及言泗州城陷資倫被執事,且曰:「資倫長

破,祿大、蝦螂俱被禽。夏人憐其技,囚之,兄弟皆誓死不屈。朝廷聞之,議加優獎,而未知 皆衣金,出入陣中,約二百餘步,一發中其吭,殪之。又射一人,矢貫兩手於樹,敵大駭。城 授同 知平涼府事、無會州刺史,進官一階,賜姓顏盞。夏人攻會州,祿大遙見其主兵者人馬 郭蝦嚇,會州人。世爲保甲射生手,與兄祿大俱以善射應募。興定初,祿大以功遷遙

存 祿 大 沒,乃特遷祿大子伴牛官一階,授巡尉職,以旌其忠。 、竟爲所殺,蝦嫲獨拔歸。 上思祿大之忠,命復遷伴牛官一階,遙授會州軍事判官,蝦螂 其後 ·兄弟謀奔會,自拔其鬚,事覺,

遙授鞏州鈴轄。 會言者乞獎用祿大弟,逐遷蝦嘛官兩階,授同知蘭州軍州事

興定五年冬,夏人萬餘侵定西,蝦螂敗之,斬首七百,獲馬五十匹,以功遷同知臨洮

府事。

發而斃。兵退,升遙授靜難軍節度使,尋改通遠軍節度使,授山東西路幹可必剌謀克,仍遣 測量遠近,曰:「可。」蝦螂平時發矢,伺腋下甲不掩處射之無不中,即持弓矢伺坐者舉肘,一 使賞賚,徧諭諸郡焉 外一人坐胡牀,以箭力不及,氣貌若蔑視城守者。 元光二年,夏人步騎數十萬攻鳳翔甚急,元帥赤盞合喜以蝦蛛總領軍事。 合喜指似蝦蛛云:「汝能射此人否。」蝦蛛 從巡城,濠

下,夏人猝望之以爲 夏人震恐,乃出降。 蓋會州爲夏人所據近四年,至是復焉。 <<>> 是年冬,蝦螂與鞏州元帥田瑞攻取會州。 神。 城上有舉手於懸風版者,蝦螂射之,手與版俱貫。 蝦嘛率騎兵五百皆被赭納,蔽州之南山而 凡射死數百人。

濟所殺,斬首五千餘級, 正大初,田瑞據鞏州叛,詔陝西兩行省併力擊之。。蝦螂率衆先登,瑞開門突出,爲其弟 以功遷遙授知鳳翔府事、本路兵馬都總管、元帥左都監、兼行蘭

等物有差。

乘此豈. 、洮、河元帥 能盡其力。 府事。 旣入進,卽尙廐物也,就以賜卿。」仍賜金鼎一、玉兔鶻一,幷所遣郭倫哥 六年九月, 蝦螂進西馬二疋, 詔曰:「卿武藝超絕。 此馬 可充戰用,除

約蝦嚇併力破鞏昌。 帥汪世顯者亦知蔡凶問,且嫉完展制己,欲發矯詔事,因以兵圖之,然懼蝦螂威望,乃遣使 月,完展聞察已破,欲安衆心,城守以待嗣立者,乃遣人稱使者至自察,有旨宣諭。 破之,劫殺完展,送款於大元,復遣使者二十餘輩諭蝦嫲以禍福,不從。 公,先廢遷幸之地,上至何所歸乎。汝帥若欲背國家,任自爲之,何及於我。」世顯卽攻鞏昌 圍於蔡,擬遷鞏昌。 天興二年,哀宗遷蔡州,慮孤城不能保,擬遷鞏昌,以粘葛完展爲鞏昌行省。 國家危急之際,我輩旣不能致死赴援,又不能叶衆奉迎,乃欲攻粘葛 使者至、蝦嘛謂之曰:「粘葛公奉詔爲行省、號令孰敢不從。 今主上受 三年春正 綏德州

熾,率將士於火前持滿以待。城破,兵塡委以入,鏖戰旣久,士卒有弓盡矢絕者,挺身入火 含積聚,曰:「無至資兵。」日與血戰,而大兵亦不能卒拔。 及軍士死傷者衆,乃命積薪於州 蝦螂度不能支,集州中所有金銀銅鐵,雜鑄爲砲以擊攻者,殺牛馬以食戰士,又自焚廬 甲午春,金國已亡,西州無不歸順者,獨蝦螂堅守孤城。丙申歲冬十月,大兵併力攻 人及城中將校妻女,閉諸一室,將自焚之。 蝦嚇之妾欲有所訴,立斬 以 徇 火旣

中。 蝦蛛獨上大草積,以門扉自蔽,發二三百矢無不中者,矢盡,投弓劍于火自焚,城中無

一人肯降者。蝦螂死時年四十五。土人爲立祠

與上會於饒峯關,出宋不意取興元。 完展字世昌。 泰和三年策論進士。 旣而不果云。 初爲行省,以蠟丸爲詔,期以天興二年九月集大軍

校勘記

以功遙授昌武軍節度使 「昌武」原作「武昌」。按金無「武昌軍」。本書卷二五地理志, 南京路有

「許州,昌武軍節度使」。今據乙正。

[I] 正大二年秋 原脱「正大」二字,今據上下文補。

達夫與衆行及韶避兵于州北之橫嶺 按「韶」之名本書僅此一見。 嘉慶重修一統志卷二〇五

河南府云、澠池縣、「金末於縣置韶州 蜒十數里」。 疑「韶」字下當有州字。 嘉慶澠池縣志卷一山川,「治西二十五里,橫嶺迴障,蜿

29 U 與翰林待制安延珍奉使乞和于大元 烏古孫仲端、翰林待制安庭珍使北還,各遷一階」。「延」作「庭」。 按本書卷一六宣宗紀,興定五年十二月「丁巳,禮部侍郎

五 嘗爲 護 衞 奉 御 「衞」原作「尉」。按本書卷四一儀衞志,「金制天子之儀衞,其衞士曰護衞」。 卷

列傳第六十二 校勘記

四四兵志,「禁軍之制,又設護衞二百人,近侍之執兵仗者也」。今據改。

[六] 大睦親府事烏古孫仲端 承旨,兼同簽大睦親府事,留守汴京」。 元兵圍汴,「仲端卽自縊」。 今據補一「仲」字。又「烏古 原脫「仲」字。按本卷烏古孫仲端傳,「哀宗將遷歸德,召爲翰林學士

孫」原作「吾古孫」。今亦據傳文統一。

[4] 前監察御史納坦胡失打聞之 「監察御史」原作「御史監察」。按本書卷五五百官志, 御史臺,

「監察御史十二員,正七品」。今據乙正。

[K]蓋會州爲夏人所據近四年至是復焉「四」原作「十」。按本書卷一六宣宗紀、興定四年八月「庚 午,夏人陷會州」,至元光二年冬共四年,今據改。

金史卷一百二十五

列傳第六十三

文藝上

韓昉 蔡松年 子珪 吳激 馬定國 任詢 趙可 郭長倩

蕭永祺

胡礪

王競

楊伯仁

鄭子聃

党懷英

文。 而 無專門名家之學,然而朝廷典策、鄰國書命,粲然有可觀者矣。|金用武得國,無以異於|遼, 如弟子禮。世宗、章宗之世,儒風丕變,庠序日盛,士繇科第位至宰輔者接踵。 代制作能自樹立唐、快之間,有非遼世所及,以文而不以武也。 太宗繼統,乃行選舉之法,及伐宋,取汴經籍圖,三宋士多歸之。 金初未有文字。世祖以來漸立條敎。[1] 太祖旣興,得遼舊人用之,使介往復,其言已 熙宗款謁先聖,北面 傳曰:「言之不文,行 當時儒者雖

列

傅第六十

 \equiv

文

变上

二七一三

之不遠。」文治有補於人之家國、豈一日之效哉。作文藝傳。

第一。 韓昉字公美,燕京人。仕遼,累世通顯。昉五歲喪父,哭泣能盡哀。天慶二年,中進士 補右拾遺,轉史館修撰。累遷少府少監、乾文閣待制。加衞尉卿,知制誥,充高麗國

信使。

約,防乃還。 高麗 矣。」高麗 六年五服一朝,又六年王乃時巡,諸侯各朝于方岳。今天子方事西狩,則貴國當從朝會 **昉曰:「小國事遼、宋二百年無誓表,未嘗失藩臣禮。今事上國當與事遼、宋同禮。而屢盟** 長 ·亂聖人所不與,必不敢用誓表。」

」助曰:「貴國必欲用古禮,舜五載一巡狩,羣后四朝。 ,移督再三。 高麗雖舊通好,天會四年,奉表稱藩而不肯進誓表,累使要約,皆不得要領。而助復至 人無以對,乃曰:「徐議之。」 助曰:「誓表朝會、一言決耳。」 於是高麗乃進誓表如 宗幹大說曰:「非卿誰能辦此。」因謂執事者曰:「自今出疆之使皆宜擇人。」 高麗徵國中讀書知古今者,商榷辭旨,使酬答專對。凡涉旬乃始置對,謂 周

翰林學士、兼太常卿、修國史、尚書如故。 明 年,加昭文館直學士,兼堂後官。 再加諫議大夫,遷翰林侍講學士。改禮部尚書,遷 助自天會十二年入禮部,在職凡七年。 當是時,

朝廷方議禮,制度或因或革,故昉在禮部兼太常甚久云。除濟南尹,拜參知政事。 致仕。天德初,加開府儀同三司。薨。年六十八。 年,表乞致仕,不許。六年,再表乞致仕,乃除汴京留守,封鄆國公。復請如初,以儀同三司 皇統四

待之如初,曰:「奴誣主人以罪,求爲良耳,何足怪哉。」人稱其長者。 眆雖貴,讀書未嘗去 防安否云。 手,善屬文,最長於詔册,作太祖睿德神功碑,當世稱之。自使高麗歸,後高麗使者至必問 助性仁厚,待物甚寬。 有家奴誣告助以馬資送叛人出境,考之無狀,有司以奴還助,助

河,郭藥師敗,婦以燕山府降,元帥府辟松年爲令史。天會中,遼、宋舊有官者皆換授,松年 <u>蔡松年字伯堅。</u>父媾,宋宣和末,守燕山。松年從父來,管勾機宜文字。宗望軍至白

爲太子中允,除真定府判官,自此爲真定人。

領行臺事、伐宋、松年衆總軍中六部事。宋稱臣、師還、宗弼入爲左丞相、薦松年爲刑部員 年力爲辨論,竟得不坐。齊國廢,置行臺尚書省於汴,松年爲行臺刑部郎中。都元帥宗两 嘗從元帥府與齊俱伐宋。是時,初平眞定西山羣盜,引山中居民爲賊汙者千餘家,松

列

外郎。

司員

外郎。

正好 之,由是構怨。 評論 皇統 七年,尚書省令史許霖告田瑴黨事, 人物 ,其黨皆君子,韓企先爲相愛重之。 故松年、許霖構成戲等罪狀,勸宗弼誅之,君子之黨熄焉。 松年素與瑴不相能。 而松年、許霖、 曹望之欲與瑴相結, 是時宗弼當國,瑴性剛 是歲, 松年遷左 瑴 拒

書,尋拜參 宋,以松年 郎,俄遷戶部尚書。 松年前在宗嗣府,而海陵以宗室子在宗嗣軍中任使,用是相厚善。 家 知 政事。 世仕宋,故亟 海陵遷中都,徙權貨務以實都城,復鈔引法 是年,自崇德大夫進銀青光祿大夫,遷尚書右丞,未幾,爲左丞,封問 |擢顯位以聳南人觀聽,遂以松年爲賀宋正旦使。 ,皆自松年啓之。 天德初,擢吏部侍 使還 一改更 海陵 部 謀伐 尙

類往 之。」松年惶恐對曰:「臣若懷此心,便當族滅 初 年 · 水者。 ,海陵愛宋使人山呼聲,使神衞軍習之。 道夫退,海陵謂宰臣 日「宋 人知 我 及孫道夫賀正隆三年正旦,入見,山 使 神衞 軍 習其聲, 此必蔡松年、胡 「呼聲不 礪泄

國公。

于其第,命作祭文以見意。 之,進拜右 丞 相,加儀同三司,封衞 加封吳國公,諡文簡。 國 公。 正隆 起復其子三河主簿珪爲翰林修撰,璋賜 四年薨,年五 十三。 海陵悼惜之, 奠

進士第。 遣翰林待制蕭籲護送其喪,歸葬真定,四品以下官離都城十里送之,

從官給。

吳激齊名,時號「吳、蔡體」。 松年 事繼母以孝聞,喜周恤親黨,性復豪侈,不計家之有無。 有集行于世。 子 珪 文詞清麗, 尤工樂府, 與

修撰 了, 同 | 珪字正甫。 知 制誥。 中進士第,不求調,久乃除澄州軍事判官,遷三河主簿。 在職 八 年, 改戶部員 外郎,兼太常丞。 珪號爲辨博,凡朝廷制度損 丁父憂,起復翰林

爲編

類詳定檢討删定官

舊」。 作 年詔 兩燕王墓辯,據葬制名物款刻甚詳 「舊」,古「柩」字,通用。 改葬於城外。 初,兩燕王墓舊在中都東城外,海陵廣京城圍,墓在東城內。 俗傳六國時燕王及太子丹之葬, 乃西漢高祖子劉建葬也。 及啓壙, 其西墓,蓋燕康王劉嘉之葬 其東墓之柩題其和 前嘗有盜發其墓,大定 燕靈 也。 九

主 員 事 外郎王翛 高 安 國 震亨、大理評事 軍節度判官高元鼎坐監臨姦事,求援於太常博 、宛平主簿任詢、前衞州防禦判官閻恕、承事郎高復亨、文林郎翟詢、 王元忠。 震亨以屬鞫問官御史臺 典事 士田居實、 李仲柔,仲柔發之。 大理 司 直吳長行、 敦武校尉 珪 與 吏部 刑

列

杖八十,脩、珪、詢、恕、復亨、翟詢各笞四十,景晞、師望各徒二年,官贖外並的決。 王景睎、進義校尉任師望,坐與居實等轉相傳教,或令元鼎逃避,居實、長行、震亨、 元忠各

謝,卿等何不糾之。人言卿等相爲黨蔽,今果然邪。」]珪乃致仕,尋卒。 曰:「卿等閱書史,亦有不能言之人可以從政者乎。」又謂中丞劉仲誨曰:「蔡珪風疾不能奏 音不能言,乃除濰州刺史,同輩已奏謝,珪獨不能入見。世宗以讓右丞唐括安禮、參政王蔚 久之,除<u>河東北路轉運副使,復入爲修撰,遷禮部郎中,封眞定縣男。</u> 珪已得風疾,失

石遺文跋尾十卷,晉陽志十二卷,文集五十五卷。補正水經、晉陽志、文集今存,餘皆亡。 | **建之**文有補正水經五篇,合沈約、蕭子顯、魏收宋、齊、北魏志作南北史志三十卷,續金

爲翰林待制。皇統二年,出知深州,到官三日卒。 文,字畫俊逸得| 下筆意。尤精樂府, 造語清婉, 哀而不傷。將| 宋命至| 金, 以知名留不遣, 命 吳激字彥高,建州人。父拭,宋進士,官終朝奉郎、知蘇州。激,米芾之壻也,工詩能 詔賜其子錢百萬、粟三百斛、田三頃以周

有東山集十卷行于世。「東山」,其自號也。

者以比蔡正甫燕王墓辯。 以來無定論,定國以字畫考之,云是宇文周時所造,作辯萬餘言,出入傳記,引據甚明,學 以 知名。阜昌初,遊歷下,以詩臧齊王豫,豫大悅,授監察御史,仕至翰林學士。石鼓自唐 馬定國字子卿,在平人。自少志趣不羣。宣、政末,回題詩酒家壁,坐譏訕得罪,亦因 初,學詩未有入處,夢其父與方寸白筆,從是文章大進。有集傳

州 四致仕,優游鄉里,家藏法書名畫數百軸。年七十卒。 文,然王庭筠獨以其才具許之。登正隆二年進士第。 爲人慷慨多大節。 任詢字君謨,易州軍市人。父貴有才幹,善畫,喜談兵,宣、政間游江、浙。 書爲當時第一, 畫亦入妙品。 歷益都都勾判官,北京鹽使。 評者謂畫高於書,書高於詩,詩高於 詢生於虔 年六十

趙可字獻之,高平 列 傳 第 六 + Ξ 文 藝 貞元二年進士。 上 仕至翰林直學士。博學高才,**卓** 举不覊。 天

號玉峯散人集。

德、貞元間,有聲場屋。 後入翰林,一時詔誥多出其手,流輩服其典雅。 其歌詩樂府尤工,

于世。 注。 與施 郭長倩字曼卿,文登人。登皇統丙寅經義乙科。 | 朋望、王無競、劉嵓老、劉無黨相友善。 所撰石決明傳為時輩所稱。 仕至秘書少監, 兼禮部郎中, 修起居 有崑崙集行

下,因盡傳其業。 志五卷、傳四十卷,上之。 蕭永祺字景純,本名蒲烈。少好學,通契丹大小字。 固卒,永祺率門弟子服齊衰喪。 加宣武將軍,除太常丞。 固作遼史未成,永祺繼之,作紀三十卷、 廣寧尹耶律固奉詔譯書,辟置門

于內閣,諭以旨意,永祺辭曰:「臣材識卑下,不足以辱執政。」海陵曰:「今天下無事,朕方以 再遷翰林學士。 海陵爲中京留守,永祺特見親禮。 明年,遷承旨。 尚書左丞耶律安禮出守南京,海陵 天德初,擢左諫議大夫,遷翰林侍講學士,同修國 欲 以永祺代之, 召見

也。 文治、卿爲是優矣。」永祺固辭、旣出, 永祺 曰:「執政繫天下休戚, 縱欲貪冒榮寵, 或問曰:「公遇知人主,進取爵位,以道佐時,何多 如蒼生何。」海陵嘗選廷臣十人備諮訪,獨 護

永祺

議論寬厚,時稱長者。

卒年五十七。

將名世 定,燕于漕司 *蒯冠*,士子聚居者常以百數,礪督教 置 香 門下 山寺,與傭保雜 皇統初,爲河北西路轉運都勾 胡 [。」十年,舉進士第一,授右拾遺,權翰 礪 使與其子 字元化,磁州武安人。少嗜學。天會間,大軍下河北,礪爲軍士所掠,行至燕,亡匿 ŏ 礪欲就 處,同敎育之,自是學業日進。 處。 韓昉 坐,楨責之, 見而異之,使賦詩以 判官。 礪曰:「公在 不倦,經指授者悉爲場屋 礪性 林修撰。久之,改定州 政府 剛 見志,礪操筆 直 防嘗謂人曰:「胡 無 則 所屈。 禮 [絕百僚,今日之會自有賓主禮。] 上游 行臺平章政事高楨 立成,思致清婉,防喜甚,因 ,稱其程文爲「元化格」。 觀察判官。定之學校爲河 生才器一 日千里,他 之汴,道眞 日 楨 必

委于礪。州管五

縣,例置弓手百餘,少者猶六七十人,歲徵民錢五千餘萬

日:「汝他

日爲省吏當

何

如

?」礪曰:「當官而

行,

亦何

所避。」楨

壯其言,

改謝之。

改

同

知深

州軍

州

事,加朝奉大夫。

郡

守暴

戾,

蔑視僚屬,

礪常

以

禮折之,守愧服,郡

爲

顧直

一。至其人

通守。」或請 井無賴,以迹盜爲名,所至擾民。礪知其弊,悉罷去。繼而有飛語曰:「某日賊發,將殺 爲備,礪曰:「盜所利者財耳,吾貧如此,何備爲。」是夕,令公署撤關,竟亦無事。

得疾 陵謂 再遷侍講學士,同修國史。 獨 不跪。 ,海陵數遣使臨問,卒,深悼惜之。 年五十五。 礪曰:「彥恭官在卿下,以其舊勞,故使卿副之。」遷翰林學士,改刑部尙書。 扈從至汴 再 補翰林修撰,遷禮部郎中,一時典禮多所裁定。 海陵問其故,礪以令對,且曰:「朝服而跪,見君父禮也。」海陵深器重之。 以母憂去官。起復爲宋國歲元副使,刑部侍郎白彥恭爲使,海 海陵拜平章政事,百官賀於廟堂,礪 天德初,

民為 留主簿。 月盡得之。 平令張 之諺曰:「西山至河岸、縣官兩人半。」蓋以前政韓希甫與競相繼治縣,皆有幹能,絳州 王競字無競,彰德人。警敏好學。年十七以蔭補官。宋宣和中,太學兩試合格,調屯 入國朝、除大寧令、歷寶勝鹽官、轉河內令。時歲饑盜起,競設方略以購賊,不數 夏秋之交,沁水泛溢,歲發民築隄,豪民猾吏因緣爲姦,競覈實之,減費幾半,縣 亦有治績而差不及,故云然。

天眷元年,轉固安令。 皇統初,參政韓昉薦之,召權應奉翰林文字,兼太常博士。 詔作 正

元

金源郡王完顏婁室墓碑,CKD競以行狀盡其實,乃請國史刊正之,時人以爲法。二年,試館

閣,競文居最,遂爲眞。

固明言其非是,事竟不行,海陵由是重之。 天德初,轉翰林待制,遷翰林直學士,改禮部侍 郎,遷翰林侍講學士,改太常卿,同修國史,擢禮部尙書,同修國史如故。 塢 蕭仲恭以太傅領三省事封王,欲援遼故事,親王用紫羅傘。事下禮部,競與郎中翟永 遷尙書禮部員外郎。時海陵當國,政由己出,欲令百官避堂諱,競言人臣無公諱,遂

禮,競削官兩階。詔改創五龍車,兼翰林學士承旨,修國史。四年,卒官。 |競博學而能文,善草隸書,工大字,兩都宮殿膀題皆競所書,士林推爲第一云。 大定二年春,從太傅張浩朝京師,詔復爲禮部尚書。是歲,奉遷睿宗山陵,儀注不應典

楊伯仁字安道,伯雄之弟也。天性孝友,讀書一過成誦。登皇統九年進士第,事親不

求調。 天德二年,除應奉翰林文字。初名伯英,避太子光英諱,改今名。

{詩 以諷。丁父憂,起復,賜金帶襲衣,及賜白金以奉母。改左拾遺。進士呂忠翰廷試已在第 海陵嘗夜召賦詩,傳趣甚亟,未二鼓奏十詠,海陵喜,解衣賜之。海陵射烏,伯仁獻獲烏

元也。」伯仁自以知忠翰姓名在第一,遂宿諫省,俟唱名乃出,海陵嘉其愼密。轉翰林修撰。 ,未唱名,海陵以忠翰程文示伯仁,問其優劣,伯仁對曰:「當在優等。」海陵曰:「此今試狀

第一,號「孟四元」,時論以爲知文。故事,狀元官從七品,階承務郎,世宗以宗獻獨異等,與 孟宗獻發解第一,伯仁讀其程文稱之「此人當成大名」。是歲,宗獻府試、省試、廷試皆

從六品,階授奉直大夫。

召爲太子右諭德、兼侍御史,改翰林待制,復兼右諭德。 仁、判官謝奴皆以不能匡正解職。伯仁降南京留守判官,改同知安化軍節度使,到官三日, 辟,得其冤狀,館陶人爲立祠。府尹荆王文坐贓削封,降德州防禦使,同知裴滿子寧及伯 改大名少尹。郡中豪民橫恣甚,莫可制,民受其害,伯仁窮竟渠黨,四境帖然。讞館陶大 改著作郎。居母喪、服除、調鎭西節度副使。入爲起居注兼左拾遺、上書論時務六事。

輩,其弊遂止。入爲左諫議大夫,兼禮部侍郎、翰林直學士。故事,諫官詞臣入直禁中,上 閔其勞,特免入直。改吏部侍郎,直學士如故。鄭子聃卒,宰相舉伯仁代之,乃遷侍講,兼 除濱州刺史。郡俗有遣奴出亡,捕之以規賞者,伯仁至,責其主而杖殺其奴,如是者數

伯仁久在翰林,文詞典麗,上曰:「自韓昉、張鈞後,則有翟永固,近日則張景仁、鄭子

部侍郎。

元雖 **聃,今則伯仁而已,其次未見能文者。** ·以詞賦甲天下,至於辭命未必皆能。 呂忠翰草降海陵庶人詔、點竄再四終不能盡朕意、狀 凡進士可令補外,考其能文者召用之。」不數月,

兼左諫議大夫,俄兼太常卿。

[4] 還中都。 大 臣 舉 可修起居注者數人,上以伯仁領之。 明年,上還幸中都,遣使勞問,賜以丹劑。 從幸上京,伯仁多病,至臨黃,地寒因感 是歲,卒。

率府率,廷試 ,鳳毛也。 鄭子聃字景純,大定府人。父宏,遼金源令,二子子京、子聃。 识明日, 小者尤特達,後必名世。」子聃及冠有能賦聲。 海陵以子聃程文示丘行,對曰:「可入甲乙。」及拆卷,果中第 天德三年, 楊丘行嘗謂人曰:「金源 丘行為太子 一甲第三 左衞

入。調翼城丞,遷贊皇令,召爲書畫直長。

雜試。 悦,乃使子 問子聃,子 子 聃 七 月癸未,海陵 頗以才望自負,常慊不得爲第一甲第一人。 聃少之。 聃 與翰林修撰綦戩、〇 海陵問作賦 御 寶昌 門臨軒觀試,以「不貴異物民乃足」爲賦 何 楊伯仁、 如 對曰:「甚易。」因 宣徽判官張汝霖、 正隆二年會試畢,海陵以第一 [自矜, 應奉翰林文字李希顏 且謂他人莫己若也。 題,「忠臣猶孝子」爲 人程文 海陵不 同 進

列

詩題,「憂國如飢渴」爲論題。 也。詩、論題,庶戒臣下。」丁亥,御便殿親覽試卷,中第者七十三人,子聃果第一,海陵奇 上謂讀卷官翟永固曰:「朕出賦題,能言之或能行之,未可知

改侍御史。

卒, [5] 年五十五。子聃英俊有直氣,其爲文亦然。平生所著詩文二千餘篇。 厚,命以安輿之官。召還,爲左諫議大夫、兼直學士。改吏部侍郎、同修國史,直學士如故。 遷侍講、兼修國史,上曰:「修海陵實錄,知其詳無如子聃者。」蓋以史事專責之也。 翰林直學士,兼太子左諭德,顯宗深器重之。以疾求補外,遂爲沂州防禦使,皇太子幣贐甚 有頃,進官三階,除翰林修撰。 京畿旱,詔子聃決囚,遂澍雨,人以比顏眞卿。 遷待制,兼吏部郎中,改祕書少監。 遷

不能歸,因家焉。應舉不得意,遂脫略世務,放浪山水間。 中進士第,調莒州軍事判官,累除汝陰縣令、〔10〕國史院編修官、應奉翰林文字、翰林待制、 党懷英字世傑,故宋太尉進十一代孫,馮翊人。父純睦,泰安軍錄事參軍,卒官,妻子 **簞瓢屢空**,晏如也。 大定十年,

兼同修國史。

懷英能屬文,工篆籀,當時稱爲第一,學者宗之。大定二十九年,與鳳翔府治中郝俁充

遼史刊修官,應奉翰林文字移刺益、趙渢等七人爲編修官。 凡民間遼時碑銘墓誌及諸家文

集,或記憶遼舊事,悉上送官。

張汝霖奏曰:「郝俁能屬文,宦業亦佳。」「二」上曰:「近日制詔惟党懷英最善。」移刺履進曰: 亦多不知,朕殊不喜。」上謂宰臣曰:「郝俁賦詩頗佳,舊時劉迎能之,李晏不及也。」 「進士擢第後止習更事,更不復讀書,近日始知爲學矣。」上曰:「今時進士甚滅裂,唐書中事 是時,章宗初卽位,好尚文辭,旁求文學之士以備侍從,謂宰臣曰:「翰林闕人如之何?」

宗詔直學士陳大任繼成遼史云。 修官,有改除者以書自隨。久之,致仕。大安三年卒,年七十八,諡文獻。懷英致仕後,章 册至股名,聲微下,雖曰尊君,然在郊廟,禮非所宜,當平讀之。」承安二年乞致仕,改泰寧軍 節度使。 罷其役,詔從之。遷翰林學士。七年,有事于南郊,[三攝中書侍郞讀祝册,上曰:[讀 明昌元年,懷英再遷國子祭酒。二年,遷侍講學士。明年,議開邊防濠塹,懷英等十六 明年,召爲翰林學士承旨。秦和元年,增修遼史編修官三員,詔分紀、志、列傳刊

校勘記

世祖 列 傳 以來漸立條 第 六 + = 敎 校 勘 按本書卷一世紀云、「昭祖稍以條教爲治、部落寖強」。 記 疑此處誤。

- ハニン 取汴經籍圖 按文有脫誤,或「圖」下脫「書」字,或當作「取汴京圖籍」。
- 初平眞定西山羣盜 「眞」原作「鎭」,據上文「眞定」改。
- 宣政末 按此言北宋末年事,宋徽宗建元政和在宣和之前,此當作「宣和末」爲是。下文任詢傳

「宣政間」亦當作「政宣間」。

- [H] 歲徵民錢五千餘萬爲顧直 原脫「徵」字,據文義補。
- 詔作金源郡王完顏婁室墓 碑 按楊賓柳邊紀略卷四,「船廠西二百里薄屯山有金完顏婁室神

渓渓渓」,乃王彥潛撰文。又本卷下文云,「競以行狀盡其實,乃請國史刊正之」,則競似校者非作道碑」,乃王彥潛撰文。又本卷下文云,「競以行狀盡其實,乃請國史刊正之」,則競似校者非作

者。疑「詔作」當作「詔校」。

- [4] 地寒因感疾 「地」原作「池」、據文義改。
- 乃使子聃與翰林修撰綦戩 「綦」原作「篡」。按本書卷八三祁字傳、「綦戩,宰壻也」。 今據改。
- [f] 二十年卒 「二」上當脫「大定」二字。
- 累除汝陰縣令「令」原作「尹」。按金制無縣尹、元始有之。此蓋作者或寫刻者之誤,今改。
- [二] 宦業亦佳 「宦」原作「官」,據殿本改。
- 七年有事于南郊 「七」原作「六」。按明昌六年無祀南郊事。 月戊戌,有事于南郊,大赦,改元」。 則祀南郊時當是明昌七年。今據改。 本書卷一〇章宗紀,「承安元年十

金史卷一百二十六

列傳第六十四

文藝下

趙渢 周昂 王庭筠 劉昂 李經 劉從益 呂中孚 張建附

李純甫 王欝 宋九嘉 龐鑄 李獻能 王若虛

趙渢字文孺,東平人。大定二十二年進士,仕至禮部郎中。性冲澹,學道有所得,尤工 王元節 麻九疇 李汾 元德明 子好問

山集行於世。 處蘇、黃伯仲間。」党懷英小篆,李陽冰以來鮮有及者,時人以渢配之,號曰「党、趙」。 書,自號「黄山」。 趙秉文云:「濕之正書體兼顏、蘇,行草備諸家體,其超放又似楊凝式,當 有[黃

列

傅第六十

四

文

藝下

周昂字德卿,真定人。父伯禄字天錫,大定進士,仕至同知沁南軍節度使。

昂送以詩,語涉謗訕,坐停銓。 昂年二十四擢第。調南和簿,有異政。遷良鄉令,入拜監察御史。 外之,起爲<u>隆州</u>都軍,[1]以邊功復召爲三司官。 路鐸以言事被斥, 大安兵興,

權行六部員外郎。

不從。今人往往驕其所役,至跋扈難制,甚者反役其主,雖極辭語之工,而豈文之正哉。」 坐,可以取口稱而不可以得首肯。」又云:「文章以意爲主,以言語爲役,主强而役弱則無令 其甥王若虚嘗學於昂,昂教之曰:「文章工於外而拙於內者,可以驚四筵而不可以適獨

罪,謫東海上十數年。 跳走上谷,衆欲徑歸,昂獨不從,城陷,與其從子嗣明同死於難。 昂孝友,喜名節,學術醇正,文筆高雅,諸儒皆師尊之。 始入翰林、言事愈切。出佐三司非所好、從宗室承裕軍。 既歷臺省,爲人所擠,竟坐詩得 嗣明字晦之。 承裕失利,

王庭筠字子端,遼東人。曰生未期,視書識十七字。 七歲學詩,十一歲賦全題。 稍長,

涿郡 四 者 王翛 謀 爲 不 一見,期 軌 事 以 覺,逮捕 (國士。 千餘 登大定十六年進士第。 人,而 鄒 四 鼠 匿不能得。 調 恩州軍事判官,臨政卽有聲。 朝 廷遣大 理 司 直 王仲軻治其獄 郡 民 鄒 庭

筠

以

計

獲

鄒四

,分別詿誤,坐預謀者十二人而已。

再調

舘

陶主簿。

之。 買田 庭筠試舘 王庭筠 隆 又謂平章張汝霖曰:「王庭筠文藝頗佳,然語 明昌 慮 其 職 ,讀書黃華山 元年三月,章宗諭旨學士院曰:「王庭筠 人也。」三年, 中選。 御史臺言庭筠在館陶嘗犯贓罪,不當以館閣處之,遂罷 寺,因以自號。 召為 應奉翰林文字, 是年十二月,上因語及學士,歎其乏材,參政守貞曰: 命與秘書郎張汝方品第法書、名畫,遂分入品 句不健,其人才高,亦不 所試 文,句太長,殷不喜此,亦恐四方傚 難改 也。 乃 ٢ 四 居彰德, 月,召

均 英作長白山 頰,或相 五 者 年 黨 一而 八月,上 册文,殊 互 昔東漢 相排 顧 毁 之士 謂 不 式。 何 宰執 耶 與宦官 。」遂 曰:「應奉王庭筠, 股欲 聞文士多妬 分 遷庭筠爲翰林修撰。 朋,固無足怪。 庭筠者,不 論 如唐牛僧孺、李德裕,宋 以詔 其 文顧 誥委之,其 以行止 爲訾。 人才亦豈 司 大 馬光 一易得。 抵 讀 書 近党懷 人多

者爲五

白

五.

十卷。

防 《判官。 承安元 年 四年,起爲 正 月,坐趙 應奉翰林文字。 秉文 上 書事 削 泰和元年,復爲翰林修撰,扈從秋山 一官,杖六十,解職,語在 1乗文傳。 , 應制 一年,降授鄭 賦 詩三十 州

列

選直禁林者首尾十年,今茲云亡,玉堂、東觀無復斯人矣。」 平詩文藏之祕閣。 餘首,上甚嘉之。 明年,卒,年四十有七。 又以御製詩賜其家,其引云:「王遵古, 朕之故人也。 上素知其貧,詔有司賻錢八十萬以給喪事,求生 乃子庭筠,復以才

度,其薦引者如趙秉文、馮璧、李純甫,皆一時名士,世以知 恐不及,少有可取極 庭筠儀觀秀偉,善談笑,外若簡貴,人初不敢與接。旣見,和氣溢於顏間,殷勤慰藉 口稱道,他日雖百負不恨也。 從游者如韓溫甫、路元亨、張進卿、李公 人許之。 如

法學米元章,與趙渢、趙秉文俱以名家,庭筠尤善山水墨竹云。 爲文能道所欲言,暮年詩律深嚴,七言長篇尤工險韻。 有藍辦十卷,文集四十卷。

子曼慶,亦能詩幷書,仕至行省右司郎中,自號「澹游」云。

陽,有終焉之志。 調 成 平涼路轉運副 家,作詩得晚唐體,尤工絕句。 劉昂字之昂,興州人。 使。 有薦其才於章宗者, 泰和初, 自國子司業擢爲左司郎中。 時術士有言昂官止五品,昂不信。 大定十九年進士。 李純甫故人外傳云,昂早得仕, 會、高而下七世登科。 俄以母憂去職,連蹇十年, 年三十三為尚書省掾, 昂天資警悟,律賦自 會掌書大中與 ト居洛

從郁皆譴逐之,鼓尋亦罷政。 賈鉉漏言除授事,爲言者所劾,獄辭連昂。章宗震怒。 昂降上京留守判官,道卒,竟如術者之言。 一時聞人如史肅、李著、王宇、宗室

世太白也。」由是名大震。再舉不第,拂衣去。 「此天英筆也。」朝議以武功就命倅其州,後不知所終。 李經字天英,錦州人。作詩極刻苦,喜出奇語,不蹈襲前人。 南渡後,其鄉帥有表至朝廷,士大夫識之曰: 李純甫見其詩曰:「眞今

劉從益字雲卿,渾源人。其高祖撝,天會元年詞賦進士,子孫多由科第入仕。 從益登

大安元年進士第,累官監察御史,坐與當路辨曲直,得罪去。

葉人聞之,以端午罷酒爲位而哭,且立石頌德,以致哀思。 家。四未幾,被召,百姓詣尚書省乞留,不聽。 畝有奇,其歲入七萬石如故。 **外之**,起爲葉縣令,修學勵俗,有古良吏風。 從益請於大司農,爲減一萬,民甚賴之,流亡歸者四千餘 入授應奉翰林文字, 踰月以疾卒, 年四十四。 葉自兵興,戶減三之一,田不毛者萬七千

列傳第六十四 文藝下

二七三四

從益 一博學强記,精於經學。 爲文章長於詩,五言尤工,有蓬門集。

子祁宇京叔。爲太學生,甚有文名。值金末喪亂,作歸潛志以紀金事,修金史多採用焉。

呂中字字信臣,冀州南宮人。 張建字吉甫,蒲城人。 皆有詩名。

中孚有清漳集。

建,明昌初,授絳州敎官,召爲宮敎、應奉翰林文字。 以老請致仕,章宗愛其純素,不欲

令去,授同知華州防禦使,仍賜詩以寵之。 自號「蘭泉」,有集行于世。

文法 幼穎 疏論時事,不報。宣宗遷汴,再入翰林。 疏策其勝負,上奇之,給送軍中,後多如所料。 莊周 悟異常,初業詞賦,及讀左氏春秋,大愛之,遂更爲經義學。 李純甫字之純,弘州襄陰人。 、列禦寇、左氏、戰國策,後進多宗之。 祖安上,嘗魁西京進士。父采,卒於益都府治中。 時丞相高琪擅威福柄,擢爲左司都事。 又喜談兵, 慨然有經世心。 宰執愛其文,薦入翰林。及大元兵起,又上 擢承安二年經義進士。 章宗南征,兩上 純甫審其 純甫

必敗,以母老辭去。旣而高琪誅,復入翰林,連知貢舉。 正大末,坐取人踰新格,出倅坊州。

未赴,改京兆府判官。卒於汴,年四十七。

嚴、金剛經、老子、莊子。 言,以故爲名敎所貶云。 月不醒。 小官上萬言書,援宋爲證,甚切,當路者以迂闊見抑。中年,度其道不行,益縱酒自放,無仕 純甫 自類 得官未成考,旋卽歸隱。 爲 人有酒見招,不擇貴賤必往,往輒醉,雖沉醉亦未嘗廢著書。然晚年喜佛,力探其 《其文, 人聰敏,少自負其材,謂功名可俯拾,作矮柏賦,以諸葛孔明、王景略自期。由 凡論性 理及關佛老二家者號「內藁」,其餘應物文字爲「外藁」。 又有中庸集解、鳴道集解,號「中國心學、西方文教」,「图」數十萬 日與禪僧士子游,以文酒爲事,嘯歌袒裼出禮法外,或飮數 又解;楞

爲文法柳宗元 王欝字飛伯,大興人。 ,閎肆奇古,動輒數千言。 儀狀魁奇,目光如鶻。少居釣臺,閉門讀書,不接人事。久之, 歌詩俊逸,效李白。 **警作王子小傳以自敍**

之甚厚,欝經行 天 與初元,汴京被圍,上書言事,不報。 無機防,爲其下所忌,見殺。 四 臨終,懷中出書曰「是吾平生著述,可傳付中 月, 圍稍解,挺身突出,爲兵士所得。 其將遇

州 士大夫日,王欝死矣。」年三十餘。 同時以詩鳴者、雷琯、侯册、王元粹云。

有奇氣、與雷淵、李經相伯仲。 宋九嘉字飛卿,夏津人。爲人剛直豪邁,少遊太學,有能賦聲。長從李純甫讀書,爲文 入爲翰林應奉。 正大中,以疾去。沒于癸巳之難。 中至寧元年進士第。歷藍田、高陵、扶風、三水四縣令、咸以

家,出倅東平,改京兆路轉運使,卒。 麗鑄字才卿,遼東人。少擢第,仕有聲。 博學能文,工詩,造語奇健不凡,世多傳之。 南渡後,爲翰林待制,遷戶部侍郎。 坐游貴戚

以文學名,從兄獻卿、獻誠、從弟獻甫相繼擢第,故李氏有「四桂堂」。 李獻能字欽叔,河中人。先世有爲金吾衞上將軍者,時號「李金吾家」。 迨獻能昆弟皆

獻能苦學博覽,於文尤長於四六。貞祐三年,特賜詞賦進士,廷試第一人,宏詞優等。

授應奉翰林文字。 末,以鎮南軍節度副使充河中帥府經歷官。 在翰苑凡十年,出爲鄜州觀察判官。用薦者復爲應奉,俄遷修撰。 大元兵破河中,奔陝州,行省以權左右司郎中,

値趙三三軍變遇害,年四十三。

又刻意樂章。 獻能爲人眇小而墨色,頗有髯。 在翰院、應機敏捷號得體。 善談論,每敷說今古,聲鏗亮可聽。 趙秉文、李純甫嘗曰:「李獻能天生今世翰苑材。」 作詩有志於風雅,

故每薦之,不令出館。

壽不至五十。」後竟如其言。 譴,人視之殆不堪憂,獻能處之自若也。 家故饒財、盡於貞祐之亂、在京師無以自資。 時人以純孝稱之。 其母素豪奢,厚於自奉,小不如意則必訶 嘗謂人云:「吾幼夢官至五品,

錄成,日遷下涼府判官。未幾,召爲左司諫,後轉延州刺史,入爲直學 修官,遷應奉翰林文字。奉使夏國,還授同知泗州軍州事,留爲著作佐 州 錄事,歷管城、門山二縣令,皆有惠政,秩滿,老幼攀送,數日乃得行。 王若虚字從之,稾城人也。 幼頴悟,若夙昔在文字間者。 擢承安二年經義進士。 士。 郎。 用薦 正大初,宣宗實 入爲國 史院編 調廊

列傳

司員 **祁等固辭而別。** 皆出其門, 姑以理諭之。」乃謂奕輩曰:「丞相功德碑當指何事爲言。」 奕輩怒曰:「丞相以京城降,活生 祁、麻革輩赴省,好問、張信之喻以立碑事,曰:「衆議屬二君,且已白鄭王矣,二君其無讓。」 靈百萬,非功德乎。」曰:「學士代王言,功德碑謂之代王言可乎。 示若虛,乃共删定數字,然止直敍其事而已。後兵入城,不果立也。 命召若虛 、外郎元好問曰:「今召我作碑,不從則死。 天 與元 爲文。 自古豈有門下人爲主帥誦功德而可信乎後世哉。」奕輩不能 年,哀宗走歸德。 時奕輩恃勢作威,人或少忤, 數日,促迫不已,祁卽爲草定,以付好問。 明年春,崔立變。 作之則名節掃地,不若死之爲愈。 則讒構立見屠滅。 摹小附和, 請爲立建功德碑, 翟奕以尚書省 好問意未愜,乃自爲之,旣成以 且丞相旣以城降,則朝官 若虛自分必死,私謂左右 奪, 乃召太學 雖然,我 生劉

夷險,因 塵土中一 金亡,微服 垂足坐大石上,良久瞑目而逝,年七十。 生,不意晚年乃造仙府,誠得終老此山 北歸鎮陽,與渾源劉郁 東游泰山,至黃峴峯, ,志願畢 所著文章號慵夫集若干卷、滹南遺老若干 矣。」乃令子忠先歸,遣子恕前 憩萃美亭, 顧謂同游曰:「汨沒 行 視

卷、傳於世。

穎悟,雖家世貴顯,而從學甚謹。 王元節字子元,弘州人也。 雅尙氣節,不能隨時俯仰,故仕不顯。 祖山甫,遼戶部侍郎。父詡,海陵朝,左司員外郎。 渾源劉撝愛其才俊,以女妻之,遂傳其賦學。 及遷密州觀察判官,旣罷,即逍遙鄉 登天德三年 元節幼

里,以詩酒自娛,號曰「遯齋」。 年五十餘卒。 有詩集行於世。 詞賦進士第。

弟元德,亦第進士。 有能名於時,終南京路提刑使。

近侍,奉職承應,甚見寵遇,勒留凡三考,出爲同知申州事。 孫 大安三年,試補尚書吏部掾,未幾,轉御史臺令史。 國綱字正之。 業儒術,尤長吏事。爲人端重樂易,或有忤者略不與校,亦未嘗形于 宣宗聞其材幹,興定三年特召爲 無何,召爲筆硯直長,擢監察御

史,秩滿,勅留再任,蓋知其材器故也。

問敗軍之由,「台還至中途,值大兵見殺,時年四十四。 開興元年、關陝完顏總帥屯河中府、與大元軍戰敗績、哀宗遣國綱乘上廐馬、徑詣河中

麻 九疇字知幾,易州人。三歲識字,七歲能草書,作大字有及數尺者,一 時目爲神童。

章宗召見,問:「汝入宮殿中亦懼怯否?」對曰:「君臣,父子也。子寧懼父耶?」上大奇之。 弱

冠入太學,有文名。

賜盧亞牓進士第。以病,未拜官告歸。再授太常寺太祝,權博士,俄遷應奉翰林文字。 第,上以其年幼,怪而問之,乃知嘗師九疇。平章政事侯摯、翰林學士趙秉文連章薦之,特 定末,試開封府,詞賦第二,經義第一。再試南省,復然。 及廷試,以誤絀,守〕士論惜之。已而,隱居不爲科舉計。正大初,門人王說、王采苓俱中 南渡後,寓居郾、蔡間,入遂平西山,始以古學自力。 聲譽大振,雖婦人小兒皆知其名。 博通五經,於易、春秋爲尤長。 興

之,復謝病去。 九疇性資野逸,高蹇自便,與人交,一語不相入則逕去不返顧。自度終不能與世合,頃 居郾城,天興元年,大元兵入河南,挈家走確山,爲兵士所得,驅至廣平,病

死,年五十。

稱,獨知幾能自樹立,耆舊如趙秉文,以徵君目之而不名。 持戒不作。 與名毉張子和游,盡傳其學,且爲潤色其所著書。爲文精密奇健,詩尤工緻。後以避謗忌, 九疇初因經義學易,後喜邵堯夫皇極書,因學算數,又喜卜筮、射覆之術。 明昌以來,稱神童者五人,太原常添壽四歲能作詩,劉滋、劉微、張漢臣後皆無 晚更喜醫,

喜讀史。工詩,雄健有法。避亂入關,京兆尹子容愛其材,招致門下。留二年去,之涇 李汾字長源,太原平晉人。 爲人尙氣,跌宕不覊。 性編躁,觸之輒怒,以是多爲人所

州, 謁左丞張行信, 一見即以上客禮之。

以嫚罵官長訟于有司,然時論亦有不直雷、李者。尋罷入關。 士,雷淵、李獻能皆在院,刊修之際,汾在旁正襟危坐,讀太史公、左丘明一篇,或數百言,音 錄,纂述旣定,以藁授書寫,書寫錄潔本呈翰長。〇分旣爲之,殊不自聊。 吐洪暢,旁若無人。旣畢,顧四坐漫爲一語云「看」。秉筆諸人積不平,而雷、李尤切齒,乃 元光間,游大梁,舉進士不中,用薦爲史館書寫。書寫,特抄書小史耳,凡編修官得日 時趙秉文爲學

王德追獲之,鎖養馬平,絕食而死,年未四十。 而,仙與參知政事完顏思烈相異同,頗謀自安,懼汾言論,欲除之。 明年來京師,上書言時事,不合,去客唐、鄧問。恒山公武仙署行尚書省講議官。 汾覺,遁泌陽,仙今總帥

旣

汾平生詩甚多,不自收集,世所傳者十二三而已。

蔬食處之自若,家人不敢以生理累之。 元德明,系出拓拔魏,太原秀容人。 有東嵓集三卷。子好問,最知名。 累舉不第,放浪山水間,飲酒賦詩以自適。 自幼嗜讀書,口不言世俗鄙事,樂易無畦畛,布衣 年四十

而業成。 好問字裕之。 下太行,渡大河,爲箕山、琴臺等詩,禮部趙秉文見之,以爲近代無此作也。 七歲能詩。年十有四,從陵川郝晉卿學,不事舉業,淹貫經傳百家,六年 於是

事,轉行尚書省左司員外郎。 中興定五年第,歷內鄉令。 金亡、不仕。 正大中,爲南陽令。 天興初,擢尚書省掾,頃之,除左司都

名震京師。

篇。 杜詩學一卷、東坡詩雅三卷、錦磯一卷、詩文自警十卷。 不用古題,特出新意。 兵後,故老皆盡,好問蔚爲一代宗工,四方碑板銘志盡趨其門。 爲文有繩尺,備衆體。 歌謠慷慨挾幽、幷之氣。 其詩奇崛而絕雕劌,巧縟而謝綺麗。 其長短句, 揄揚新聲, 以寫恩怨者又數百 五言高古沈欝。 其所著文章詩若干卷、 七言樂府

金國實錄在順天張萬戶家,乃言於張,願爲撰述,旣而爲樂夔所沮而止。 晚 年尤以著作自任,以金源氏有天下,典章法度幾及漢、唐,國亡史作,已所當任。 好問曰:「不可令

所聞,有所得 代之跡泯而不傳。」乃搆亭於家,著述其上,因名曰「野史」。凡金源君臣遺言往行,采摭 輒以寸紙細字爲記錄,至百餘萬言。今所傳者有中州集及壬辰雜編若干卷。

年六十八卒。

纂修金史,多本其所著云。

掩其所短者歟?事繼母有至行,其死家無餘貲,有足取云。 治,文不掩其所長。 獻能尤以純孝見稱。 伯仁之敏贍,鄭子聃、麻九疇之英儁,王欝、宋九嘉之邁往。三李卓犖,純甫知道,汾任氣, 贊曰:韓昉、吳激,楚材而晉用之,亦足爲一代之文矣。蔡珪、馬定國之該博,胡礪、楊 蔡松年在文藝中,爵位之最重者,道<u>金人言利,興黨獄,殺田</u>穀,文不能 王庭筠、党懷英、元好問自足知名異代。王競、劉從益、王若虛之吏

校勘記

- 起為隆州都軍 地,遼太祖時……名黃龍府。 「隆」原作「龍」。 大定二十九年更今名」。 按金無「龍州」。 本書卷二四地理志,上京路,「隆州,古扶餘之 今據改。
- 列 王庭筠字子端遼東人 傅 第 六 + 四 校 勘 「遼」原作「河」。按本書卷一二八王政傳、「王政,辰州熊岳人也」、「子遵 記 二七四三

古」,遵古卽庭筠之父。 辰州熊岳縣屬東京路,見本書卷二四地理志。 自當稱「遼東」。 今據改。

._ = U 田不毛者萬七千畝有奇其歲入七萬石如故從益請於大司農爲減一萬民甚賴之流 亡歸者四千

金文最卷七〇引石刻拓本。 滏水集卷一二故葉令劉君遺愛碑、

元

好問中州集卷六劉御史從益所記數目均與此有出入。

餘家

按趙

秉文葉令劉君德政碑、

抄 又有中庸集解鳴道集解號中國心學西方文教 歸潛志卷 一,而略有删節,歸潛志云,「又解楞嚴、金剛經、老子、莊子,又有中庸集解、鳴道集 原脫「又有」二字、「文教」作「父教」。 按本傳全

辨,號爲『中國心學、西方文教』」,文義分明,今據補改。

 \sqcap Ħ. \sqcup 章宗實錄」。 正大初宣宗實錄成 卷一 七哀宗紀,正大五年冬十一月「辛巳,進宣宗實錄」。 原作「章宗宣宗實錄成」。 按本書卷一六宣宗紀, 今據删「章宗」二一字。 興定四年九月「辛卯、進

[六] 徑詣河中問敗軍之由 「徑」原作「經」,據殿本改。

 Γ 及廷試 以 誤 絀 「絀」原作「出」。 按歸潛志卷二述此事作「以誤絀」。 今據改。

. . . . 書寫 之。 錄 同 修,翰長至直學士兼之」。 潔本呈翰長 長」 原作「表」。 又「錄潔本呈翰長」。 按中州集卷一〇李講議汾「舊例,史院有監修,宰相爲 今據改。

金史卷一百二十七

列傳第六十五

孝友

溫迪罕斡魯補 陳顔 劉瑜 孟興 王震 劉政

年」以異書於聖人之經,孝友以至行傳於歷代之史,劭農、興孝之敎不廢於歷代之政,孝弟、 親、五品不遜」不免以命契,以是知順成之不可必,猶孝友之不易得也。是故「有年」、「大有 有恒情也。五穀熟,人民育,豈異事乎。然以唐、虞之世,「黎民阻飢」不免以命稷,「百姓不 有竭力於是,豈非難乎。天生五穀以養人,五穀之有恒性也。服田力穑以望有秋,農夫之 爲子而孝,爲弟而友,又豈非人之恒性乎。以人之恒情責人之恒性,而不副所欲者恒有焉。 孝友者人之至行也,而恒性存焉。有子者欲其孝,有弟者欲其友,豈非人之恒情乎。

列

力田自漢以來有其科。 王之善訓矣。 夫金世孝友見於旌表、載於史册者僅六人焉。 章宗嘗言:「孝義之人,素行已備,雖有希覬猶不失爲行善。」庶幾帝 作孝友傳。

母 疾,刲股肉療之,疾愈。 溫迪罕斡魯補,西北路宋葛斜斯渾猛安人。 韶以爲護衛。 年十五,居父喪,不飲酒食肉,廬于墓側

狀白,帥曰:「此眞孝子也。」遂倂釋之。 天會七年,詔旌表其門閭。 光繋獄、榜掠不勝、因自誣服。 病,圍城中。 陳顏,衞州汲縣人。 顏間關渡河,自己往省其父,因扶疾北歸。光家奴謀良不可,誣告光與賊殺 世業農。父光,宋季擢武舉第,調壽陽尉,未赴。值金兵取汴,光 顏詣郡請代父死,太守除某哀之,不敢決,適帥臣至郡,以其

其終身。 劉瑜,棣州人。 家貧甚,母喪不能具葬,乃質其子以給喪事。 明昌三年,詔賜粟帛,復

孟興、蚤喪父、事母孝謹、母沒、喪葬盡禮。 事兄如事其父。 明昌三年,詔賜帛十匹、栗

哀泣過禮,目 王震,寧海州文登縣人。爲進士學。母患風疾,刲股肉雜飲食中,回 I生翳。 服除,同目不療而愈,皆以爲孝感所致。 特賜 同進士出身,詔尚書省 疾遂愈。 母沒,

擬注職任。

鳴,翔集丘木間。 衣不解帶,刲股肉啖之者再三。 劉政、洛州 人。 廬於墓側者三年。 性篤孝、母老喪明、政每以舌舐母目、逾旬母能視物。 母死,負土起墳, 防禦使以聞,除太子掌飲丞。 鄉隣欲佐其勞,政謝之。 母疾,晝夜侍側, 葬之日、飛鳥哀

隱逸

褚承亮 高仲振 王去非 張 潛 王汝梅 趙質 杜時昇 宋可 辛愿 郝天挺 王予可 薛繼先

列

傳

第

稱述之,庶聞其風猶足以立懦廉頑也。作隱逸傳。 干禄者多,其先人尚人之志與歎老嗟卑之心,能去是者鮮矣。 於史傳,何歟。蓋古之仕者,其志將以行道,其爲貧而仕下列者,猶必先事而後食焉。 柳下惠則又嘗仕於當世者也。長沮、桀溺之徒,則無所取焉。後世,凡隱遁之士其名皆列 孔子稱逸民伯夷、叔齊、夷逸、朱張、柳下惠、少連,其立心造行之異同,各有所稱謂,而 故君子於士之遠引高蹈者特 後世

五年秋,應鄉試,同試者八百人,承亮爲第一。 明年,登第。 調易州户曹,未赴,會金兵 褚承亮字茂先,真定人。宋蘇軾自定武謫官過真定,承亮以文謁之,大爲稱賞。 宣和

毁。承亮詣主文劉侍中曰:「君父之罪豈臣子所得言耶。」長揖而出。 第,凡七十二人,遂號七十二賢榜。狀元許必仕爲郎官,一日出左掖門,墮馬,首中閩石死, 軍中知其才,嚴令押赴,與諸生對策。策問「上皇無道、少帝失信」。舉人承風旨,極口詆 餘皆無顯者。劉多承亮之誼,薦知稟城縣。漫應之,卽棄去。年七十終,門人私諡曰「玄貞 天會六年、四幹离不既破真定,拘籍境内進士試安國寺、承亮名亦在籍中,匿而不出。 劉爲之動容。 餘悉放

先生」。

子席珍,正隆二年進士,官州縣有聲。

脩有餘輒分惠人。弟子班枕貧不能朝夕,一女及笄, 出,西與北皆人居,南則去非家,去非壞蠶室使喪南出,遂得葬焉。大定二十四年卒,年八 王去非字廣道,平陰人。嘗就舉,不得意即屛去,督妻孥耕織以給伏臘。 去非爲辨資裝嫁之。 北隣有喪忌東 家居教授,束

容巢、由爲外臣乎。」上益奇之,賜田畝千,復之終身。泰和二年卒,年八十五。 章宗遊春水過焉,聞絃誦聲,幸其齋舍,見壁間所題詩,諷詠久之,賞其志趣不凡。 殿,命之官。固辭曰:「臣僻性野逸,志在長林豐草,金鑣玉絡非所願也。況聖明在上,可不 趙質字景道,遼相思溫之裔。大定末,舉進士不第,隱居燕城南,教授爲業。 召至行

消息盈虛,循環無端,察往考來,孰能違之。」是時,風俗侈靡,紀綱大壞,世宗之業遂衰。 大用。時昇謂所親曰:「吾觀正北赤氣如血,東西亙天,天下當大亂,亂而南北當合為一。 杜時昇字進之、霸州信安人。博學知天文、不肯仕進。承安、泰和間、宰相數薦時昇可

昇 乃南 渡河、隱居嵩、洛山中、從學者甚衆。 大抵以「伊洛之學」教人自時昇始

果自饒峯關涉襄陽出南陽,金人敗績于三峯山,汴京不守,皆如時昇所料云。 宋、出襄、漢 IE 大 間,大元兵攻潼關, 入宛、葉、鐵騎長驅勢如 **拒守甚堅,衆皆相賀,** 風雨,無高 山大川爲之阻,土崩之勢也。」頃之,大元兵 時昇 日:「大兵皆在秦、鞏間,若假道於 正大末,卒。

貪敗, 矣。」或曰:「以此學進士無乃戾乎。」天挺 之,不免爲庸人。」又曰:「讀書不爲藝文,選官不爲利養, 進士業,天挺曰:「今人賦 郝 皆苦飢寒不能自持耳。 天挺字晉卿,澤州陵川人。早衰多疾,厭於科舉,遂不復充賦。 學以速售爲功, 丈夫不耐 日:「正欲渠不爲舉子爾。」 飢寒, 六經百家 事 分磔緝綴, 不可爲。 唯通 子以吾言求之, 人能之。」又曰:「今之仕 或篇章句讀不之知, 太原元好問嘗從學 科舉在其中 幸而 多以 得

貞 祐 中,居河南,往來淇衞間。 爲 人有崖岸, 耿耿自信, 寧落魄困窮,終不一至豪富之

門。年五十, (E) 終于舞陽。

化 之。 薛 子純孝字方叔,有父風。 繼 先字曼卿。 南渡後,隱居洛西山中,課童 有詐爲曼卿書就方叔取物者, 子讀書。 事 母孝,與 曼卿年已老狀貌如少者,客 人交謙遜 和雅 ",所居

不知其爲曼卿而以爲方叔也,而與之書,曼卿如所取付之。

凡今時政未必皆善,御史一有所刻,將謂自我發之。 其畏愼皆此類。 監察御史石玠行部過曼卿,曼卿不之見。或言君何無鄕曲情,曼卿曰:「君未之思耳 壬辰之亂,病沒宜陽。 同惡相庇, 他日幷鄰里必有受禍者。」

終日燕坐,骨節戛戛有聲,所談皆世外事,有扣之者輒不復語云。 與其弟子張潛、王汝梅行山谷間,人望之翩然如仙。 子入嵩山。 高仲振字正之,遼東人。其兄領開封鎭兵,仲振依之以居。 博極羣書,尤深易皇極經世學。 安貧自樂,不入城市,山野小人亦 或曰仲振嘗遇異人敎以養生術,「ミ゙」嘗 旣而以家業付其兄,挈妻 知敬之。 嘗

之。 誼,目曰:「脹古人。」後客崧山,從仲振受易。 家 如賓,負薪拾穗,行歌自得,不知其貧也。 如此,獨不畏張先生知耶。」遂如初。 嘗行道中拾一斧,夫婦計度移時,**乃**持歸訪其主還之。 里有兄弟分財者,其弟曰:「我 張潛字仲升,武淸人。幼有志節,慕荆軻、聶政爲人,年三十始折節讀書。 天興間,潛擊家避兵少室,乃不食七日死,孫氏亦投 鄰里有爲潛種瓜者,及熟讓潛,潛弗許,竟分而 年五十,始娶魯山孫氏,亦有賢行, 時 夫婦 人高 其行 相 食 敬

列傅

絕澗死焉。

生徒 謝 不受。 以法經就學者,兼授 王汝梅字大用,大名人。 後不知所終。 以經學。 始由律學爲伊陽簿,秩滿,遂隱居不仕。 諸生服其教、無敢爲非義者。 同業嘗憫其貧,時周之,皆 性嗜書,動 有禮法。

之。」因呼妻子舁金歸之,鄉里用是重之。 笏遺可, 姑往時遺可以金, 宋可字予之,武陟人。其姑適大族稟氏,貞祐之兵,夫及子皆死於難。 可受不辭。其後姑得稟氏疏族立爲後,挈之省外家。可乃置酒會鄉鄰,謂姑曰: 可以槀氏無子故受之。今有子矣,此金稾氏物,非姑物也,可何名取 姑以白金五十

焉。 不然,汝子死矣。」 豈以一子故,併平生所守者亡之。」後竟以無子。 未幾,北兵駐山陽,軍中有聞可名者,訪知所在,質其子,使人招之曰:「從我者禍 親舊競勸之往,可皆謝不從,曰:「吾有子無子,與吾兒死生,皆有命 福 共

辛愿字敬之,福昌人。年二十五始知讀書,取白氏諷諫集自試, 一日便能背誦。 乃聚

書環堵中讀之,至書伊訓、詩河廣頗若有所省,欲罷不能,因更致力焉。 由是博極書史,作

文有繩尺,詩律精嚴有自得之趣。

嘗謂王欝曰:「王侯將相,世所共嗜者,聖人有以得之亦不避。得之不以道,與夫居之不能 行己之志,是欲澡其身而伏於厠也。 性野逸不修威儀,貴人延客,麻衣草屨、足脛赤露坦然於其間,劇談豪飲,傍若無人。 是難與他人道,子宜保之。」其志趣如此。

後爲河南府治中高廷玉客。 廷玉爲府尹溫迪罕福興所誣,愿亦被訊掠,幾不得免, 自

是生事益狼狽。

中。 正大末,歿洛下。其詩有云:「黃、綺暫來爲漢友,巢、由終不是唐臣。」眞處士語也。 愿雅負高氣,不能從俗俯仰,迫以飢凍流離,往往見之于詩。有詩數千首,常貯竹槖

軍」,於佛前則稱「諦摩龍什」,於道則稱「騶天玄俊」,於貴游則稱「威錦堂主人」。 把筆作詩文,及說世外恍惚事。南渡後,居上蔡、遂平、郾城之間,遇文士則稱「大成將 王予可字南雲,河東吉州人。父本軍校,予可亦嘗隸籍。年三十許,大病後忽發狂,久

青湼之爲翠靨。 人軀幹雄偉,貌奇古,戴青葛巾,項後垂雙帶若牛耳,一金鏤環在頂額之間。 衣長不能掩脛。落魄嗜酒,每入城,市人爭以酒食遺之。夜宿土室中,夏 兩類以

月或尸穢在傍、蛆蟲狼藉不恤也。

之際稍若有條貫,則又以誕幻語亂之。 文奇字,字畫峭勁,遇宋諱亦時避之。 人與之紙,落筆數百言,或詩或文,散漫碎雜,無句讀、無首尾,多六經中語及韻學家古 或問以故事,其應如響,諸所引書皆世所未見。 麻九疇、張瑴與之游最狎、言其詩以百分爲率,可曉 談說

將領自言曰:「我不能住君家瑞雲觀也。」不數日卒。 壬辰兵亂,爲順天將領所得,知其名,竊議欲挈之北歸,館於州之瑞雲觀。 後復有見於淮上者。 予可明日見

者才二三耳。

宋 過中,豈不賢於殺妻以求大將者乎。 中,首以「伊洛之學」教後進。 人,勒試進士,主司發策問宋徽、欽之罪,承亮長揖而去之。方金人重舉業,杜時昇 贊曰:金世隱逸不多見,今於簡册所有,得十有二人焉。 宋可不願仕,人執其子爲質,寧棄而不就,遂以無子。 大夫士見善明、用心剛、故能爲人所難爲者如此。 其卓爾不羣者三人。 褚承亮 雖制 活出 行

校勘記

[1] 顏間關渡河 「間」原作「艱」。據殿本改。

服除 按永樂大典卷一二〇一五引文「除」下有「日」字。

△四 天會六年 按,據本書卷三太宗紀,宗望(卽斡离不)破真定在天會三年,而天會五年五月「右副

元帥宗望薨」。卷七四宗望傳所記同。疑此處紀年有誤。

フェン 年五十 按中州集卷九郝天挺傳作「年五十七,卒于舞陽」。|

C*ン或日仲振嘗遇異人教以養生術 「日」原作「自」。據殿本改。」

金史卷一百二十八

列傳第六十六

循吏

盧克忠 牛德昌 范承吉 孫德淵 王政 趙鑑 張奕 蒲察鄭留 李 瞻 劉敏行

傅愼微

劉煥

高昌福

紇 石 烈 德 女奚烈守愚 張特立 石抹元 王浩 張彀 趙重 福 武都

行四方。 克爲猛安,一如郡縣置吏之法。 金自穆宗號令諸部不得稱都孛堇,於是諸部始列於統屬。 世宗承海陵彫攰之餘,休養生息,迄于明昌、承安之間,民物滋殖,循吏迭出焉。 太宗既有中原,申畫封疆,分建守令。熙宗遣廉察之使循 太祖命三百戶爲謀克,十謀

列

傳

第 六 + 六

循

吏

泰 和 用 兵,郡縣多故,東治衰矣。 宣宗尚刀筆之習,嚴考核之法,能更不乏,而豈弟之政罕

見稱述焉。。金百餘年吏治始終可考,於是作循吏傳。

鄉 導。 盧克忠,貴德州奉集人。[1]高永昌據遼陽,克忠走詣金源郡王斡魯營降,遂以撒屋出 斡魯克東京,永昌走長松島,克忠與渤海人撻不也追獲之。 收國二年,授世襲謀

克。 其後、定燕伐宋皆與有功、除登州刺史、改刺澶州。 天德間,同知保大軍節度使。 級德州軍卒數人道過**鄜城,求宿民家,是夜有**賊剽主人

財 而 去。 有司執假宿之卒,繫獄榜掠誣服。 克忠察其冤,獨不肯署,未幾果得賊,假宿之卒

逐釋。

之,由是無捐瘠之患。 大定二年,除北京副留守,會民艱食,克忠下令凡民有蓄積者計留一歲,悉平其價糴 轉陳州防禦使,後以靜難軍節度使致仕,卒。

者,其母曰:「大監遺命不使作承奉也。」中皇統二年進士第,調禁山簿。 牛德昌字彥欽,蔚州定安人。父鐸,遼將作大監。 德昌少孤,其母敎之學,有勸以就蔭

遷萬泉令。 屬蒲、陝荐饑、羣盜充斥,州縣城門畫閉。 德昌到官,卽日開城門縱百姓出

散,縣境以安。 入, 牓曰:「民苦飢寒, 剽掠鄉聚以偸旦夕之命, 甚可憐也。 府尹王伯龍嘉之、禮待甚厚。累官刑部、吏部侍郎、中都路都轉運使、廣寧 能自新者一不問。」賊皆感激解

太原尹。 卒,贈中奉大夫。

從攻太原,遷少府監。 秘書省校 范承吉字寵之。 書郎,至大定府金源令。 好學問、屬遼季盜賊起,雖避地未嘗廢書。 五年,宗翰克宋,所得金珠承吉司其出入,無毫髮欺,及還,犢車載書 歸朝為 御前承應文字。天會初,[三遷殿中少監。 天慶八年中進士丙科,授 四年,

史而

已。

專遷昭文館直學士,知絳州。

繁重失當,承吉乃爲經畫,立法簡便,所入增十數萬斛,官旣足而民有餘。歷同知平陽尹 西京副留守,遷河東南路轉運使,改同簽燕京留守事、順天軍節度使。 府,許自贖爲良,或貧無貲者以公厨代輸。六年,改河東北路轉運使。 (爭先營葺者,工匠 先是,軍興,民有爲將士所掠而逃歸者,承吉使吏遍諭,俾其自實,凡數千人,具白元帥 過 取 其直,承吉命官屬董其役,先後以次,不問貧富,民賴以省 時承宋季之弊,民賦 屬地震壞民廬舍,有 費

爲盜,承吉繩以法不少貸,懼 歷 鎭 西軍 節度使、行臺禮部尚書、泰寧軍 而 不敢犯。 貞元二年以光祿大夫致仕,卒年六十六。 節度使,復鎭順天。 奚卒散居境內,率數千人 欲

第 六 + 六 循 吏

列

傳

慰諭者久之。 復叛。傍郡聞之,亦多降者。宋王召政至轅門,撫其背曰:「吾以汝爲死矣,乃復成功耶。」 從數騎入州。是時,民多以饑爲盜,坐繫。政皆釋之,發倉廩以賑貧乏,於是州民皆悅,不 憂,政曰:「苟利國家,雖死何避。」宋王宗望壯之,曰:「身沒王事,利及子孫,汝言是也。」 政 金兵伐宋,滑州降,留政爲安撫使。前此,數州旣降,復殺守將反爲宋守。及是,人以爲政 獨逡巡引退。吳王闍母聞而異之,言於太祖,授盧州渤海軍謀克。從破白霫,下燕雲。及 據遼東,知政材略,欲用之。政度其無成,辭謝不就。 王政,辰州熊岳人也。 其先仕渤海及遼,皆有顯者。 永昌敗,渤海人爭縛永昌以爲功,政 政當遼季亂,浮沈州里。 高永昌

以楊震四知自守,安得不貧。」吳王笑曰:「前言戲之耳。」以黃金百兩、銀五百兩及 所 乘 馬 帛山積而出納無錙銖之失。吳王闍母戲之曰:「汝爲官久矣,而貧不加富何也。」對曰:「政 使、兼掌軍資。是時,軍旅始定,筦庫紀綱未立,掌吏皆因緣爲姦。政獨明會計,嚴扃鐍,金 天會四年,爲燕京都麴院同監。 未幾,除同知金勝軍節度使事。 改權侍衞親軍都指揮

六年,授左監門將軍,歷安州刺史、檀州軍州事、戶吏房主事。 天眷元年, 遷保靜軍節 遺之。

度使,三致仕卒,年六十六。

政 本 名南撒里,嘗使高麗,因改名政。 子遵仁、遵義、遵古。 遵古子庭筠有傳。

德, 生路, 一萬 張 欲根 人謀 奕字彥微,其先澤州高平人。 亂不得作,比明亡匿略盡, 一、株餘黨,爽以闔門保郡人無他,遂止。 爲 亂 ,約夜半舉燎相 應。 奕知之,選市人丁壯授以兵,結陣扼其要巷,開 以廕補官,仕齊爲歸德府通判。 擒其首惡誅之。 行臺承制除同知歸德尹 後五日,都統完顏阿魯補以軍至歸 齊國廢, 齊兵之在郡 小南門

定汴 京,授汴京副留守。 天 **眷元年,以河南與宋,改同知沂州防禦使事。三年,宗弼復取河南,徵奕赴行省,旣 歷陳、秦州防禦使,同** 知太原尹。

折氏 也。 府 以抗夏人。 他 今復使守晉寧,故激怒夏人 晉寧軍報夏人侵界, 韶奕往征之。 郡 ¨, 則 夏人自安。」朝廷從之,遂移折氏守青州 本朝有其地遂以與夏。 、使爲鼠侵,而條上其罪,苟欲開邊釁以雪私讎耳。 奕至境上,按籍各歸所侵土,還奏曰:「折氏世守麟 夏人夷折氏墳壠而戮其屍,折氏怨入骨髓而 獨可徙 不得報

正 隆 間 同 知 西京留守事,遷河東北路轉運使。 大定二年,徵爲戶部尚書,甫視事,得

疾卒。

望復平州,覺亡去,城中復叛,瞻踰城出降,其子不能出,爲賊所害。 ,薊州玉田人。遼天慶二年進士,爲平州望雲令。 張覺據平州叛,以瞻從事。 宋王宗望嘉之,承制以

爲興平府判官。

知寧州,累遷德州防禦使。爲政寬平,民懷其惠,相率詣京師請留者數百千人。 三鎭,瞻與禮部侍郎李天翼安撫河北東、西兩路,略定懷、濬、衞等州,衞、湯陰等縣。 天會三年,遷大理少卿,從宗望南伐,爲漢軍糧料使。 四年,金兵圍汴,宋人請割河北

貞元三年,遷濟州路轉運使,改忠順軍節度使。正隆末,盜賊蠭起,瞻增築城壘爲備,

 蔚人賴之以安。
 大定初,卒于官。

耕,多張旗幟爲疑兵,敏行率軍巡邏,日暮則閱民入城,由是盜不敢犯而耕稼滋殖 爲食。諸縣老弱入保郡城,不敢耕種,農事廢,畎畝荒蕪。」敏行白州,借軍士三十護縣民出 劉敏行,平州人。登天會三年進士。除太子校書郎,累遷肥鄉令。歲大饑,盜賊掠人

役繕治,百姓欣然從之,凡用二千人,版築遂完。鄉村百姓入保,賊至不能犯。凡九遷,爲 轉高平令。 縣城圮壞久不修,大盜橫恣,掠縣鎭不能禦。 敏行出己俸,率僚吏出錢顧

路 救之得觅。 西諸路轉運使。 翰愛其才學,弗殺,覊置歸化州,希尹收置門下。 中京副留守,用廉改忻州刺史,累遷太常卿,除定武軍節度使,移靜難軍,忤用事者,蘇保衡 以便宜。 同 州 經制使。 節度使事。 傅愼微字幾先。 慎微募民入粟,得二十餘萬石,立養濟院飼餓者,全活甚衆。改同知京兆尹,權陝 宗翰已克汴京,使婁室定陝西,慎微率衆迎戰,兵敗被獲,送至元帥府。 復修三白、龍首等渠以漑田,募民屯種,貸牛及種子以濟之,民賴其利。 明年,陝西大旱,饑死者十七八,以愼微爲京兆、鄜延、環慶三路經濟使,許 其先秦州沙溪人,後徙建昌。 宗酮復取河南地,起爲陝西經略使,尋權 慎微遷居長安。 宋末登進士,累官河東 元帥宗 轉

同 、修國史。 卒官,年七十六。 大定初,復爲太常卿,遷禮部尚書,與翰林侍講學士徒單子溫、翰林待制移刺熙載俱兼

愼微博學喜著書,嘗奏興亡金鏡錄一百卷。 性純質,篤古喜談兵,時人以爲迂闊云。

劉煥字德文,中山人。 宋末兵起,城中久乏食,煥尙幼,煮糠覈而食之,自飲其清者,以

列

尉。 醲厚者供其 煩,吾所不曉也。」至是,始重之。 使僕散 縣 煥初除市令,過謝鄉人東部侍郎石琚, 琚不悅曰: 「京師浩穰, 不與外郡同, 藥簡就 忽土家有絛結工,牟利於市,不肯從市籍役,煥繫之。忽土召煥,煥不往,暴工罪而 令貪汙,煥每規正之,秩滿,令持盃酒謝曰:「尉廉慎,使我獲考。」調中都市令。 母, 鄕 里異之。 稍長就學,天寒擁糞火讀書不怠。登天德元年進士。 調任丘 樞密

憚, 一班敢 暴戾隱 以廉升京兆推官,再遷北京警巡使。捕二惡少杖于庭中,戒之曰:「孝弟敬慎,則爲君 犯者。 賊,則爲小人。 召為監察御史,父老數百人或臥車下,或挽其靴鐙,曰:「我欲復留使君期 自今以往,毋狃于故習,國有明罰,吾不得私也。」自是,衆皆畏

非 不 朝 年,不可得 朝 用。 廷患之,下尚書省議。 廷意也。 以本官攝戶部員外郎。 自代州取二分與四六分,青黃雜糅,務省銅而功易就。 也。 必欲爲天下利,宜純用黃銅,得數少而利遠。 |煥奏曰:「錢寶純用黃銅精治之,中濡 代州錢監雜青銅鑄錢、錢色惡、類鐵錢。民間盜鑄、抵罪者衆、 其新錢已流行者,宜驗數輸納 以錫,若青銅可鑄,歷代無緣 由是、民間盜鑄、陷罪者衆、

再遷管州刺史,耆老數百人疏其著蹟十一事,詣節鎭請留煥,曰:「刺史守職奉法,乞留

準換。」從之。

之。」以廉升鄭州防禦使,遷官一階,轉同知北京留守事

世宗幸上京,所過州 郡大發民夫治橋梁馳道,以希恩賞, 煥所部惟平治端好而 上

嘉其意,遷遼東路轉運使,卒。

高昌福,中都宛平人。父履,遼御史中丞致仕,太宗聞其名召之,未及入見而卒, 特 詔

昌福 釋服應舉。 登天會十年進士第,補樞密院令史。明年,辟元帥府令史。

皇統初,宗弼復河南,元帥府治汴,人有疑似被獲,皆目爲宋諜者,卽殺之。 昌福識得

其實,釋去者甚衆。

軍 軍虚 諸囚 方 節度副使,入爲兵部員外郎,改河間 用 兵、梁、楚間夜多陰雨、元帥府選人偵宋兵動靜,諸吏遣昌福。 實報元 以滅口。 許州都統韓常用法嚴,好殺人,遣介送囚於汴,或道亡,監吏自度失囚恐得罪,)帥府。 昌福 識監吏意,窮竟其狀,冤死者十七八,而諸吏逐怨昌福,欲搆害之。 師還,除震武軍節度副使,轉行臺禮部員外郎。 少尹 天德間,行臺罷,改絳陽 昌福不辭卽 行, 欲盡 蠢 得敵 是時 殺

優劣,不然,朕何由 世宗卽位,上書陳便宜事,上披閱再三,因謂侍臣曰:「內外官皆上書言事,可以知人材 知之。」三除同知東京留守事,治最,遷山東西路轉運使、工部尚書,改彰

德軍 也。」景仁曰:「今之稅殊輕,若復 節 度使。 上書言 賦稅太重, 【輕之,國用且不足。」 事遂 上問翰林學士張景仁曰:「稅法比近代爲輕, 寢。 累遷河中尹 /,致仕,卒。 而 以為 重 何

懼,胳 引服。 河 令。 孫德淵字資深,興中府人也。日 而求免,盜不從,訴之縣。 選尙書省令史,不就。 有盜秋桑者,主逐 捕 之, 丁父憂去官,民爲刻石祠 盗以叉自刺其足面, 曰:「 德淵 大定十六年進士,調石州 曰:「若逐捕 而 傷,瘡必在後,今在前,乃自刺也。」盜逐 之。 秋桑例 軍 不禁採, 事判官、淶水丞、祭廉 汝何 得 刺我。」主

皆沙 使, 遷恩州刺 遷盤安軍 累官大理 察廉 河 民 節 起復北京轉運司都 史,入爲右司 度使, 也,密護德 丞、兼左拾遺。 改河 淵 北 郎中、滕州 西路按察轉運使,改昭義軍節度使。 ,由是得脫 勾判官,以累薦遷中都左警巡使、 審官院奏德淵剛正幹能,可任繁劇, 刺史、遷同 知河間府事,歷大興治中、同 路州破被執、俄 監察御史、 遂再任。 知 山東東路 1, 府 母憂, 有拜于前者 事 大安初, 轉運 服 除特

可 亦 以 許 納錢 大用,近許告老,士大夫竊歎。 貞 站 就 二年,拜工部尚書,攝御史中 德淵奏,此 大傷名教,事遂 望朝廷起復,必能建明以利國家」。 恋。 是時,山東乏兵食, 寢。 尋致仕。 監察 御 有司 史許古論 請鬻恩 宣宗嘉納,未及用 德淵 例 舉 人, 「忠亮明敏, 居喪者

棄官 還鄉里。 趙鑑字擇善,濟南章丘人。宋建炎二年進士,調廬州司理參軍。 齊國建,除歷城丞,轉長清令,皆劇邑難治,鑑政甚著。 劉 是時江、淮方用 豫召見,遷直 一秘閣、 兵、鑑

悍自用,以鑑年少易之,鑑發其姦,守將坐免,郡縣聞風無敢犯者。

提舉涇原路弓箭手、兼提點本路刑獄公事、誠之曰:「邊將多不法,可痛繩之。」原州守將武

權 天德初,起爲濟州刺史,移涿州。 都 水監,鑑曰:「誤國閹竪,汴人視爲寇讎,付以美官,將失人望。」遂不用。 齊廢,除知城陽軍,改山東東路轉運副使,攝行臺左司郎中。 海陵召鑑入朝,應對失旨,遣還郡,俄除知火山軍,以病 行臺宰相欲以故宋宦者 以母 憂解職,

節 度使,改河北西路轉運使,致仕,卒。 大定初,起知寧海軍。 秋禾方熟, 子方蟲生,日三鑑出城行視,蟲乃自死。 再遷鎭西軍

候 補尚書省令史,除監察御史,累遷北京、臨潢按察副使、戶部侍郎。 浦 察鄭留字文叔,東京路斡底必刺猛安人。大定二十二年進士,調高苑主簿、濬州司 御史臺奏鄭留前任

列傳

北京稱職,遷陝西路按察使,改順義軍節度使。

留乃引安兄弟與諸生敍齒,列坐會酒,陳說古之友悌數事,安兄弟感悟,謝曰:「節使父母 西京 人李安兄弟爭財,府縣不能決,按察司移鄭留平理,月餘不問。 會釋奠孔子廟,鄭

朔 州多盜,鄭留禁絕游食,多蓄兵器,因行春撫諭之,盜乃衰息,獄空。 賜錫宴錢以

也,誓不復爭。」乃相讓而歸。

褒之。

夏兵退,遷官四階。 擊走之。 瘦,惟隆州馬肥,乃釋鄭留。 改利涉軍節度使,詔括馬,鄭留使百姓飼養以須,御史劾之。 至寧元年,改知平涼府。 貞祐二年,改東京留守,致仕。 大安初,徙安國軍。 是時,平涼新被兵,夏人復來攻, 二年,知慶陽府事。 貞祐四年,卒。 旣而伐宋,諸路括馬皆 鄭留招潰卒爲禦守計, 三年,夏人犯邊,鄭留

鄭留重厚寡言笑,人不見其喜慍,臨終取奏藁盡焚之。

或謂 中明昌二年進士。 食 女奚烈守愚字仲晦,本名胡里改門,真定府路吾直克猛安人也。六歲知讀 肉 香 神 識,乃戒而不食。 調深澤主簿,治有聲。 性至孝, **父沒時年十五,營葬如禮**, 遷懷仁令,改弘文校理,秩滿爲臨沂令。 治家有法, 鄕 書。 人稱之。 有不逞 旣齓,

輩五百人,結爲黨社,大擾境內,守愚下車,其黨散去。 蝗起宮、密間,獨不入臨沂境。

地,積賞錢三百萬,先給官鏹乃徵于民,民甚苦之。守愚列其冤狀白州,州不爲理,卽聞于 戶部而徵還之,流民歸業,縣人勒其事于石。 先是,朝廷括河朔、山東地,隱匿者沒入官,告者給賞。莒州刺史教其奴告臨沂 人冒

真祐初,除戶部侍郎,數月拜諫議大夫、提點近侍局。二年,除保大軍節度使,改翰林學士、 外郎,改大興都總管判官。 聽,服除,除同知登聞檢院,改著作郎、永定軍節度副使。 參議

陝西路安撫司事。安撫

完顏

所重其爲人,每事咨而後行。未幾,有疾,詔賜

卻藥。 改秘書郎。 母喪,勺飲不入口三日,終喪未嘗至內寢。太常寺、勸農司交辟守愚,皆不 大安元年、除修起居注、轉刑部員外郎、戶部郎中、太子左諭 泰和伐宋,守愚爲山東行六部員

守愚爲人忠實無華,孜孜于公,蓋天性然也。

成人。嘗爲擊鞠戲,馬踣,歎曰:「生無兄弟,而數乘此險,設有不測奈何。」 由是終身不復爲 補樞密院尚書省譯史,調同知恩州軍州事,遷監察御史,爲同知淄州軍州事。 石抹元字希明,懿州路胡土虎猛安人。七歲喪父,號泣不食者數日。十三居母 劇 盜 劉 喪 如

列

奇 以 司 劫財 人為民患, 馬、沁南軍節度 《誣其人,仇家引服,贓不可得。 元攝州事,究得其情。 尋改河北西路轉運副使,累遷 一日捕獲,方訊鞫,聞赦將至,亟命杖殺之,闔郡稱快。 副使。 河內民家有多美橙者,歲獲厚利。 仇家夜入殘毀之,主人捕得,乃 改大興府判官、沂王府

坐, 到官六月卒。 取其符佩之,縱恣尤甚。 貞 就 初,黃摑吾典徵兵東平,擁衆不進,大括民財,衆皆忿怨。 元密疏劾掃合擅殺近臣,無上不道,掃合坐誅。 副統僕散掃合殺吾典於 移知濟南府,

Щ

東

西路按察轉運使。

|元生平寡言笑,尚節儉,居官自守,不交權要,人以是稱之。

率儒 千 遷武寧軍節度副使。 尙 價 翔 書省令史,除同 里 士行 躍 張 蒙字伯英,許州臨潁人。 大定二十八年進士,調寧陵縣主簿。 如 不 民急何。 鄉 可 得。 飲酒 禮 彀曰:「矢去物也,何羽 萬一有責,下官身任其咎。」一日之間,價減數倍。 知 鄭州防禦使事,改北京鹽使。 改同 居母憂。 州觀察判官。 貞祐二年,改惠民司令,歷河南治中、隰州刺史、刑部郎中、 不可。」節度使曰:「當須省報。」 鷇曰:「州 是時,出兵備邊,州徵箭十萬,限以鵰雁羽 丁父憂,服除,再遷監察御史。 尚書省竟 改泰定軍節度判官, 如 所請。 距京師二 從伐宋, 爲之,其 補

同 知河南府事,遷 河東南路轉運使、權行六部尚書、安撫 使。 興定 元年,以疾

彀 天性孝友,任子悉先諸弟,俸入所得亦委其弟掌之,未嘗問 有 無云

之,至 泉 知 法 也。 趙 魚 遷陝西 重 臺將渡河, 福字履祥 東路都 豐州人。 見前一舟且渡, 勾判官、右藏庫副使、同 通女直大小字, 試補女直誥院令史。 令從者大呼泉姓名, 知陳州防禦事。 前舟中忽有蒼惶失措者, 宋諜人蘇泉入河南 轉兵部譯史、 陝西 執之果 重 提 福 迹 刑

不 忍殺 改 滄州 人。 一歲滿 鹽副使。 ,課殿當降,尚書右丞完顏匡、三司使按出虎知其事, 歲饑, 民煮鹵爲鹽賣以給食, 鹽官往往杖殺之。 乃以歲荒薄其罰,除 重福曰: 寧使課 殿,

織染署令。

密雲縣 禦使, 弱 降 《者守》 重 大安三年,佐戶部尚書張煒調兵食于古北口,云遷都水少監,行西北路六部郎中,治 福 攝 俄 會 不 河 兼戶部 聽 久 北 雨 東路 是時 圍 員 乃 兵馬都總管。 外郎。 河間 解 去。 兵少,多羸 遷 真祐二年,以守密雲功遷同知河間府事,行六部侍郎,權淸州 河 東北路轉運使,致仕。 三年, 疾不任戰,欲亡去。 河間被圍, 有劉 元光二年,卒。 中者嘗與重福密雲聯事, 重 福勸其父老率其子弟,强者戰 勸 重福出 防

列傳第六十六 循吏

募人入粟,招海賈船致之。三遷中都、西京按察副使。大安三年,充宣差行六部侍郎,以勞 服除,調太原治中,復爲都轉運副使,遷灤州刺史。充宣差北京路規措官,都拘括散逸官錢 路轉運支度判官,日因累遷中都路都轉運副使,以親老,與弟監察御史郁俱乞侍。尋丁憂, 遷本路按察使,行西南路六部尚書,佐元帥抹燃盡忠備禦西京,有勞,召爲戶部尚書,賞銀 百萬。入爲戶部郎中,權右司郎中,奏事稱旨。被詔由海道漕遼東粟賑山東,都高其價直 民嘗縱火行劫、推埋發冢者,都皆廉得姓名,勝之通衢,約毋再犯,悉奔他境。 二百兩、絹一百匹。 武 |都字文伯,東勝州人。大定二十二年進士,調陽穀主簿,遷商水令。 縣素多盜,凡姦 察廉遷南京

行事,彈壓中外軍民。都醉酒以褻衣見詔使,坐是解職。起爲刑部尚書。中都解圍,爲河 東路宣撫使,俄以參知政事胥鼎代之。興定元年,以疾卒。 宣宗卽位,議衞紹王降封,語在衞紹王紀。頃之,中都戒嚴,都知大興府,佩虎符便宜

令,補尚書省令史,除同知泗州防禦事、監察御史、大名治中、安、曹、裕三州刺史,歷同知臨 統石烈德字廣之, 真定路山春猛安人。 明昌二年進士, 調南京教授。 察廉能遷 厭次

潢、 大興府事。

肇州圍急,食且盡,有糧三百船在鴨子河,去州五里不能至。 屬之河。 貞祐二年,遷肇州防禦使。 鑿陷馬穽,伏甲其傍以拒守,一日兵敷接,士殊死戰。 是歲、肇州升爲武興軍節度,德爲節度使宣撫司署都提控。 德乃浚濠增陴,築甬 渠成,船至城下,兵食足,圍 道導濠水

乃解。 改遼東路轉運使,軍民遮道挽留,乘夜乃得去。

行元帥府于宿州。 定二年,以本官行六部事。三年,以節度權元帥右都監, 鮮萬奴逼上京,德與部將劉子元戰却之。遷東京留守, 四年,遷工部尚書。明年,召還中都。 與左都監單州經略使完顏仲元俱 是歲,卒。 歷保靜、武勝軍節度使。 興

立 律之以 張特立字文舉,曹州東明人。泰和三年中進士第,調宣德州司侯。 法,闔境肅然。 調萊州節度判官,不赴,躬耕祀之圉城,[10]以經學自樂。 郡多皇族巨室,特

左丞侯摯、參政師安石薦其才,授洛陽令。

不由 反 [是也。]又言::「方今三面受敵、百姓凋敝、宰執非才、 臣恐中興之功未可以歲月期也。」 大逆皆蒙湔雪,彼獨何罪,幽囚若是。世宗神靈在天,得無傷其心乎。 四 年 ,拜監察御史。拜章言:「鎬、厲二宅,**久加禁錮,棘圍柝警,如防寇盜。近降赦恩,** 聖嗣 未立、未必

列傳

第

又言:「尙書右丞顏盞世魯遣其奴與小民爭田,失大臣體。參知政事徒單兀典諂事近習,得

居其位。皆宜罷之。」

後卒癸丑歲,年七十五。 實,幷治特立及賓。特立左遷邳州軍事判官,自己杖五十,賓亦勒停。 陝西歸,楨等泣訴于道,以當時同席幷有省掾王賓,張爲其進士故不劾。 當路者忌其直,陰有以擠之。因劾省掾高楨輩受請託,飲娼家。時平章政事白撒犒軍 士論皆惜特立之去。 白撒以其私且不

思之。 取彼置此,未見其利。」其愛民多此類。所在有善政,民絲毫無所犯,人爲立生祠,歲時 民甚被擾,浩獨無所問,主司將坐之,浩曰:「是縣所植已滿其數,若欲增植,必盜他人所有, 王浩,由吏起身,初辟涇陽令,廉白爲關輔第一。時西臺檄州縣增植棗果,督責嚴急,

道路,自春徂夏,獨浩屍儼然如生,目且不瞑,烏犬莫敢近,殆若有神護者。 不忍加刃,日遣所知勸之降,浩終不聽,於是殺之,無血。主簿劉坦、尉宋乙並見害。 南遷後,爲扶溝令。 開興元年正月,民錢大亨等執縣官送款于北,大亨以浩有恩於民,

傳。 李天翼、河津孫鼎臣 餘如興平師夔、臨潼武天禎、氾水党君玉、偃師王登庸、高陵宋九嘉、登封薛居中、長社 初,辟舉法行,縣官甚多得人,如咸寧令張天綱、長安令李獻甫、洛陽令張特立三人有 、郟城李無黨、滎陽李過庭、尉氏張瑜、長葛張子玉、猗氏安德璋、三原

曰吏得其人故也。

蕭邦傑、藍田

張德直

葉縣劉從益皆淸愼才敏,極一時之選,而能扶持百年將傾之祚者,亦

校勘記

貴德州奉集人 「奉」原作「鳳」。 按本書卷二四地理志,東京路貴德州有奉集縣,「遼集州懷遠

軍奉集縣,本渤海舊縣」。今據改。

- 會四年九月「丙寅、宗翰克太原 天會初 「會」原作「眷」。 按下文「四年、從攻太原。五年、宗翰克宋」。 五年正月「癸巳、宗翰宗望使使以宋降表來上」。 考本書卷三太宗紀,天 今據改。
- 軍節度使」。 遷保靜軍節度使 叉本 書卷二四地理志,北京路建州作「保靖軍」,且 按遺山文集卷一六王黃華墓碑, 「政事金朝,官至金吾衞上將軍、建州保靜 爲 刺史非節鎭。 與此異。
- 遵古子庭筠 有傳 原脫「子庭筠」三字。 按本書遵古無傳,僅附見于子庭筠傳中,見卷一二六文

藝傳下。今據補「子庭筠」三字。

列傳第六十六 校勘記

- Ŧī. \Box 都 統完顏阿魯補 以軍至歸德 原脫「阿」字。 按本書卷六八阿魯補傳, 「天會十五年, 詔廢齊
- 國 明 年,除歸德尹」。 今據補。
- ベリ 興中府 人也 「府」原作「州」。 按本書卷二四地理志、北京路有興中府。 **今據改。**
- -6 子 方 蟲 生 按齊民要術卷一有「虸蚄蟲」、廣韻陽韻「虸蚄、蟲名」、是「子方」二字皆當有「虫」

旁。

- 人 山 大安三年佐戶部尚書張煒調兵食于古北口 按本書卷一〇〇張煒傅作「大安三年, 起為同簽
- 三司 事。 累遷戶部侍郎」。 與此處「戶部尚書」異。
- 察廉 遷 南京路轉運支度判官 「支度」原作「度支」。 據本書卷五七百官志都轉運司條乙正。
- 躬耕杷 之圉 城 ---圉 原作「韋」。 按本書卷二五地理志,南京路開封府杞縣「鎭一,圉城」。

據改。

特立左遷邳州 遷唐州 刺史, 軍事判官 令軍 事 判官撒虎帶」 「事」原作「士」。 掩擊宋兵。 按本書常見「軍事判官」,如卷一二一烏古孫兀屯傳, 卷一二二女奚烈斡出傳,「仕至楨州刺史,軍事

判官王謹收遺散之衆,別屯周安堡」。

今據改。

金史卷一百二十九

列傳第六十七

酷吏

高閭山 蒲察合住

俗一變,咸尙威虐以爲事功,而讒賊作焉。 多準重典。 太史公有言、「法家嚴而少恩」。信哉斯言也。 熙宗迭興大獄,海陵翦滅宗室,鈎棘傅會,告姦上變者賞以不 流毒遠邇,慘矣。」金史多闕逸,據其舊錄得二人 金法嚴密,律文雖因前代而增損之,大抵 次。 於是,中外風

焉,作酷更傳。

高閣 列 Щ 傳 第 澄州 六 + 析木人。 七 酷 吏 選充護衛,調順義軍節度副使,轉唐括、 移刺都乣詳穩, 二七七七 改震武

之笑日 軍節度 歷原 州 湾州 :「此亦難行。」是日,特用大杖杖死部民楊仙,坐削一官,解職。 副使、曹王府尉、大名治中。 泗州 刺史,改鄭州防禦使,遷蒲與路節度使,移臨海軍、「日」盤安軍、寧昌 遷汝州刺史,改單州。 制禁不依法用杖決人者 **外之,降鳳翔治中** 閭 山見

就

一年,城破死之。

住赴恒州為北走計,朝廷命開封覊其親屬,合住出怨言曰:「殺却我卽太平矣。」尋爲御史所 子充 劾,初議笞贖,宰相 護衞,先逐出之。 蒲察合住,以吏起身,久爲宣宗所信,聲勢烜赫,性復殘刻,人知其蠹國而莫敢言。 以爲悖理,曰 繼而 合住爲恒州刺史、需次近縣。 斬於開封府門之下。 故當時有宣朝三賊之目,謂王阿里、 後大兵入陝西,關中震動,或言合

蒲察咬住,合住其一也。

莫克自保,惟獨吉文之在開封府幕,明其不反,竟不署字,阿海誅,文之亦無所問 興定中,駙馬僕散阿海之獄,京師宣勘七十餘所,阿里輩乘時起事以肆其毒,朝士惴惴

咬住,正大初致仕,居睢陽,潰軍變,與其家皆被殺。

後習以成風、雖士大夫亦爲所移、如徒單右丞思忠好用麻椎擊人、號「麻椎相公」。 初,宣宗喜刑罰,朝士往往被笞楚,至用刀杖決殺言者。 高琪用事,威刑自恣。 李運使 南渡之

五. 特 百 立 人,號 一號「半截劍」,言其短小鋒利也。 曰「雷半千」。又有完顏麻斤出 馮內翰壁號「馮劊」。雷淵爲御史,至蔡州得奸豪,杖殺 皆以酷聞,而 合住 主 阿里、 李渙之徒,胥吏 一中尤

佞幸

狡

刻

者

也。

蕭肄 張仲軻 李 通 馬欽 高懷貞 蕭裕 胥持國

者七人,皆被寵 內 然。 蠱 聲 嗜欲 世 色,外好大喜功,莫甚於熙宗、海陵,而章宗次之。 之有嗜慾者,何嘗不被其害哉。 不 獨柔曼之傾意也,征伐、畋獵、 遇於三君之朝,以亡其身,以蠹 龍,天下之至神也,一有嗜慾, 土木、神仙 其 國,其禍皆始於此,可 , 彼 金史 爲 佞者皆有 自 蕭肄至胥持國 以投 見制 不戒哉。 其所 於人, 好 得佞臣 作佞幸傳。 故 人君 之尤 金 亦 主

丽 雷 蕭 電震 **肆,本奚人,有寵於熙宗,復諂事悼后,累官參知** 壞 寢 殿 鴟尾,有 火自 外 入, 燒內寢幃幔。 帝徙別殿避之, 政事。 皇統 欲 九年四 下 詔 罪 月壬 芑, 申 翰林 夜, 學 大 士 風

列

傳

第

張鈞 眇予小子」等語。 肄譯奏曰:「弗類是大無道,寡者孤獨無親,昧則於人事弗曉,眇則目無所 見,小子嬰孩之稱,此漢人託文字以詈主上也。」帝大怒,命衞士拽鈞下殿,榜之數百,不死, 視草。 |釣意欲奉答天戒,當深自貶損,其文有曰:「惟德弗類,上干天威」及「顧茲寡昧

以手劍剺其口而醢之。賜肄通天犀帶。

日,召肆詰之曰:「學士張鈞何罪被誅,爾何功受賞。」 肆不能對。 人或以我報私怨也。」於是,詔除名,放歸田里,禁錮不得出百里外。 憑恃恩倖,倨視同列,遂與海陵有惡。 及篡立,加大臣官爵,例加銀靑光祿大夫。 海陵曰:「朕殺汝無難事,

葛魯,皆置宿衞,有僥倖至一品者。 左右或無官職人,或以名呼之,卽授以顯階,海陵語其 之彰 侍郎完顏普連、大興少尹李惇皆以贓敗,海陵置之要近。伶人于慶兒官五品,大氏家奴王 稱死罪,不敢仰視。 資戲笑。 人曰:「爾復能名之乎。」常置黃金裀褥間,喜之者令自取之,其濫賜如此。 宋余唐弼賀登寶 為祕 張仲軻幼名牛兒,市井無賴,說傳奇小說,雜以俳優詼諧語爲業。 [三] 海陵引之左右,以 書郎。 海陵封岐國王,以爲書表,及卽位,爲祕書郎。 之彰睪珠偏僻,海陵親視之不以爲褻。唐括辯家奴和尚、烏帶家奴葛溫、 又嘗令仲軻倮形以觀之,侍臣往往令倮褫,雖徒單貞亦不殆此。 海陵嘗對仲軻與妃嬪褻瀆,仲軻但 兵部

當 一,且還 不忘朕 海陵 意 也 以玉帶附賜宋帝 |使退 一, |仲 軻 日. 使謂: 此 希世之寶 宋帝 日:「此帶卿父所常服,今以爲 可 惜 輕賜。」上 日:一 江南 之地 賜 一,他 一使 卿 日 當 如 爲 見 我 而 父,

此

置

之外府

耳。

由

是

知海陵

有南伐之意

焉。 位 門脊上』。及射,果 統 瓦 材 ,百步之內當 木 酹 海 海 不可 俄 陵 內,當復獲 遷 而 意 用 祕 拜,謂 欲 書丞 海陵意仲軻 取 獲三 江 羣 横 轉 南 臣 大 庬 加門 少 曰:「朕幼 鹿 故 監。 先設 育上。 ٥ 若 受請託,免 是時 於是 止 禨 爲 時 果 後 ,營建燕京 祥 公 習 相 爲 以 獲 射 仲軻官。 中 諷 至 獲 大 京 羣 一而 臣, 鹿。 留 宮室,有 門下 守, 是以 未幾,復 已 此事 嘗 ٠, 仲軻 默 大獵于 嘗 司 於是不 祝 取 用 與蕭裕言之, 毎 日 眞定府潭 爲 先逢其意,導之南伐 此 少 及百 若我 地, 監 步 圍未 異日 海 園材木,仲 連獲三 股 陵 合, 大貴, 今復至此 獵 于 鹿。 禱 途你 日 當 軻 , 叉 使 乘間 地 Щ 视 我 日 若 矢 言 故 氼 于 横 有 其 奠 中 大 加

射 士? 中 對日 書 貞元 門 下 詩 年 平 章 正 賦 事 月,宋 經 年 義 -六十五· (策論 賀正 旦使 兼行。」 一矣。」 施 復謂之曰:「 巨 叉 朝辭 問「秦檜 · 海 陵 我 作 使 聞 何 左 秦 官 宣 檜 一徽 , 賢,故問 年 使 今 敬 幾 嗣 何 之。 暉 _? 問 對 施 7日:「檜 巨 日:一 宋國 爲 尙 書 幾 左 科 僕 取

使 孫 道 正 夫 隆 陛 年 · 海 仲 陵 軻 使 爲 左 左 宣徽使 諫 議 大夫,修起居注 敬嗣 暉諭之曰:「歸白 , 但 食 諫 爾帝 議 俸, 事 不 我上 得 言 國多有不誠, 事 o 三 年 正 月 宋 賀正 舉二

列

傳

第

還國 實 國 我 也 一。爾 楊 亦 死 矣,陪臣亦膾所薦用者。」又曰:「爾國 太尉所爲,常因俘獲問知其人無能 民有 於沿 能 無備。 具聞宋 邊盜買鞍馬,備戰陣,二也。且馬待人而後可用,如無其人,得馬百萬亦奚以爲? 逃入我境者,邊東皆即發還,我民有逃叛入爾境者,有司索之往往託辭不發, 且我不取爾國則已,如欲取之,固非難事。 帝。」海陵蓋欲南伐,故先設納叛亡、盜買馬二事,而雜以他辭言之。 ·爲者也。」又曰:「聞秦檜已死,果否。」道夫對曰:「檜 「比來行事,殊不似秦檜時何也。」道夫曰:「容陪臣 我聞接納叛亡、盜買鞍馬,皆爾

路,彼 謂「因 大,而 爲股 之? 仲軻 久曰:「 百雖懦弱,亦將與之爲敵矣。」 海陵曰: 「彼將出兵何地。」曰: 「不過淮上耳。」海陵 日 海 行 將安往。」欽 天下有四主,南有宋,東有高麗,西有 言,宋 一仲軻 陵 受恩日 曰:「漢之封疆不過七八千里,今吾國幅員萬里, 掉 召仲軻、右補闕馬欽、校書郎田與信、直長習失入便殿侍坐。 手 曰:「臣聞宋人買馬修器械、招納山 也。 有劉貴妃者姿質艷美, 久,死亦何避。」海陵 又曰:「臣在宋時,嘗帥 江南聞我舉兵,必遠竄耳。」欽與與信 曰:「汝料彼敢出兵否, 蜀之華藥、吳之西施所不 軍征蠻,所以知 夏,若能一之,乃爲大耳。」海陵曰:「彼且 東叛亡,豈得爲無罪。」海陵喜曰:「向者 可謂大矣。」 俱對曰:「海島、 也。」海陵謂習失曰:「汝 彼若 及也。 出兵, 仲軻曰:「本朝疆 今一 汝果能 海陵 蠻 舉而 越, 與仲軻論漢書, 死 兩得之,俗所 臣等皆 敵 乎 敢 戦 何罪而 土雖 梁玩 習失 乎? 1知道

嘗

伐

謂

良

對

後、論功遷秩、分賞將士、彼必忘勞矣。」 曰:「然則天與我也。」旣而曰:「朕舉兵滅宋,遠不過二三年,然後討平高麗、

四年三月,仲軻死。冬至前一夕,海陵夢仲軻求酒,既覺,嗟悼良久,遣使者奠其墓

罪,必罰無赦。」頃之,拜參知政事。 必賴吏部尚書李通、戶部尚書許霖爲之先容,左司郎中王蔚任其事。凡在仕版,朕識者寡, 刑部尚書烏帶、簽書樞密遙設爲之先容,左司員外郎阿里骨列任其事。渤海、漢人仕進者, 嘗試之矣。朕詢及人材,汝等若不舉同類,必舉其相善者。朕聞女直、契丹之仕進者,必賴 不識者衆,莫非人臣,豈有遠近親疏之異哉。 苟奉職無愆,尚書侍郞節度使便可得,萬一獲 隆二年正月乙酉,詔左右司御史中丞以下奏事便殿,海陵曰:「知子莫若父,知臣莫若君,朕 李通,以便辟側媚得幸於海陵。累官右司郎中,遷吏部尚書。請謁賄賂輻湊其門。

服,有誓約而無誠實,比聞沿邊買馬及招納叛亡,不可不備。」遣使籍諸路猛安部族、及州 道之。海陵信其言,以通爲謀主,遂議興兵伐江南。四年二月,海陵諭宰相曰:「宋國 其意,遂與張仲軻、馬欽、宦者梁莐近習羣小輩,盛談江南富庶,子女玉帛之多,逢其意而 海陵恃累世强盛,欲大肆征伐,以一天下,嘗曰:「天下一家,然後可以爲正統。」通揣知 雖

列

置,俟軍至分給之。其分給之餘與繕完不及者,皆聚而焚之。 路、泰州、咸平府、東京、婆速路、曷蘇館、臨潢府、西南招討司、西北招討司、北京、 縣渤海丁壯充軍,仍括諸道民馬。 求一子留侍, 真定府、益都府、東平府、大名府、西京路,凡年二十以上、五十以下者皆籍之,雖親 亦不 ·聽。五年十一月,使益都尹京等三十一人押諸路軍器於軍行要會處安 於是,遣使分往上京、速頻路、胡里改路、曷懶路、蒲與 老丁多, 河間府、

忠謹 意,使淮南 自古有之。 L, 故有 六年正月, 之民 是命,俟江南事畢,別當旌 「無懷疑懼。」 二月, 通進拜右丞,詔曰:「卿典領繕完兵械,今已畢功, 朕嘉卿 海陵使通諭旨宋使徐度等曰:「朕昔從梁王嘗居南京,樂其風土。 淮右多隙地,欲校獵其間,從兵不踰萬人。 賞。」 汝等歸告汝主,令有司宣諭 帝王巡 股

宋主 將 詰問 見宋 海 陵 以 謂 爲 之, 主,卽 至南京、宋遣使賀遷都、海陵使韓汝嘉就境上止之曰:「朕始至此,比聞北方小警,欲復 四 南伐之名也。 |全 月,簽書樞密院事高景山爲賜宋帝生日使,右司員外郎王全副之,海陵謂全曰:「汝 且索漢、淮之地,如不從,卽厲聲詆責之,彼必不敢害汝。」海陵蓋使 曰:「聞公北方名家,何乃如是?」 面數 其焚南京宮室、沿邊買馬、招致叛亡之罪,當 謂景山曰:「回日,以全所言奏聞。」全至宋, 全復日:「趙桓今已死矣。」 · 令大臣某人某人來此, 脍 一如 宋主遽起發哀 海陵 之言詆 王全激 怒宋主, 責宋主, 加 將親 能。

歸中都,無庸來賀。」宋使乃還。

就 然矣。 至當給芻粟,無可給,有司以爲請,海陵曰:「此方比歲民間儲畜尙多,今禾稼滿野,贏馬可 殺。 以俟師期。 在 敗田中,借令再歲不獲,亦何傷乎。」及徵發諸道工匠至京師,疫死者不可勝數,天下始騷 [西者給東軍,東西交相往來,晝夜絡繹不絕,死者狼籍于道。 其亡失多者,官吏懼罪或自 所過蹂踐民田,調發牽馬夫役。 於是,大括天下贏馬,官至七品聽留一馬,等而上之。 調諸路馬以戶口爲率,富室有至六十匹者。凡調馬五十六萬餘匹,仍令本家養飼, 韶河南州縣所貯糧米以備大軍,不得他用,而贏馬所 幷舊籍民馬, 其在東者給西軍,

遣都水監徐文等率師浮海討之,海陵曰:「朕意不在一邑,將試舟師耳。」 海陵因出獵,遂至通州觀造戰船,籍諸路水手得三萬餘人。 及東海縣人張旺、徐元反,

Щ 節度副使,尚賢爲安武軍節度副使,蕭甲爲昭義軍節度副使,皆給銀牌,使督責之。是時, 五十人,分往山東、河北、河東、中都等路節鎭州郡屯駐,捕捉盜賊。以護衞頑犀爲定武軍 王三輩皆以十數騎張旗幟,白晝公行,官軍不敢誰何,所過州縣開劫府庫物置于市,令人攘 東賊犯沂州,臨沂令胡撒力戰而死。大名府賊王九等據城叛,衆至數萬。契丹邊六斤、 於是,民不堪命,盜賊蠭起,大者連城邑,小者保山澤,遣護衞普連二十四人,各授甲士

還朝,皆言盜賊事,海陵惡聞,怒而杖之,穎仍除名,自是人人不 取之,小人皆喜賊至,而良民不勝其害。 太府監高彥福、大理正耶律道、翰林待制大穎出使 復 敢言

勝、武定、武威 大都督。 大都督及三道都統制 捷、威烈、威毅 海陵 自將,分諸道兵爲神策、神威、神捷、神銳 、威震、威略、威果、威勇三十二軍,置 、武安、武捷、武平、武成、武毅、武銳、武揚、武翼、武震、威定、威信、 以奔睹舊將,使帥諸軍 府。 置諸軍巡察使、副各一員。 以從 人望,實使通專其事 、神毅、神翼、神勇、神果、神略、 都總管、副總管各一員,分隸 以太保齊賭爲左領軍大都督,通爲副 左右 神鋒、 威勝、威 領 軍

單后 賞,其或弛慢,刑茲無赦。」海陵恐糧運不繼,命諸軍渡江 必不 與太子 如彼,遠則百日,近止旬月。 海陵 召諸將授方略,賜宴于尙書省。 光英居守、尚書令張浩、左丞相蕭玉、參知政 惟爾將士無以征 海陵 曰:「太師梁王連年南伐,淹延歲月。 行爲勞,戮力一心,以成大功,當 事 無以僮僕從行,聞者莫不怨咨。 敬嗣 暉 留治省事 今舉兵 厚 加 旌 徒

喜, 晦 失路,是夜二更始至蒙城。 以金帛賜之,顧謂李通曰:「昔武王伐紂,白魚躍於舟中。 殺 九月甲午,海陵戎服乘馬,具裝啓行。 四方館使張 永鈐。 將至廬州, 丁未,大軍渡淮,至 見白兔,回馳 明日、妃嬪皆行,宮中慟哭久之。 一中流, 射 不 海陵 中。 拜而酹之。 旣 今股獲此,亦吉兆也。」癸亥, 丽, 後軍 至宿 獲之以進, 次, 十月 見築繚 乙巳, 海陵大 垣

海陵至和州,百官表奉起居,海陵謂其使「汝等欲伺我動靜邪。 自今勿復來,俟平江南始進

賀表」。

岸上,以號令進止,紅旗立則進,黃旗仆則退。旣渡江,兩舟先逼南岸,水淺不得進,與宋兵 休息,壞城中民居以爲材木,煮死人膏爲油用之。遂築臺於江上,海陵被金甲登臺,殺黑 相對射者良久,兩舟中矢盡,遂爲所獲,亡一猛安、軍士百餘人。海陵遂還和州 舟師先濟。宿直將軍溫都奧剌、國子司業馬欽、武庫直長習失皆從戰。海陵置黃旗紅旗於 曰:「前言一時之怒耳,不須先渡江也。」明日,遣武平軍都總管阿隣、武捷軍副總管阿撒率 入海島,豈皆大舟邪。明日汝與昂先濟。」昂聞令已渡江,悲懼欲亡去。至暮,海陵使謂昂 矣。」蒲盧渾曰:「臣觀宋舟甚大,我舟小而行遲,恐不可濟。」海陵怒曰:「爾昔從梁王追趙構 馬以祭天,以一羊一豕投於江中。召都督昂、副都督蒲盧渾謂之曰:「舟楫已具,可以濟江 是時,梁山濼水涸,先造戰船不得進,乃命通更造戰船,督責苛急,將士七八日夜不得

下大定改元事,以示羣臣。遂召諸將帥謀北歸,且分兵渡江。 前 已遣護衞謀良虎、特离補往東京,欲害世宗,行至遼水,遇世宗詔使撒八,執而殺之,遂 於是尚書省使右司郎中吾補可、員外郎王全奏報:世宗卽位於東京,改元大定。海陵 海陵拊髀嘆曰:「朕本欲平江南改元大定,此豈非天乎。」乃出素所書取一戎衣天

列

舟焚之,絕其歸望。 若留兵渡江,車駕北還,諸將亦將解體。今燕北諸軍近遼陽者恐有異志,宜先發兵渡江,歛 江縣、觀項羽祠、嘆曰:「如此英雄不得天下、誠可惜也。」 議定,通復入奏曰:「陛下親師深入異境,無功而還,若衆散於前,敵乘於後,非萬全計。 然後陛下北還,南北皆指日而定矣。」海陵然之,明日遂趨揚州。過鳥

殺之。 焚毁南京宮室、及沿邊買馬、招誘軍民,今興師問罪,義在弔伐,大軍所至,必無秋毫之犯」。 以此 招 海 乃出 論宋人。於是,宋將王權亦縱所獲金軍士三人,齎書數海陵罪,通奏其書,卽命焚 陵至揚州,使符寶耶律沒荅護神果軍扼淮渡,凡自軍中還至淮上,無都督府文字皆 **丙箭飾以金龍,題日御箭,繫帛書其上,使人乘舟射之南岸,其書言「宋國遣人**

其蒲 懼。 甲午,令軍中運鴉鶻船及糧船於瓜洲渡,期以明日渡江,敢後者死。 里行,蒲里衍亡者殺其謀克,謀克亡者殺其猛安,猛安亡者殺其總管,由是軍士益危 海陵怒,亟欲渡江。驍騎高僧欲誘其黨以亡,事覺,命衆刃剉之。乃下令,軍士亡者殺

年乃其姻戚,郭安國衆所共惡,皆殺之。 ,完顏元宜等以兵犯御營,海陵遇弑。 大定二年,詔削通官爵,人心始快。 都督府以南伐之計皆通等贊成之,徒單永

馬欽,幼名韓哥,嘗仕江南,故能知江南道路。 正隆 三年,海陵將南伐,遂召用欽,自貴 人曰:「上與我論

德縣 某事,將行之矣。」其視海慶如僚友然。累遷國子司業。 令爲 右補闕。 欽爲人輕脫不識大體,海陵每召見與語, 欽出宮輒以語

海陵至和州,欲遣蒲盧渾渡江,蒲盧渾言舟小不可濟,海陵使人召欽,先戒左右曰:「欽

若言舟小不可渡江,卽殺之。」|飲至,問曰:「此舟可渡江否。〕|飲曰:「臣得栰亦可渡也。

|陵惡其言,杖之除名。 世宗嘉穎忠直、惡飲巧佞、故復用穎而放飲焉。

是日,起前翰林待制大穎爲祕書丞。

穎在正隆間嘗言山東盜賊,

海

大定二年,除名。

屬爲 與帝擊毬,公乘馬衝過之,帝墜馬下。」海陵聞之大喜。 絕色而妻之,三也。」由是小人佞夫皆知其志,爭進諛說。 陵 曰:「吾志有三:國家大事皆自我出,一也。 、宰相,專威福柄,遂成弑逆之計,皆懷貞輩 高懷貞,爲尚書省令史,素與海陵狎昵。 帥師伐 小人從臾導之。 海陵久蓄不臣之心,嘗與懷貞各言所志, .國,執其君長問罪於前,二也。 會熙宗在位久,委政大臣,海陵以近 大定縣丞張忠輔謂海陵言:「夢公 得天下

大定二年,降奉政大夫,放歸田里。五年,與許霖俱賜起復,懷貞爲定國軍節度使,上 海陵篡立,以懷貞爲修起居注,懷貞故父濱州刺史贈中奉大夫。 懷貞累遷 禮 部 侍郎。

二七八九

必不貸汝矣。」 戒之曰:「汝等在正隆時,姦佞貪私,物論鄙之。朕念沒身不齒則無以自新。 若怙舊不悛,

誠有志舉大事,願竭力以從。」海陵喜受之,遂與謀議。海陵竟成弑逆之謀者,裕啓之也。 裕揣海陵有覬覦心,密謂海陵曰:「留守先太師,太祖長子。德望如此,人心天意宜有所屬, 蕭裕,本名遙折,奚人。初以猛安居中京,海陵爲中京留守,與裕相結,每與論天下事。

定約而去。海陵雖自良鄉召還,不能如約,遂弑熙宗篡立,以裕爲祕書監。 北京、謂裕曰:「我欲就河南兵建立位號,先定兩河,舉兵而北。君爲我結諸猛安以應我。」 海陵爲左丞,除裕兵部侍郎,改同知南京留守事,改北京。海陵領行臺尚書省事,道過

「太祖以神武受命,豐功茂烈光於四海,恐史官有遺逸,故以命卿。」久之,裕爲右丞相、兼中 海陵賞誅宗本功,以裕爲尚書左丞,加儀同三司,授猛安,賜錢二千萬、馬四百匹、牛四百 |本已死,|裕乃求宗本門客||蕭玉,教以具款反狀,令作主名上變。|海陵旣詔天下,天下寃之。 海陵殺宗本,唐括辯遣使殺秉德、宗懿及太宗子孫七十餘人、秦王宗翰子孫三十餘人。宗 頭、羊四千口。再閱月,爲平章政事、監修國史。舊制,首相監修國史,海陵以命裕,謂裕曰: 海陵心忌太宗諸子,欲除之,與裕密謀。裕傾險巧詐,因構致太傅宗本、秉德等反狀,

裕在相位,任職用事頗專恣,威福在己,勢傾朝廷。 海陵倚信之,他 相 仰成

俗弟蕭祚爲左副點檢,妹夫耶律關离刺爲左衞將軍,勢位相憑藉,遂生忌嫉,乃出祚爲益都 召裕戒諭之,而不以爲罪也。 , 闢离刺爲寧昌軍節度使,以絕衆疑。 裕 與高 |藥師善,嘗以海陵密語告藥師,藥師以其言奏海陵, 或有言裕擅權者,海陵以爲忌裕者衆, 且曰:「裕有怨望心。」海陵 不之信。 叉以爲 人見

尹

謀立亡遼豫王延禧之孫。 殺,裕恐及禍,遂與前眞定尹蕭馮家奴、前御史中丞蕭招折、博州同知遙設、裕女夫遏剌補 不知海陵意,遽見出其親表補外,不令已知之, 自是深念恐海陵疑己。 而 海陵猜忍嗜 海陵弟太師

問 一此 撻懶變事 招折與謀者復有何人,招折曰:「五院節度使耶律朗亦是也。」懷忠舊與朗有隙,而招折嘗 大事 裕使親信蕭屯納往結西北路招討使蕭好胡,好胡卽懷忠。 ,汝歸遣一重人來。」裕乃使招折往。 ,懷忠疑招折反覆,因執招折,收朗繫獄,遣使上變。 招折前為中丞,以罪免,以此得詣懷忠。 懷忠依違未決,謂屯納曰:

遙設 誣之,命殺白荅於市。 亦與筆硯令史白荅書,使白荅助裕以取富貴,白荅奏其書。 執白荅出宣華門,點檢徒單貞得蕭懷忠上變事入奏,遇見白荅, 海陵信裕不疑,謂白

列

傳

第

六 +

佞 幸

問 其故,因 止之。 徒單貞已奏變事,以白苔爲請,海陵遽使釋之。

補皆出走,捕得 臂,取血 耳。 徒 女 之曰:「自來 汝弟輩在朝 唐括辯及臣 議,及除祚等乃不令臣知之。領省國王每事謂臣專權,頗有隄防,恐是得陛下旨意。陛 夫 曰:「臣子 也 切, 所 太宗子孫無罪皆死臣手,臣之死亦晚矣。」海陵復謂裕曰:「朕爲天子,若於汝有疑,雖 海陵 與其 自 知錯 塗裕面,謂之曰:「汝死之後,當知朕本無疑汝心。」裕曰:「久蒙陛下非常眷遇,仰 事至此又豈可諱。」海陵復問曰:「汝何怨於朕而作此事。」裕曰:「陛下凡事 旣 使宰相問裕,裕卽款伏。 子穀皆與反謀,幷殺之。 犯 ,與汝相好,雖有此罪,貸汝性命,惟不得作宰相, 了 豈不能施行,以此疑我,汝實錯誤。 .約同生死,辯以强忍果敢致之死地,臣皆知之,恐不得死所,以此謀反,幸苟免 繆,雖悔何及。」海陵哭送裕出門,殺之,幷誅遙設及馮家奴。 如 屯納棄市、遏刺補自縊死。 此罪逆,何面目見天下人,但願絞死,以戒其餘不忠者。」海陵遂以刀刺 海陵甚驚愕,猶未能盡信,引見裕,親問之。 遭護衛厖萬往西北路招討司誅朗及招折,而 太宗諸子豈獨在汝、股爲國家計也。」又謂 令汝終身守汝祖先墳壠。」 裕 馮家 裕曰:「大丈 屯納 奴妻,豫王 皆 過刺刺 下與 1與臣 縁 左

茶扎遣人詣之詳告公引,得之,付屯納遣之他所。 屯 納 出 . 走, 過 河 間 少尹蕭之詳,之詳 初不知裕事,留之三日。 茶扎家奴發其事,吏部侍郎窊產鞫之,之 屯納往之詳茶扎家,「馬」

詳曰:「屯納宿二日而去。」法家以之詳隱其間,欺尚書省,罪當贖。 海陵怒,命殺之,杖窊產

及議法者,茶扎杖四百死。

怨望,至是賞之云。

功, 懷忠遷樞密副使,以白荅爲牌印云。高藥師遷起居注,進階顯武將軍。 厖葛殺招折等,幷殺無罪四人,海陵不問,杖之五十而已。以裕等罪詔天下。 藥師嘗奏裕有 賞上變

武,持國請督役,遂行尚書省事。 即位,除宮籍副監,賜宮籍庫錢五十萬、宅一區。 不可取也」。事遂寢。 太子務」、「大王莊」,非私家所宜有。 閱三月,遷工部尙書,使朱。 **胥持國字秉鈞,代州繁畤人。經童出身,累調博野縣丞。上書者言民間冒占官地,如** 尋授太子司倉,轉掌飲令,兼司倉。皇太子識之,擢祗應司令。 明昌四年,拜參知政事,賜孫用康牓下進士第。 明年,進尙書右丞 部委持國按覈之。 俄改同簽宣徽院事、工部侍郎, 持國還言「此地自異代已爲民有, 會河 並領宮籍 章宗 決陽

由 以 是大為 秘 術干之, |持 國爲 上所 人柔佞有智術。 文多路遺妃左右用 信任,與妃表裏,筦擅朝政。 初,李妃起微賤,得幸於上。 事人。 妃亦自嫌門地薄,欲藉 誅鄭王永蹈、鎬王永中, 持國久在太子宮,素知上好色,陰 外廷為重,乃數稱 龍 點完顏守貞等事,皆 譽持國能,

列

傳第

惡其卑賤庸鄙也。 起於李妃、持國。 士之好利躁進者皆趨走其門下。四方爲之語曰:「經童作相、監婢爲妃。」

梅、張翰、裴元、郭郛,皆趨走權門,人戲謂『胥門十哲』。復亨、嘉貞尤卑佞苟進,不稱諫職。 俱宜黜罷。」奏可。於是持國以通奉大夫致仕,嘉貞等皆補外。 樞、同知定海軍節度使事張光庭、戶部主事高元甫、刑部員外郎張巖叟、尙書省令史傅汝 承安三年,公 御史臺劾奏:「右司諫張復亨、右拾遺張嘉貞、同知安豐軍節度使事趙

諡曰「通敏」。後上問平章政事張萬公曰:「持國今已死,其爲人竟如何。」萬公對曰:「持國素 臣進退人難,人君進退人易,朕豈以此人復爲相耶。第遷官二階,使之致仕耳。」尋卒于軍, 宜典軍馬,以臣度之,不惟不允人望,亦必不能服軍心,若回日再相,必亂天下。」上曰:「人 爲好利也。」子鼎,別有傳。 行不純謹,如貨酒平樂樓一事,可知矣。」上曰:「此亦非好利。如馬琪位參政,私鬻省醞,乃 撰路鐸問以他事,因語及董師中、張萬公優劣,鐸曰:「師中附胥持國進。持國姦邪小人,不 頃之,起知大名府事,未行,改樞密副使,佐樞密使裹治軍於北京。一日,上召翰林修 記

- [1] 宰相以爲悖理 「悖」原作「情」。據殿本改。
- []〕雜以俳優詼諧語爲業 「詼」原作「談」。據殿本改。
- [B] 見白兔 按本書卷五海陵紀作「白鹿」。
- 承安三年 按本書卷一〇章宗紀作「承安二年八月丙戌,右丞胥持國致仕」。

金史卷一百三十

列傳第六十八

列女

李文妻 河 鄰妻 李英妻 李寶信妻 相琪妻 韓慶民妻 阿魯眞 雷婦師氏 撒合輦 康住 妻 住 許

古妻

馮妙眞 蒲察氏 烏古論氏 素蘭· 妻 忙哥妻 尹氏

白氏 聶孝女 仲德妻 寶符李氏 張鳳奴附

傳,因以諷諫。 助奠之事,旣 漢成帝時,劉向始述三代賢妃淑女,及淫泆奢僭、興亡盛衰之所由, 嫁 職在 范曄始載之漢史。 中 饋 而已,故以無非無儀爲賢。 古者女子生十年有女師,漸長有麻枲絲繭 若乃嫠居寡處,患難顚沛,是皆婦 彙分 之事 類 別, 有祭祀 號列女

二七九七

列

傳

第

六

十

八

列

女

遇不幸,卓然能自樹立,有烈丈夫之風,是以君子異之。

封金源郡夫人。大定間,以其孫藥師爲謀克。 以氊爲甲,以裳爲旗,男夫授甲,婦女鼓譟,沙里質仗劍督戰,凡三日賊去。 時,阿鄰從軍,沙里質糾集附近居民得男女五百人,樹營栅爲保守計。 賊千餘來攻,沙里質 阿鄰妻沙里質者,金源郡王銀术可之妹。天輔六年,黃龍府叛卒攻鈔旁近部族。 皇統二年,論功 是

贼, 賊怒遂支解之。 李寶信妻王氏。 大定十二年,贈「貞烈縣君」。 寶信爲義豐縣令、張覺以平州叛,王氏陷賊中。 賊欲逼室之,王氏駡

州,慶民不屈而死,以其妻配將士,其妻誓死不從,遂自殺。 ·,嘆曰:「如此節操,可謂難矣。」 韓慶民妻者,不知何許人,亦不知其姓氏。慶民事遼爲宜州節度使。天會中,攻破宜 世宗讀太宗實錄,見慶民夫婦

雷婦師氏,夫亡,孝養舅姑。 姑病, 刲臂肉餇之, 姑卽愈。 舅姑旣歿, 兄師逵與夫姪規

其財產,乃僞立媒證致之官,欲必嫁之。 縣官不能辨曲直,師氏畏逼,乃投縣署井中死。 詔

有司祭其墓,賜諡曰「節」。

不可得,乃投崖而死。 康住住、鄜州人。 詔有司致祭其墓。 夫早亡,服闋,父取之歸家,許嚴沂爲妻。 康氏誓死弗聽,欲還夫家

氏不聽,姚訴之官,被逮,遂自縊死。詔有司致祭其墓。 李文妻史氏,同州白水人。夫亡,服闋,誓死弗嫁。 父强取之歸,許邑人姚乙爲妻。

史

人, 諡「莊潔」。 英仕至御史中丞, 有傳。 曰:「汝品官妻,當復爲夫人。」張曰:「我死則爲李氏鬼。」頓坐不起,遂見殺。 追封隴西郡夫 家,張氏盡以所有財物與之。旣而,令張氏上馬,張曰:「我盡以物與汝,猶不見贖邪。」答 李英妻張氏。 英初爲監察御史,在中都,張居濰州。貞祐元年冬,大元兵取濰州,入其

相琪妻欒氏,有姿色。 琪爲萊州掖縣司吏。 貞祐三年八月,紅襖賊陷掖縣, 琪與欒氏

彘所汙者哉。」賊怒,殺之。 及子俱爲 所得。 賊 見欒悅之,殺琪及其子而誘欒。 追封西河縣君、諡「莊潔」。 欒奮起以頭觸賊而仆, 罵曰: 「我豈爲犬

承充 守。 遣將擊萬奴兵,獲其將一人。 之,阿魯眞衣男子服,與其子蒲帶督衆力戰,殺數百人,生擒十餘人,萬奴兵乃解去。 萬奴遣人招之,不從,乃射承充書入城, 爲上京 阿魯眞,宗室承充之女,胡里改猛安夾谷胡山之妻。 元帥,上京行省太平執承充應蒲鮮萬奴。 詔封郡公夫人,子蒲帶 阿魯眞得 視 阿魯眞治廢壘,修器械, 功遷賞 而碎之,曰:「此詐也。」萬奴兵急攻 夫亡寡居,有衆千餘。 積芻糧 興定元年, 後復 以自

亦皆 通 承 顯, 充 已被執 未嘗一 ·,乘間謂其二子女胡、蒲速乃曰:「吾起身宿衞,致位一品,死無恨矣。 日報國家,當思自處,以爲後圖。」二子乃冒險自拔 南 走,是 年 兀 月 若輩 至

門 日 :::「公本無功能,徒以宗室故嘗在禁近,以至提點近侍局,同判睦親府,今又爲留守外路第 肅 如 獨 吉氏,平章政事千家奴之女,護衛銀术可妹也。 撒合輦爲中京留守,大兵圍之,撒合輦 疽 一發背不 自幼動 能軍 、獨 吉氏 有禮法,及適 度城必破,謂撒合輦 内族撒合輦,閨

出,不果,投壕水死,有傳。 巡城,獨吉氏乃取平日衣服粧具玩好布之臥榻,資貨悉散之家人,艷粧盛服過於平日,且戒 出,攜一子走京師。不能則獨赴京師,又不能,戰而死猶可報國,幸無以我爲慮。」撒合輦出 女使曰:「我死則扶置榻上,以衾覆面,四圍舉火焚之,無使兵見吾面。」言訖,閉門自經而 「夫人不辱我,我肯辱朝廷乎。」因命焚之。 年三十有六。 少頃,城破,撒合輦率死士欲奪門 等官,受國家恩最厚。今大兵臨城,公不幸病,不能戰禦。設若城破,公當率精銳奪門而 家人如言, 臥尸榻上, 以衾覆之。撒合輦從外至, 家人告以夫人之死, 撒合輦拊榻曰:

蒲, 仕于朝。 于朝,四年五月,追封劉氏爲郡君,諡曰「貞潔」,其長女諡曰「定姜」,次「肅姜」,以其事付史 爲所汙奈何?不若俱死以自全。」已而,攻城益急,於是劉氏與二女相繼自盡。有司以聞 許古妻劉氏,定海軍節度使仲洙之女也。貞祐初,古挈家僑居庸城,後留劉氏母子于 旣而,兵圍滯,劉謂二女曰:「汝父在朝,而兵勢如此,事不可保。 若城破被驅,

馮妙眞、刑部尚書延登之女也。 生十有八年,適進士張慥。 興定五年,慥爲洛川主簿。

春,慥發井得屍,殯于縣之東郭外。 死時年二十四。 曰:「婦生不辰,不得終執箕箒,義不從辱。」卽攜三子赴井死。 縣人從而死者數十人。 明年 兵破葭州、綏德,遂入鄜延。鄜人震恐具守備,守臣以西路輸芻粟不時至,檄慥詣平涼 子行,妾留奉養。」十一月,洛川破,妙真從舅姑匿窟室,兵索得之。妙眞泣與舅姑訣 時延登爲平涼行省員外郎,慥欲偕妙眞以往,妙眞辭曰:「舅姑老矣,雖有叔姒,妾能

縊 子于省中,人自閱之。 「崔立不道,强人妻女,兵在城下,吾何所逃,惟一死不負吾夫耳。汝等惟善養幼子。」遂自 而死、欣然若不以死爲難者。時年二十七。 妾必不辱。」 長樂一子在幼,出妻柴氏所生也, 明秀撫育如己出。 崔立之變, 驅從官妻 浦 將行、屬蒲察氏曰:「無他言,夫人愼毋辱此身。」明秀曰:「君第致身事上,無以妾爲 察氏字明秀,鄜州帥訥申之女,完顏長樂之妻也。 蒲察氏聞,以幼子付婢僕,且與之金幣,親具衣棺祭物,與家人訣曰: 哀宗遷歸德,以長樂爲總領,將兵

。日一崔立之變,衣冠家婦女多爲所汙,鳥古論氏謂家人曰:「吾夫不辱朝廷,我敢辱吾 烏古論氏,伯祥之妹,臨洮總管陀滿胡土門之妻也。伯祥朝貴中聲譽藉甚,胡土門死

兄及吾夫乎。」卽自縊。 婢從死。

陷身以辱吾夫乎。 參政完顏素蘭妻,亡其姓氏。當崔立之變,謂所親曰:「吾夫有天下重名,吾豈肯隨衆 今日一死固當,但不可無名而死,亦不可離吾家而死。」卽自縊于室。

不能爲君死乎。」一婢曰:「主死、婢將安歸。」是日、夫婦以一繩同縊、婢從之。 功世襲謀克,收充奉御。 度秦州,爲大元兵所攻,適病不能軍,忙哥爲提控,獨當一面。兵退而益都死,忙哥以城守 溫特罕氏,夫完顏忙哥,五朶山宣差提控回里不之子也,系出蕭王。忙哥叔父益都,節 及崔立之變,忙哥義不受辱,與其妻訣。妻曰:「君能爲國家死,我

|岡 其妻金源郡夫人聞猪兒死,聚家資焚之,遂自縊,年三十一。猪兒贈官,弟長住卽日詔 尹氏,完顏猪兒之妻也。 猪兒系出蕭王,天興二年正月從哀宗爲南面元帥,戰死黃陵

補護衛

白氏,蘇嗣之之母,許州人,宋尚書右丞子由五世孫婦也。 傳 第 六 十 八 列 女 初,東坡、潁濱、叔黨俱葬郟 二八〇三

掃,士大夫求瞻拜者往往過其家奠之。天興元年正月庚戌,許州被兵,嗣之爲汴京廂官,白 白氏微聞之、牽車徑歸、曰:「我爲蘇學士家婦、又有子、乃欲使我失身乎。」自是,外家非有 城之小峨嵋山,故五世皆居許昌。 年七十餘。嗣之本名宗之,避諱改焉。 拜辭兩先生前曰:「兒子往京師,老婦死無恨矣,敢以告。」卽自縊於室側。 大故不往也。嘗於宅東北爲祭室、畫兩先生像、圖黃州、龍川故事壁間、香火嚴潔、躬自洒 白氏年二十餘卽寡居,服除,外家迎歸,兄嫂竊議改醮 家人幷屋焚之。

卒,歸父母家。及哀宗遷歸德,天驥留汴。崔立劫殺宰相,天驥被創甚,日夜悲泣,恨不卽 死。舜英謁醫救療百方,至刲其股雜他肉以進,而天驥竟死。 **聶孝女字舜英,尚書左右司員外郎天驥之長女也。年二十三,適進士張伯豪。** 伯豪

葬其父之明日,絕脰而死。一時士女賢之,有爲泣下者。其家以舜英合葬張伯豪之墓。 頗讀書知義理,自以年尚少艾,夫旣亡,父又死非命,比爲兵所汙,何若從吾父于地下乎。 時京城圍久食盡,閭巷同有嫁妻易一飽者,重以崔立之變,剽奪暴凌,無復人理。

完顏仲德妻,不知其族氏。崔立之變,妻自毀其容服,攜妾及二子給以采蔬,自汴走

諸命婦自作一軍"親運矢石於城下,城中婦女爭出繼之。 蔡被圍,丁男皆乘城拒守,謂仲德曰:「事勢若此,丈夫能爲國出力,婦人獨不能耶。」率 城破自盡

當赴龍庭,將發,卽於佛像前自縊死,且自書門紙曰:「寶符御侍此處身故。」後人至其處,見 哀宗寶符李氏,國亡從后妃北遷,至宣德州,居摩訶院,日夕寢處佛殿中,作幡旅

其遺跡,憐而哀之。

祭于西門。 俘至此。 天興元年,北兵攻城,矢石之際忽見一女子呼於城下曰:「我倡女張鳳奴也, 彼軍不日去矣,諸君努力爲國堅守,無爲所欺也。」言竟,投濠而死。 朝廷遣使馳 許州破被

正大、天興之際,婦人節義可知者特數人耳。 鳳奴之事別史錄之、蓋亦有所激云。

校勘記

【1】胡土門死王事 「王」原作「主」。 據殿本改。

金史卷一百三十一

列傳第六十九

宦者

梁珫 宋珪潘守恒附

珪、潘守恒頗能諷諫宣、哀,時有裨益,蓋傭之佼佼、鐵之錚錚者也。 君爲所誤多矣。 法置近侍局、嘗與政事、而宦者少與焉。惟海陵時有梁珫、章宗時有梁道、李新喜干政、二 比糾結不可制。 宦者養子以繼世。唐世,繼者皆爲閹人,其初進也,性多巧慧便僻、善固恩寵,及其得志,黨 古之宦者皆出於刑人,刑餘不可列於士庶,故掌宮寺之事,謂之「婦寺」焉。東漢以來, 東漢以宦者亡,唐又甚焉。世儒論宦者之害,如毒藥猛虎之不可拯也。」金 世傳梁道勸章宗納李妃後宮,金史不載梁道始末,弗得而論次之。惟宋 作宦者傳。

列傳

第

六十

九

宦者

二八〇七

赦。」宦者始與政事,而珫委任尤甚,累官近侍局使。及營建南京宮室,海陵數數使珫往視 此中豈無人乎。卿等宜悉此意。帑藏之物皆出民力,費十致一,當糾察姦弊,犯者必罰無 藏,海陵謂光道等曰:「人言宦者不可用,朕以爲不然。後唐莊宗委張承業以軍,竟立大功, 宦者惟掌掖廷宮闈之事。天德三年,始以王光道爲內藏庫使,衞愈、梁安仁皆以宦官領內 之均禮。 工役。是時,一殿之費已不可勝計,弦或言其未善,卽盡撤去。雖丞相張浩亦曲意事之,與 梁珫,本大臭家奴,隨元妃入宮,以閹豎事海陵。成性便佞,善迎合,特見寵信。 舊制,

貯衾褥之新潔者俟得劉貴妃用之。議者言珫與宋通謀,勸帝伐宋,徵天下兵以疲弊中 海陵欲伐宋,珫因極言宋劉貴妃絕色傾國。 海陵大喜,及南征將行,命縣君高師姑兒 國。

目亦可疑,必與既同謀者。」皆命執於軍中。 朕拔擢至此,乃敢爾耶。 若至江南詢得實迹,殺汝亦未晚也。」又謂校書郎田與信曰:「爾面 海陵至和州,聞珫與宋人交通有狀,謂珫曰:「聞汝與宋國交通,傳泄事情。 海陵遇弑,珫、與信皆爲亂軍所殺 汝本奴隸,

云…「社稷棄之中都,南京作燈戲有何看耶。」宣宗微聞之,杖之二十,旣而悔之,有旨宣諭。 宋珪本名乞奴,燕人也。爲內侍殿頭。宣宗嘗以元夕欲觀燈戲,命乞奴監作,乞奴誶語

畜賤人,豈可宣示四方。」哀宗惡其大計,又杖之,尋亦悔,賜物慰遣之。 百方索之,農民不與,與之物直,僅乃得。事聞,哀宗欲送其人於有司,乞奴從旁諫曰:「貴

哀宗放鷂後苑、鷂逸去、勅近侍追訪之。市中一農民臂此鷂、近侍不敢言宮中所逸者、

官奴自亳還,哀宗御臨漪亭,召參政張天綱及官奴議事。官奴入見,珪等卽從旁殺之,及其 往亳州、珪陰與奉御吾古孫愛實、納蘭忆荅、護衞女奚烈完出、范陳僧、王山兒等謀誅之。 餘人。倉皇之際,哀宗不得已,以官奴權參知政事,旣爲所制,含恨欲誅之未能也。及官奴 及哀宗至歸德,馬軍元帥蕭察官奴爲變,殺左丞李蹊、參政石盞女魯歡以下從官三百

黨阿里合、白進、習顯。

及蔡城破,哀宗自縊於幽蘭軒,珪與完顏斜烈、焦春和等皆從死。

守恒進櫛,曰:「願陛下還宮之日無忘此草廬中,更加儉素,以濟大業。」上聞其言,悽惋咨嗟 有潘守恒者亦內侍也,素稱知書,南遷後規益甚多。及哀宗自蕭城走歸德,道次民家,

金 史 卷 百

方伎

劉完素 張從正 李慶嗣 紀天錫 張元素

馬貴中 武旗子亢 李懋 胡德新

黃,以傳其祕奧耳。 秦人至以周易列之卜筮,[1] 斯豈易言哉,第古之爲術以吉凶導人而爲 善,後世術者或以休咎導人爲不善,古之爲醫以活人爲功,後世醫者或因以爲利而誤殺人, 後世史官作法伎傳,蓋祖其意焉。 故爲政於天下,雖方伎之事亦必愼其所職掌而務旌別其賢否焉。 而 不誣,劉完素、張元素之治療通變,學其術者皆師尊之,不可不記云。 太史公敍九流、述日者、龜策、扁鵲倉公列傳。劉歆校中祕書,以術數、方伎載之七略 或曰素問、內經言天道消長、氣運贏縮,假醫術,託岐、 金世,如武禛、武亢之信

十八字,注二萬餘言。然好用涼劑,以降心火、益腎水爲主。自號「通元處士」云。 之者。乃撰運氣要旨論、精要宣明論,慮庸醫或出妄說,又著素問玄機原病式,特舉二百八 劉完素字守眞,河間人。嘗遇異人陳先生,以酒飲守眞,大醉,及寤洞達醫術,若有授

吐者吐之則死,各有經絡脈理,世傳黃帝、岐伯所爲書也。從正用之最精,號「張子和汗下 起疾救死多取效。古醫書有汗下吐法,亦有不當汗者汗之則死,不當下者下之則死,不當 有「六門、二法」之目,存於世云。 吐法」。妄庸淺術習其方劑,不知察脈原病,往往殺人,此庸醫所以失其傳之過也。其所著 張從正字子和,惟州考城人。精於醫,貫穿難、素之學,其法宗劉守眞,用藥多寒涼,然

平尤甚,貧者往往闔門臥病。慶嗣携藥與米分遺之,全活者衆。 所著傷寒纂類四卷、改證活人書三卷、傷寒論三卷、針經一卷,傳於世。 李慶嗣,洛人。少舉進士不第,棄而學醫,讀素問諸書,洞曉其義。 慶嗣年八十餘無疾而終。 天德間,歲大疫,廣

列傳

紀天錫字齊卿,泰安人。早棄進士業,學醫,精於其技,遂以醫名世。 集註難經五卷,

大定十五年上其書,授醫學博士。

|素病傷寒八日,頭痛脈緊,嘔逆不食,不知所爲。 |元素往候, 完素面壁不顧, 元素曰:「何見 待之卑如此哉。」旣爲診脈,謂之曰:「脈病云云,」曰:「然。」「初服某藥,用某味乎。」曰: 醫,無所知名,夜夢有人用大斧長鑿鑿心開竅,納書數卷於其中,自是洞徹其術。 矣。」完素大服,如其言遂愈,元素自此顯名。 「然。」元素曰:「子誤矣。 某味性寒,下降走太陰,陽亡汗不能出。 今脈如此,當服某藥則效 張元素字潔古,易州人。八歲試童子舉。二十七試經義進士,犯廟諱下第。乃去學 河間劉完

平素治病不用古方,其說曰:「運氣不齊,古今異軌,古方新病不相能也。」自爲家法云。

爲 大同府判官。久之,遷司天監。正隆三年三月辛酉朔,日當食。是日,候之不食,海陵謂 馬貴中,天德中,爲司天提點。與核書郎高守元奏天象災異忤旨,海陵皆杖之,黜貴中

貴中曰:「自今凡遇日食皆面奏,不須頒示內外。」

微,至屏星,留、退、西出。。近書,熒惑常以十月入太微庭,受制出伺無道之國。十二月,太 海陵伐宋,問曰:「朕欲自將伐宋,天道何如?」貴中對曰:「去年十月甲戌,熒惑順入太

白晝見經天,占爲兵喪、爲不臣、爲更主,又主有兵兵罷、無兵兵起。」

鎭戎軍地震大風,海陵以問,貴中對曰:「伏陰逼陽,所以震也。」又問曰:「當震,大風

九日,太白入太微右掖門,九月二日,至端門,九日,至左掖門出,並歷左右執法。太微爲天 何也?」對曰:「土失其性則地震,風爲號令,人君命令嚴急則有烈風及物之災。」 六年二月甲辰朔,日有暈珥戴背,海陵問:「近日天道何如?」貴中對曰:「前年八月二十

也。」貴中又曰:「當端門而出,其占爲受制,歷左右執法爲受事,此當有出使者,或爲兵,或 爲賊。」海陵曰:「兵興之際,小盜固不能無也。」及被害于揚州,貴中之言皆驗。 子南宫,太白兵將之象,其占,兵入天子之廷。」海陵曰:「今將征伐而兵將出入太微,正其事

擊毬皆危事也。 大定八年,世宗擊毬於常武殿,貴中上疏諫曰:「陛下為天下主,守宗廟社稷之重,圍獵 前日皇太子墜馬,可以為戒,臣願一切罷之。」上曰:「祖宗以武定天下,豈

列傳

以承平遽忘之邪。皇統嘗罷此事,當時之人皆以爲非,朕所親見,故示天下以習武耳。」 十年十一月,皇太子生日,世宗宴百官于東宮。上飮歡甚,貴中被酒前跪欲言事,錯亂

失次,上不之罪,但令扶出。

待詔東華門。其友王鉉問顧曰:「朝廷若問國祚修短,子何以對。」順曰:「當以實告之,但更 院僕散安貞聞其名,召至徐州,以上客禮之,每出師必資焉,其占如響。正大初,徵至汴京, 言周過其歷,秦不及期,亦在修德耳。」 武禎,宿州臨渙人。祖官太史,靖康後業農,後畫界屬金。 **禎深數學。** 貞祐間,行樞密

雲,赤日如此,安得有雨。」,顧笑曰:「若是,則天不誠也。 天何嘗不誠。」旣而東南有雲氣,須 央蔽天,平地雨注二尺,衆皆驚嘆。 尋除司天臺管勾。

測也。哀宗至蔡州,右丞完顏仲德薦其術。召至,屛人與語,大悅,除司天長行,賞賚甚厚。 子亢,寡言笑,不妄交。嘗與一學生終日相對,握籌布畫,目炯炯若有所營,見者莫

有亡國之徵,三軍苦戰於西垣前後有日矣。 上書曰:「比者有星變于周、煙之分,彗星起于大角西,掃軫之左軸,蓋除舊布新之象。」又 ·鄭、楚、周三分野當赤地千里,兵凶大起,王者不可居也。」又曰:「蔡城有兵喪之兆,楚 城壁傾頹,內無見糧,外無應兵,君臣數盡之年 性頗倨傲、朝士以此非之。

也。」聞者悚然奪氣,哀宗惟嗟嘆良久,不以爲罪。

是日,亢赴水死云。 期,日但密計糧草使可給至其日不闕者。 「解圍當在何日?」對曰:「明年正月十三日,城下無一人一騎矣。」帝不知其由,乃喜圍解有 明年甲午正月十日,蔡州破,十三日,大元兵退。 末帝問曰:〔三〕

矣。」使者曰:「何謂也?」懋曰:「我數當盡今日,尚復何言。」遂索酒,痛飲就死 凶之變, 於哀宗。 李懋,不知何許人。 人以爲神。 遣近侍密問國運否泰,言無忌避。 帝惡其言太洩,遣使者殺之。使者乃持酒肴入寺,懋出迎, 有異術。 正大間,游京兆,行省完顏合達愛其術,與俱至汴京,薦 居之繁臺寺,朝士日走問之,或能道隱事及吉 笑曰:「是

陳、許問,見其人亦有太半當死者。 若吾目可用,則時事可知矣。」 鉉驚問應驗遲速,曰:「不 蕭然,胡亦舉家及難,其精驗如此。 子。」遂邀至野田、密謂曰:「某自去年來、行院、葉道中、見往來者十且八九有死氣。 今春至 待,酒酣、舉大白相屬曰:「君此去事業甚遠,不必置問。某有所見, 久不敢對人言,今欲告 過歲月間耳,某亦不逃此厄,請密誌之。」明年,大元兵由俭、房入,取峭石灘渡漢,所過廬舍 吾法中當登科甲,何以謂之兵官。」衆愕然,遂以實告。二人相得甚歡,卽命家人具雞酒以 七年夏,與燕人王鉉邂逅於葉縣村落中。 胡德新,河北士族也。 寓居南陽,往來宛、葉間,嗜酒落魄不覊,言禍福有奇驗。 與鉉初不相識,坐中謬以兵官對,胡曰:「此公在 正大

校勘記

[一] 秦人至以周易列之卜筮 「至」原作「致」。據殿本改。

末帝問日 按「末帝」當作「哀宗」。 參見本書卷五六百官志二校記[1七]。

金史卷一百三十二

列傳第七十

逆臣

秉德 本名乙辛 唐括辯 烏帶 大興國 徒單阿里出虎

僕散師恭 本名忽土 徒單貞 李老僧 完顏元宜

紀石烈執中 本名胡沙虎

惡而勸善。 昔者孔子作春秋而亂臣賊子懼,其法有五焉:微而顯,志而晦,婉而成章,盡而不汙,懲 夫懲惡乃所以勸善也,作逆臣傳。

秉德,本名乙辛。 初爲西南路招討使,改汴京留守。 丁母憂,起復爲兵部尚書,拜參知

列

政事 怒,杖秉德而殺三合。是時,熙宗在位久,悼后干政,而繼嗣 屯燕南, 秉德及左司郎中三合議其事。 近侍高壽星在徙中, 壽星訴於悼后, 后以白帝, 帝 0 皇統 年,與烏林荅蒲盧虎等廉察郡縣,使還,拜平章政事。 未立,帝無聊不平,屢殺宗室, 廷議欲徙遼陽渤海 人

中、左副元帥,封蕭王,賜鐵券,與錢二千萬、絹一千匹、馬牛各三百、羊三千。 久之,爲鳥帶 帶、忽土、阿里出虎、〇大興國、李老僧、海陵妹夫特厮,弑熙宗于寢殿。 時秉德位在海陵上,因被杖怨望謀廢立,而海陵因之以爲亂。 陵,已弑熙宗,未有所屬,忽土奉海陵坐,秉德等皆拜稱萬歲。殺曹國王宗敏、左丞相宗賢。 烏帶以其謀告海陵,海陵乃與秉德謀弑熙宗。皇統九年十二月九日,遂與唐括辯、烏 秉德以其故懷忿,乃與唐括辯、烏帶等謀廢立。 既立、以秉德爲左丞相、兼侍 秉德初意不在海

所譖,出領行臺尚書省事 時、震德方在告,亟召之,限十日內發行。會海陵欲除太宗諸子,弁除秉德,以秉德首謀

獨曰了已前會說那公事,頗記憶否」。漫獨曰了不存性命事何可對衆便說」。 廢立,及弑熙宗不卽勸進,銜之。烏帶因言秉德與宗本謀反有狀,曰:「昨來秉德曾於宗本 斥主上,語皆不順。及秉德與宗本相別時,指斥尤甚, 家飲酒,海州刺史子忠言,秉德有福,貌類趙太祖,秉德偃仰笑受其言。 且謂 曆數有歸。 秉德 臣妻言秉德妻嘗指 招刑部侍郎漫 似此逆狀甚

明。」海陵遣使就行臺殺秉德,并殺前行臺參知政事烏林苔贊謀

薄之,由是有隙,故思忠乘是幷誣贊謀及其子,殺之。 贊謀妻,秉德乳母也。初,贊謀與前行臺左丞溫敦思忠同在行臺,思忠贖貨無厭,贊謀 **贊謀不肯跪受刑,行刑者立而縊殺**

之。海陵以贊謀家財奴婢盡賜思忠。

秉德與烏帶以口語致怨,旣死遂并殺其弟特里、虬里,及宗翰子孫,死者三十餘人,宗

翰之後遂絕。世宗卽位,追復秉德官爵,贈儀同三司。

年,世宗憫宗翰無後,詔以猛安謀克還撒改會孫盆買,遣使改葬撒改、宗翰於山陵西南二十 初,撒改薨,宗翰襲其猛安親管謀克。秉德死,海陵以賞烏帶,傳其子兀荅補。 大定六

里,百官致奠,其家產給近親以奉祭祀。

秉德旣死,其中都宅第,左副元帥果居之。 杲死,海陵遷都,迎其嫡母徒單氏居之。 徒

單遇害,世宗惡其不祥,施爲佛寺。

事,誰可立者。『辯曰:「無乃胙王常勝乎。』海陵問其次,辯曰:「鄧王子阿楞。」海陵曰:「阿楞 右丞相秉德謀廢立,而烏帶以告海陵,海陵謂辯曰:「我輩不能匡救,旦暮且及禍。若行大 唐括辯本名斡骨刺。尚熙宗女代國公主,爲駙馬都尉。 累官參知政事、尚書左丞。與

護衞將軍特思疑之,以告悼后曰:「辯等因間每竊竊偶語,不知議何事。」悼后以告熙宗,熙 屬疏,安得立。」辯曰:「公豈有意邪?」海陵曰:「若不得已,捨我其誰。」於是,旦夕相與密謀

宗怒、召辯責之曰:「爾與亮謀何事、將如我何。」杖而遣之。自是謀益甚。

匹、馬牛各三百、羊三千、幷鐵券。進拜左丞相。父彰德軍節度使重國,遷東平尹。 舉刀呵之使無動。旣弑熙宗,立海陵,辯爲尚書右丞相兼中書令,封王,賜錢二千萬、絹千 至夜,辯等以刀藏衣下,相隨入宮,門者以辯駙馬不疑,皆內之。至殿門,直宿護衞覺之,辯 十二月九日、三代國公主為其母悼后作佛事、居寺中、故海陵、秉德等俱會於辯家。

益忌之。 位,嘗與辯觀太祖畫像,海陵指示辯曰:「此眼與爾相似。」辯色動,海陵亦色動,由是疑辯, 興國出宮,辯因設饌,衆皆恇懼不能食,辯獨飽食自若,海陵由此知其忮忍,畏忌之。及卽 初,辯與海陵謀逆,辯嘗言其家奴多可用者,海陵固已懷之。及行弑之夕會於辯家,待 及與蕭裕謀致宗本罪,幷致辯嘗與宗本謀反,卽殺之。

重 國 坐奪官,正隆二年,起爲沂州防禦使,改淸州防禦使。大定初,重國與徒單拔改俱

以政跡著聞、歷安國、彰化、横海軍節度使。

是時,海陵已降爲庶人,以辯與弑逆,不許。 後辯子孫上書、言辯死天德間、祖重國亦坐追削。 正隆初,重國已復官職,乞追復辯官

位,烏帶爲平章政事,封許國王,賜錢、絹、馬、牛、羊、鐵券,並如其黨。 臣往往危懼,右丞相秉德、左丞唐括辯謀廢立,烏帶卽詣海陵啓之,遂與俱弑熙宗。 言本名烏帶,行臺左丞相阿魯補子也。 熙宗時,累官大理卿。 熙宗晚年喜怒不常,大 海陵即

親,海陵以烏帶告秉德事,故宗本之禍烏帶獨免,遂以秉德千戶謀克及其子婦家產盡賜之。 以爲實然,故出秉德,已而殺之,以秉德世襲猛安謀克授鳥帶。進右丞相。鳥帶與宗本有 進司空、左丞相、兼侍中。 有不諱、誰當繼者。臣曰:主上有皇子。 秉德曰:嬰兒豈能勝天下大任,必也葛王乎」。海陵 未發也。時海陵多忌,會有疾,少間,烏帶遂誣奏「秉德有指斥語,曰:主上數日不視朝,若 烏帶妻唐括氏淫泆,舊與海陵通,又私其家奴閻乞兒,秉德嘗對熙宗斥其事,烏帶銜之

符乘驛赴喪,追封爲王,仍詔有司送其靈車,賜絹三百爲道途費。納唐括於宮中,封貴妃。 因其侍婢來候問起居,海陵許立爲后,使殺烏帶。 **陵**御殿,知鳥帶率百官出朝,惡之,遂落司空,出爲崇義軍節度使。後海陵思慕唐括容色, 兀荅補襲猛安謀克。

大定六年,以猛安謀克還撒改會孫,以阿魯補謀克授

兀荅補,終 居數月、烏帶早朝,以日陰晦將雨,意海陵不視朝,先趨出朝,百官皆隨之去。已而海 海陵詐爲鳥帶哀傷,使其子兀荅補佩金

同 知大興 尹。 子塘、本名烏也阿補、以曾祖阿魯補功、充筆硯祗侯。

宗使興國以宋司馬光畫像及他珍翫賜海陵,悼后亦以物附賜,熙宗不悅,杖興國一 寢,興國時從主者取符鑰歸家,主者卽以付之,聽其出 大興國,事熙宗爲寢殿小底,權近侍局直長,最見親信,未嘗去左右。 入以爲常。 皇統九年, 每速夜, 熙宗就 海陵生日 百。 。 熙

定,爾以爲如何。」興國曰:「如大王言,事不可緩也。」 疑。 也。」海陵曰:「朝臣旦夕危懼,皆不自保。 說之,乃因李老僧結興國。旣而,知無異心可與謀,乃召至臥內,令解衣,欲與之俱臥,意有 乃以常勝家產賜阿楞, 旣又殺阿楞, 遂以賜我。 所屬者。 主上嘗言會須殺君,我與君皆將不免, 海陵謀弑,意先得興國迺可伺間入宮行大事,且度興國無罪被杖必有怨望心 興國固辭不敢,曰:「卽有使,惟大王之命。」海陵曰:「主上無故殺常勝,又殺皇后。 向者我生日,因皇后附賜物,君遂被杖,我亦見 寧坐待死何如舉大事。 我深以爲憂,奈何?」興國曰:「是固可慮 我與大臣數人謀議已 ,可乘此

熙宗常置佩刀於御楊上,是夜興國先取投楊下,及亂作,熙宗求佩刀不得,遂遇弑。 乃約十二月九日夜起事。 興國取符鑰開門,矯詔召海陵入。夜二更,海陵、秉德等入。

海陵旣立,以興國爲廣寧尹,賜奴婢百口、犀玉帶各一、錢絹馬牛鐵券如其黨,進階金

紫光祿大夫。 巾、玉鈎帶、玉佩刀、及玉核鞍轡。 再賜興國錢千萬、黃金四百兩、銀千兩、良馬四匹、駝車一乘、橐駝三頭、眞珠 天德四年,改崇義軍節度使,賜名邦基。 再授絳陽、武寧

節度使,改河間尹。

曰:「大邦基與海陵同謀弑逆、逋誅至今、爲幸多矣。」遂磔于思陵之側。 「大邦傑因其弟進,濫厠縉紳,豈可復用。」併罷其子弟與所贈父官。及海陵降爲庶人,詔 世宗卽位,廢于家,凡海陵所賜皆奪之。大定中,邦基兄邦傑自京兆判官還,世宗曰:

海陵復刃之,血濺其面及衣。 男子所為。主上不能保天下,人望所屬惟在阿家,今日之謀乃我素志也。」遂與忽土俱以十 出虎子,而以逆謀告之。阿里出虎素凶暴,聞其言喜甚,曰:「阿家此言何晚邪,廢立之事亦 軍帥,皇統四年爲兵部侍郎,歷天德軍節度使,改興中尹,與宗幹世爲姻家。皇統九年,阿 二月九日直禁中,海陵故以是夜二更入宮,至寢殿,阿里出虎先進刃,忽土次之,熙宗頓仆, 虎與僕散忽土俱爲護衞十人長。海陵將弑熙宗,欲得二人者爲內應,遂許以女妻阿里 徒單阿里出虎,會寧葛馬合窟申人,徙懿州。父拔改,太祖時有戰功,領謀克,曷速館

海陵旣立,以阿里出虎爲右副點檢,賜錢絹馬牛羊如其黨,子术斯刺尙榮國公主合女,

加昭毅大將軍駙馬都尉。 天德二年,留守東京,加儀同三司。八月,改河間尹,世襲臨潢府

斜刺阿猛安領親管謀克。以憂去職,起復爲太原尹,封王。 四 里出虎自謂有佐立功,受鐵券,凶狠益甚,奴視僚屬,少忤其意輒箠辱無所恤。 嘗問

休咎於卜者

高鼎,遂以鼎所占問張王乞。

王乞以謂當有天命,阿里出虎喜,以王乞語告鼎

上變,阿里出虎伏誅,并殺其妻及王乞。海陵使其子术斯刺焚其尸,投骨水中。

尹 、,入爲工部尚書,改興平軍節度使、濟南尹,卒。 拔改自西京留守歷西南路招討使、忠順軍節度使,入爲勸農使,復爲河間尹,改臨洮

未敢 海陵 海陵曰:「主上失道,吾將行廢立事,必得君爲助乃可。」忽上許之。 也。」忽土曰:「肌肉之外皆先太師所賜,苟有補於國王,死不敢辭。」先太師,謂宗幹也。 《謀逆,以忽土出自其家,有恩,欲使爲內應,謂之曰:「我有一言欲告君久矣,恐泄於人, 僕散師恭本名忽上,上京老海達萬人。本微賤,宗幹嘗周恤之,擢置宿衞爲十人長。

動,忽土曰:「事至此,不進得乎。」乃相與排闥而入。旣弑熙宗,秉德等尙未有所屬,忽土 : 「始者議立平章,今復何疑。」乃奉海陵坐,衆前稱萬歲。 十二月九日,忽土直宿,海陵因之入宮。至寢殿,熙宗聞步屣聲,叫之,衆皆却立不敢 遂召曹國王宗敏至,卽使忽土

爲 太子 右 少師 丞 旣 一相 卽 、工部尚書,封王。 位,忽土爲左副點檢,賜錢絹馬牛羊鐵券。 正隆初,拜太尉,復爲樞密使。 頃之, 以憂解 職。 無何, 起復爲樞密副使,進拜樞密使。 以憂去、起復爲太尉、樞密使。 轉都點檢,改名師恭。〔三遷會寧牧,拜 貞元三年,

海陵 軍臨 |恭臨刑, 惡之,疑其與太后有異謀。 契丹撒八反,海陵命忽土與蕭懷忠北伐。 使樞密副使白彥敬等討撒八,師恭還,遣其子忽殺虎乘傳逆之,至則執而戮于市。 海陵 繩枚窒口不能言,但舉首視天日而已。 至汴京,賜忽土第 而撒八聞師恭以大軍且至,乃謀歸大石,沿龍駒河西去。 是時,蕭禿剌、斡盧補與契丹撒八連戰皆無功,糧運 一區,隣寧德宮。 比行,忽土入辭寧德,太后與語 宮,徒單太后所居也,忽土時時入見太后。 遂族滅之,并誅滅蕭禿剌、蕭賾、蕭懷忠家。 師恭至臨潢,追之不及。 八之。 是不繼, 海陵聞 乃退 師 而 及

師恭 土等惟怯 臣在 師恭族人臨潢尹守中、定遠大將軍 軍 大定初,皆復官爵。及海陵降爲庶人,師恭以預 中 禿刺、蕭懷忠追撒八不及,皆坐誅,遂夷其族,虐之甚也。」平章政事**攘** 遷延,賊乃遁去。」上曰:「審如是,則誅之可也。」兄渾坦。 ·,<u>忽土、</u>賾有精甲一萬三千有餘,賊軍雖多皆脅從之人, 阿里徒等皆奪官。 二十八年,上謂宰臣曰:「海陵遣僕散 弑復削之。 世宗幸上京,過老海達葛, 以氈紙爲甲, 對日 易與也。

列

都點檢,兼太子少保,封王。改大興尹,都點檢如故。俄授臨潢府路昏斯魯猛 以戰功累官開府儀同三司。貞娶遼王宗幹女,海陵同母女弟也。 徒單貞,本名特思,忒黑闢刺人也。祖抄,從太祖伐遼有功,授世襲猛安。 海陵旣立,以貞爲左衞將軍,封貞妻平陽長公主,貞爲駙馬都尉、殿前左副點檢。 皇統 九年,貞與海陵俱弑 父婆盧火,

年,例封瀋。 能以勤自勵,朕當思之。不然,黜爾歸田里矣。」逾月,復爲都點檢、大興尹如故。 公主與朕同胞,故少示懲戒。」貞但號泣。即日解點檢職,仍爲大興尹,復戒之曰:「今而後 凡人富貴而驕,皆死徵也。汝若不制汝心,將無所不至,賜之死復何辭。朕念弟襄及 居二年,海陵召貞勖之曰:「汝自幼常在左右,頗著微勞,而近日乃怠忽,縱有罪,樹私 遷樞密副使,賜佩刀入宮,轉同判大宗正事。 正隆二

若以飲酒殺人太重,固當諫,古人三諫不聽亦勉從君命。魏武帝軍行令曰『犯麥者死』。已 陵召貞詰之曰:「戎事方殷,禁百官飲酒,卿等知之乎。」貞等伏地請死,海陵數之曰:「汝等 京、安武節度使爽、金吾上將軍阿速飲於貞第。海陵使周福兒賜土牛至貞第,見之以告,海 而 所乘馬入麥中,乃割髮以自刑。犯麥,微事也,然必欲以示信。 海陵將伐宋,詔朝官除三國人使宴飲,其餘飲酒者死。六年正月四日立春節,益都尹 **朕爲天下主,法不能行于**

京等三人各杖一百,降貞爲安武軍節度使,京爲灤州刺史,爽歸化州刺史。 貴近乎? 朕念慈憲太后子四人,惟朕與公主在,而原等皆近屬,曲貸死罪。」於是杖貞七十,

清平縣主。 時、詔先以官錢還其主,而令貞納官。凡還主贓,皆準此例。降貞爲博州防禦使,降貞妻爲 「未也。」上怒,抵昌圖罪,復遣刑部尚書移刺道往眞定問之,徵其贓還主。有司徵給不以 尹,事覺。世宗使大理卿李昌圖鞫之,貞卽引伏,昌圖還奏,上問之曰:「貞停職否。」對曰: 都,韶以貞女爲皇太子妃,除貞爲太原尹,改咸平。貞在咸平貪汙不法,累贓鉅萬,徙眞定 無何,拜貞御史大夫,以本官爲左監軍,從伐宋。至揚州,海陵死,北還。 見世宗于中

十端,賜貞擊毬馬二匹。改東京留守,賜玉吐鶻、弓矢,賜貞妻錢萬貫。 非常之恩不可數得,卿勿蹈前過。」轉河中尹。進封其妻爲任國公主,賜黃金百兩、重綵二 頃之,遷震武節度使,四遣使者往戒勅之,詔曰:「朕念卿懿戚,不待終考, 更遷大鎮。

其子孫及諸女皆降,貞妻降水平縣主,貞自儀同三司降特進,奪猛安,不稱駙馬都尉。再徙 有司奏「海陵已貶爲庶人、宗幹不當猶稱帝」。於是,以宗幹有社稷功,詔追封爲遼王,

初,與弑熙宗凡九人,海陵以暴虐自斃,秉德、辯、忽土、阿里出虎以疑見殺,言以妻殞,

舒號,而 裕、老僧以反誅,至是貞與大興國尚在。 世宗慮久遠,終不以私恩曲庇,久之,詔誅貞及其妻與二子愼思、十六,而宥其諸 而興國擯棄不用,獨貞以世姻籍恩寵,雖夫婦降削

孫。俄而,興國亦誅,皇統逆黨盡矣。

廣平郡王,諡莊簡。貞妻進封梁國公主。 火 司徒齊國公,貞妻梁國夫人,子陁補火、愼思、十六俱爲鎭國上將軍。 章宗卽位,尊母皇太子妃爲皇太后,追封貞爲太尉梁國公,貞祖抄司空魯國公,父婆盧 無何,再贈貞太師

爲省令史。及將舉事,使老僧結興國,興國終爲海陵取符鑰,納海陵宮中成弑逆者,老僧爲 李老僧,舊爲將軍司書吏,與大興國有親,素相厚。海陵秉政,興國屬諸海陵,海陵以 海陵旣立,以老僧爲同知廣寧尹事,賜錢千萬、絹五百匹、馬牛各二百、羊二千。

久之,海陵惡<u>韓王亨,將殺之,求其罪不可得,遂以亨爲廣寧尹,再任</u>老僧同知,使伺察

耶律安禮自廣寧還朝,海陵謂之曰:「孛迭三罪,伏其一已見觖望。爾乃梁王故吏,若亭伏 亨,構致其罪。 疑者久之。 海陵再使小底訛論促老僧,老僧乃與序家奴六斤謀,殺序獄中,語在亭傳。 亨喜博,及至廣寧,常與老僧博,待之甚厚。老僧由是不忍致亨死罪,遲

辜,必罪及親族,故榜殺之。」

海 烫 以老僧於亨有遲回意,遂降老僧爲易州刺史。 久之, 遷同知大興尹 ′,賜名惟忠,改

延安府同知。大定二年,與兵部尚書可喜謀反,誅。

宗謂 稽古殿 出虎為 姦竊 有奔走, 之綴衣,所謂護衛猶周之虎賁 王告伯冏 私 發 語 辭 論日 僕 火,上欲往視,都點檢辭不失引帝裾止之,奏曰:「臣在此,陛下何患,願無親 之扼掔,皆出于小底護衞之中,熙宗固不知恤之也。 不失被酒,甚怒之,明日,杖而出之, ,護衞特思察其非常,海陵擠而殺之。 予日 二書曰:「王左右常伯、常任、準人、綴衣、虎賁。 曰:「慎簡乃僚,其無以巧言令色、便辟 御之臣 有禦侮。」嗚呼,先後禦侮之臣豈可少哉。 不 復有 如 辭不失、特思者矣。 也,則皆羣僕侍御之臣矣。 已而思其忠,復見召用。 皇統 綿 側媚, 之詩 末年,羣臣解體, 其惟吉士。」金 周公曰:嗚呼,休茲知恤,鮮哉。」廖 海陵弑逆,而 「予日有疏附、予日 一, 熙宗與近侍飲酒, 無尊君謹上之心, 海陵 人所謂寢殿 大興國、忽土、 與唐括辯 有先後,予日 小底 往。」 時 會夜, 而 阳 猶 ·時屏 熈

德,

愼思來降,且言

夏人以兵迎

遼主,將渡河去。 完顏元宜,本名阿列, 名移特輦,本姓耶律氏。 宗望移書夏 父愼思, 天輔七年, 宗望追遼主至天 人諭 以禍福 夏 人乃止。 賜愼

二八二九

列

思姓完顏氏,官至儀同三司。

郎。 海陵篡立,爲兵部尚書。天德三年,詔凡賜姓者皆復本姓,元宜復姓耶律氏。 元宜便騎射,善擊毬。 皇統元年,充護衞,累遷甌里本羣牧使,入爲武庫署令,轉符寶 歴順義、

昭義節度使,復爲兵部尚書、勸農使。

制、三使元宜領之、督諸軍渡江、佩金牌、賜衣一襲。 營,元宜擊走之,黎明追及宋兵,斬首數萬,以功遷銀青光祿大夫。海陵增置浙西道都統 兵萬餘于柘皐,力戰却之。至和州,宋兵十萬來拒,元宜麾軍力戰,抵暮而罷。宋人乘夜襲 海陵伐宋,以本官領神武軍都總管,以大名路騎兵萬餘益之。 前鋒渡淮,拔昭關,遇宋

詰旦渡江。」衆皆懼,乃以舉事告之,皆許諾。 宜使人密召三祥,既至,遂約詰旦衞軍番代卽行事。 元宜先欺其衆曰:「有令,爾輩皆去馬, 於元宜。猛安唐括烏野曰:「前阻淮渡,皆成擒矣。比聞遼陽新天子卽位,不若共行大事, 是時、世宗已卽位于遼陽、軍中多懷去就。海陵軍令慘急、亟欲渡江,衆欲亡歸,決計

薛、溫都長壽等率衆犯御營。

海陵聞亂,以爲宋兵奄至,攬衣遽起,箭入帳中,取視之,愕然 十月乙未黎明,元宜、王祥與武勝軍都總管徒單守素、猛安唐括烏野、謀克斡盧保、婁

殺之。元宜行左領軍副大都督事,使使者殺皇太子光英于南京。大軍北還。 遂收尙書右丞李通、浙西道副統制郭安國、監軍徒單永年、近侍局使梁珫、副使大慶山,皆 出語之曰:「無及矣。」大磐乃止。軍士攘取行營服用皆盡,乃取大磐衣巾裹海陵尸,焚之。 曰:「乃我兵也。」大慶山曰:「事急矣,當出避之。」海陵曰:「走將安往。」方取弓,已中简仆 延安少尹納合斡魯補先刃之,手足猶動,遂縊殺之。驍騎指揮使大磐整兵來救,王祥

第一區,復賜姓完顏氏。 冠不正亦被糾舉。職事有大於此者,爾宜勉之。」未幾,拜平章政事,封冀國公,賜玉帶、甲 大定二年春,入見,拜御史大夫,詔曰:「高楨爲御史大夫,號爲正直,頗涉煩碎,臣下衣

甲第、上從之、賜以襲衣、吐鶻、廐馬、海東青鶻。未幾、致仕、薨于家。上聞之、遣使致祭、 牧益二十副。元宜復請益臨潢戍軍士馬、詔給馬六百匹。久之、罷爲東京留守。乞遠所賜 賻贈甚厚。 五月,上聞元宜將還,遣使止之。契丹已平,元宜還朝,奏請益諸羣牧鎧甲。詔從之,每羣 往泰州路規措討契丹事,元宜使忠勇校尉李榮招窩斡,窩斡殺榮,韶追贈榮進官四階。

莫大於是,豈可復加官使。其世襲謀克姑聽仍舊。」大定十八年,扎里海上言:「凡爲人臣能 大定十一年,尚書省奏擬納合斡魯補除授,上曰:「昔廢海陵,此人首入弑之,人臣之罪

事君 以爲 **捍災禦侮有功者,宜錄用之。今弒海陵者以爲有功,賞以高爵,非所以勸事君也。** ,此亦人之所難。」遂以扎里海充趙王府祗 人臣之戒。臣在當時亦與其黨,如正名定罪,請自臣始。」上曰:「扎里海自請其罪以勸 候郎君。 宜削奪,

權宜。」令習湼阿補還本姓。 元宜子習湼阿補,大定二十五年爲符寶祗候,乞依女直人例遷官,上曰:「賜姓一時之

弑商 賞者也,況弑逆乎。 乎,世宗僅能不 陵 之弑 人者邴歜、閻職也。 論 也,元宜 曰:春秋書「齊公子商人弑其君舍」,又曰:「齊人弑其君商人。」嗟乎,弑舍者商人也, 大用之而已。 歸于世宗。 海陵弑五十三年,復有胡沙虎之事。 海陵弑熙宗,完顏元宜弑海陵。 |邴、||閻賤役,||元宜都將也,握君之親兵,窺利以弑之,其罪豈容誅 扎里海猶殺 人而自首者也,在律,殺人未聞准首冤罪而 商人之弑也,邴歇、閻職去之。 叉子 海

保迎謁後時,飲以酒,酒味薄,執中怒,毆傷移刺保,詔的決五十。 職 太子僕丞,改鷹坊直長,再遷鷹坊使、拱衛直指揮使。 紇 石烈執中,本名胡沙虎,阿疎裔孫也。 徙東平路猛安。 明昌 四年, 大定八年,充皇太子護衞 未幾,遷右副點檢,肆傲 使過 阻居, 監酒官移刺 "; 出

欲行,奏曰:「臣與裏有隙,且殺臣矣。」上怒其言不遜,事下有司,旣而赦之,出爲永定軍節 西南路招討副使。 不奉職,降肇州防禦使。 俄知大名府事。承安二年,召爲簽樞密院事。 踰年,遷興平軍節度使。 丁母憂,起復歸德軍節度使,改開遠軍兼 韶佐丞相襄征伐,執中不

此 煩碎生事 泰和元 年,起知大興府事。 也。」乃下詔行之。 執中格詔不下,上責之曰:「汝雖意在防閑,而不知朝廷自有定格,自今勿復如 韶契丹人立功官賞恩同女直人, 許存養馬匹, 得充司吏譯 度使。

改西北路招討使,復爲永定軍,坐奪部軍馬解職

臺理 孫別 依 五 制 百 貫 直,韶乃切責執 府府 詆 淶 與劇 廷實 水 未結 人 爲奴,及妄訴毆詈,警巡院鞫對無狀,法當訴本貫。 魏廷實祖任兒,日艺舊爲靳文昭家放良,天德三年,編籍正戶,已三世矣。 斷, 廷實不從,還淶水,執中徑遺鎖致廷實。 令移推。 中。 詔吏部侍郎李炳、守戶部侍郎粘割合荅推問。炳、 御史臺請移問,執中轉 勍訴于府,執中使廷實納錢 奏御史臺不 合荅奏御史 文昭

跋 擅令停 扈。 職 如 失師 雄 州 **詐認馬,平州冒支俸,破魏廷實家,發其冢墓,拜表不赴,**所 帥之體,不稱京尹之任」。上曰:「執中粗人,似有跋扈爾。」鑄對曰:「明天子 雨聚妓,毆詈同僚

御

史

中

丞孟鑄奏彈執中「貪殘專恣,不奉法令。

釋罪之後,累過不悛。

旣蒙恩貸,轉生

上,豈容有跋扈之臣。」上意寤,取閱奏章,詔尚書省問之。 由是改武衞軍都指揮使。

城、朐山、請益發東平路兵屯密、沂、寧海、澄、萊以遏兵衝、韶從之,時泰和六年四月也。 司爲兵馬都統府,執中爲山東兩路兵馬都統,定海軍節度使完顏撒剌副之。執中分兵駐金 平章政事僕散揆宣撫河南,執中除山東東西路統軍使。 揆行省汴京伐宋,升諸道統軍

入城,宋兵踰城走,三合已焚其舟,合擊大破之,斬首五百餘級,殺宋統領李藻,擒忠義軍將 合伏卒五十人篁竹中,伺宋兵過突出擊之,殺十數人,追至縣城,宋兵不敢出。會周奴以兵 五月,宋兵犯金城,執中遣巡檢使周奴以騎兵三百禦之。會宋益兵轉趨沭陽,謀克三

南岸、水陸俱潰。追斬及溺死者甚衆、盡獲其戰艦及戰馬三百、遂克淮陰、進兵圍楚州。 詔罷兵。除<u>西南路招討使,改西京留守</u>。 元帥左監軍。 執中縱兵虜掠,上聞之,杖其經歷官阿里不孫,放還所掠。未幾,宋人請和, 以舟兵二千搏戰,遏宋舟兵,遣副統移剌古與涅率精騎四千自下流徑渡。宋兵望騎兵登 十月、執中率兵二萬出清口、宋以步騎萬餘列南岸、戰艦百艘拒上流、相持累日。執中

以勁兵七千遇大兵,戰于定安之北,薄暮,先以麾下遁去,衆遂潰。行次蔚州,擅取官 大安元年,授世襲謀克,復知大興府事,出知太原府,復爲西京留守,行樞密院,兼安撫

不 庫 問 銀 Ŧ. |千兩及衣幣諸物,奪官民馬, 乃 遷 右 副元 帥 權 尚書左 丞。 與從行私人入紫荆關,杖殺淶水令。 執中益 無所忌憚,自請步騎二萬屯宣德州 至中都, 朝 廷皆

令駐 嬀 JII

足惜,三千兵爲可憂 崇慶元年正月,執中乞移屯南口或屯新莊,移文尚書省曰:「大兵來必不能支,一身不 ·十二關、建春、萬寧宮且不保。」朝廷惡其言,下有司 按問,詔數其十五

里。

退,擅取官物,杖殺縣令。 罪,罷歸田 結近倖,交口稱譽。 惟 效,不亦難乎。 道,蔑省部以示强梁,媚近 欲 起 朝廷加察,天下幸甚。」丞相徒單鎰以爲不可 明年,復召至中都, 而 用。 人之能否,不在新舊。 才誠 五. 可 一月,詔給留守半俸,預議 取,雖在微賤皆當擢用, 預議 臣 屯駐嬀川,乞移內地, 以 軍 水稱 事。 彼向之敗, 譽,骩 左諫議大夫張行信上書曰:「胡沙虎專逞私意,不循 法 行 事,枉害平民。 朝廷旣知之矣, 用, 軍 何必老舊始能立功。 其謀略概可見矣。 事。 參知政事 避跪奏其姦惡, 張行信復 行院 乃復 諫曰:「伏聞 山西、出 欲使改易前 用 之, 將之用, 無 師 以 乃 無律 乃 胡 此。 非, 安危所係, 沙 ·', 不 虎老臣, 可 執中善 以收後 平。 戰 先 公

Ŀ 終 以 執 中為 可 用、賜金牌、權右副元帥、將武衞軍五千人屯中都城北。 執中乃與其 遂

黨經 是時, 海,別將兵屯於城北,遣人以好語招之,福海不知,旣至乃執之。 之,遂妄稱知大興府徒單南平及其子刑部 歷官文繡 大元大兵在近, 局直 長完顏醜奴、 上使奉職 即軍 提控宿直將軍庸察六斤、武衛軍鈴轄烏古論 中責執中止務馳獵, 侍郞駙馬都尉沒烈謀反,奉詔討之。 不恤 軍事 |執|中 方飼 奪刺謀作亂 南平姻家福 鷂, 怒擲 殺

大 之。 監 梯登城。護衛斜烈、乞兒、親軍春山 執中手槍刺之墮馬下,金壽斫殺之。 中出 即殺之。 華門,使呼門者親軍百戶冬兒、五十戶蒲察六斤,皆不應,許以世襲猛安、三品職 興 國 府輿 「都元帥,居大興府,陳兵自衞。 呼都點檢徒單渭河,渭河 長完顏石古乃聞 使徒單金壽召知大興府徒單南平,南平不知,行至廣陽門西富義坊,馬上與執中 兵來拒,乃遣一騎先馳抵東華門大呼曰:「大軍至北關,已接戰矣。」旣而 八月二十五日未五更,分其軍爲三軍,由章義門入,自將一軍由通玄門入。 執中意不可測,丞相徒單鎰勸執中立宣宗,執中然之。 隸。 是夜,召聲妓與親黨 亂, 遽召大漢軍五百人赴難, [f] 與執中戰不勝, 皆死之。 即徒單鎬也。 一會飲。 共掊鎖開門納 急召都轉運使孫 使烏古論奪刺召沒烈,殺之。符寶祗候鄯陽、云 明日,以兵逼 渭河縋城出見執中, 執中命聚薪焚東華門, 執中。 椿 上出居衞邸、誘左丞完顏綱 年取銀幣賞金壽、奪刺 執中入宮,盡以其黨易宿 再遣一騎亦如 及軍 事官,亦不 執中恐城 執中至 官 相見, 軍 護衛 自稱 立 東

數十人。 使, 顏 帥 削 醜 浦 陳 奴等十 , 好 是 於 察六斤橫海軍節度使, 禮 大 同 興府 莊 日:一 人,迎 時 獻 有兩蒲察六斤,其 露階 自古無異 太子在中都 宣宗於彰德。 F /姓監國· 盜 ,執中以皇太子儀仗迎莊獻入居東宮。 用 徒單金壽永定軍節度使,雖除外官,皆留之左右。 御寶出 者。」 使宦 守東華門不肯從亂者。 乃止。 者 制 李思忠弑上於衞邸。 除完顏醜奴德州防禦使, 遣奉御完顏忽失來等三人,護衞蒲鮮班底、 召 禮部令史張好禮 盡徹沿邊諸軍赴 鳥古 召符 論 寶郎徒單福壽 奪刺 中都 欲鑄 其 順 徐除 天軍 革州 監 國 取符 拜 泛騎 完 元 猶 度

東平府 忽土 誼 傅、兵部 居 第 世 九 月 襲猛安。 賜 事 侍郎,都 浦 執 甲辰,宣宗 中 察六斤遙授知 儀鸞局給 以其 點檢徒單渭 卽 弟同 位,拜執中太師、尚書令、都元帥、監修 供張,妻王 知 平陽 河南府特末也 河 爲 府 御 事 史 賜 , 中丞 紫結銀 完顏 ,烏古論 爲 醜 都 鐸 奴 車 點檢,兼 同 知 奪剌 河 中府 、侍衛 遙授 事 知眞定府 國史,封澤王,授中都路和 親 , 軍都 權 宿直 指 揮 事 將 一徒單 使,子 軍 金 猪 韶 壽 糞 以 烏古論 遙 除 濮 授 知 王

兵

屯

薊州

以

自

重

,邊戍皆不守矣。

田 戊 百官議 廷芳奮然曰:「 申 ·, 執 中 朝堂。 侍朝,宣宗賜之坐,執中 先朝素無失德,尊號在禮不當削。」於是從之者禮部 太子 小 傅奧屯 忠孝 就 、侍讀 坐不 辭。 學 士蒲察 無 何 思忠附 執中 奏請降衛紹王爲庶 執中 議 衆相 張敬甫 視 莫敢言 諫議張 奏再 獨

列

·甫、戶部武文伯、·龐才卿、石抹晉卿等二十四人。 宣宗曰:「譬諸問途,百人曰東行是,十人 曰西行是,行道之人果適東乎、適西乎。 豈以百人、十人爲是非哉。」旣而曰:「 民徐思之。」

數日,詔降爲東海郡侯。

大元遊騎至高橋,宰臣以聞。宣宗使人問執中,執中曰:「計畫已定矣。」旣而讓宰執

曰:「吾爲尚書令、豈得不先與議而遽奏耶。」宰執遜謝而已。

提點近侍局慶山奴、副使惟弼、奉御惟康請除執中、宣宗念援立功、隱忍不許。

中第。 琪出戰復敗,自度不免,頗聞慶山奴諸人有謀,十月辛亥,高琪途率所將乣軍入中都,圍執 元帥右監軍术虎高琪屢戰不利,執中戒之曰:「今日出兵果無功,當以軍法從事矣。」高 執中聞變、彎弓注矢外射、不勝、登後垣欲走、衣絓墮而傷股、軍士就斬之。高琪持

執中首詣闕待罪、宣宗赦之、以爲左副元帥。〔10〕

論奪剌眞授知濟南府事,徒單金壽眞授知歸德府事,蒲察六斤眞授知平陽府事。 恟,宣宗遣近侍撫諭之,詔有司量加賻贈,衆乃稍安。明日,除特末也泰寧軍節度使,烏古 執中之黨呼於衢路曰:「乣軍反矣,殺之者有賞。」市人從之, 乣軍死者甚衆,一軍皆恟

爲諸侯。東海在位已六年矣,爲其臣者誰敢干之。胡沙虎握兵入城,躬行弑逆,當是時惟 甲寅,左諫議大夫張行信上封事曰:「春秋之法,國君立不以道,若嘗與諸侯盟會,即列

依倣元嘉故事,亦足以示懲戒。」宣宗乃下詔暴執中過惡,削其官爵。 望化,褒顯二人,延及子孫,庶幾少慰貞魂,激天下之義氣。宋徐羨之、傅亮、謝晦弑營陽 名未正,合暴其過惡,宣布中外,除名削爵,緣坐其家,然後爲快。陛下若不忍援立之勞,則 立文帝、文帝誅之,以江陵奉迎之誠,殆其妻子。 鄯陽、石古乃率衆赴援,至于戰死,論其忠烈,在朝食祿者皆當愧之。 胡沙虎國之大賊,世所共惡,雖已死而罪 陛下始親萬機,海內 贈鄯陽、石古乃, 正 加

恩其子。

慶山奴、惟弼、惟康皆遷賞、近侍局自此用事矣。

得乎。 之請 皆以他罪誅。 思陵之側。 敗之誅,而死於高琪之手。 討 論 陳恒是也。 曰:金九主,遇弑者三,其逆謀者十人。 徒單貞雖誅、未聞暴其罪狀、後以戚畹又復贈官追封。 海陵之弑,其首惡爲完顏元宜,則令終焉。 豈有如<u></u>琪之擅殺而以爲功者乎。 古所謂弑君之賊人得而討之者,謂請于公上而致討焉,如 熙宗之弑,惟大興國一人世宗聲其罪而磔之 金之政刑,其亂若此,國欲不亡,其可 衛紹王之弑日胡沙虎, 不死於司 餘秉德、唐括辯等六人,

校勘記

列傅第七十 校勘記

- 散師恭傳、本書卷四熙宗紀、卷五海陵紀皆作「忽土」。又本卷徒單阿里出虎傳及上述二紀亦皆 **遂與唐括辯烏帶忽土阿里出** 虎 「忽土」原作「烏土」、「阿里出虎」原作「阿里忽出」。按本卷僕
- 作「阿里出虎」。今據改。
- 十二月九日 按本書卷四熙宗紀記此事在皇統九年十二月丁巳即九日。 則此「十二月」上脫「皇
- _ 改名師恭 「師恭」原作「思恭」,同音異譯。今據上下文統一。

統

九年」四

遷震武節度使 〇〇完顏伯嘉傳亦有 按本書卷二六地理志,河東北路代州,「天會六年,置震武軍節度使」。 「起復震武軍節度使」句。 此「震武」下脫「軍」字。 又下文完顏元宜傳 叉卷一

「歷順義昭義節度使」,「順義」、「昭義」下亦皆脫「軍」字。

- 五 顏元宜爲浙西道兵馬都統制」。卷八二郭安國傳,「海陵謀北還,更置浙西道兵馬都統制府」。 海陵增置浙西道都統制 道」 原作「路」。 按本書卷五海陵紀,正隆六年十一月,「以勸農使完
- , , , , 都路易州 **淶水人魏廷實祖** 有淶水縣。 任兒 今據改 「水」原作「州」。按下文「廷實不從、還淶水」。 又本書卷二四地理志,中

今據改。

下同。

詔吏部侍郎李炳 按本書卷九六李仲略傳,「仲略字簡之, ……改吏部郎中, 遷侍郎。… 時知

符寶祗 候鄯陽 鄯 原作「繕」。 按本書卷一二一本傳作「鄯陽」, 本卷下文亦作「鄯陽」。今

據改。

九九 遽召大漢軍五百人赴難 原脱「大」字。 按本書卷一二一部陽傳,「至寧元年八月,紀石烈執中

作亂,鄯陽、石古乃往天王寺召大漢軍五百人赴難。 執中揚言曰:大漢軍反矣。大漢軍少,二人

不勝而死」。今據補。

(0) 以爲左副元帥 「左」原作「右」。按本書卷一四宣宗紀,貞祐元年十月辛亥,术虎高琪殺胡沙

虎、「持其首詣闕待罪、赦之、仍授左副元帥」。 卷一〇六术虎高琪傳記載同。 今據改。

列

金史卷一百三十三

列傳第七十二

叛臣

張覺 子僅言 耶律余睹 窩斡

分, **猶此疆彼界之截然,違此向彼,即爲叛矣。** 古書「畔」與「叛」通、畔之爲言界也。 左氏曰,政循「農之有畔」,是也。 善惡判於跬步, 禍患極於懷襄, 君臣 吁, 上下之定 可畏

哉!作叛臣傳。

張覺亦書作穀,平州義豐人也。 在遼第進士,仕至遼興軍節度副使。 太祖定燕京, 時

列傳第七十一 叛臣

之。 立愛 陰有異圖 使劉彦宗 以平州 平州 ,何爲當此農時輒 及斜鉢諭之、詔曰:「平山 自入契丹別為一 降,當時宋人以海上之盟求燕京及西京地,太祖以燕京、涿、易、檀、順、景、薊 軍、故 相 扇 動,非去危就安之計也。 弗與,而以平州爲南京,覺爲留守。 一郡今爲南京,節度使今爲留守,恩亦厚矣。 其諭朕意。」 旣而聞覺有異志,上遣 或言汝等 與

弓、虞仲文、曹勇義、康公弼赴廣寧,過平州,覺使人殺之于栗林下,遂據南京叛入于宋,宋 燕京 與宋 太祖 而 每收城邑,往往徙其民以實京師,民心多不安,故時立愛因降表曾言及之。 遷其 人,獨 以空城與之,遷者道出平州,故覺因之以作亂。 天輔七年五月,左企 及以

及衆庶。 減徭役,薄賦稅,恩亦至矣, 太祖 且 下詔諭南京官吏、詔曰:「朕初駐蹕燕京、嘉爾吏民率先降附,故升府治以爲南京、 遼國 舉爲 我 有、孤城 何苦輒 自守,終欲 爲 叛逆。 何爲。 今欲進兵攻取, 今止坐首惡,餘並釋之。」 時方農月, 不忍以一 惡人而害

人納之。

報捷于宋。 攻南京,時暑雨不可進,退屯于海壖。 覺兵五 萬屯 宋建平州爲泰寧軍,以覺爲節度使, 潤州近郊,欲脅遷、冰、潤、隰 無何、闍母 几 州 張敦固等皆加徽猶閣待 再 敗覺兵,復與戰于兔耳山 **闍母自錦州往討之,已敗覺兵,欲乘勝** 制 · |闍 以銀 母 絹 大敗,覺 萬

犒**軍**。

以與金人。燕京降將及常勝軍皆泣下,郭藥師自言曰:「若來索藥師當奈何。」自是,降將卒 之,金人識之曰:「非覺也。」安中不得已,引覺出,數以罪,覺罵宋人不容口,遂殺覺函其首 索張覺。 宗望軍至南京城東,覺兵大敗宵遁,遂奔宋,入于燕京。 宣撫王安中匿之於甲仗庫,給曰:「無之。」宗望索愈急,安中乃斬貌類覺者一 宗望以納叛責宋宣撫司、二 人當

人甚愛之,年數歲,因隨韓夫人得見貞懿皇后,留之藩邸。稍長,侍世宗讀書,遂使僅言主 僅言幼名元奴。宗望攻下平山,僅言在襁褓間,里人劉承宣得之,養於家。 其隣韓夫

事,繩檢部曲,一府憚之。

皆解體。及金人伐宋,竟以納平州之叛爲執言云。子僅言。

前左衞將軍阿虎帶、御院通進劉珫發遣六宮百司圖書府藏在南京者。 進、世宗卽位、除內藏庫副使、權發遣宮籍監事。海陵死揚州,僅言與禮部尚書鳥居仁、殿 世宗留守東京,海陵用兵江、淮,將士往往亡歸,詣東京,願推戴世宗爲天子。 還以本職提控尚食 僅言勸

僅言能心計,世宗倚任之,凡宮室營造、府庫出納、行幸頓舍皆委之。 世宗嘗曰:「一經

一 列傳第七十一 叛 一 一 叛 一 一 叛 一 一 叛 一 一 一 叛

臣

局,轉少府監丞,仍主內藏。

獲稻 萬斛。 六年、提舉修內役事、役夫掘地得白金匿之、事覺、法當死、僅言責取其物與官、釋其 尋兼祗 應司。 十七年,復提點內藏,典領昭德皇后山陵,遷勸農使,領諸職如故。 遷少府監,提控宮籍監、祗應司如故。護作太寧宮,引宮左流泉漑田,歲

爲横海 舊臣, 矣,朕雖不及古人,然近習儉言未嘗入耳。」宰臣曰:「誠如聖訓,此國家之福也。」世宗欲以 在職十六年,請與遷敍。 僅 純實頗解 軍節度使,而不可去左右,遂止。 言雖舊臣,出入左右,然世宗終不假以權任。 事, 凡朝 上曰:「此股之家臣,質直人也,今已老矣。 二十一年,尚書省奏,宮苑司直長黎倫 如勸農使張僅言亦朕

賻銀五 僅 言始得疾,猶扶杖視事,疾亟,詔太醫診視,近侍問訊相屬。及卒,上深惜之,遣官致 百兩、重綵十端、絹二百匹,棺槨、衣衾、銀汞、歛物、葬地皆官給,贈輔國上將

睹請自效,以功累遷金吾衞大將軍,爲東路都統。 耶 律余睹,遼宗室子也,遼主近族,父祖仕遼,具載遼史。 天輔元年,與都統耶律馬哥軍于渾河,銀 初,太祖起兵,遼人來拒,余

已經降附,何爲問罪而殺其主者」。遼主託以大盜羣起,使余睹收之。 以撻不野爲節度使。 术哥、希尹拒之,余睹等不敢戰。 太祖皆罰之,所獲生口財畜入于官。 未幾,應古等逐撻不野自効。 比銀术哥等至,馬哥、余睹已遁去。銀术哥、希尹坐稽緩, 天輔二年,龍化州 太祖於國書中以問遼主,三「龍化州 人張應古等來降,而余睹復取之,遼

相報。 完顏背荅、鳥塔等殿,力戰却之,獲甲馬五百匹。 以拒 我師。 太祖 若知不敵,當率衆來降,無貽後悔。」及太祖班師,闍母等還至遼河,方渡,余睹來襲, 已取臨潢府,賜詔余睹曰:「汝將兵在東路,前後戰未嘗不敗。 股已於今月十五日克上京,今將往取遼主矣。 汝若治兵一決勝負,可指地期日 今聞汝收合散亡,

懒等,與將更韓福奴、阿八、謝老、太師奴、蕭慶、 曰:「余睹到日,使與其官屬偕來,餘衆處之便地。」無何,余睹送上所受遼國宣誥、及器甲旗 天輔 五年,余睹送款于咸州路都統,以所部來降,乞援接于桑林渡。 醜和尙、高佛留、蒲荅、謝家奴、五哥等 都統司 以聞,

哥任以軍事。」又言:「文妃長子晉王素係人望,宜爲儲副,得里底以元妃諸子己所自出,使 直,淫刑吝賞,政煩賦重,民不聊生。」又言:「樞密使得里底本無材能,但阿諛取容,其子磨 余睹作書,具言所以降之意,大概以謂:「遼主沉湎荒于遊畋,不恤政事,好佞人, 遠忠

列

來見, 棄輜 晉王出繼文妃。」又言:「晉王與駙馬乙信謀復其樞密使,來告余睹共定大計,而所圖不成。」 之際不及收合四遠,但率傍近部族戶三千、車五千兩、畜產數萬,遼北軍都統以兵追襲,遂 知天命,遂自去年春與耶律愼思等定議,約以今夏來降。 又言:「己粗更軍事,進策遼主,得里底蔽之,遼主亦不省察。」又曰:「大金疆土日闢,余睹灼 若能 重 爲國立功,別當獎用。」自余睹降,益知遼人虛實矣。 上撫慰之,遂賜坐,班同宰相,賜宴盡醉而罷。 一,轉戰至此。 所有官吏職位姓名、人戶畜產之數,遺韓福奴具錄以聞。」遂與其將吏 上命余階以舊官領所部, 且諭之曰: 近聞得里底、高十捏等欲發,倉卒

障爲副使,州吏裴賾爲觀察判官。 導,與希尹等招撫奚部。 詔 曰:「余睹降時,其民多强率而來者,恐在邊生變,宜徙之內地。」都統杲取中京,余睹 余睹在軍中屢乞侍妾及子,太祖疑之,詔咸州路都統司曰:「余睹家屬,善監護之。」復 奉聖州降,其官吏皆遁去,余睹舉前 沈璋招集居民還業者三千餘,遷太常少卿。 監酒李師變爲節度使,進士沈 爲鄉

之曰:[四]「今聞汝謀叛,誠然邪,其各無隱。 不食言。 **久之,耶律** 若再被擒,無耐兔死。 流者告余睹、吳十 欲留事我,則無懷異志,吾不汝疑。」余睹等戰慓不能對,乃 、舜刺結黨謀叛、及其未發宜先收捕。 若果去,必須鞍馬甲冑器械之屬,當悉付汝,吾 上召余睹等從容謂

杖鐸刺七十,餘皆不問。

天會三年,大舉伐宋,余賭爲元帥右都監,宋兵四萬救太原, 余睹、 屋里海逆擊于汾河

北,擒其帥郝仲連、張關索,統制馬忠,殺萬餘人。

以獻。 去,其黨賦京統軍蕭高六伏誅,蔚州節度使蕭特謀自殺。 宗翰伐宋,余睹留西京。 耶律奴哥加守太保兼侍中,趙公鑑、劉儒信、劉君輔等並授遙鎭節度使以賞之。 天會十年, 余睹謀反, 雲內節度使耶律奴哥等告之。 [三] 邊部斬余賭及其諸子,函其首 余睹亡

起,於是撒八、字特補與部衆殺招討使完顏沃側及燥合,而執耶律娜、沒荅湼合, 來,則老弱必盡係累矣。幸使者入朝言之。」燥合畏罪不敢言,楊葛深念後西北有 路契丹丁壯,契丹人曰:「西北路接近鄰國,世世征伐,相爲讎怨。 貯甲三千,遂反。 遂以憂死。 移刺窩斡,西北路契丹部族。 撒八者,初爲招討司譯史。 迪斡羣牧使徒單賽里、耶魯瓦羣牧使鶴壽等皆遇害、語在鶴壽傳中。 燥合復與牌印耶律娜、尚書省令史沒荅湼合督起西北路兵。 議立豫王延禧子孫,衆推都監老和尚爲招討使,山後四羣牧、山前諸羣 正隆五年,海陵徵諸道兵伐宋,使牌印燥合、楊葛盡徵西北 先從撒八爲亂,受其僞署,後殺撒八,遂有其衆。 若男丁盡從軍,彼以兵 契丹聞男丁當 五 取招討 事得罪, 牧

列

老和尚那也亦殺節度使术甲兀者以應撒八。

麻 發 殺鳥 會寧 八猛 古迪列 安牧馬于山後,至迪謀魯,賊盡奪其馬。 招討使烏林荅蒲盧虎,以所部趨西北路。 闢沙河千戶十哥等與前招討使完顏 室魯部節度使阿厮列追擊敗之,

與數騎

遁去,合于撒八。

蔽 時世宗爲東京留守,以兵四百人拒之。 于速頻路,遇括里于信州, 兵敗 其黨招誘富家奴隸,數日得衆二千,遂攻陷韓州及柳河縣,遂趨咸平。 兵千餘,扼干夜河,賊不得東。 野,傳言留守以十萬兵至矣,卽引還,亦以其衆合于撒八。 ,賊遂據咸平,於是繕完器甲,出府庫財物以募兵,賊勢益張。 咸平府謀克括里,與所部自山後逃歸,咸平少尹完顏余里野欲收捕括里家屬,括里與 與猛安烏延查刺兵二千,擊敗括里。 綽質兵敗,括里遂犯濟州。 賊至常安縣,聞空中 ·擊鼓聲如數千鼓者,候見旌旗 會宿直將軍孛术魯吳括刺徵 括里收餘衆趨東京,日日是 權曹家山猛 余里野發兵迎擊之, 安綽質, 兵 集

與之 至,與禿刺合兵追至河上,不及而還。 大軍必相繼 相 海 陵 持 數 使樞密使僕散忽土、西京留守蕭懷忠將兵一萬,與右衞將軍蕭禿刺討 而 日 ,連與戰皆無功,而糧餉不繼,禿剌 至,勢不可支,謀歸于大石,乃率衆沿龍 忽土、懷忠、禿刺坐逗遛不卽追賊,皆誅死。 退歸 臨潢。 駒 河 西出。 禿刺雖不能克敵,而 及僕散忽土 一、蕭 平之。 懷忠 撒八 北京留 等兵 禿刺 自 度

守蕭賾不能制其下,行殺降人而取其婦女,亦坐誅。 烈志寧副之,完顏殼英爲西北面兵馬都統,西北路招討使唐括孛姑的副之,以討撒 於是,白彥恭爲北面兵馬都統,紇石 八

撒八旣西行,而舊居山前者皆不欲往,爲署六院節度使移刺窩斡、兵官陳家殺撒八,執

老和尚、孛特補等。

諭之。 其他豈能必哉。」 扎八、前押軍謀克播斡、前牌印麻駭、利涉軍節度判官馬腦等招之。 至是,窩斡始自爲都元帥,陳家爲都監,擁衆東還,至臨潢府東南新羅寨。 窩斡已約降,已而復謂扎八曰:「若降,爾能保我輩無事乎。」扎八曰:「我知招降耳, 扎八等見窩斡,以上意 世宗使移刺

中,惟麻駭、播斡還 復還矣。」賊將有前孛特本部族節度使逐斡者,言:「昔谷神丞相,賢能人也,嘗說他 爲,今觀兵勢强盛如此,汝等欲如羣羊爲人所驅去乎,將欲待天時乎。若果有大志,吾亦不 部族當有事。 扎八見窩斡兵衆强,車帳滿野,意其可以有成,因說之曰:「我之始來,以汝輩不能有 今日正合此語,恐不可降也。」於是,窩斡逐決意不復肯降矣。 扎八亦留 日西北 賊

年十二月己亥,窩斡遂稱帝,改元天正。 窩斡乃引兵攻臨潢府,總管移室懣出城戰,兵少被執,賊遂圍臨潢,衆至五萬。 正隆六

左都 州 監吾 是時 吾扎忽追及于窊歷, 扎忽、 北 面 都統白彥敬、副統統石烈志寧在北京、聞世宗卽位,以兵來歸。 同 知北京留守事完顏骨只救臨潢,晝夜兼行,比至臨潢 兩軍已陣將戰, 押軍猛安契丹忽刺叔 以 所部 兵應賊, 賊 Ë 世宗 解圍 吾扎 去攻泰 使元 忽軍 帥

城 中震駭,莫敢出 撃賊 泰州節度使烏里雅率千餘騎與窩斡遇,烏里雅 力戰,斫刈甚 戦。 一衆,賊乃退走,城賴以完。 賊四面登城, 押軍猛安烏古孫阿里補 泰州 司 兵復敗,僅以數騎脫歸。 吏顏盞蒲查奏捷, 率軍士數 人, 各持刀以身率先循 除忠翊校尉 賊勢愈振, 賜銀 城

五十

兩、重綵十

端

遂敗。

亦與 猛安加三品官授節 職 丹 如節度防禦使捉獲窩斡者與世襲猛安,刺史捉獲者與世襲謀克,驅奴、宮籍監人亦與庶人 係,與発三年差役。 及 賊 錄 糾 中自拔 年正月,日五副元帥完顏謀衍率諸軍北征 用 率 人衆 歸者,更不問元初首從及被威脅之由, 內外官 來歸者,仍與官賞, 員郎君羣牧直撒百姓 度使,謀克加四品官授防禦使,庶 或能 捕殺首領 依本品量材敍使。 而 歸者,准 人家驅奴、宮籍監 上施行,仍驗勞績 窩斡。 奴婢、 其同來人各從所 人加 良 二月壬戌詔曰:「應諸 五 人等, 人罪無輕重並行免放。 品官授刺史。」 約量 並放爲 一遷賞。 願 良, 處收係, 詔 如捕 亦從所願 曰:「尚書省, 人若能於契 獲窩斡者, 有才能者 曾有官 處收

同。」復詔宰臣、徧諭將士、能捕殺窩斡者加特進、授眞總管。 **元**

規措 屯戍, 七斤加昭武大將軍,阿里葛武義將軍,磨哥忠勇校尉。 屯川州武平縣,[10]奏請糧運當遣人護送,兵仗乞選精良者付之。 :邊事。 於是,括里將犯韓州,聞元帥兵至,不戰遁去,將轉趨懿、宜州。 如不足,量于富家簽調,就近地簽步軍,給仗護送糧運。 前安遠大將軍斡里裊、猛安七斤、庶人阿里萬、磨哥等自窩斡中來降,斡里裊、 韶平章政事移刺元宜往泰州 韶以南 謀衍屯懿州慶雲縣,及 :征逃還軍士就往

顏骨只、淄州刺史尼厖古鈔兀爲右翼,至术虎崖,盡委輜重,士卒齎數日糧,輕騎襲之。 防禦使唐括烏也爲左翼,臨海節度使紀石烈志寧、曷速館節度使神土懣、同知北京留守完 合兵,甲士萬三千人,曷懶路總管徒單克寧、廣寧尹僕散渾坦、同知廣寧尹完顏巖雅 窩斡遂自泰州往攻濟州,欲邀糧運。元帥完顏謀衍與右監軍完顏福壽、左都監吾扎忽

巢穴,賊至馬必疲,我馬少得息,所謂攻其所必救,以逸待勞者也。」謀衍從之,乘夜亟發,會 大風 重,乃還救,遇于 '肥健,官軍馬疲弱,此去賊八十里,比遇賊馬已憊。 賊輜重去此不遠,我攻之,賊必救其 路暗不能辨,遲明行三十里許,與賊輜重相近,整兵少憩。窩斡趨濟州,知大軍取其輜 紀椀羣牧人契丹处者,與其弟孛迭、授刺,皆棄家自賊中來降。 長濼。 旣陣,謀衍別設伏于左翼之側,賊四百餘騎突出左翼伏兵之間,[11] **业者謂謀衍曰:「賊中**

列傳

第七

叛

臣

徒單 戰,忽反 與賊戰, 軍,孛迭 後擊之,賊不能支,乘勢麾軍擊其一偏,賊遂却。 克寧射 昭信校尉,接刺忠翊校尉。、弘者除同知建州事,未之官,卒。一字选取家贼中,遂被 賊陣動,襄麾 風揚砂石,賊陣亂,官軍馳擊,大破之,追北十餘里,斬獲甚衆。 却 之。 是日,別部諸將與賊對者,勝負未分,相去五里許而立。左翼萬戶寢別 軍乘之,突出其後,俱與大軍不相及。 襄遂與大軍合,而別部諸將皆至,整陣力 襄以善射者二十騎,率衆自賊 韶以处者爲武義將

引 害,上憫之,後以接刺爲汝州都巡檢使。 軍 軍士束柳塡港而過。追之數里,得平地,方食,賊衆奄至。 渡,乃對岸爲疑兵,以夾谷清臣、徒單海羅 止,官軍奮擊,大敗之。徒單克寧追奔十五里,賊前阨溪澗不得 乘煙擊官軍,官軍步兵亦至,併力合戰,凡十餘合,軍士苦風煙皆植立如癡, 亦渡,少憩,賊反旆來攻,克寧以大軍不繼, 障者三,志寧力戰,流矢中左臂,戰自若。 而 北,士未及騎馬,賊復來衝突,官軍少 窩 四月,詔元帥府曰:「應契丹賊人,與大軍未戰已前投降者,不得殺傷,仍加安撫。 幹率其衆西走,謀而追及之于霧霧河。 却,回渡澗北。 兩萬戶於下流渡河,值支港兩岸斗絕且濘淖,命 大軍畢至,左翼騎兵先與賊接,賊據上 令軍士皆下馬射賊。 賊已濟,毁其津口,紇石烈志寧軍先至,不克 大軍至,賊遂引 志寧軍急整陣,賊自南 亟渡,多殺傷。 賊引 却 去。 而 南 會天降雨,風 賊 克寧亦將 既渡,官 風 岡 一縱火, 馳下, 敗走

衝

以 後 招 誘來降者,除奴婢准已虜爲定外,親屬分付圓聚,仍官爲換贖。

烏林 千亦 北 爲 會 京 寧路 荅 亦 號 窩 刺 不 斡 一萬 撒 邀 押軍 旣 撃之。 敗 爲 濟州 謀術 ·萬戶 元帥 於是,發驍騎軍二千、曷懶路留屯京師軍三千,號稱二萬,會寧濟州軍六 方右宣徽 左都監高忠 押軍萬戶 不復追討,駐軍 使宗亨爲北京路都統、江三東部郎中完顏達吉爲副統、會元帥府 , 右驍騎副都指揮使烏延查刺為驍騎萬戶 建總兵,沃州刺史烏古論蒲查爲曷懶路押軍萬戶,邳州 白濼。 窩斡攻懿州不克,遂殘破川州,將遁于山 祁州 刺史宗寧 西 刺史

戰,而 |懿||州 承 謂 斜 雖 元 討擊之。 帥 徇 浦 破 在 完 盧渾 上官 賊 由 詔 駐 軍 顏 使尚 此 兵閑緩,經 而 1,抑有 受兵。 謀 中多暴 縦 . 廐局 衍 諸 卿若 功、濫署 軍劫掠,數 元 **股**欲 横 副使蒲察蒲盧渾往懿州戒勅將帥, 帥 涉累月, 聞 詔 右監 賊 重 押 譴 無功者。 在 歸本管。 軍完顏 近, 汝等,以 日後方追北 雖曾追襲,乃 卽 當 善戢 福壽召 方任 窩斡使所親招節度使移里堇窟域, 監督討伐。 士卒,勿縱 霧霧河,亦不 兵 還京 不由 事, (師)(回) 且. 有水草之地,以致馬疲弱不 用 圖 命 虜掠。」以紀石烈志 後 力戰 ·乘勝,輒 上曰:「朕委卿等討賊, 咸平路 功。 者疏記 當盡 總管完顏 復引還。 心一力, 以聞,朕 寧爲元帥 賊逐 兀帶 窟域 將 毋 約 得 能 入涉近地、北京、 執 復舊職 乃聞不 似 百 量 其使送官, 右監軍,右 里而 遷 前 賞。 念弛。」上 · 就 賊 謀行 還。 無或 後 與 男 趜

列

窩斡連戰有功,遷宣武將軍,賜銀五百兩、衣二襲。 起運在中都弓萬五千、箭一百五十萬赴

章政事 爲 詔曰:「軍中將士有犯,除連職奏聞,餘依軍法約量決責,有功者依格遷賞。」以大名尹宗尹 兼 意 河南路 右副元帥,同心戮力以底戡定。右副元帥謀衍罷爲同判大宗正事。」 經 略 諸軍將士曰:「兵久駐邊陲、蠹費財用無成功、百姓不得休息。 平章政事移刺元宜、寧昌軍節度使宗敍入見、詔使自中道却還軍中、宣諭元宜、謀衍注 兼右副元帥,宗敍爲兵部尚書,各賜弓矢、具鞍勒馬。 邊事。 統軍使,河南路統軍都監蕭察世傑爲西北路副統,賜弓矢佩刀廐馬,從忠義征行。 師久無功,尚書右丞僕散忠義願効死力除邊患, 世宗嘉歎。 出內府金銀十萬兩佐軍用。 今命平章政事僕散忠義 六月,忠義拜平

契丹部族 ,薊州、石門關等處各以五百人守之。海陵末年,阿魯帶爲猛安,移刺娜爲牌印祗候,起 詔居庸關、古北口譏察契丹姦細,捕獲者加官賞。萬戶溫迪罕阿魯帶以兵四千屯古北 路招討使完顏思敬爲都統,賜金牌一、銀牌二,西北路招討使唐括孛古底副之,以 兵被執,至是挺身來降。世宗以阿魯帶爲濟州押軍萬戶,移刺娜 為同 知欒州事

限。 兵五 千往會燕子城舊戍軍,日三視地形衝要或于狗濼屯駐,遠斥候,賊至卽戰,不以晝夜爲 韶思敬曰:「契丹賊敗必走山後,可選新馬三千,加芻秣以備追襲。」

西南

蒲查 渡河 爲左翼,宗亨統之;宗寧、剌撒爲右翼,宗敍統之;世傑亦在左翼中,與賊夾河爲陣。 僕散忠義至軍中。 以 兵四 萬餘先犯 左翼軍,查刺以六百騎奮擊敗之。 是時,窩斡西走花道,衆尙八萬。忠義、高忠建軍與賊遇,萬戶查刺、 世傑挺身投于查刺軍中,賊圍查剌軍,查剌力戰, 復以四萬衆與左翼軍戰、日於一宗 賊

宗敍以右 翼軍來救,賊乃去。 亨、世傑七謀克指畫失宜,陣亂敗于賊。

命將 附,或能殺捕首領而降,或執送賊所扇誘作亂之人,皆與量加官爵。 朕念正隆南征,猛安亡 者招還被戮,已命其子 士遏其 詔 曰:「自契丹作逆,有爲賊詿誤者,不問如何從賊,但能復業,與冤本罪。 逃路,爾等雖欲 孫襲其職。 不降終將安往。若猶疑貳,俱就焚滅,悔無及矣。」 爾等勿懲前事,故懷遲疑。 **賊軍今旣破散,山後諸處皆** 如能率衆來

林荅 萬騎 勝數,陷泉皆平, 頃 而 、晴霽。 東,作偃 刺撒 涉水 窩斡 自花道 、鐸刺合戰,賊大敗,將涉水 賊見左 而 月陣,步軍居中,騎兵據其兩端,使賊不見首尾。是日,大霧晦冥,旣陣霧開,少 東。 餘衆 翼據南 西走,僕散忠義、紀石烈志寧以大軍追及于裊嶺西陷泉。日刊明日,賊軍三 大軍先據南岡,左翼軍自岡爲陣,迤邐而北,步軍繼之,右翼軍繼步軍北引 蹈籍而過,或奔潰竄匿林莽間。 岡 不敢擊,擊右 去,泥濘不得亟 翼軍,烏延查剌力戰,賊稍却。 渡。 大軍踵擊之,俘斬萬計, 大軍逐北,人馬相 志寧與夾谷清臣、鳥 蹂踐而死,不可 生擒其弟偽

列

傅

第

其母徐輦舉營自落括岡西走,志寧追之,盡獲輜重,俘五萬餘人,雜畜不可勝計。 六院司大王裊。 窩斡僅與數騎脫去,鈔兀、清臣追四十餘里不及,斬千餘級,獲車帳甚衆。 偽節度使

中都、西京兩路新舊軍萬人備守禦,以窩斡敗走,恐或衝突也。 詔北京副統完顏達吉括本部馬,規辦芻糧,仍使達吉爲監戰官,錄有功者聞奏。 韶選

六及其部族皆降。

投降者,並給官賞。各路撫納來者,毋得輒加侵損。無資給者,不以是何路分,隨有糧處安 釋放。有能誅捕窩斡,或於不從招納亡去人內誅捕以來,及或能率衆於掌軍官及隨處官司 軍鬭敵,皆釋其罪。其散亡人內,除窩斡一身,不以大小官員是何名色,却來歸附者, 自能來服,或無所歸而投拜,或將全屬歸附,或分領家族來降,或嘗受偽命,及自來曾與官 置,仍官爲養濟。」 僕散忠義使使奏捷、詔略曰:「平章政事右副元帥忠義使使來奏大捷。或被軍俘獲,或 亦准

間。 合舊屯兵五千,擊之。詔完顏思敬以所部兵入溪地,會大軍討窩斡。 溫迪罕阿魯帶守古北口,與戰敗焉。詔完顏謀衍、蒲察烏里雅、蒲察蒲盧渾以兵三千, 窩斡收合散卒萬餘人,遂入溪部,以諸溪自益,時時出兵寇速魯古淀、古北口、興化之

贼黨霧霧河猛安蒲速越遣人至帥府約降,詔令擒捕窩斡,許以官賞。 賊將降者甚衆,

其散走者聞詔書招降,亦多降者。 其餘多疾疫而死,無復鬭志。 窩斡自度勢窮,乃謀自洋

城道西京奔夏國,大軍追之益急,其衆復多亡去,度不得西,乃北走沙陀 間

詔尚書省、「凡脅從之家被俘掠逐致離散,宜從改正。 將士往往藏匿其人,有司檢括

分付」。

降,仍獲僞都元帥醜哥及金牌一、銀牌五。志寧與清臣、宗寧、速哥等追餘黨至燕子城,盡 使李家奴獲偽樞密使逐斡等三十餘人,復與猛安泥本婆果追偽監軍那也至天成縣,那也乃 婦、弟、姪,盡收偽金銀牌印。唐括孛古底獲前胡里改節度使什溫及其家屬。 得其黨。 月庚子,稍合住與神獨斡執窩斡,詣右都監完顏思敬降,自己并獲其母徐輦及其妻、子、子 監軍志寧獲賊稍合住,釋而弗殺,縱還賊中,使誘其親近捕窩斡以自効,許以官賞。 前至抹拔里達之地,悉獲之,逆黨遂平。 西北路招討

市,磔其手足,分懸諸京府。其母徐輦及妻子皆戮之。契丹降人皆拘其器仗,貧不能自給 甲辰,皇太子率百官上表賀。乙巳,詔天下。辛亥,完顏思敬獻俘于京師,窩斡梟首于

者官爲養濟。

扎八給之曰:「括里驚走,願追之。」宗亨縱扎八去。「益都猛安欲以所部追括里、扎八,宗亨 括里、扎八率衆南走、詔左宣徽使宗亨追及之。扎八詐稱降、宗亨信其言、遂不與戰。

恐分其功,不聽,而縱軍士取賊所棄資囊人畜而自有之。 括里、扎八由是得亡去,遂奔于

宋。 宗亨降寧州刺史。其後,宋李世輔用括里、扎八,遂取宿州,頗爲邊患。

大定六年,點檢司奏,

親軍中有逆黨子弟,請一切罷去。 神獨斡除同知安化軍節度使,稍合住除同知震武軍節度使事。 韶曰:「身預逆黨者罷之,餘勿問。」

余睹從宗望追天祚,曾不遺餘力,功成驕溢,自取誅滅,咈哉。正隆佳兵,契丹作難,傳曰: 贊曰:金人以燕山與宋,遂啓張覺跳梁之心,覺豈爲宋者哉,蓋欲乘時以徼利耳。 耶律

「夫兵猶火也,弗戢將自焚。」可不戒哉。

校勘記

- 宗望以納叛責宋宣撫司 宗紀,宣和五年正月「辛酉,以王安中爲河北河東燕山府路宣撫使」。今據改。 「宣」原作「安」。按下言「宣撫王安中匿之於甲仗庫」。宋史卷二二徽
- [11] 贈輔國上將軍 原脫「國」字。據殿本補。
- [『] 太祖於國書中以問遼主 原脫「書」字。據文義補。

- | |24 | 上召余睹等從容謂之曰 原脫「等」字。按下文云「余睹等戰慄不能對」,明非余睹一人。 此顯
- 脱「等」字。 今據:
- $\overline{}$ 五. 蔚州節度使蕭特謀自殺 按本書卷三太宗紀作「蔚州節度使蕭特謀葛自殺」。
- 括里收餘衆趨東京 原脫「東」字。按本書卷六世宗紀,正隆六年「咸平府謀克括里攻陷韓州,

據咸平,將犯東京」。 此處下文亦有「世宗爲東京留守」拒之之語,知脫「東」字。 今據補

北京留守蕭賾不能制其下 卷八七統石烈志寧傳,「契丹撒八反,樞密使僕散忽土、北京留守蕭賾、西京留守 「賾」原作「頤」,按本書卷五海陵紀,正隆六年八月「癸亥,殺北京

蕭 懷忠皆以征討無功坐誅」。 卷九一蕭懷忠傳、「契丹撒八反,與樞密使僕散思恭、北京留守蕭

|賾 往討之」。 今據改。 留守蕭賾」。

- 二年正月 按本書卷六世宗紀,大定二年正月「庚寅,遣右副元帥完顏謀行率師討蕭窩斡」。
- 此「二年」上脫「大定」二字。
- 授眞總管 「眞總管」原作「眞定總管」,據文義删一「定」字。
- 及屯 統 和 間 Щ 州武平縣 更名武安州。 按本書卷二四地理志,北京路大定府武平縣注云:「遼築城杏堝,初名新州, 皇統三年降爲武安縣來屬,大定七年更名。」則此時當作「武安」。
- 列 贼 傳 四 百 第 餘騎突出 七 + 左翼伏兵之間 校 勘 記 「四百」原作「罟」。 按本書卷九二徒單克寧傳 記此事作 賊二

萬 [餘躡吾後,又以騎四百餘突出左翼伏兵之間,欲繞出陣後攻我, 克寧與善射二十餘人拒之」。

知「罟」爲「四百」之誤。今據改。

右驍騎副都指揮使烏延查剌爲驍騎萬戶 原脫「烏延查剌」四字。 按本書卷八七烏延查剌傳,

「世宗卽位,查劇謁見,充護衞,爲驍騎副都指揮使,領萬戶,擊窩斡」。 今據補。

右宣徽使宗亨爲北京路都統 原脫「宗」字。按本書卷七○宗亭傳,「大定二年授右宣徽使,未

幾爲西北路兵馬都統,以討契丹賊」。今據補。

以紇石烈志寧爲元帥右監軍右副元帥完顏謀衍元帥右監軍完顏福壽召還京師 原脱「右副元

帥完顏謀衍元帥」十字。按本書卷六世宗紀,大定二年五月「己亥,以臨海軍節度使紀石烈志寧

爲元帥右監軍。 右副元帥完顏謀衍、元帥右監軍完顏福壽坐逗留,召還京師,皆罷之」。

據補。

二吾 以兵五千往會燕子城舊戍軍 「五千」,本書卷七〇完顏思敬傳作「二千」。

復以 四萬衆與左翼軍戰 原脫「復」字、「左」作「右」。按此戰役又見本書卷七○宗亨傳、卷八六

烏延查剌傳、卷八七僕散忠義傳,皆謂查剌、宗亨、世傑爲左翼,宗敍等爲右翼,戰敗者爲左翼,

而救者爲右翼。今據改「右」爲「左」,并據文義補一「復」字。

紇石烈志寧以大軍追及于裊嶺西陷泉 「裊」原作「梟」。據殿本改。

[14] 詣右都監完顏思敬降 原脫「降」字。按本書卷八七僕散忠義傳記此事云,「稍合住與其黨執窩

斡,指完顏思敬降」。今據補。

金史卷一百三十四

列傳第七十二

西夏 上

用等破黃巢,復京師,賜姓李氏。唐末,天下大亂,藩鎭連兵,惟夏州未嘗爲唐患。歷五代 至宋,傳數世至元昊,始稱帝。遼人以公主下嫁李氏,世修朝貢不絕,事具遼史。 夏國王李乾順。其先曰托跋思恭,唐僖宗時,爲夏、綏、銀、宥節度使,與李茂貞、李克

和,其書曰:「奉詔有之:夏王,遼之自出,不渝終始,危難相救。 今茲已舉遼國,若能如事遼 婁室敗之于宜水,追至野谷,澗水暴至,漂沒者不可勝計。宗望至陰山,以便宜與夏國議 天輔六年,金破遼兵,遼主走陰山,夏將李良輔將兵三萬來救遼,次天德境野谷,斡魯、

列

傳

第七十二

外國

上

之日 遼之禮稱蕃,請受割賜之地。 以効職貢 ,當聽其來,毋致疑貳。 宗翰承制、割下寨以北、 若遼主至彼,可令執送。」天會二年,始奉誓表,以事 陰山以南、乙室耶刮部吐祿濼之西,

蕃籬,載惟含垢之恩,常切戴天之望。自今已後,凡於歲時朝賀、貢進表章、使人往復等事, 祖命與之通書,而宗翰以便宜割地議和云。 地鑒察,神明殛之,禍及子孫,不克享國。」所謂西北、西南兩路都統者宗翰也。 朝覲天闕,合經當國道路,亦不阻節。以上所敍數事,臣誓固此誠,傳嗣不變,苟或有渝,天 若大朝知其所在,以兵追捕,無敢爲地及依前援助。其或徵兵,即當依應。 啓端,曾犯威而結釁。 遼國 北 切永依臣事遼國舊例。其契丹昏主今不在臣境,至如奔竄到此,不復存泊,卽當執獻。 兩路都統遣左諫議大夫王介儒等齎牒奉宣,若夏國追悔前非,捕送遼主,立盟上表,仍依 舊制及賜誓詔,將來或有不虞,交相救援者。臣與遼國世通姻契,名係藩臣,輒爲援以 天會二年三月,[1]乾順遣把里公亮等來上誓表,曰:「臣乾順言:今月十五日,西南、西 旣速違天之咎,果罹敗績之憂。蒙降德音以寬前罪,仍賜土地用廣 至如殊方異域 蓋宗望以太

詔於夏國王乾順,先皇帝誕膺駿命,肇啓鴻圖,而卿國據夏臺,境連遼右,以効力於昏主,致 太宗使王阿海、楊天吉往賜誓詔曰:「維天會二年歲次甲辰,閏三月戊寅朔,皇帝賜誓

使 深 結 念前 聘禮 景於 王師。先皇帝以謂忠於所事、務施恩而釋過。 節 非 ,樂從內附,飭使軺而 相 爲援助等事,一切恭依先朝制詔。 :奉貢,効臣節以 稱藩。 其依應徵兵,所請宜允。三辰在上,朕豈食 載錫 **迨眇躬之纂紹,仰遺訓以遵行,卿乃** 寵光,用彰復好,所有割賜地土、

苟或變渝,亦如

卵誓。

遠垂戒諭,毋替厥誠。」

乃畫 雲內, 路 會州 國 曰:「省所 威 奏付權 邊寨 於是 陝西分界,自麟 初 自 以以 此 都統 過九 上表,具悉,已命西南、西北兩路都統府從宜定奪。」是時,宗翰朝京師未還,錄夏 為界。 Щ 宋人與夏人俱受山西地,宋人侵取之,乾順遣使表謝賜誓詔、幷論宋所侵地。 直 西 匪黄河, 星 斡魯,宋人侵略新受疆土、及使人王阿海爭儀物事,與夏通問以便宜 九州 原至 與宋 府路洛陽溝東距黃河西岸、西歷暖泉堡,鄜延路米脂谷至累勝寨、環慶 委布谷口, 依見今流行分熙河路盡 人,而天德遠在一隅,緩急不可及,割以 涇原路威川 寨 西邊以限封域。〔三復分陝西北鄙 略古蕭關至北谷川,三 與夏。 秦鳳路通懷堡至古 後破 宋 都 以易天德、 決之。 獲二帝, 詔

使使議 之,乃知 及婁室定陝西, 事 爲夏 主 婁室。 將李遇 婁室 取威戎 婆盧火率兵先 報曰:「元帥府約束,若兵近夏境,則與夏人相爲掎 也,乃還其 取威戎城。 人 而 與李遇 軍至 通 一威戎 問。 東與敵遇,擊走之,生致二人,問 李 遇 軍威戎 西,蒲察軍威戎東,而 角 册 相 侵犯。

以河

列

傳

第

七

+

外

戜

Ŀ

二八六八

李遇使人來曰:「夏國旣以天德、雲內歸大國,大國許我陝西北鄙之地,是以至此。」 蕭察等 遂旋軍。

睿宗旣定陝西,元帥府不欲以陝西北鄙與

夏國,詔曰:「卿等審處所宜從事

天眷二年,國王乾順薨,子仁孝立,遣使册命,加開府儀同三司上柱國。 皇統元年,請

置権場,許之。

能決,於是始起立受焉。厥後不遺賜生日使,至是始遺使賜之。 甥舅也,故國王坐受,使者以禮進。今大金與夏國君臣也,見大國使者當如儀。」爭數日不 初,王阿海等以太宗誓詔賜夏國,乾順以契丹舊儀見使者,阿海不肯曰:「契丹與夏國

上,夏人問曰:「聖德皇帝何爲見廢。」不肯納。朝廷乃使有司以廢立之故移文報之。 再定陝西,洧思歸,夏人知之,遂族洧,以表聞,詔書責讓之。及海陵弑熙宗,遣使報諭至境 二年七月,夏使御史中丞雜辣公濟等來賀,如舊禮。 初,慕洧以環州降,及割陝西、河南與宋人,洧奔夏國,夏人以爲山訛首領。 及撒离喝

月甲申,夏遣其武功大夫紐臥文忠等賀萬春節,至入見,附狀奏告,略曰:「衆軍破蕩之時, 究陝西利害。四邊東奏,夏人已歸城寨,而所侵掠人口財畜尚未還,請索之。 境 • 世宗卽位,夏人復以城寨來歸,且乞兵復宋侵地,詔書嘉獎,仍遣吏部郎中完顏達吉體 正隆末伐宋,宋人入溱、隴,夏亦乘隙攻取盪羌、通峽、九羊、會川等城寨,宋亦侵入夏 大定四年二

勤 幸 前 動,士卒暴露,勢皆朘削。 **免者十無一二,繼以凍餒死亡,其存幾何。** 又坐爲宋人牽制,使忠誠之節無繇自達,中外咸知,願止約理 兼夏國與宋兵交,人畜之被俘修亦多,連歲

索,聽納臣言,不勝下國之幸。」其後屢以爲請,詔許之。

昌祖 上曰:「得敬自有定分,附表禮物皆不可受。」並却之。 可療,則勿治。 等以仁孝章乞良醫爲得敬治疾,詔保全郎王師道佩銀牌往焉。 久之,其臣任得敬專國政,欲分割夏國。 如可治,期一月歸。」得敬疾有瘳,遣謝恩使任得聰來,得敬亦附表進禮物, 因賀大定八年正旦,遣奏告使殿前太尉芭里 韶師道曰:「如病勢不

敬, 於 也 不 國 稱 未 爾 藩 如 自 躬 誣 乃 歲 初 因 知措· 爲 殺宗親大臣,其勢漸逼, 却 **人,一旦迫於賊臣,朕爲四海主,寧容此邪?** ,仁孝嗣位,其臣屢作亂,任得敬抗禦有功,遂相夏國二十餘年,陰蓄異志,欲圖夏 而 恩厚 國 其貢 許之。」上曰:「有 意 之由 方, 且 物, 上表爲得敬求封。 賜仁孝 來 年 ,續當 垂三紀、藩 韶曰:「自我 國之主豈肯無故分國 遣使以詢爾。 臣之禮旣務踐修,先業所傳亦當固守。 仁孝不能制。 世宗以問宰相,尚書令李石等曰:「事繫彼 國家戡定中原,懷柔西土,始則 所有貢物,已令發回。」 大定十年,乃分西南路及靈州囉龐嶺地與得 與人,此必權臣逼奪,非夏王本意。 若彼不能自正,則當 書疆 以兵誅之,不可許 今茲請 於乃父,繼 國、我 命 何預焉, 況夏 事頗靡 而 錫 國 命

嘗試世宗,旣不可行,而求封又不可得,仁孝乃謀誅之。八月晦,仁孝誅得敬及其黨與,上 虧禮節。今旣賊臣誅訖,大朝不用遣使詢問。得敬所分之地與大朝熙秦路接境,恐自分地 建,蒙詔書不爲兪納,此朝廷憐愛之恩,夏國不勝感戴。夏國妄煩朝廷,冒求賊臣封建,深 表謝,幷以所執宋人及蠟丸書來上。其謝表曰:「得敬初受分土之後,曾遣使赴大朝代求封 以來別有生事,已根勘禁約,乞朝廷亦行禁約。」 得敬密通宋人求助,宋以蠟丸書答得敬,夏人得之。得敬始因求醫附表進禮物,欲以

十二年,上謂宰臣曰:「夏國以珠玉易我絲帛,是以無用易我有用也。」乃減罷保安、 蘭

州権場。公

仁孝再以表上曰:「所進帳本非珍異,使人亦已到邊,若不蒙包納,則下國深誠無所展效,四 方鄰國以爲夏國不預大朝眷愛之數,將何所安。」乃許與正旦使同來。 仁孝深念世宗恩厚,十七年,獻本國所造百頭帳,上曰:「夏國貢獻自有方物,可却之。」

已。仁孝表請復置蘭州、保安、綏德権場如舊,幷乞使人入界相易用物。詔曰:「保安、蘭州 來,恐爲邊患。使人入境與富商相易,亦可禁止。」於是,復罷綏德権場,止存東勝、環州而 地無絲枲,惟經德建關市以通貨財。使副往來,聽留都亭貿易。」章宗即位,詔曰:「夏使舘 先是,尚書奏:[4]「夏國與陝西邊民私相越境,盗竊財畜,姦人託名権場貿易,得以往

內貿易且已。」明昌二年,復舊。

官吳明契、信陵都、卜祥、徐餘立等伏兵三千於澗中,阿魯帶口中流矢而死,取其弓甲而去。 詔索殺阿魯帶者,夏人處以徒刑,詔索之不已,夏人乃殺明契等。 頃之,夏人肆牧於鎭戎之境,邏卒逐之,夏人執邏卒而去。邊將阿魯帶率兵詰之,夏廂

病 月,仁孝弟仁友子安全,廢純佑自立,再閱月死于廢所。七月,使純佑母羅氏爲表,言純佑 以許所祈之意,乃賜羅氏詔詢其意,夏人復以羅氏表來,乃封安全爲夏國王。 不能嗣守,與大臣定議立安全爲王,遣使奏告。夏使私問館伴官:「奏告事詔許否。」館伴官 曰:「此不當問也。」夏使曰:「明日當問諸客省,若又不答,則升殿奏請。」上聞之,使客省諭 風求醫,只認太醫判官時德元及王利貞往,仍賜御藥。八月,再賜醫藥。泰和六年三 明昌四年,仁孝薨,子純佑嗣立。承安二年,復置蘭州、保安権場。承安五年,純佑母

月,衞紹王無實錄,不知其故。然是時金兵敗績于會河堡,夏人乘其兵敗侵略邊境,而通使 大安三年,安全薨,族子遵頊立。遵頊先以狀元及第,充大都督府主,立在安全薨前一

如故。

列傅

第七

+ =

外

國上

單 醜兒擊走之。 十二月,陷涇州。[f] 二年八月,歸國人喬成齎夏國書,大概言金邊吏侵 |崇慶元年三月,攻葭州。 至寧元年六月,攻保安州。貞祐元年十一月,攻會州,都統徒

乃止。未幾,夏人攻慶原、延安、積石州,乃詔有司移文責問。 略,乞禁戢。詔移文答之,宰臣言「旣非公牒,今將責問,彼必飾詞,徒爲虛文,無益于事」。

州,江山刺史烏古論延壽敗之于境上。 兵攻積石州,都統姜伯通敗之。夏兵入安鄉關,都統曹記僧、萬戶忽三十却之。二月,攻環 宣宗曰:「此不足慮,恐由他道入也。」旣而聞邊吏侵夏境,夏人乃攻環州,詔治邊吏罪。夏 十一月,蘭州譯人程陳僧結夏人以州叛,邊將敗其兵三千。三年正月,夏兵攻武延川,

皆遁去,遽還巢穴,蓋爲我備也。今蘭州潰兵猶未集,軍實多不完,沿邊地寒,春草始生,未 可芻牧,兩界無煙火者三百餘里,不宜輕舉。」從之。 三月,詔議伐夏,曰〕陝西宣撫司奏:「往者,夏人侵我環、慶,河、爤、積石以兵應之,悉

洮,總管陀滿胡土門不能禦,陝西宣撫副使完顏胡失來救臨洮,大敗于渭源堡,城破,胡失 關堡。夏人復攻第五將城,萬戶楊再興擊走之。詔陝西宣撫司及沿邊諸將,降空名宣勅, 來被執。十一月,夏兵敗于克戎寨,復敗于熟羊寨,宰相入賀,宣宗曰:「此忠賢之力也。」夏 臨陣立功,五品以下並聽遷授。十月,攻保安及延安,都統完顏國家奴破之。旣而深入臨 兵進圍臨洮,陀滿胡土門破之。四年四月,夏葩俄族總管汪三郎率衆來降,進羊千口,詔納 四月,詔河州提控曹記僧、通遠軍節度使完顏狗兒討程陳僧,夏人援之。九月,遂破西

之,優給其直。 來遠鎭獲諜人、言宋、夏相結來攻、詔陝西行省備之。

牒 夏兵于結耶觜川,復破之于車兒堡。十一月,提控石盞合喜、楊斡烈解定西之圍 阿彌灣,殺其將士百餘人。八月,左監軍烏古論慶壽敗夏兵于安塞堡。日三右都監賽不擊走 城,尚恐詐我,勿墮其計中也。」提控完顏狗兒抵蘭州西關堡,招得舊部曲九人,掩擊夏兵于 **其軍,令慶山奴出第三將懷安寨,環州刺史完顏胡魯出環州,宣宗曰:「聞夏人移軍備其王** 報用彼國光定年號,詔封還其牒。 夏於來羌城界河起折橋,元帥右都監完顏賽不焚之,斬馘甚衆。六月,鄜延路奏,夏人 閏月,慶陽總管慶山奴伐夏,出環州,陝西行省請中分

宥、夏州、慶陽總管慶山奴、知平涼府移刺荅不也攻威、靈、安、**會等州**。 十二月丙寅,宣宗與皇太子議伐夏,左監軍陀滿胡土門、延安總管古里甲石倫攻鹽、

萬五千,付陀滿胡土門伐夏。鼎馳奏不可,遂止,語在鼎傳。右都監完顏仲元請試兵西夏, 出其不意必獲全勝,兵威旣振,國力益完。詔下尚書省、樞密院議 興定元年正月,夏兵三萬自寧州還,慶山奴以兵邀擊,敗之。詔河東行省胥鼎選兵三

夏人福山以俘戶來降,除同知澤州軍州事。

延安,奏曰:「夏國決不肯和,徒見欺耳。」旣而,獲諜者言,遵頂聞大金將約和,戒諭將士無 五月,夏兵入大北岔,都統紇石烈猪狗掩擊,敗之。宣宗欲與夏議和,右都監慶山奴屯

外國上

傅第七十二

四鄙。 宰臣奏曰:「就令如此,邊備亦不宜弛。」宣宗以爲然。

軍,合擊走之。八月,安定堡馬家平總押李公直敗夏兵三千。九月,都統羅世暉却夏兵于 克戎寨。 夾谷瑞夜斫夏營,遂解其圍,猶駐近地,左都監白撒發定西銳兵、竈谷副統包孝成緋翮翅 右都 問完顏間山敗夏兵于黃鶴岔。夏人圍羊狠寨,都統党世昌與戰,完顏狗兒遣都統

以尋舊盟。以臣觀之,此出於遵頂,非邊吏所敢專者。」朝廷不以爲然。 興定二年三月,右都監慶山奴奏:「夏人有乞和意,保安、綏德、葭州得文報,乞復互市,

出安寨堡至隆州,敗其兵二千。進攻隆州,克其西南,會暮乃還。十二月,詔有司移文 三年閏月,夏人破通秦寨,提控納合買住擊敗之,自葭蘆川遁去。 五月,夏人入葭州,慶山奴破之于馬吉峰。 七月、犯龕谷、夾谷瑞、趙防敗之、追至質孤 華州元帥完顏合達

元帥 邊,元帥石盞合喜遇于鹿兒原,提控烏古論世顯以偏師敗之,都統王定復破其衆于 獲雜畜三千餘。八月,夏人陷會州,刺史烏古論世顯降,復犯龕谷,夾谷瑞連戰敗之,夏人 慶山 四年二月,夏人犯鎭戎,金師敗績,夏人公移語不遜,詔詞臣草牒折之。 一奴攻宥州,圍神堆府,穴其城,士卒有登者,援兵至,擊走之,斬首二千,俘 四月,夏兵犯 百餘人, 新泉城。

乃去。是月,詔有司移文議和,事竟不克。

月,夏人圍綏平寨、安定堡,未幾,陷西寧州,遂攻定西,烏古論長壽擊却之。 夏 人三萬自高峰鎭圍定西,刺史愛申阿失剌、提控烏古論長壽、溫敦永昌擊走之。 乃襲鞏州,石 九

盞合喜逆戰,一日十餘戰,乃解去。

城,復取之。 二月,入質孤堡,口巴提控唐括昉敗之。 兵于搜嵬堡。三月,復取來羌城。十月,攻龕谷,白撒連敗之。 要以待之。 五年正月,詔樞密院議夏事,奏曰:「夏人聚兵境上,欲由會州入,已遣行省白撒伏兵險 鄜延元帥府伺便發兵以綴其後,足以無慮。」二月,寧遠軍節度使 三月、提控李師林敗夏兵于永木嶺。 八月,攻寧安寨, 元光元年正月,夏 `十月,攻神林堡,(三十 夾谷海 人陷大通 壽 破

頭怒,幽之<u>靈州,</u>遣人代將,會天旱不果。 「是非爾所 二年, 知也。彼失<u>蘭州</u>竟不能復,何强之有。」德任固諫不從,乞避太子位,願爲僧。 遵頭使其太子德任來伐,德任諫曰:「彼兵勢尙强,不若與之約和。」遵頭 笑 遵

是歲,大元兵問罪夏國,延安、慶原元帥府欲乘夏人之困弊伐之,陝西行省白撒、

以爲不可,乃止。

隴 安軍 節度 使完顏 別 , 隣日 與將士宴飲,不治軍事,夏人乘之,掠民五千餘口、牛羊雜畜

二八七五

列

傅

第

七

數萬而去。

自天會議和,八十餘年與夏人未嘗有兵革之事。 及貞祐之初,小有侵掠,以至搆難十

年不解,一勝一負精銳皆盡,而兩國俱弊。

是歲 ,遵頭傳位於子德旺。 正大元年,和議成,自稱兄弟之國。

三年二月,遵頊死,七月,德旺死,嗣立者史失其名。 明年,夏國亡。

本申州 夏國降戶。 先是,夏使精方匭匣使王立之來聘,未復命國已亡,詔於京兆安置,充宣差彈壓,主管 人,乞不仕,居申州。 八年五月,立之妻子三十餘口至環州,詔以歸立之,賜以幣帛。 詔如所請,以本官居申州,主管唐、鄧、申、裕等處夏國降戶,聽 立之上言,先世

唐、鄧總帥府節制,給上田千畝、牛具農作云。

氏。 賜姓李氏, 按唐書党項八部有托跋部,自党項入居銀、夏之間者號平夏部。 贊曰: 夏之立國舊矣,其臣羅世昌譜敍世次稱,元魏衰微,居松州者因以舊姓爲托跋 兄弟相繼爲節度使,居夏州,在河南。 繼遷再立國,元昊始大,乃北渡河,城興州 托跋思恭以破黃巢功

其地初有夏、綏、銀、宥、靈、鹽等州,其後遂取武威、張掖、酒泉、燉煌郡地,南界橫山,

而

都之。

廣莫,民俗强梗尙氣,重然諾,敢戰鬭。 東距西河,土宜三種,善水草,宜畜牧,所謂凉州畜牧甲天下者是也。 自漢、唐以水利積穀食邊兵、興州有漢、唐二渠、甘、 土堅腴,水清冽,風氣

凉亦各有灌溉,土境雖小,能以富强,地勢然也。

往皆臆度言之。聖神有作,天下會于一,驛道往來視爲東西州矣。 抗衡遼、金、宋三國,偭鄉無常,視三國之勢强弱以爲異同焉。 有鼓吹之遺音焉。然能崇尚儒術,尊孔子以帝號,其文章辭命有可觀者。 五代之際,朝興夕替,制度禮樂盪爲灰燼,唐節度使有鼓吹,故夏國聲樂淸厲頓挫,猶 。故近代學者記西北地理,往 立國二百餘年,

校勘記

天會二年三月 紀,天會二年三月「辛未,夏國王李乾順遣使上誓表」。又卷六〇交聘表亦載「三月,夏使把里公 原脫「三月」二字、則下文「今月十五日」之「今月」上無所承。 按本書卷三太宗

涇原路威川寨略古蕭關至北谷川 原脫「路」字。按本書卷二六地理志記此事作「涇原路威川

寨」。今據補。

亮來上誓表」。今據補。

依見今流行分熙河路盡西邊以限封域 「西」原作「四」。按本書卷二六班理志記此事作「依見

流分熙河路盡西邊」。今據改。

- 仍遣吏部郞中完顏達吉體究陝西利害 宗時人,曾任深州刺史、陝西安撫使等職。見本書卷一一三完顏賽不傳。與此年代不合。卷六 「完顏達吉」原作「完顏達吉不」。按完顏達吉不是宣
- 一交聘表,大定二年「十二月辛未,以夏乞兵復宋侵地,遣尚書吏部郎中完顏達吉體究陝西利

害」。今據改。

- 五 夏遣其武功大夫紐臥文忠等賀萬春節 丙戌朔,夏武功大夫紐臥文忠賀萬春節」。 「紐」原作「細」。按本書卷六一変聘表,大定四年「三月 今據改。
- ハベリ 志権場· 乃減罷保安蘭州権場 亦屢敍蘭州、保安、綏德諸権場,是「蘭安」顯係「蘭州」之誤。今據改。 「州」原作「安」。 按下文數見蘭州、保安、綏德権場。又本書卷五〇食貨
- [P] 先是尚書奏 據文義「書」下當脫「省」字。
- 承安五年純祐母病風求醫 節大夫連都敦信賀正旦,附奏爲母疾求醫,詔遣太醫時德元、王利貞往診治」。 「五」原作「六」。按本書卷六二交聘表,承安五年正月「戊子」夏武 今據改。
- 十二月陷涇州 按或是「鞏州」之誤。 參見本書卷六二交聘表校記口引。
- 二月攻環州 壽及斜卯毛良虎等敗夏人于州境」。今據改。 「二」原作「三」。按本書卷一四宣宗紀,貞祐三年二月「辛卯,環州刺史鳥古論延

- 三月詔議伐夏 按本書卷一四宣宗紀作貞祐三年五月「戊子、謀伐西夏」。
- 左監軍烏古論慶壽敗夏兵于安塞堡「安塞堡」原作「寇安堡」。按本書卷一四宣宗紀, 年八月,「夏人入安塞堡,元帥左監軍烏古論慶壽遣軍敗之」。卷一〇一烏古論慶壽傳,「貞祐四 貞祐四
- 十月攻神林堡 年,遷元帥右監軍,敗夏人于安塞堡」。今據改。 原脫「十月」二字。按本書卷一六宣宗紀,元光元年冬十月「丁丑,夏人掠德順

之神林堡」。今據補。

十二月入質孤堡 原脱「十二月」三字。按本書卷一六宣宗紀, 元光元年十二月「己丑, 蘭州提 控唐括昉敗夏人于質孤堡」。今據補。

金史卷一百三十五

列傳第七十三

外國下

高麗

高麗國王,王楷。 其地,鴨綠江以東,曷懶路以南,東南皆至于海。 自遼時, 歲時遺使

修貢,事具遼史。

者外矣。及金滅遼,高麗以事遼舊禮稱臣于金。 黑水靺鞨居古肅愼地,有山曰白山,蓋長白山,金國之所起焉。女直雖舊屬高麗,不復相通 海,姓大氏,有文物禮樂。至唐末稍衰,自後不復有聞。金伐遼,渤海來歸,蓋其遺裔也。 唐初、靺鞨有栗末、黑水兩部、皆臣屬于高麗。唐滅高麗,栗末保東牟山漸彊大,號渤

列傅第七十三 外國下

穆宗 高麗 國。」醫者曰:「諾。」其人疾果愈,穆宗乃以初約歸之。 而,胡石來來歸,遂率乙離骨嶺東諸部皆內附 人,女直 之兩間 時戚屬 初 有醫者善治疾,本高麗人,不知其始自何而來,亦不著其姓名,居女直之完顏部 · 豫宗使族人叟阿招之,因使叟阿送醫者,歸之高麗境上。 醫者歸至高麗,因謂 有疾,此醫者診視之,穆宗謂醫者曰:「汝能使此人病愈,則吾遣人送汝歸汝鄉 |居黑水部者部族日强,兵益精悍,年榖屢稔。 乙離骨嶺僕散部胡石來勃堇居高麗、 高麗王聞之,乃通使于女直。

亦使使來賀。 麗,謂高麗王曰:「前此爲亂於汝鄙者,皆此輩也。」及破蕭海里,使斡魯罕往高麗報捷,高麗 矣。」乃以一大銀盤爲 穆宗十年癸未,阿踈自遼使其徒達紀來說曷懶甸人,曷懶甸人執之。 未幾, 復使斜萬與斡魯罕往聘,高麗王曰:「斜萬,女直之族弟也,其禮 謝。 穆宗以達紀 送高 有加

往,高麗執治刺保等,而遣盃魯曰:「無與爾事。」於是,五水之民皆附於高麗,團練使陷者十 高麗 嗣,遺石適歡以星顯統門之兵往至乙離骨嶺,益募兵趨活涅水, 斜葛在高麗及往來曷懶道中,具知其事,遂使石適歡往納曷懶甸 使人來告曰:「事有當議者。」曷懶 厥後,曷懶甸諸部盡欲來附,高麗聞 甸官屬使斜勒詳穩、治刺保詳穩往,石適歡亦使盃魯 之不欲使來附,恐近於己而 徇地曷懶甸, 人。 不利也, 未行而 穆宗沒,康宗 收叛亡七城 使人邀止之。

其嘗陰與高麗往來爲亂階者,卽正其罪,餘無所問。康宗以爲能。 訟,每一事輒至枝蔓,民頗苦之。康宗召斜葛還,而遣石適歡往。石適歡立幕府于三潺水, 之,遣使來請和。遂使斜葛經正疆界,至乙離骨水、曷懶甸活禰水,留之兩月。斜葛不能聽 麗王曰:「告邊釁者皆官屬祥丹、傍都里、昔畢罕輩也。」十四團練、六路使人在高麗者,皆歸 麗復來攻,石適歡以五百人禦於關登水,復大破之,追入關登水,逐其殘衆踰境。於是,高 二年甲申,高麗來攻,石適歡大破之,殺獲甚衆,追入其境,焚略其戍守而還。 四月,高

康宗畋于馬紀嶺乙隻村以待之。阿聒、勝昆至境上,高麗遣人殺之,而出兵曷懶甸,築九 麗許之,曰:「使使至境上受之。」康宗以爲信然,使完顏部阿聒、烏林荅部勝昆往境上受之。 四年丙戌,高麗使使黑歡方石來賀嗣位,康宗使盃魯報聘,且尋前約,取亡命之民。高

入之民,罷九城之戍,復所侵故地,遂與之和。 戰,斡塞敗之,進圍其城。七月,高麗復請和,康宗曰:「事若酌中,則與之和。」高麗許歸亡 **甸,諸部皆非吾有也。」康宗以爲然,乃使斡塞將兵伐之,大破高麗兵。六月,高麗率衆來** 康宗歸、衆咸曰:「不可舉兵也,恐遼人將以罪我。」太祖獨曰:「若不舉兵,豈止失曷懶

攻開 州 騎 知果否,至則護送以來。 至是 未下,但守邊戍。 益之,詔撒喝曰:「汝領偏師,屢破重敵,多所俘獲,及聞胡沙數戰有功,朕甚嘉之。 州 ,命撒喝取之,[1] 外不下,撒喝請濟師,且言<u>高</u>麗王將遣使來。 太祖使納合鳥蠢以百 收 國 取之、盡降保州諸部女直。太祖以撒喝爲保州路都統 元年九月,太祖已克黃龍府,命加古撒喝攻保州。 吾已克黃龍府,聞遼主且至,俟破大敵復益汝兵。 邊境之事,愼之毋忽。」十一月,係遼女直麻懣太彎等十五人皆降, 保州近高麗,遼侵高麗置保州 所言高麗遣使事,未 若保

麗國 輒往 下。 二年閏月, 了但謹守邊戍。」及撒喝、阿實齊等攻保州,遼守將遁去,而高麗兵已在城中。 王 韶撒喝、 且浦 太祖已破走遼主軍,撒喝破合主、順化二城,復請濟師攻保州,使斡魯以甲士千人往。 使蒲馬請保州,詔諭 馬止 高麗遣使來賀捷,且曰:「保州本吾舊地,願以見還。」太祖謂使者曰:「爾其自取 烏蠢等曰:「若高麗來取保州,益以胡剌古、習顯等軍備之, 5三或欲合兵,無得 是口陳,俟有 表請,卽當別議。」 高麗王曰:「保州近爾邊境,聽爾自取,今乃勤我師徒,破敵城 旣而,高

北自上京,南至于海,其間京府州縣部族人民悉皆撫定。 天輔二年 十二月,詔諭高麗 國王曰:「朕始興師伐遼,已嘗布告,賴皇天助順,屢敗敵 今遣孛堇术孛報諭, 仍賜馬一

疋,至可領也。」

三年,高麗增築長城三尺,邊東發兵止之,弗從,報曰:「修補舊城。」曷懶甸孛堇胡剌

習顯以聞,詔曰:「毋得侵軼生事,但慎固營壘,廣布耳目而已。」

固封守,甚善。 高麗累世臣事于遼,或有交通,可常遣人偵伺。」 四年,咸州路都統司以兵分屯于保州、畢里圍二城、請益兵、詔曰:「汝等分列屯戍,以

使 習顯以獲遼國州郡諭高麗,其國方誅亂者,使謂習顯曰:「此與先父國王之書。」習顯

就館。 凡誅戮官僚七十餘人、即依舊禮接見、而以表來賀、幷貢方物。復以遼帝亡入夏國

報之

則整 都統 以 事遼之禮事我,而我國有新喪,遼主未獲,勿遽强之。」命高隨等還。天會二年,同知南路 爾 騰實荅奏,高麗納叛亡、增邊備,必有異圖。詔曰:「凡有通問,毋違常式。或來侵略, 高隨、斜野奉使高麗,至境上,接待之禮不遜,隨等不敢往,太宗曰:「高麗世臣於遼,當 行列與之從事。 敢先犯彼者,雖捷必罰。」詔闍母以甲士千人戍海島,以備之。

保州 邊戶。 盡 循 遼舊,仍 地賜之。」高伯淑至高麗,王楷附表謝,一依事遼舊制。八年,楷上表,乞兗索保州亡入 匹 是歲 年 ,國王王楷遣使奉表稱藩,優詔答之。 上使高伯淑、烏至忠使高麗,凡遣使往來當 ,高麗十人捕魚,大風飄其船抵海岸,曷蘇館人獲之,詔還其國。 取保州路及邊地人口在彼界者,須盡數發還。 勅伯淑曰:「若一一聽從,卽以 既而勗上表請

列傳

不索保州亡入高麗戶口,太宗從之,自是保州封域始定。

皇統二年,詔加楷開府儀同三司、上柱國。六年,楷薨,子晛嗣立。

別 境小小不虞,爾主使然邪,疆吏爲之邪?若果疆吏爲之,爾主亦當懲戒之也。」初,高麗使者 有 私進禮物以爲常,是歲萬春節,上以使者私進不應典禮,詔罷之。 大定四年, 鴨綠江堡戍頗被侵越焚毁。[三五年正月, 世宗因正旦使朝辭, 諭之曰: 「邊

請。」詔有司再詳問。 生 自 不可立之意。上疑之,以問宰執,丞相良弼奏曰:「此不可信。睍止一子,往年生孫,嘗有表 高麗告曰:「前王久病,昏耄不治,以母弟赔權攝國事。」上曰:「讓國大事也,何以不先陳 曰:「當詢 日 陳 一已讓位,不肯受使者。十一年三月,王晧以讓國來奏告,詔婆速路勿受,有司移文詳問。 克何異。」乃却其使者,而以詔書詳問王晛,吏部侍郎靖爲宣問王晛使。 使, 皓不轉達於, 明, 乃稱未敢奉受, 四也。是時篡兄誣請於天子, 安可忍也。」 右丞孟浩 生孫之喜,一也。皓嘗作亂,晛囚之,二也。今晛不遣使,皓乃遣使,三也。朝廷賜晛 十年,王晛弟翼陽公晧廢睍自立。十月,賜生日使、大宗正丞处至界上,高麗邊吏稱前 :彼國士民,果皆推服,卽當遣使封册。」上曰:「封一國之君詢於民衆,此與除拜猛 高麗乃以|王睍讓國表來,大略稱先臣|楷遺訓傳位於弟,又言其子有罪

皓實篡國、囚門於海島。 靖至高麗、 皓稱王明已避位出居他所、病加無損、不能就位拜

祈 槪 命 請 往 相 同 未 復 晚 險遠,非使者所宜往。 婧還、上問大臣、皆曰:「 也。」十二月,暗遣其禮部侍郎張翼 |靖竟不得見<u>眼</u>,乃以詔授<u></u>階,轉 如 此 ,可遂封之。」丞相 明等請封。 十二年三月,遂賜封册。 良弼 取晛表附奏, 、平章 政事守道 其言與 皓生日在 曰:「待皓 前 表

正

月

十

九

日,是歲十二月將盡,未及遣使,有司

清至來歲舉行焉。

執徐彦 援。 餰 賜 將 次 軍 回 謝 上曰:「王晧已 入 鄭 冲夫 朝 、賀正 等送高麗。 五. 年 高麗 八郎將 旦、進奉、萬春節等使,皆阻 李義方實弑之。 西京留守趙位寵 加 頃之,王皓定趙位 封册,位寵 輒 臣位寵請以慈悲嶺以西至鴨綠江 敢 叛皓,遣徐彦等九十六人上表曰:[四]「前王本非避讓,大 稱 寵之亂,遺使奏謝。 兵爲 不通,至是,皓幷奏之。 亂 且. 欲 納土,朕懷撫萬邦,豈助叛臣爲虐。」詔 自位寵之亂, 詔答其意, 四十餘城內屬,請兵助 皓所遣生日回 其合遺 人使令 .謝、横

從之。 使 玉耳,不必移 人 所 七年 坐 霏 ·, 賀 重 問。」 ,但令發還本國而 正 乃 日 禮物,玉帶乃石 止 十二月,有 已。 司 似玉者,有司 二十三年,皓母任氏 奏高 麗 下 節 請移問,上曰:「彼 押馬官順成 薨, 皓乞 見賜 生日 例 外將帶甲三 小 國無能 及賀謝等事,詔 一過界, 識者, 至 誤以 上 爲 以

章宗 卽 位 一。韶使至 界 上頗 稽滯,詔移問,高麗遜謝。 明昌三年,下節金挺 回 至平州撫寧

二八八七

列

傅

第

七

+

 \equiv

外

國下

頓之地巡護之。」上可其奏。詔自今接送伴使副,失關防者當坐。故事,賀正旦使十二月二 縣,毆死當驛人何添兒,有司請「凡人使往還,乞量設兵衞」。 參知政事張萬公曰:「可於宿

十九日入見,明昌六年十二月己卯立春,詔於前二日丁丑入見云。

泰和四年正月乙丑朔,高麗慊人以小佩刀割梨廡下巡廊,奉職見而糾之,詔館伴官自

今前期移文禁止。是歲,王晫薨,子韺嗣立。

夏、高麗使者皆在,有司奏:「大定初,宋未請和,夏、高麗使者賜曲宴,今請依大定故事。」詔 泰和七年正月,是時用兵伐宋,夏亦有故,獨高麗遣正旦使,詔不賜曲宴。及天壽節,

從之。

權用吉服迎詔,署表用權國事名銜。俟高麗告哀使至闕,然後遣使致祭、慰問及行封册。」 未起復,不可以凶服迎吉詔,又不可以草土名銜署表。」禮官議:「人臣不以私恩廢公義,宜 至寧元年八月,王祦薨,〔七〕嗣子未行起復。九月,宣宗即位,邊吏奏:「高麗牒稱,嗣子

奏:「可令行省受其表章,其朝貢之禮俟他日徐議。」宣宗以爲然,乃遣使撫諭高麗,終以道 明年,宣宗遷汴,遼東道路不通,興定三年,遼東行省奏高麗復有奉表朝貢之意,宰臣

路不通,未遑迎迓,詔行省且覊縻勿絕其好,然自是不復通問矣。

再見而已。 贊曰:金人本出靺鞨之附于高麗者,始通好爲鄰國,旣而爲君臣,貞祐以後道路不通, 入聖朝猶子孫相傳自爲治,故不復備論,論其與金事相涉者焉。

校勘記

僅

- 命撒喝取之 「喝」原作「合」。 按上下文皆作「撒喝」,今改成一律。
- 益以胡 刺古習顯等軍備之 「智」原作「石」。按下文有「曷懶甸孛堇胡剌占、習顯以聞」句,本書

卷二太組紀,亦云「天輔三年十一 月韶 胡刺古、習顯愼固營壘」。 皆作「習顯」。 **今據**

- 鴨綠江堡戍頗被侵越焚毁 「鴨」上 原 行「韶」字。 道光四年殿本已删,今從之。
- 24 麗 遣徐彦等九十六人上表 西京 留守趙位 龍遺徐彦等進表,欲以慈悲嶺以西、鴨綠江 「徐彦」下原衍「寧」字。 按本書卷六一 以東 交聘表, 內 附紹 不許 大定十五年「九月」高 高麗史卷 九

明宗世家、卷一〇〇趙位龍傳、記此事 亦作「徐彦」。 今據删「寧」字。 下 同

- · 35. 有司奏高 麗下節押馬官順成例外將帶 甲三 過界 「甲」原作「申」。 據殿本改
- ィ 承安二年 · 暗表 自陳衰病以國讓其弟晫晫權國事是歲晧廢晫嗣立 原作「三」、「廢」 原作

列 傳 第 七 + Ξ 校 勘 記

二八八九

八九〇

觀殿」。 按高麗史卷二一神宗世家,明宗二十七年九月「癸亥,崔忠獻廢明宗時,迎王晫即位于大 幷遣使如金獻晧表曰「染于病痾」,「於九月二十三日以弟鸣權守軍國事務」。 是年,當

<u>|金承安二年,非三年。又該書卷二○明宗世家敍王皓死於神宗五年,即金泰和二年,是此年被</u>

廢而未「薨」。 今據改。

(十) 忠獻廢熙宗, 卯,忠獻廢王麟遷于江華縣,奉漢南公貞立之」。又康宗世家,「封漢南公,改名貞,十二月癸卯, 至寧元年八月王祦薨 奉王于私第, 「禊」原作「韺」,按高麗史卷二一熙宗世家,七年金大安三年十二月「癸 即位於康安殿,改名禊」。又二年金至寧元年八月丁丑,「王薨」。今

據改。

金國語解

姓爲某,後魏孝文以來已有之矣。存諸篇終,以備考索。 可闕焉。若其臣僚之小字,或以賤,或以疾,猶有古人尙質之風,不可文也。 今文尚書辭多奇澀,蓋亦當世之方言也。 金史所載本國之語,得諸重譯,而可解者何 國姓爲某,漢

官稱

諳版勃極烈,官之尊且貴者。 都勃極烈,總治官名,猶漢云冢宰。

國論勃極烈,尊禮優崇得自由者。

胡魯勃極烈,統領官之稱。

移齊勃極烈,位第三日「移齊」。

阿買勃極烈,治城邑者。

乙室勃極烈,迎迓之官。

札失哈勃極烈,守官署之稱。

金國語解

昃勃極烈,陰陽之官。

迭勃極烈, 倅貳之職。

猛安,千夫長。 謀克,百夫長也。 諸乣「詳穩」,邊戍之官。

諸「移里菫」,部落墟砦之首領。

詳穩、移里堇,本遼語,金人因之而稍異同焉。

烏魯古,牧圉之官。 禿里,掌部落詞訟,察非違者。

斡里杂,官府治事之所。

人事

幸論出,胚胎之名。

阿胡迭,長子。 骨赧,季也。 蒲陽溫,曰幼子。

益都,次第之通稱。 第九曰「鳥也」。 十六日「女魯歡」。

按答海,客之通稱。

山只昆,舍人也。

散亦孛,奇男子。

撒答,老人之稱也。

撒合輦,黧黑之名。 什古乃, 瘠人。

保活里、侏儒。

阿徒罕,採薪之子。 阿里孫,貌不揚也。

答不也,耘田者。

阿土古,善採捕者。 阿里喜、圍獵也。

拔里速,角觝戲者。

阿离合懣,臂鷹鶻者。

胡魯剌,戶長。 阿合,人奴也。

盤里合、將指。

兀术、日頭。

粘罕,心也。

畏可,牙,又曰吾亦可。

金 國 語 解

三合,人之靨也。

牙吾塔,瘍瘡。

蒲剌都,目赤而盲也。

石哥里, 溲疾。

謾都謌,癡騃之謂。

謀良虎,無賴之名。〔三皆不美之稱也。

與人同受福曰「忽都」。 以力助人曰「阿息保」。

辭不失,酒醒也。

奴申,和睦之義。

訛出虎,寬容之名也。

賽里,安樂。

迪古乃,來也。

撒八,迅速之義。

烏古出,方言曰再休,猶言再不復也。 凡事之先者曰「石倫」。 以物與人已然曰「阿里白」。

吾里補,畜積之名。

習失,猶人云常川也。

凡市物已得曰「兀帶」,取以名子者,猶言貨取如物然也。

物象

兀典,明星。

阿鄰,山。 太神,高也。 山之上銳者曰「哈丹」。

坡陀曰「阿懶」。 大而峻曰「斜

魯」。

生鐵日「斡論」。 忒鄰,海也。 沙忽帶,舟也。 釜日「闍母」。

刃曰「斜烈」。

婆盧火者槌也。

金曰「桉春」。

銀术可、珠也。

布囊曰「蒲盧渾」。 盆曰「阿里虎」。 罐日「活女」。

烏烈,草廪也。

金 國語 解

アリッで終し

活臘胡,色之赤者也。

胡剌、竈突。

物類

桓端、松。 阿虎里、松子。 孰輦、蓮也。

活离罕,羔。 合喜,犬子。 訛古乃,犬之有文者。

斜哥,貂鼠。

蒲阿,山雞。 窩謀罕,鳥卵也。

姓氏

魚。回 日魯。 顔日 | 朱。 完顏,漢姓曰王。 移刺日劉。 斡准日趙。 蒲祭日李。 烏古論曰商。 斡勒日石。 阿典日雷。 顔盞 日張。 納剌曰康。 **乾石烈日高。**[3] 溫迪罕日溫。 阿里侃曰何。 夾谷曰仝。 溫敦日空。 石抹日蕭。 徒單曰杜。 裴滿曰麻 吾魯曰惠。 奥屯曰曹。 女奚烈日郎 尼忙古日 抹顏日 孛术魯 兀

校勘記 区里 金國語解終。 其後氏族或因人變易,難以偏舉,姑載其可知者云。 董。 孟。 紇石烈日高 定二 執中之經歷阿里不孫,卷一四宣宗紀,貞祐四年有右副元帥蒲察阿里不孫,卷一 阿里孫貌不揚也 蒲路虎。 尼忙古曰魚 無賴之名 古里甲日汪。 都烈曰强。 |年有遼東便宜阿里不孫等。疑「阿里孫」當作「阿里不孫」。 「無」原作「尤」。 「紇」原作「乞」。 按傳作「尼厖古」,如本書卷八六尼厖古鈔兀、卷九五尼厖古鑑、卷一二二尼厖古 按金人多以「阿里不孫」爲名者,如本書卷一二章宗紀,泰和六年有紇石烈 散答日縣。 據殿本改。 據殿本改。 呵不哈曰田。 烏林苔曰蔡。 僕散日林。 五宣宗紀, 术虎日

興

金

附錄

進金史表

開 . 府儀同三司、上柱國、錄軍國重事、中書右丞相、監修國史、領經筵事、提調太醫院廣

惠司事臣阿魯圖言:

朝, 而簡 竊惟 編 漢 載前代之事,國可 高 帝入關,任蕭何而收秦籍,唐太宗卽祚,命魏徵以作隋書。 滅史不 可滅, 善吾師惡亦吾師。 矧夫典故 之源流, 蓋曆數歸眞主之 章程之沿

革,不披往牒,曷蓄前聞。

覆敗 燎 吞四海之勢,而未有壹四海 而 論 而 德。 宣宗輕動,曷濟中興。 乘風,其得國也若置 維此金源,起於海裔,以滿萬之衆,橫行天下,不十年之久,專制域中。 非武元之英略,不足以開九帝之業,非大定之仁政,不足以固百年之基。 郵 之規,明昌能成一代之制,而亦能壞一代之法。 而傳令。及煟興於禮樂,乃煥有乎聲明。 迨夫|波郊多壘之秋,汝水飛煙之日,天人屬望,久有在矣,君臣 嘗循初 海陵無道 而汔終, 其用兵· 天 也 因 一,自 會 考 如 取 有 功 縱

守義,蓋足取焉。

平陸;戰<u>三</u>峯,乘大雪,遂定中原。 檄齊、魯,滅夏國以蹴秦、鞏,通宋人以偪河、淮。睿宗仁聖景襄皇帝冒萬險,出饒風,長驅 懲彼取遼之暴,容其涉河以遷。太宗英文皇帝席卷雲、朔,而徇地幷、營,囊括趙、代,而傳 勁卒擣居庸關,北拊其背,大軍出紫荆口,南鎰其吭。 指顧可成於雋功,操縱莫窺於廟算, 我太祖法天啓運聖武皇帝,以有名之師,而釋奕世之愾,以無敵之仁,而收兆民之心。

|金事於其後。是以纂修之命,見諸敷遺之謀,延祐申舉而未遑,天曆推行而弗竟。 燕地定都,撤武靈之舊址,遼陽建省,撫肅愼之故墟。于時張柔歸金史於其先,王鶚輯 太陽出而爝火熸,正音作而衆樂廢。爰及世祖聖德神功文武皇帝,恢弘至化,勞來遺

舊史闕,耆艾沒而新說訛,弗折衷於大朝,恐失眞於他日。 於是聖心獨斷,盛事力行,申命 載而朱鳳應,世皇毓聖質於乙亥,蚤一歲而黃河清。若此貞符,昭然成命。第以變故多而 都總裁,臣御史大夫帖睦爾達世、臣中書平章政事賀惟一、臣翰林學士承旨張起巖、臣翰林 臣阿魯圖以中書右丞相、臣別兒怯不花以中書左丞相領三史事,臣脫脫以前中書右丞相仍 治經史討論之務。念彼泰和以來之事蹟,涉我聖代初興之歲年。太祖受帝號於丙寅,先五 臣阿魯圖誠惶誠懼,頓首頓首,欽惟皇帝陛下緝熙聖學,紹述先猷,當邦家間暇之時,

學士歐陽玄、臣治書侍御史李好文、臣禮部尚書王沂、臣崇文太監楊宗瑞爲總裁官,臣江西 士費著、臣秘書監著作郎趙時敏、臣太常博士商企翁爲史官,集衆技以責成書,佇奏篇以覽 湖東道肅政廉訪使沙剌班、臣江西湖東道肅政廉訪副使王理、臣翰林待制伯顏、臣國子博

百三十七帙,隨表以聞,上塵天覽,無任慚愧戰汗屛營之至。 相國之忠。謹撰述本紀十九卷、志三十九卷、表四卷、列傳七十三卷、目錄二卷,裝潢成一

臣阿魯圖仰承隆委,俯竭微勞。紬石室之文,誠乏司馬遷之作,獻金鏡之錄,願據張

近監。

臣阿魯圖誠惶誠懼,頓首頓首謹言。

至正四年十一月 日開府儀同三司、上柱國、錄軍國重事、中書右丞相、監修國史、領

經筵事、提調太醫院廣惠司事臣阿魯圖上表

修史官員

領三史事

開府儀同三司、上柱國、錄軍國重事、中書右丞相、監修國史、領經筵事臣阿魯圖

開府儀同三司、上柱國、錄軍國重事、中書左丞相、領經筵事臣別兒怯不花

都總裁

開府儀同三司、上柱國、錄軍國重事、前中書右丞相、監修國史、領經筵事臣脫脫

總裁官

銀青榮祿大夫、御史大夫、知經筵事臣帖睦爾達世

光祿大夫、中書平章政事、知經筵事臣賀惟一

翰林學士、資善大夫、知制誥、同修國史臣歐陽玄 翰林學士承旨、榮祿大夫、知制誥、兼修國史臣張起巖

翰林侍講學士、中奉大夫、知制誥、同修國史、同知經筵事臣揭傒斯

嘉議大夫、治書侍御史臣李好文

正議大夫、崇文太監、檢校書籍事臣楊宗瑞

中大夫、禮部尚書臣王沂

纂修官

江西湖東道肅政廉訪使臣沙刺班

江西湖東道肅政廉訪副使臣王理

翰林待制、奉議大夫、兼國史院編修官臣伯顏

奉訓大夫、監察御史臣趙時敏

承務郎、太常博士臣商企翁奉訓大夫、國子博士臣費著

提調官

榮祿大夫、中書平章政事、知經筵事臣伯顏

榮祿大夫、中書右丞、知經筵事臣達世帖睦爾

資德大夫、中書左丞臣董守簡

中奉大夫、參議中書省事臣鎖南班

嘉議大夫、參議中書省事臣蠻子

亞 中 大 夫、 、參議 中書省 事 臣 丁元

奉議 大夫、右 司 鄎 中 臣 老 老

承德 郎、右司 郎 中臣 陳 思

中順 亞 大夫、左 大夫、左司 郎中 郎 中 臣 臣 量子 何 執 禮

中

司

奉訓 大夫、左司 員外. 郎臣 倉赤

奉訓 大夫、左司 都事臣 超公諒

通議 朝請 大夫、兵部尚書臣 大夫、吏部尚書臣 李獻 拜 住

正議 大夫、戶部尚書臣秦從 龍

朝散 正 議 大 大夫、禮 夫、工部尚書臣路希 部侍郎臣 靳 義

亚 中 大 夫、刑 部頭中臣 顧 恕

通 文林郎、翰林國史院都事臣趙中 議 大夫、僉太常禮 儀院 事 臣杜 秉彝

金史公文

欽依提調,疾早印造完備起解。」准此,本省咨委參知政事秦中奉、左右司都事徐槃承德,欽 平章、達世帖木兒右丞等奏:『去歲敎纂修遼、金、宋三代史書,卽目遼、金史書纂修了有,如 迷失、殿中撒馬、給事中也先不先等有來,阿魯禿右丞相、帖木兒塔失大夫、太平院使、伯顏 十三日,篤怜帖木兒怯薛第二日,沙嶺納鉢斡脫裏有時分,速古兒赤雅普化、云都赤撒迪里 依提調,及下江浙儒司委自提舉班惟志奉政校正字畫,杭州路委文資正官、首領官提調鋟 怎生奏呵,奉聖旨那般者。欽此,咨請欽依施行,仍令行省委自文資正官、首領官各一員, 今將這史書令江浙、江西二省開板,就彼有的學校錢內就用,疾早敎各印造一百部來呵。』 梓印造裝褙。 皇帝聖旨裏。江浙等處行中書省至正五年六月二十六日准中書省咨:「至正五年四月

都事

至正五年九月

日

金史公文

承務郎、江浙等處行中書省左右司都事臣馬黑麻

承德郎、江浙等處行中書省左右司都事臣徐槃

奉政大夫、江浙等處行中書省左右司員外郎臣鄭璠

奉訓 大夫、江浙等處行 中書省左右司 員 、外郎臣赫德介

奉直大夫、江浙等處行中書省左右司郎中臣崔敬

朝列大夫、江浙等處行中書省左右司郎中臣島刺沙

資德大夫、江浙等處行中書省參知政事臣沙班中奉大夫、江浙等處行中書省參知政事臣秦從德

資善大夫、江浙等處行中書省左丞臣李家奴

資政大夫、江浙等處行中書省右丞臣忽都不花

平章政事

榮祿大夫、江浙等處行中書省平章政事臣卜只兒

金紫 光 禄 大夫、江浙等處行中書省左丞相、領行宣政院事、提調江浙財賦、都總管府事

臣杂兒只

* 原無標題,今據底本此頁書口補。

